

www.BanglaBook.org

# মাস্কিম গোর্কি

## আমর ছেলেবেলা

www.BanglaBook.org



# আমার ছেলেবেলা

ম্যাক্সিম গোর্কি

*Bangla<sup>★</sup>  
Book.org*

দি বুক এম্প্রিয়ম লিমিটেড  
২২।১, কর্নওয়ালিস ট্রাট, কলিকাতা।

প্রচ্ছদ—নির্মল মজুমদার

প্রথম সংস্করণ

জ্যৈষ্ঠ—১৩৭২

*Bangla<sup>+</sup>  
Book.org*

দাম—৪/-

দি বুক এম্পরিয়ম লিঃ-এর পক্ষে প্রকাশক বীরেন্দ্রনাথ ঘোষ ২২১২, কর্নওয়ালিস স্ট্রীট,  
কলিকাতা। দি প্রিন্টিং হাউসের পক্ষে মুদ্রাকর পুলিনবিহারী সামন্ত  
৭০, আপার মায়কুলার রোড, কলিকাতা।

শ্রীযুক্ত প্রশান্তকুমার সিংহ

প্রীতিনিলায়েষু

**B**angla<sup>+</sup>  
Book.org

## মুখবন্ধ

আলেকসি ম্যাকসিমিচ পিয়েশকফ 'ম্যাক্সিম গোর্কি' এই ছদ্মনামে জগতে সুপরিচিত। পিয়েশকফের জীবন অতি দুঃখময়। তাই তিনি 'গোর্কি' এই উপাধি নিয়েছিলেন। জগতে আজ নূতন চিন্তাধারার আবির্ভাব হয়েছে এবং নূতন সভ্যতার উদয় হচ্ছে। গোর্কি তার অগ্রদূত। রুশ-সাহিত্যে লিও টলষ্টয়ের প্রভাব সব চেয়ে বেশি এ কথা যদি বলা চলে তবে গোর্কির প্রভাবও যে এ-যুগের বিশ্বসাহিত্যে ছড়িয়ে পড়েছে, এ কথা বললেও বেশি বলা হয় না। গোর্কি নিজে যেমন সমাজের নিম্নস্তর থেকে উন্নীত হয়ে পৃথিবীর সর্বকালের, সর্বশ্রেষ্ঠ সাহিত্যিকগণের মধ্যে সর্গোরবে নিজ বিশিষ্ট আসন সুপ্রতিষ্ঠিত করেছেন তেমনি তাঁর সাহিত্যেও প্রধান স্থান গ্রহণ করেছে নিম্নস্তরের, নিপীড়িত ও দুঃস্থ জনগণ। তিনি সত্যকে আহরণ করেছেন মানুষের দৈনন্দিন জীবন থেকে। গোর্কি যে-আত্মচরিত রচনা করেছেন তা অতি বিরাট এবং উপন্যাসের মতোই সরস ও কৌতুহলোদ্দীপক। তিনি এই গ্রন্থখানির নাম দিয়েছিলেন 'আমার ছেলেবেলা।' কি দুঃখময় ও প্রতিকূল পরিবেষ্টনীর মধ্যে যে তিনি পুষ্ট হয়েছেন তা বিদ্বেশহীন অন্তরে, সত্যকে কোথাও অণুমাত্র স্কুপ না করে লিপিবদ্ধ করে গেছেন; নিজকে কখনও অসাধারণ বলে প্রচার ও প্রতিষ্ঠার চেষ্টা করেন নি। গ্রন্থখানি পাঠকালে সাধারণ ব্যক্তিও অনুভব করবেন, গোর্কি যেন তাঁরই দুঃখময় জীবনের ঘটনাবলী পোচনীয় পরিবেষ্টনী ও তার মাঝে মাঝে উজ্জ্বল, মধুর মুহূর্তগুলিকে সরল, অনাড়ম্বর ভাষায় বর্ণনা করেছেন। অতিরঞ্জনের রঙ তাতে নেই।

আমি গ্রন্থখানি অবিকল অনুবাদের চেষ্টা করেছি। তবুও নানা ক্রটি রয়ে গেছে। মেসার্স বুক এম্পরিয়াম লিমিটেডের মতো বিশিষ্ট প্রকাশকের সাহায্য লাভ না করলে গ্রন্থখানির প্রকাশ অসম্ভব হতো। এজন্য তাঁদের প্রতি কৃতজ্ঞতা জ্ঞাপনে মনের সব কথা বলা হয় না। শিল্পী শ্রীযুক্ত নির্মল মজুমদারকেও সাধুবাদ দিই। কারণ তিনি প্রচ্ছদচিত্রখানি এঁকেছেন বড় দরদ দিয়ে।

গোবিন্দ রচনার অনুবাদ বলে গ্রন্থখানি পাঠকসমাজে সমাদৃত হলে কৃতার্থ হব।

কলিকাতা  
জ্যৈষ্ঠ ১৩৫২।

BanglaBook.org  
খগেন্দ্রনাথ মিত্র

# আমার ছেনেবেলা

## প্রথম পরিচ্ছেদ

একখানি অপরিষ্কার অঙ্গকার ঘর। তাব জানলাটির নিচে যেকোন আমার বাবা শাদা ও খুব লম্বা একটি পোশাক পরে শুয়ে ছিলেন। তার খালি পা দুখানিও আঙুলগুলি ছিল অদ্ভুতভাবে বেঁকিয়ে, হাত দুখানি ছিল বৃকের ওপব প্তির হয়ে, হাতের আঙুলগুলো ছিল বেকে ধার হাসিতরা চোখদুটি ছিল দুটি কালো তাম্রমুদ্রা দিয়ে চেপে ঝু করা। তাঁর অগাড় মুখখানি থেকে জীবনের আলো গিয়েছিল 'নেতে। তিনি যে-রকম বিশ্রী ভাবে দাঁতগুলো বার করে ছিলেন তাতে আমার ভয় করছিল।

আমার মা লাল রঙের একটি পেটিকোট মাত্র পরে হাঁটুগেড়ে বসে বাবার লম্বা নরম চুলগুলো কপাল থেকে ঘাড় অবধি চিরুনি দিয়ে আঁচড়ে দিচ্ছিলেন। এই চিরুনিখানা দিয়েই আমি তরমুজের শাঁস চাঁচতে ভালবাসতাম। তিনি খাটো ও ভাঙা গলায় অনর্গল কথা বলছিলেন। বোধ হচ্ছিল, বিরামহীন অশ্রুধারায় তাঁর কোণা চোখ দুটি নিশ্চয় ভেসে যাবে।

দিদিমা আমার হাত ধরে দাঁড়িয়ে ছিলেন। তাঁর মাথাটি ছিল গোল প্রকাণ্ড ও চোখ দুটি বড়, আর নাকটি স্পঞ্জের মতো। তাঁর গায়ের রঙ ছিল ময়লা, মনটি ছিল কেবল। তিনি মানুষটি ছিলেন আশ্চর্য রকমের কৌতুকময়ী। তিনিও অশ্রুবর্ষণ করছিলেন। তাঁর দুঃখ

আমার ছেলেবেলা

২

আমাব মায়ের দুঃখের সঙ্গে বেশ মিলে গিয়েছিল। তিনি কাঁপতে কাঁপতে বাবার দিকে আমাকে ঠেলে দিচ্ছিলেন। কিন্তু আমি ভয়ে অস্থির হয়ে তাঁর দেহের আড়ালে নুকোবার চেষ্টা করছিলাম। আমি আগে কখনো বয়স্কদের কাঁদতে দেখিনি। দিদিমা বারবার যা বলছিলেন আমি তা বুঝতে পারছিলাম না।

তিনি বলছিলেন, “বাবার কাছ থেকে বিদায় নাও। তুমি ওকে আর দেখতে পাবে না। ও অকালে মারা গেছে।”

আমারও খুঁ অগ্রহ হয়েছিল। প্রকৃতপক্ষে আমি তখন সপ্ত বিছানা থেকে উঠেছি পরিষ্কার মনে পড়ে, আমাব অগ্রহের প্রথম দিকে বাবা আমার বিছানাটির চারধারে আনন্দের সঙ্গে ধোরা-ফেরা করতেন। তারপর তিনি চঠাং অদৃশ্য হয়ে যান; তাঁর স্থান গ্রহণ করেন আমার দিদিমা। তিনি তখন ছিলেন আমার কাছে অপরিচিত।

আমি তাকে জিজ্ঞেস করি, “তুমি কোথা থেকে এসেছ?”

তিনি উত্তর দেন, “সেই ওপর থেকে, নিজ্জনি থেকে। কিন্তু আমি এখানে হেঁটে আসিনি। ঈশাবে এসেছি। কেউ জলের ওপর হাঁটে না বুঝলে ক্ষুদে ভূত?”

তাঁর কথাগুলি আমার কাছে ঠেকল অদ্ভুত, দুবোধ্য, অলৌক। কেননা বাড়িটার ওপর-তলায় থাকতো এক দাড়িওয়ালা জয়কালো ইরানি, আর নিচ-তলায় মাটির নিচের কুঠুরিটাতে ছিল হুন্দে-রঙের এক বুড়ো কালমুক। সে ভেড়ার চামড়া বেচতো। সিঁড়ির রেলিং বেয়ে উঠলেই ওপরে গিয়ে পৌছনো যেত। আর তাঁর ওপর থেকে পড়ে গেলে গড়াতে গড়াতে যেতে হত সেই নিচের দিকে! আমি অভিজ্ঞতার ফলে এটা জানতে পেরেছিলাম। কিন্তু ওখানে জল কোথায়? তাঁর কথাগুলো ভারী মস্তুর বোধ হল।

জিজ্ঞেস করলাম, “আমি ক্ষুদে ভূত কেন?”



তিনি হেসে উত্তর দিলেন, “কেন ? তুমি এত গোলমাল কর বলে।”

তিনি কথাগুলি বললেন মিষ্ট করে, আনন্দে, স্নমধুর স্বরে ; এবং সেই প্রথম দিন থেকেই আমি তাঁর সঙ্গে সখ্য স্থাপন করলাম। আমি তখন মনে মনে কামনা করতে লাগলাম, তিনি যেন আমাকে তাড়াতাড়ি সে-ধর থেকে বার করে নিয়ে যান।

মা আমাকে জড়িয়ে ধরলেন। তাঁর চোখের জল ও কান্নার শব্দ আমার মনে এক বিচিত্র অশান্তি এনে দিল। সেই প্রথম আমি তাঁকে সেই অবস্থায় দেখলাম। তাকে বরাবর দেখেছি কঠোর, স্বল্পভাষী, পবিত্কার-পরিচ্ছন্ন, উজ্জ্বল। তাঁর দেহটি ছিল অখের মতো মজবুত। শক্তি ছিল প্রায় অশ্বরের মতো। হাত দুখানি ছিগ ভীষণ বলিষ্ঠ। কিন্তু এখন তাঁর সেই দৃঢ়তা আর ছিল না ; তিনি ধরধর করে কাঁপছিলেন, এবং হয়ে পড়েছিলেন একেবারে অসহায়। মাথার চুলগুলি দিয়ে বেণী রচনা করে তিনি মাথার চারধারে অতি পরিপাটি কবে জড়িয়ে রাখতেন। তার ওপর পরতেন প্রকাণ্ড সূন্দর একটি টুপি। কিন্তু চুলগুলি এখন ধসে পড়েছিল তাঁর খোলা কাঁধ ও মুখের ওপরে। তবে তখনও ছিল বেণী বাঁধা। সেই অংশটি বাবার স্মৃষ্ণ মুখের ওপর লুটোচ্ছিল। আমি অনেকক্ষণ ধরে সেই ঘরে থাকলেও না একবারও আমার দিকে তাকান নি। অশ্রু-অবরুদ্ধ হয়ে ফুলে ফুলে কাঁদতে কাঁদতে বাবার চুলগুলি আঁচড়ে দেওয়া ছাড়া আর কিছু করতেও পারছিলেন না।

একটু পরেই কয়েকজন কবর-কাটা-ওয়াল ও একজন সৈনিক এসে দরদ্রায় ঊঁকি দিতে লাগলো।

সৈনিকটি রাগের সঙ্গে চীৎকার করে বললে, “সরে যাও ! শিগগির কর !”

জানলায় একখানা কালো রঙের শাল দিয়ে পর্দা করা ছিল ;

সেটা বাতাসে পালের মতো ফুলে উঠছিল। পালের মতো যে আমি তা জানতাম। কারণ বাবা আমাকে একদিন নৌকোয় বেড়াতে নিয়ে গিয়েছিলেন। কোন রকম আভাস না দিখেই হঠাৎ বন্ধা এসেছিল ছুটে। বাবা হাসতে হাসতে আমাকে তাঁর হাঁটুতে চেপে ধরে বলেছিলেন, “ও কিছু নয়। ভয় পেও না!”

হঠাৎ মা মেঝের ধপ করে পড়ে গেলেন, কিন্তু প্রায় তৎক্ষণাৎ চিৎ হয়ে ওয়ে পড়লেন। তাঁর শাস্ত, ভ্রম মুগ্ধানি হয়ে গেল নীল। তিনি বাবাব মতো দাঁত বাব করে চীৎকার করে বললেন, “দরজাটা বন্ধ করে দাও...আলেকুসি...বেরিয়ে যাও!”

আমাকে একপাশে ঠেলে দিয়ে দিদিমা দরজাটার দাঙে ছুটে গিয়ে বললেন, “বন্ধুগণ! ভয় নেই, বাবা দিও না, ঝাঁদের দোহাই, মরে যাও। এটা কলেরা নয়, প্রসবের ব্যাপার...অত্ননয় করছি তোমাদের। ভালো মাথব তোমরা!”

একটা শঙ্কর পিছনে অন্ধকার বোণে আমি লুপিয়ে রইলাম, এবং সেখান থেকে দখলাম, মা কেমনভাবে মেঝের কুণ্ডলি পাকাচ্ছেন, ঠাপাচ্ছেন, দাঁত কড়মড় করছেন; আর দিদিমা তাঁর পাশে হাঁটু গেড়ে বসে স্নহ ভরে, আশা দিয়ে বলছেন :

“...ধৈর্য ধর, তারুশ...ভগণন আনাদের সহায়...”

আমি ভগনক ভয় পেয়েছিলাম। তাঁরা তুলনে আর্জন্য করতে করতে বাবার পাশে মেঝের চারধারে হামাগুড়ি দিচ্ছিলেন। তাঁর পায়ে তাঁদের গা লাগছিল। বাবা ছিলেন অসিদ্ধান্ত, স্থির; প্রকৃতপক্ষে তিনি হাসছিলেন। অনেকক্ষণ এই বৃকম হামাগুড়ি চললো। মা বার কয়েক উঠে দাঁড়ালেন, আবার পড়ে গেলেন, আর দিদিমা একটা বড়, কালো নরম বলের মতো ঘরের ভেতর থেকে বাইরে, বাইরে থেকে ভেতরে গাড়িয়ে বেড়ালেন। হঠাৎ একটি শিশু কেঁদে উঠলো।

দিদিমা বললেন, “ভগবানকে ধন্যবাদ। একটা ধোকা!”

তিনি একটি মোমবাতি জ্বাললেন।

আমি সেই কোণটিতে নিশ্চয়ই ঘুমিয়ে পড়ে থাকব। কারণ আমার আর কিছুই মনে নেই।

তারপরের স্মৃতি আমার মনে রয়েছে, সেটি হচ্ছে এক বাদল দিনে একটি সমাধিক্ষেত্রের জনবিরল একটি কোণ। আমি একটা পিছল, আঠাল মাটির টি পির পাশে দাঁড়িয়ে কবরের খাদটার মধ্যে তাকিয়ে আছি। তার মধ্যে আমার বাবার কফিনটাকে সকলে নামিয়ে দিচ্ছে। তার তলায় রয়েছে খানিকটা জল; কতকগুলো ব্যাঙও আছে। তাদের মধ্যে দুটো কফিনটার হলদে ডালাটার ওপর লাফিয়ে উঠেছে।

কবরটার পাশে ছিলাম আমি, দিদিমা, একজন সেকসটন—লোকটা জলে ভিজে গিয়েছিল—আর দুজন কবর-কাটা-ওয়াল। তাদের হাতে ছিল শাবল, মুখে বিরক্তি।

আমরা সকলেই উষ্ণ বৃষ্টিধারায় ভিজে গিয়েছিলাম; ধারাগুলো পড়ছিল ক্ষুদে ক্ষুদে ফোঁটায় কাঁচের পুঁতির মতো।

সেকসটন সরে যেতে যেতে বলে উঠলো, “কবরটা বুজিয়ে দাও।”

দিদিমা মুখে শালের একটি কোণ চাপা দিয়ে কাঁদতে লাগলেন। শালখানা দিয়ে তিনি মাথার ঢাকা করেছিলেন। কবর-কাটা-ওয়ালারা কফিনটির ওপর তাড়াতাড়ি মাটির তাল ফেলতে আরম্ভ করলে। ব্যাঙগুলো খাদটার গায়ে লাফিয়ে উঠতে লাগলো। মাটির তালগুলো গিয়ে পড়তে লাগলো তাদের গায়ে। তাতে তারা খাদটার তলায় পড়ে যেতে লাগলো।

আমার কাঁধ ধরে দিদিমা বললেন, “এস, লেনিয়া।” কিন্তু আমার বাবার ইচ্ছে ছিল না তাই তাঁর হাত ছাড়িয়ে সরে গেলাম।

—“হে ভগবান, এর পর কি?” দিদিমা কথাগুলো বললেন, খানিকটা আমাকে ও খানিকটা ভগবানকে উদ্দেশ্য করে। এবং বিমর্ষভাবে মাথা নিচু করে কিছুক্ষণ চুপ করে রইলেন।

কবরটা বুজিয়ে দেওয়া হয়ে গেলেও তিনি সেখানে দাঁড়িয়ে রইলেন। কবর-কাটাওয়ালারা মাটিতে শাবল ছুঁষানা চড়ু করে ফেলে দিল। হঠাৎ বাতাসের একটা দমকা উঠে রুষ্টি ধারাগুলোকে চারধারে ছড়িয়ে দিয়ে গেল ধেমে। তারপর দিদিমা আমার হাত ধরে একটি পথ দিয়ে কিছুদূরে একটা গির্জায় নিয়ে গেলেন। পথটা ছিল কতকগুলো ক্রশের মাঝখান দিয়ে।

সমাধিক্ষেত্র থেকে চলে আসতে আসতে তিনি জিজ্ঞেস করলেন, “তুমি কঁাদছ না কেন? তোমার কঁাদা উচিত।”

জবাব দিলাম, “আমি কঁাদতে চাই না।”

তিনি ধীরে বললেন, “যদি না চাও, কেঁদ না।”

তাতে খুব অবাক হয়ে গেলাম। কারণ আমি কঁাদতাম কদাচিত্। কঁাদলেও দুঃখের চেয়ে রাগেই বেশি। তার ওপর আমার চোখে জল দেখলে বাবা হাসতেন, মা বলতেন, “খবরদার কেঁদ না!”

তারপর আমরা একখানা স্রোশ্কিতে চড়ে একটা চওড়া, নোংরা রাস্তা দিয়ে চলতে লাগলাম। রাস্তাটার দু'ধারে ছিল বাড়ির সারি বাড়িগুলো ছিল গাঢ় লালে রঙ-করা।

যেতে যেতে দিদিমাকে জিজ্ঞেস করলাম, “শেই ব্যাঙগুলো বেরিয়ে আসতে পারবে?”

তিনি জবাব দিলেন, “কখন না। ভগবান ওদের মঙ্গল করুন।”

ভাবলাম, আমার বাবা-মা কখন এক মন মন এমন আপন মনে করে ভগবানের কথা বলেন না।

কয়েক দিন পরে আমার মা ও দিদিমা আমাকে একখানি ষ্ট্রিমারে নিয়ে গেলেন। তাতে আমাদের একটি ছোট কেবিন ছিল।

আমার ক্ষুদ্রে তাইটি ম্যাকসিম মারী গিয়েছিল। সে শুয়েছিল কোণে একখানা টেবিলের ওপর। তার দেহটি ছিল সাদা কাপড় দিয়ে নোড়া। তার ওপর ছিল লাল ফিতে জড়ানো। বোচকা-বুচকি ও ট্রাংকগুলোর ওপর উঠে আমি ঘুলঘুলির ভেতর দিয়ে বাইরে তাকিয়ে দেখছিলাম। ঘুলঘুলিটাকে আমার বোধ হচ্ছিল ঠিক খোঁড়ার চোখে মতো। কাদা ও কেনা ভরা জল সানিধানার গা বেয়ে অবিরাম পড়ছিল। একবার তা সানিধানাতে এত জ্বরে নাকালি যে, আমার গায়ে ছিটকে লাগলো; আমি চমকে উঠে পিছিয়ে নেবেয় লাফিয়ে পড়লাম।

“ভয় নেই” বলে দিদিমা আমাকে লঘুভাবে দুহাতে তুলে বোচকা-বুচকির ওপর আমার জায়গাটিতে আবার বসিয়ে দিলেন। জলের ওপর ছাহ রঙের ভিজ্জে কুয়াসা স্থির হয়ে ছিল; থেকে থেকে দরে ছায়ার মধ্যে ডাড়া দেখা যাচ্ছিল, আবার তখনই তা কুয়াসা ও কেনায় যাচ্ছিল ঢেকে। আমার মা ছাড়া আমাদের চারধারের প্রত্যেকটি সামগ্র্যকে মনে হচ্ছিল কাপছে। মা তার মাথার পিছনে হাত দুখানি দুল করে দেওয়ালে হেলান দিয়ে স্থির শান্ত ভাবে দাঁড়িয়ে ছিলেন। তার মুখখানিকে দেখাচ্ছিল লোহার মতো কঠিন অগাধ। তিনি লাগছিলেন সম্পূর্ণ অপরিচিতার মতো। তার ফর্সাটাও আমার কাছে হয়ে উঠেছিল অচেনা।

দিদিমা বার কয়েক কোমল স্বরে বললেন, “ভারিমা, তুমি কিছু খাবে না কি?”

মা মৌনতাও ভঙ্গ করলেন না বা তার জায়গা থেকেও নড়লেন না।

আমার ছেলেবেলা

৮

দিদিমা আমার সঙ্গে কথা বলছিলেন চুপি চুপি, কিন্তু মার সঙ্গে বলছিলেন জোরে সাবধান হয়ে. ভয়ে ভয়ে এবং ষেটুকু বলছিলেন সেটুকুও কদাচিত্। মনে করছিলাম, তিনি মাকে ভয় করেন আর সেটা বেশ বোঝাও যাচ্ছিল। বোধ হচ্ছিল, এই ভয়টাই আমাদের দুজনকে পরস্পরের কাছে এনেছিল।

মা হঠাৎ জোরে তীক্ষ্ণ কণ্ঠে বলে উঠলেন, “সারাটফ্! খালাসিটা কোথায়?”

কথাগুলো তিনি এমন হঠাৎ বললেন যে, চমকে উঠলাম।

আমার কানে অদ্ভুত, নতুন কথা! সারাটফ্? খালাসি!

নীল পোশাক-পর্য বর্নিত পলিতকেশ একটি লোক এসে কেবিনে ঢুকলো। তার হাতে একটি ছোট বাস্কট। দিদিমা তার হাত থেকে সেটি নিয়ে তার মধ্যে আমার ভাইয়ের দেহটি রাখবার উদ্যোগ করতে লাগলেন। দেহটি রাখা হলে বাস্কট তুলে নিয়ে হাতখানা সামনে লক্ষ করে দরজার কাছে গেলেন। কিন্তু শয়! তাঁর দেহটি ছিল এমন মোটা; যে, সেই অপরিমিত দরজাটা দিয়ে তিনি সোজা হয়ে বেরিয়ে যেতে পারলেন না। দরজাটার সামনে ধমকে দাঁড়ালেন এবং এমন ভাব দেখাতে লাগলেন যে, দেখে হাসি পেল।

মা তার কাছ থেকে ছোট বাস্কট নিয়ে অধীর ভাবে বলে উঠলেন, “আচ্ছা মা!” তারপর দুজনেই অদৃশ্য হয়ে গেলেন। আমার আমি কেবিনটাতে পড়ে থেকে সেই নীল পোশাক-পর্য লোকটিকে লক্ষ্য করতে লাগলাম।

লোকটি আমার দিকে নাকের সঙ্গে হাতলে তোমার কুদে ভাইটি চলে গেল?”

—“তুমি কে?”

—“একজন খালাসি”

—“আর সারাটক কে?”

—“সারাটক হচ্ছে একটা শহর। জানালাটা দিয়ে তাকিয়ে দেখ।  
ঐ যে শহরটা!”

জানালায় ভেতর দিয়ে তাকিয়ে মনে হল, ডাঙ্গাটি দুলাছে।  
মায়িত কুয়াসার মাঝে সেটা অস্পষ্ট আংশিক ভাবে ফুটে উঠছিল।  
শ্রান্তে আমার মনে পড়ে গেল, একখানা গদম পাউরুটি থেকে সন্ত-  
স্টে-নেওয়া একটা বড় টুকবোর কথা।

জিজ্ঞেস করলাম, “দিদিমা কোথায় গেছে?”

—“তার ক্ষুদ্রে নাতিটিকে কবর দিতে।”

—“ওরা কি তাকে মাটিতে কবর দিতে গেলেন?”

—“হ্যাঁ, নিশ্চয়ই।”

যে-জীবন্ত ব্যাঙগুলোকে আমার বাবাব সঙ্গে কবর দেওয়া  
হচ্ছিল খালাসিটিকে তাদের কথা বললাম।

সে আমাকে বকে চেপে চমো ধেয়ে বললো, “আহা! তুমি বুঝতে  
পারছো না। ঐ ব্যাঙগুলোর জন্তে চুঃখ করতে হবে না, করতে  
হবে তোমার মায়ের জন্তে। ভেদে দেখ শোকে তিনি কি রকম  
চাঃ পড়েছেন।”

তখন মাথার ওপর থেকে একটা গম্ভীর ভঙ্গুর উঠলো; আমি  
আগেই জেনেছিলাম, ষ্টীমারে এই রকম শব্দ করে; তাই ভয় পেলাম  
না। কিন্তু খালাসিটি আমাকে মেঝেয় নামিয়ে দিয়ে ছুটে বেরিয়ে  
যেতে যেতে বলতে লাগলো, “আমাকে এখনই পালিয়ে হতে হবে।”

পালিয়ে যাবার ইচ্ছেটা আমাকেও পেয়ে গেলো। সাহস করে  
দরজা দিয়ে বেরিয়ে গেলাম। বাইরে অন্ধকার, সন্ধ্যার জায়গাটিতে  
কেউ ছিল না; অদূরে সিঁড়ির গায়ের পতল বক্ বক্ করছিল। ওপর  
দিকে তাকিয়ে দেখলাম, লোকেরা খলি ও বোচকা-বুচকি হাতে

নিয়ে ষ্ট্রিমার থেকে নেমে যাচ্ছে। তাতে বুঝলাম, আমাকেও ধরে হবে।

কিন্তু আমি তখন চাষীদের ভিড়ের মধ্যে গ্যাংওয়েটার সামনে গিয়ে দাঁড়ালাম, তারা সকলে আমাকে উদ্দেশ্য করে চীৎকার করতে লাগলো:

—“ছেলেটা কাব? কার ছেলে তুমি?”

কেউ জানে না।

অনেকক্ষণ ধরে তারা আমাকে ঠেলা দিল, ঝাঁকি দিল ও খোচা মারলো। শেষে এস সেই পুলিশকেন্দ্র খালাসিটি। সে আমাকে ধরে তাদের বললে, “ছেলেটি হচ্ছে আশ্রাখানেক; কেবিন থেকে এসেছে

সে আমাকে নিয়ে কেবিনে গেল, এবং সেই বোচকা-বুচকি-গুলোর ওপর আমাকে বসিয়ে রেখে চলে যেতে যেতে আশ্রুল নেচে শাসিয়ে বললে, “আমি তোমাকে মজা দেখাচ্ছি!”

মাথার ওপর পোলমালটা ক্রমেই কমে যেতে লাগলো। জল-শ্রোতের টানে ষ্ট্রিমারখানা তখন আর কাঁপছিল না বা তুলছিল না কেবিনের জানলাটা গিয়েছিল বাইরের ভিজে দেওয়ালে ঢেকে ভেতরে অন্ধকার; বাতাসে দম আটকে যায়। মনে হল, সেই বোচকা-বুচকিগুলোই আরও বড় হয়ে আমাকে চেপে ধরছে অবস্থাটা হয়ে উঠলো ভয়ঙ্কর। ভাবতে লাগলাম, সেই শত্রু ষ্ট্রিমারে আমাকে কি চিরকাল একা ফেলে রাখবে?

দরজাটির কাছে গেলাম, কিন্তু সেটি খুললো না। পিঙ্গলের হাতলটা ঘুরলোই না। তাই একটা দুধের বোতল নিয়ে আমার গায়ের সব জোর দিয়ে পেটাতে দিলাম এক ঘাটের একমাত্র ফল হল এই, বোতলটা ভেঙ্গে দুধ আমার পায়ের ওপর পড়ে বৃটজুতো বেয়ে পড়তে লাগলো গড়িয়ে। বিকলভায়ে কিছু হয়ে আমি বোচকাগুলোর ওপর লুটিয়ে পড়ে আশ্রু কাঁদতে কাঁদতে ঘুমিয়ে পড়লাম।



যখন আমার ঘুম ভাঙলো ষ্টীমারখানা তখন আবার চলছে, আর জানালাটা হয়েছে সূর্যের মতো উজ্জল।

দিদিমা আমার কাছে বসে চুল আঁচড়াচ্ছিলেন, আর ভ্রু কঁচকে কি ঘেন বিড় বিড় করে বলছিলেন। তার মাথায় চুল ছিল প্রচুর। সেগুলো তার কাধ ও বুকের ওপর দিয়ে হাটু অবধি পড়ে ছিল, এমন কি মেরুদেশ থেকে ছিল। চুলগুলোর রং ছিল নীলে কালোয় মিশানো। সেগুলো মেরু থেকে একহাতে তুলে এবং কণ্ঠে ধরে একখানা কাঠের চিরুনি মোটা গোছাটাতে চেপে বসিয়ে আঁচড়াচ্ছিলেন। চিরুনিখানার দাড়া প্রায় ছিলই না। দিদিমার ঠোট দুখানি ছিল দুয়ড়ে, কালো চোখ দুটি জল্ জল্ করছিল আর মুখখানিও চারধার ঘিরে ছিল চুলের রাশি। হাতে মুখখানিকে এত ছোট দেখাচ্ছিল যে, মজা লাগছিল। তার চোখ-মুখের ভাবটা ছিল নগ্নামি ভরা, কিন্তু আমি যখন জিজ্ঞাসা করলাম, তার চুলগুলো এত লম্বা কেন তখন তার যতাবিস্ময় কোমল, স্নিগ্ধকণ্ঠে উত্তর দিলেন, “নিশ্চয়ই ভগবান আমাকে এগুলো শান্তি-স্বরূপ দিয়েছেন...চুলগুলো আঁচড়ালেও কি রকম হয় দেখ...আমার বয়স যখন ছিল অল্প তখন এই চুলের জগ্নো মনে হত গর্বি; কিন্তু এখন বুড়ো হয়েছি এগুলোকে শাপ দিই। কিন্তু তুমি ঘুমোও। এখনও বেলা হয়নি। সব বোদ উঠেছে।”

—“কিন্তু আমি আর ঘুমোতে চাই না।” তিনি আমার কথা রচনা করতে করতে মা ষ্বে-বারখটির ওপর চিৎ হয়ে অসাড় হয়েছিলেন সেদিকে একবার তাকিয়ে বললেন, “বেশ, তাহলে ঘুমিও না। কাল বিকেলে তুমি এ বোতলটা কি করে ভাঙবে আমাকে চুপি চুপি বল তো।”

তিনি কথা বলবার সময় এমন বিচিত্র স্বসংবদ্ধ শব্দ ব্যবহার করতেন যে, তা আমার স্বভিতে স্তম্ভিত, উজ্জল, অমর কুসুমের

মত ফুটে থাকতো। তিনি যখন হাসতেন তখন তাঁর কালো মধুময় চোখ দুটির তারকা বিস্তৃত হয়ে এক অনির্কচনীয় মাধুর্যো উজ্জ্বল হয়ে উঠতো আর তাঁর শক্ত সাদা দাঁতগুলি আনন্দে ঝক্ ঝক্ কবতো। তাঁর রঙ ছিল ময়লা ও মুখে ছিল অসংখ্য রেখা; তবুও তাঁর চেহারাটি ছিল যৌবনশ্রীমাধা ও উজ্জ্বল। যা তাঁর শ্রী নষ্ট করে দিয়েছিল তা ছিল তাঁর গোল নাকটি ও লাল ঠোঁট দুখানি। তাঁর নস্ট নেওয়ার অভ্যাস ছিল। তার ফলে নাকের ছিদ্র দুটো হয়ে গিয়েছিল বড়। তাঁর নস্টের কৌটোটা ছিল কালো, কপোতমাখা। মদেও তাঁর আসক্তি ছিল। বাইরে তার চারধারের সব কিছু ছিল কালো কিন্তু অন্তরে তিনি ছিলেন এক অমর, আনন্দময় ও দীপ্ত শিখায় আলোকিত সেই আলোক প্রকাশিত হত তার দুই চোখে। বয়সের ভারে তিনি হয়ে পড়লেও, প্রায় কুঁজে হয়ে গেলেও প্রকাণ্ড মাস্কটির মতো লঘুপায়ে প্রায় নিঃশব্দে চলাফেরা করতেন। আর এই সোভাগ্যপ্রিয় প্রাণীটির মতোই ছিলেন নিরীহ।

ষতদিন না তিনি আমার জীবনের মাঝে এসে পড়েছিলেন, ততদিন আমি বেন ছিলাম ঘুমিয়ে, অন্ধকারের মাঝে ডুবে। তিনি এসে আমাকে জাগিয়ে দিনের আলোর নিয়ে গেলেন। আমার মনে যে-সব ছাপ পড়তো তিনি সেগুলিকে একসময়ে গেঁথে তুলে দিয়ে নানা রঙের একখানি নক্সা বুনেছিলেন। এই ভাবে তিনি নিশ্চেষ্ট করে তুলেছিলেন আমার জীবনের বন্ধু, আমার অন্তরের নিকটতম মায়াঘটি। সকলের চেয়ে প্রিয় ও সকলের চেয়ে পরিচিত। আর, তাঁর সকলের প্রতি নিঃস্বার্থ ভালোবাসা আমাকে করে তুলেছিল ঐশ্বর্যময় এবং আমার মধ্যে গড়ে তুলেছিল সেই শক্তি কঠোর জীবন-যাত্রায় য' একান্ত প্রয়োজন।

চল্লিশ বছর আগে ষ্টীমার চলতো মন্থর গতিতে। নিজ্‌নি পৌছতে আমাদের অনেক সময় লাগলো। সৌন্দর্য্যে কানায় কানায় ভরা সেইদিনগুলি আমি কখন ভুলবো না।

শাল আবহাওয়া শুরু হয়েছিল। সকাল থেকে বাত অবধি তাপমাত্রা সঙ্গে ডেকে থাকতাম। আমাদের মাথার ওপর নিখিল ঢাকামশ। শরতের আয়েজ-দেওয়া ভলগার দুটি তট-ভূমির মাঝ দিয়ে বন্দ চলোছি। বন্দার যতো, তাড়া নেই। আমাদের উজ্জল লাল রঙের ষ্টীমারপাটির পিচনে লম্বা কাছি দিয়ে একখানি বজরা বাঁধা ছিল। বজরাপাণি পুসক-নাগ জলের বুকে এখন উঠছিল-পড়ছিল। বন্দার কাছাকাছি গোপনিত মতো। বজরাবানা! বড় ছিল ছাইমোব মতা, বন্দারিবে আমাব চোনে লাগছিল, গাছের গায়ে যে বড় বড় কাপড়ে তার মতো।

তখন অসংখ্য বন্দারব বুকে ভাসছিল। প্রতি ঘণ্টায় আমরা নতুন নতুন দৃশ্যের মাঝে গিয়ে পড়ছিলাম। সবুজ পাহাড়গুলো উঠে শাড়িচল ধরণাব গায়ে মহাদ পদ্রিচ্ছদেব ভাঁজের মতো। উঠভূমিতে ছিল নগর ও গ্রাম, জলে ভেসে যাচ্ছিল শরতের সোনালি রঙের পালাগুলি।

ষ্টীমাবের এক পাশ থেকে আর এক পাশে যেতে যেতে দিদিমা বুকুর্ভে মুহুর্ভে বলে উঠছিলেন, “দেখ, সব কি সুন্দর!”

আনন্দে তার মুখখানি উজ্জল ও চোখ দুটি বিক্ষারিত হয়ে উঠছিল।

বেশির ভাগ সময়ই তাঁরের দিকে এক দৃষ্টিতে তাকিয়ে থাকতে থাকতে তিনি আমাকে ভুলে যেতেন। হাত দুখানি বুকের ওপর বুক রেখে হাসিমাথা মুখে নীরবে, জলভরা চোখে তিনি ডেকে দাঁড়িয়ে থাকতেন। তাঁর স্মারটটা ছিল কালো, লতাপাতা-কাটা কাপড়ের। আমি তখন সেটা ধরে টানতাম।

তিনি চমকে উঠে বলতেন, “আহা, আমি নিশ্চয়ই ধুমিয়ে পড়েছিলাম... স্বপ্ন দেখেছিলাম।”

—“কিন্তু তুমি কাঁদছ কেন?”

তিনি হেসে উত্তর দিতেন, “আনন্দে আর বুড়ো বয়সেব জন্তে, মানিক। আমি বুড়ো হচ্ছি, বকলে—আমার মাথার ওপর দিয়ে যাটটি বছর চলে গেছে।”

একটিপ নশ্র নিয়ে তিনি আমাকে সদয় দস্যুর, পূণ্যাত্মা ব্যক্তির এবং নানা রকমের বগ্ন জন্তু ও দুষ্ট প্রকৃতি ভূত-প্রেতের অতি চমৎকাব গল্প বলতে শুরু করতেন। তার কথাগুলি শুনতে অনির্বাচনীয় আনন্দ হত।

আমি মন দিয়ে শুনতাম, এবং বলতাম, “আর একটা।” গল্পগুলির মধ্যে পেয়েছিলাম এই একটি :

“শৌভের ভেতর আছে একটা বুড়ো ভূত। একবার তার ধাবাব একটা গৌজ ঢুকে গিয়েছিল। তখন যন্ত্রণায় সে ছটফট করতে করতে কেঁউ কেঁউ করে বলতে লাগলো ‘ও ক্ষুদে ইঁদুর, আমার বড় লাগছে,’ ‘ও ক্ষুদে ইঁদুর, আমি আর সহিতে পারছি না।’”

দিদিমা একখানা পা তুলে সেটি হাত দিয়ে ধরে এদিক-ওদিক দোলাতে দোলাতে, মুখখানা এমনভাবে কৌচকাতেন যে, দেখে হাসি পেত। তিনি এমন ভাব দেখাতেন যেন নিজেই আহত হয়েছেন।

মুখে লম্বা দাড়ি, নিরীহ প্রকৃতি ষালাসিরা তাঁর চারধারে দাঁড়িয়ে শুনতো, হাসতো, গল্পগুলোর তারিফ করতো আর বলতো, “দিদিমা: আর একটা।”

তারপর তারা বলতো, “আমাদের সঙ্গে থাকে চল।”

খেতে বসে তারা তাঁকে দিত ভদ্রকা আর আমাকে দিত তরমুজ।

এই কাজটা তারা করতো গোপনে। কারণ ঈশ্বারে একটা লোক ছিল। সে এধার-ওধার ঘুরে বেড়াতো আর সকলকে ফল খেতে বারণ করতো; ফল দেখলেই কেড়ে নিয়ে নদীতে দিত ফেলে। সে পদস্থ হস্তচরীর পোশাক পরতো আর সব সময় মাতাল হয়ে থাকতো, লোকে তার সামনে থেকে যেত সবে।

মা কদাচিত্ ডেকের ওপর আসতেন, এবং আমাদের কাছ থেকে একেবারে তফাতে দাঁড়িয়ে থাকতেন। তিনি সব সময় থাকতেন চপ হুদে; তাঁর বিশাল, স্ফুটাম দেহ, দৃঢ় মুখখানি উজ্জ্বল কেশভারের দৃশ্য-রচিত গোপাটি—তাঁর চারধারের সব কিছু ছিল আট ও নব্বৈট। তাঁকে আমার বোধ হ'ত, যেন কুয়াসা বা স্বচ্ছমেঘভারে বরা। তার মাঝ দিয়ে তিনি ধূসর চোখে রুক্ষ দৃষ্টিতে তাকিয়ে যাচ্ছেন। তার চোখ দুটি ছিল দিদিমার মতোই বড়।

একবার তিনি কঠোর কণ্ঠে বলে উঠেছিলেন, “লোকে তোমাকে ঠাট্টা করছে মা।”

দিদিমা অবিচলিত ভাবে উত্তর দেন, “ভগবান ওদের মজল করুন। লোক ঠাট্টা, ওদের কপাল ভাল হোক।”

মনে পড়ে, নিজনির দৃশ্য চোখে পড়তে দিদিমা ছেলেমানুষের মতো কিরকম আনন্দ প্রকাশ করেছিলেন। আমার হাত ধরে ঈশ্বারের পাশে টেনে নিয়ে গিয়ে বলছিলেন, “দেখ! দেখ কি স্বন্দর! নিজনি, ঐ! ওর চারধারে আছে স্বর্গীয় ভাব। ঐ গির্জাটাও দেখ। ওর ডানা আছে বলে মনে হচ্ছে না কি?” এবং মায়ের হাতে ফিরে প্রায় সজল চোখে বললেন, “ভালো, দেখ, দেখবে না? খানে এস। বোধ হচ্ছে তুমি জায়গামির কথা সব ভুলে গেছ। আমি একটুও আনন্দ দেখাতে পারো না?”

মা জকুটি করে তিস্ত হাসি হেসেছিলেন।

ঈমাবখানি সুন্দর নগরটির বাইরে এসে দুটি নদীর মাঝে একটা জায়গায় ভিড়লো। নদী দুটি ছিল নানা রকমের জলখানে অবরুদ্ধ। শত শত সফ্র মাস্তুল ওপব দিকে উঠেছে। একখানি বড় নৌকোয় আমার আশ্রয়-সজ্জনকে নিয়ে ঈমাবখানির পাশে এসে লাগলো। গ্যাংওয়ের ডাঙাটা ধরে নৌকোব বাত্মীবা একে একে ঈমাবে উঠলেন। কালো পোশাক-পরা খর্কাকার, শুষ্ক শীর্ণ একটি লোক সকলকে ঠেলে বেরিয়ে এসে সকলের আগে দাঁড়ালেন। তাঁর দাড়ির রঙ কটা, নাকটি পাখীর ঠাঁটেব মতো, চোখ দুটি ধূসর।

ভাঙ্গা গলার জারে “বাগা” বলেই মা তাঁর বৃকে বাঁপিরে পড়লেন। কিন্তু তিনি মাঝের মুখখান ধরে তাড়া তাড়ি তাঁর গাল ছুখানিয়ে দুটি চড় দিয়ে বলে উঠলেন :

—“বোকা! কি হয়েছে তোমার ?...”

দিদিমা সকলকেই তৎক্ষণাত আলিঙ্গন ও চুমো দিতে দিতে লাটিনের মতো ঘুবতে লাগলেন। তিনি আমাকে তাদের দিকে ঠেলে দিয়ে তাড়া তাড়ি ললেন :

—“শিগগির! এই হচ্ছে মাইকেল-মামা, এই হল জাকফ, এই নাটালিয়া-মামা, এই হচ্ছে তোমার দুজন মামাতো ভাই—দুজনের নামই সাম্কা; এই ওদেব বোন কাটেরিনা। এই আমাদের সমস্ত পরিবার। বড় নয় কি ?”

দাদামশায় তাকে বললেন : “মা, তুমি বেশ ভাল জাছ ?” এবং তাঁরা তিনবার পরস্পরকে চুম্বন করলেন।

তারপর তিনি আমাকে লোকের ভিড়ের সুইত্তর থেকে টেনে নিয়ে আমার মাগায় হাত রেখে জিজ্ঞেস করলেন : “আর তুমি কে বাগু ?”

বললাম, “আমি আষ্ট্রাপানের ছেলে, কেবিন থেকে এসেছি।”

দাদামশায় আমার মাঝের দিকে ফিরে বললেন, “ও কি মাথা-মুখ

বলছে ?” এবং উত্তরের অপেক্ষা না করেই আমাকে কাঁকি দিয়ে বললেন, “তুমি হচ্ছ বাপকো বেটা। নৌকোয় ঠাট।”

নৌকো থেকে সকলে ঘাটে নেমে রক্ষ পাথর বাঁধানো একটা পথ দিয়ে পাহাড়ে উঠতে লাগলো। পথটার দুপাশে খাড়াই। খাড়াই দুটো ছিল চাবড়া ঘাসে ঢাকা।

দাদামশায় আব মা যেতে লাগলেন আমাদের সকলের আগে ; দাদামশায় ছিলেন আমার মায়ের চেয়ে মাথায় ছোট। তিনি ছোট ছোট পা ফেলে তাড়াতাড়ি হাঁটছিলেন। আর মা, তাঁর মুখের দিকে খাড় নিঃ করে তাকাচ্ছিলেন। তাদের পরে যাচ্ছিলেন মাইকেল-মামা, আব সফ্রিওয়াজ, মাথায় কঁোকড়া চুল জাকফ-মামা। মাইকেল-মামা ছিলেন দাদামশায়ের মতোই শুষ্ক, শীর্ণ। আব যাচ্ছিল রংচঙে পোশাক-পরা মোটা-সোটা কয়েকটি জ্বালোক এবং ছ’টি ছেলে-মেয়ে। তারা সকলেই ছিল আমার চেয়ে বয়সে বড়। সকলেই চলছিল চুপ-চাপ করে। আমি যাচ্ছিলাম, দিদিমা আর নাতালিয়া-মামীর সঙ্গে। নাতালিয়া-মামীর মুখখানি ছিল বিবাদমাথা, চোখ দুটি নীল, দেহটি স্থূল। তিনি ঘন ঘন শ্বিব হয়ে দাঁড়াচ্ছিলেন, হাঁফাচ্ছিলেন আর ফিস্ ফিস্ করে বলচ্ছিলেন, “আমি আর হাঁটতে পারছি না।”

দিদিমা রাগের সঙ্গে বললেন, “ওরা তোমাকে আসবার রুঁঠ দিলে কেন ? বেয়াকুফের দল !”

বয়স্কদের বা ছেলে-মেয়েদের কাউকেই আমার পছন্দ হল না। তাদের মধ্যে নিজেকে মনে হতে লাগলো, বিদেশী, এমন কি দিদিমাও আমার কাছ থেকে বিচ্ছিন্ন হয়ে দূরে সরে গিয়েছিলেন।

সব চেয়ে ধারণা লাগছিল দাদামশায়কে। আমি তখনই বুঝতে পারলাম তিনি আমার শত্রু। তাঁর সম্বন্ধে আমার মনে যে একটা

সতর্ক কৌতূহল জেগে উঠছিল সে বিষয়ে আমি সচেতন হয়ে ছিলাম।

অবশেষে আমরা গিয়ে পৌঁছলাম পথের শেষে।

ডান দিকের ঢালু জায়গাটার একেবারে ঠিক মাথায় বসানো ছিল পথটার প্রথম বাড়িখানি। নিচ, একতলা, শেওলাধরা লালচে রঙের কোঠা। তার অপরিসর ছাপটা যেন ঝুলছিল, জানলাগুলো ছিল বাইবের দিকে ঠেলে বার করা। রাস্তা থেকে বাড়িখানাকে দেখাচ্ছিল বড় কিন্তু ভেতরটা ছিল ছোট ছোট অন্ধকার কুর্বিবী: একেবারে ঠাসা। তার প্রতি অংশে ক্রুদ্ধ লোকজন পরস্পরের সঙ্গে ঝগড়া করছিল, আব সমস্ত জায়গাটা জুড়ে ছিল বিশ্রী গন্ধ।

আমি আঙিনায় গেলাম সে জায়গাটাও লাগলো বিশ্রী সেখানে সর্বত্র ছড়ানো ছিল বড় বড় ভিজে কাপড় আর বসানো ছিল ময়লা জলভরা টব; টবগুলোয় ভেতর আবও যে-সব কাপড় ছিল জলের রঙ ছিল সেই বকমের। সামনের দিকে খানিকটা দূরে পড়া একটা ছাগড়ের কোণে একটা ষ্টোভে দাউ দাউ করে জলছিল কাঠ ষ্টোভটাতে কি যেন সিদ্ধ বা সেকা হচ্ছিল আর একজন অদৃশ্য ব্যক্তি এই অদৃশ্য কথাগুলো বলছিল: “স্থানটালাইন, ফুক্সিন, ভিটি ওলা”

## দ্বিতীয় পরিচ্ছেদ

তারপর শুরু হল এক জম'ট, বিচিত্র, অবর্ণনীয় নতুন জীবন। এতে তা বিস্ময়কর দ্রুত গতিতে বয়ে যেতে লাগলো। এই জীবনটির কথা: আমার মনে পড়ে একটি অপরিমার্জিত গল্প। একটি বলা হয়েছিল বেশ। কিন্তু যে বলেছিল সে উৎকট সত্যপ্রিয় ব্যক্তি। এখন সেট অতীতের কথা মনে করে, কালের এই দর ব্যবস্থাপন, আমার পক্ষে বিশ্বাস করাই কঠিন যে, যেমন দেখেছিলাম সে-সব প্রকৃতই ছিল সেই বকমের



সেই সত্য ঘটনাগুলিকে অস্বীকার করতে আমি ব্যাকুল হয়ে উঠেছি—  
অবাস্তব আত্মীয়ের বৈচিত্র্যহীন জীবন-যাত্রার কঠোরতার কথা ভাবতে  
বেদনা জাগে। কিন্তু সত্য হচ্ছে অল্পকম্পার চেয়ে প্রবল। তা ছাড়া  
আমি নিজের কথা লিখছি না, লিখছি অপ্রীতিকর ঘটনাবলীর, সেই  
সঙ্কর্ণ ধাসাববোধী পরিবেশের কথা, যার মধ্যে এই শ্রেণীর কথাদের  
অধিকাংশই তখন বাস করতো—এমন কি আজও কবে।

আমার দাদামশায়ের বাড়িগানি গৃহবিবাদ একদিকে গবম হয়ে  
থাকতো। বয়স্কেরা তো এই দিকে আক্রান্ত ছিলই, এমন কি, ছেলে-  
মেয়েদের মধ্যেও তা সংক্রামিত হয়ে ছিল। আড়াল থেকে দিদিমার  
কথাবার্তা শুনে বুঝেছিলাম, মামাবা যেদিন দাদামশায়ের কাছ থেকে  
তাদের বিষয়টি ভাগ কবে নিতে চাইছিলেন মা এসে পৌছন ঠিক সেই  
দিন। তাঁর অপ্রত্যাশিত আবির্ভাব তাঁদের এই বাসনাকে আবণ্ড তাঁর  
ও প্রবল কবে তোলে। কারণ তাঁদের ভয় হয়েছিল, মাকে বিয়ের  
সময় যে-যৌতুক দেবার কথা ছিল—দাদামশায়ের অমতে ও গোঁপনে  
বিয়ে করার জ্ঞে তিনি মাকে তা দেন নি—মা বৃষ্টি এখন সেটা  
চাইবেন। মামাবা মনে করতেন এই টাকাগুলো তাদের দুজনের  
মধ্যে ভাগ করে দেওয়া উচিত। এরই সঙ্গে ছিল আবার তাঁদের  
মধ্যে অনেকদিনের এক বিবাদ। তাঁরা পরস্পরের সঙ্গে এই  
নিবে প্রবল বিবাদ করছিলেন যে, তাঁদের মধ্যে কে শহুরে, কে বা  
ওকা-নদীর তীবে কুনাভিন-গ্রামে একটা কারখানা খুলবেন।

আমাদের পৌছবার অল্পকাল পরে, একদিন অপরাহ্ন সময় হঠাৎ  
বগড়া বাধলো। মামারা উঠে দাঁড়িয়ে টেবিলের ওপর ভর দিয়ে দাদা-  
মশায়কে চীৎকার করে নানা কথা বলতে লাগলেন। কথাগুলো বলতে  
বলতে তাঁরা কুকুবেব মতো দুলাতে দুলাতে বার করতে শুরু করলেন।  
আর দাদামশায় মুখ-চোখ লাল করে, টেবিলে একটা চামচ ঠুকতে

ঠুকতে ভীক্ষু গলায় চীৎকার করে বলতে লাগলেন, “আমি তোমাদের বাড়ি থেকে বার করে দেব।” তাঁর গলার স্বরকে আমার মনে হতে লাগলো মোরগের ডাকেব মতো।

দিদিমা বেদনায় মুখখানি বিকৃত করে বললেন, “ওবা যা চাইছে তাই দাও, বাবা। তাহলে তুমি কিছু শান্তি পাবে।”

দাদামশায় জলজলে চোখে তাকিয়ে চীৎকার করে উঠলেন. “চূপ কর নির্কোঁধ!” তিনি মানুষটি ছিলেন ছোট-খাট, কিন্তু এমন জ্বোরে চীৎকার করলেন যে, কানে হালা পরে গেল। তাঁর পক্ষে এমন চীৎকার বডই আশ্চর্য্যেব।

মা টেবিল থেকে উঠে শাস্তভাণে জানলার কাছে গিয়ে আমাদের দিকে পিছন ফিরে দাঁড়ালেন।

মাইকেল-মামা তাঁর ভাইয়ের মুখে হাতের উল্টো দিক দিয়ে হঠাৎ মারলেন চড়। আর তিনি রাগে ভঙ্কার দিয়ে তাকে চেপে ধরলেন এবং দুজনেই মেঝেয় পড়ে গড়াগড়ি দিতে দিতে পরস্পরকে গাল দিতে লাগলেন। ছেলে-মেয়েরা কাঁদতে আরম্ভ করলো। নাতালিয়া-মামী ছিলেন অন্তঃস্বভা। তিনি সরু গলায় পাগলের মতো চীৎকার করে উঠলেন। মা তাঁকে জড়িয়ে ধরে বাইরে কোথায় টেনে নিয়ে গেলেন। নার্স ইউজেনিয়া ছেলে-মেয়েগুলোকে রান্না ঘর থেকে তাড়িয়ে নিয়ে গেল। চেয়ারগুলো গেল পড়ে। ফ্লোরম্যান সিগানক মাইকেল-মামার পিঠের ওপর চেপে বসলো আর কারখানার সর্দার গ্রেগরি আইথানোভিচ শাস্তভাণে মামার হাত ছুঁষানা তোয়ালে দিয়ে বেঁধে ফেললো। গ্রেগরির মাধ্যম ছিল টাক, মুখে দাড়ি, চোখে রঙিন চশমা। সিগানক ছিল বলিষ্ঠ, তরুণ।

মাইকেল-মামা মাথা ঘুরিয়ে মেঝেতে তাঁর পাতলা, লম্বা, কালো দাড়ি লুটোতে লুটোতে ভয়ঙ্কর গালাগাল দিতে লাগলেন। আর,

দাদামশায় টেবিলের চারধারে ছুটতে ছুটতে তিক্ত কণ্ঠে বলতে লাগলেন, “এরা হচ্ছে তাই...রক্তের সম্পর্ক!...ধিক তোদের!”

আমি বগড়ার গোড়াতেই ভয়ে ষ্টোভের ওপর লাফিয়ে উঠেছিলাম। লেখান থেকে বেদনায় বিন্ময়ে দেখছিলাম দিদিমা জাকফ-মামার খেঁৎলানো মুখখানা একটি ছোট জল-পাত্রে ধুইয়ে দিচ্ছিলেন, আর মামা কাঁদছিলেন, পা ঠুকছিলেন। দিদিমা ব্যথিতকণ্ঠে বললেন, “শয়তানগুলো! তোরা একটা বুনো জানোয়ার পরিবারের চেয়ে একটুও ভাল নয়। কবে তোদের জ্ঞান হবে?”

দাদামশায় তাঁর ছেঁড়া শার্টটা কাঁধের ওপর দিকে টানতে টানতে তাকে উদ্দেশ করে বলে উঠলেন, “তাহলে তুমি বুনো জানোয়ারের জন্ম দিয়েছ, জ্যা, বুড়ী?”

জাকফ-মামা বেরিয়ে গেলে দিদিমা একটি কোণে গিয়ে হুঃখে কাপতে কাপতে মেরীকে উদ্দেশ বলতে লাগলেন : “হে ঈশ্বরের জননি, আমার ছেলেদের চৈতন্য জাগিয়ে দাও মা।”

দাদামশায় তাঁর পাশে দাঁড়িয়ে টেবিলের দিকে তাকিয়ে ছিলেন। টেবিলের ওপর যা-কিছু ছিল সব উণ্টে বা চলকে পড়ে গিয়েছিল। তিনি আশ্বে আশ্বে বললেন, “তুমি কখন ওদের আর ভাবিয়ার কথা ভাব মা?...কার স্বভাব সবচেয়ে ভাল?”

—“দোহাই তোমার, চূপ কর! শার্টটা খুলে ফেল আমি স্ট্রাইপ করে দেব...” বলে দিদিমা হাত দুখানি দাদামশায়ের মধ্যস্থ রেখে তাঁর কপালে চুমো দিলেন, আর দাদামশায়—তাঁর ভুলমায় এত ছোট— তাঁর মুখখানি দিদিমার কাঁধে চেপে ধরে বললেন, “ওদের অংশ আমাদের দিতেই হবে, মা। এটা একেবারে সাদা কথা!”

—“হাঁ, বাবা, তাই-ই করতে হবে।”

হৃৎনে অনেকক্ষণ কথাবার্তা বললেন। প্রথমে কথাবার্তা চললো বেশ

আমার ছেলেবেলা

২২

বন্ধুর মতো, কিন্তু বেশিক্ষণও কাটলো না, লড়াইয়ের আগে মোরগেব মতো পা ছুথানা মেকের ঘষে, দিদিমাকে একটি আঙুল তুলে শাসিয়ে দাদামশায় রুক্ষ কণ্ঠে বললেন, “আমি তোমাকে জানি! তুমি ওদের আমার চেয়েও বেশি ভালোবাস...তোমার মিশকা কি? তোমার জাস্কাই বা কি? আমি যে-ধম্ম মানি ওরা সে-ধম্ম মানে না...অপচ ওরা আমার ধায়...গলগ্রহ! ওরা একেবারে তাই!”

সেই সময় অস্থিরভাবে ষ্টোভের ওপর পাশ ফিরতেই ঠেলা লেগে একটা ইঞ্জি বজ্র শব্দে নিচে পড়ে গেল।

দাদামশায় লাফ দিয়ে সিঁড়ির ওপর উঠে আমাকে টেনে নামিয়ে এমন ভাবে আমার দিকে তাকিয়ে রইলেন যেন তিনি আমাকে সেই প্রথম দেখছেন।

বললেন, “কে তোমাকে ষ্টোভের ওপর তুলে দিবেছিল? তোমার মা?”

—“আমি নিজেই উঠেছিলাম।”

—“মিছে কথা বলছো!”

—“না। আমি ওখানে নিজেই উঠেছিলাম। আমার ভয় করছিল।”

আমার মাথায় আলগোচে একটি চড় মেরে আমাকে ঠেলা দিয়ে সরিয়ে বললেন, “বাপেব মতো! আমার সামনে থেকে সরে যাও!”

আমিও তখন রান্নাঘর থেকে পালাতে পারলে খুব ধুশি।

\* \* \* \* \*

দাদামশায়ের শঠতাগয়, ভীক্ষু দৃষ্টি যে আমাকে সর্বত্র অনুসরণ করতো এ বিষয়ে আমি খুব সচেতন ছিলাম। আমি তাঁকে ভয় করতাম। মনে পড়ে, কিভাবে আমি সেই ভয়ঙ্কর দৃষ্টি থেকে সব সময়ে লুকোতে চাইতাম। আমার বোধ হত দাদামশায় ছিলেন

হৃৎপ্রকৃতির। তিনি প্রত্যেকের সঙ্গে বিদ্রূপ করে বা তার আঁতে বা দিয়ে কথা বলতেন। তার কথায় রাগ হত। সেই জন্তে লোকের মজাজ্ঞ খাবাপ করে দেবার তিনি বখাশাধ্য চেষ্টা করতেন।

প্রায়ই তার বুলি ছিল, “উফ্! উ!”

শকটটা শুনলেই আমার মনে জাগে কেমন একটা দুঃখ-বেদনার ভাব। জলখাবার ছুটি হলে তিনি, আমার মামারা আর বাবিগবেরা শ্রাস্ত-ক্লাস্ত হয়ে রান্নাঘরে চা খেতে আসতেন। কপরিগরদের হাতে দুখানা থাকতো স্নানটালাইনের দাগে ভরা ও গলফিউবিবক অ্যাসিডে পোড়া, মাথার চুলগুলো বাঁধা থাকতো কাপড়ের ফালা দিয়ে। তাদের সকলকে দেখাতো বাগ্নাবরের কোণে খালো বিগ্রহটার মতো। সেই সময়টি ছিল আমার ভয়ের। তখন মাদামশায় বসতেন আমার সামনে। আর সব ছেলে-মেয়েদের মনে ভয় জাগিয়ে তিনি তাদের চেয়ে আমার সঙ্গেই কথা বলতেন বেশি। তাঁর চাবধারেব সব কিছু ছিল তীক্ষ্ণ ও একেবারে ঠিক মতো। তার বেশমে কারুকর্ষ্য-করা মোটা সাটিনের ওয়েষ্টকোটটা ছিল পুননো, রঙিন সূতি কাপড়ের শাটটা ছিল কোঁকড়ানো। শাটটাকে কচা হ'ত খুব বেশি। তাব পাজামাব হাঁটুতে ছিল বড় বড় তালি। সবুজ মনে হ'ত তাঁর পোশাক তাঁর ছেলেদের চেয়ে বেশি পরিচ্ছন্ন ও পরিপাটি। তাঁর ছেলেরা পরতো নকল শাট ও রেশমের নেকটাই।

আমাদের পৌছবার কিছুদিন পরে তিনি আমাকে প্রার্থনা শিখাবার ব্যবস্থা কবলেন। আর সব ছেলে-মেয়েরা ছিল আমার চেয়ে বয়সে বড়। তাদের আগেই লিখতে-পড়তে শিখানো হয়েছিল। নাতালিয়া-মামী ছিলেন নিরীহ প্রকৃতির মানুষ। তিনি আমাকে আন্তে আন্তে শিক্ষা দিতেন। তাঁর মুখখানি ছিল ছেলে-মানুষের মতো; চোখ দুটি ছিল এমন স্বচ্ছ যে, আমার বোধ হ'ত তাব ভেতর

দিয়ে তাকালে তাঁর মাথার ভিতর পর্যন্ত দেখতে পাওয়া যায়, আমি একভাবে অপলক চোখে তাঁর চোখ দুটির দিকে তাকিয়ে থাকতে ভালবাসতাম। যখন তিনি মাথা ঘুরিয়ে, খুব আশ্চর্য প্রায় চুপে চুপে কথা বলতেন তখন চোখ দুটি ঝিক্ ঝিক্ করতো। বলতেন, “ওতেই হবে।...এখন বলতো, ‘আমাদের পিতা ঈশ্বর স্বর্গে আছেন, তাঁর নাম মহিমোজ্জল হোক।’”

আমি যদি জিজ্ঞেস করতাম “তাঁর নাম মহিমোজ্জল হোক মানে কি?” তিনি তখন চারধারে ভয়ে ভয়ে তাকিয়ে আমাকে এহ বলে ভৎসনা করতেন, “প্রশ্ন করো না। প্রশ্ন করা অত্যাচার। আমার সঙ্গে সঙ্গে বল, ‘আমাদের পিতা...’,

তাঁর কথাগুলি আমাকে বিচলিত করতো। প্রশ্ন করা অত্যাচার কেন? “তাঁর নাম মহিমোজ্জল হোক” এই কথাগুলি আমার কাছে হয়ে উঠলো রহস্যময়। যত রকমে পারতাম আমি ইচ্ছা করেই কথাগুলো গুলিয়ে ফেলতাম।

কিন্তু আমার মামীমা, পাংগু মুখে, ক্রান্তি ভরে, সহিষ্ণুতার সঙ্গে গলা পরিষ্কার করে বলতেন, “না, ওটা ঠিক নয়। বল ‘তাঁর নাম মহিমোজ্জল হোক।’ কথাগুলো তো বেশ সহজ।”

কিন্তু তিনি বা তাঁর কথাগুলো কোনটিই সহজ ছিল না। এতে আমার বিরক্তি ধরতো। তার ফলে প্রার্থনাটি মনে রাখার বাধা ঘটতো।

একদিন দাদামশায় জিজ্ঞেস করলেন, “ওশেষা, তুমি আজ কি করছিলে? খেলা করছিলে? তোমার ছেপালে আঁচড়ানোর দাগগুলো আমাকে অনেক কথা জানাচ্ছে! সহজেই আঁচড়ানোর দাগ হয়। কিন্তু ‘আমাদের পিতার কি হচ্ছে? তুমি ওটা শিখেছ?’

মামীমা আশ্চর্যে আশ্চর্যে বললেন, “ওর স্মরণ-শক্তি ভাল নয়।”

দাদামশায় তাঁর পাতলা ক্র-জোড়া কপালে তুলে হাসলেন, যেন খুশি হয়েছেন। “তাতে কি ? ওকে বেত মারতে হবে। ব্যস্।”

আবার তিনি আমার দিকে ফিরলেন, “তোমার বাবা তোমাকে কখন বেত মারতো ?”

তিনি কি বলছেন, আমি বুঝতে পারলাম না বলে চূপ করে রইলাম, কিন্তু আমার মা উত্তর দিলেন, “না, ম্যাক্সিম কখন ওকে মারতো না। আবার আমাকেও মারতে বারণ ক’রে দিয়েছিল।”

—“কেন. জিজ্ঞেস করতে পারি কি ?”

—“সে বলতো, মারা শিক্ষা নয়।”

—“ঐ ম্যাক্সিমটা ছিল সব বিষয়ে বোকা। যে মরে গেছে তার সহস্রে এভাবে কথা বলার জগে ভগবান যেন আমাকে ক্ষমা করেন।” তিনি রাগের সঙ্গে কথাগুলো বলে উঠলেন। এবং তৎক্ষণাৎ বুঝতে পারলেন, কথাগুলোয় আমার রাগ হ’ল। জিজ্ঞেস করলেন, “মুখখানা অমন রাগে তরা যেন ? উফ্!...এই!” এবং তাঁর রূপালি আঁজিটানা চুলগুলো সমান করতে করতে আবার বললেন, এই শনিবারেই আমি শাসকার ‘পিঠে চামড়া চালাবো’।”

জিজ্ঞেস করলাম, “‘চামড়া চালাবো’ মানে কি ?”

সকলে হেসে উঠলেন ; দাদামশায় বললেন : “একটু খাম, দেখতে পাবে।”

“চামড়া চালানো” কথাটা মনে মনে আন্দোলনা করতে লাগলাম। চাবুক মারা ও মার-দেওয়ার অর্থ ষড়্-এই কথাটার অর্থও স্পষ্টত তাই। আমি লোককে ঘোড়া, কুকুর ও বিড়ালকে মারতে দেখেছিলাম। আষ্টাখানে সৈন্যদের পিঠাসিকদের মারতে দেখেছি ; কিন্তু আগে কখন কাউকে ছোট-ছেলেকে মারতে দেখিনি। অথচ এখানে আমার মামারা নিজেদেরই ছেলে-মেয়েদের মারেন মাথায়

ও ঘাড়ে। আর তারা কোন রকম উদ্ভা না দেখিয়ে তা সহ করে, যে অংশে আঘাত লাগে সেখানে হাত বুলায়। আমি যদি জিজ্ঞেস করতাম, লেগেছে কি না, তাহলে তারা বীরের মতো উত্তর দিত :

“একটুও না।”

তাবপর সেই বিখ্যাত দজ্জিব আঙুলের ঠুসির গল্প। বিকেলে চা খাবার সময় থেকে সন্ধ্যায় খাবার সময় পর্যন্ত, আমার মানারা ও সন্দার কারিগর রঙ কবা কাপড়-চোপড়ের টুকরোগুলোকে এক একটি খণ্ডে সেলাই কবে তাতে টিকিট এঁটে রাখতেন। একদিন আপকাণা গ্রেগ্রবিকে নিয়ে একটু মজা কবার জন্তে মাইকেল-মামা তাঁর ন'বছবেব ছেলেটিকে ঠুসিটা মোমবাতির শিখায় ধরে টকটকে লাল করে তুলতে বসলেন। শাস্কা ঠুসিটা বাতির শিখায় ধরে বাস্তবিকই টকটকে লাল করে তুলে গ্রেগ্রবির অলক্ষ্যে তাব একেবারে হাতেব কাছে রেখে নিজে ষ্টোভের পাশে লুকিয়ে রইলো। কিন্তু এমনই কপাল, দাদামশায় নিজেই ঠিক সেই সময়ে এসে পড়লেন, এবং কাজ করতে বসে সেই গবম টক-টকে লাল ঠুসিটার মধ্যে আঙুল গলিয়ে দিলেন।

গোলনাল শুনে আমি রান্নাঘরে ছুটে গেলাম ; দাদামশায় পোড়া আঙুলটাতে ফুঁ দিতে দিতে শার, ঘবে লাফিয়ে বেড়াচ্ছিলেন আন চীৎকার কবছিলেন। তাঁকে তখন যে-রকম মজার দেখাচ্ছিল তা আমি কখন ভুলবো না।

তিনি জিজ্ঞেস করলেন, “এই শসতানিটা যে করেইছে সেই বদমায়েশটা কোথায়?”

মাইকেল-মামা টেবিলের তলায় নিচু হয়ে হাত বাড়িয়ে ওপব থেকে ঠুসিটা চট করে টেনে নিয়ে সেটাকে ফুঁ দিতে লাগলেন। গ্রেগ্রবি নিষিকার মুখে সেলাই কবে বেছে লাগলো আর তার প্রকাণ্ড টাকটাব ওপর নাচতে লাগলো ছায়া। জাকফ-মামা এসে ঘরে



চুকলেন এবং ষ্টোভের পাশে দাঁড়িয়ে নিঃশব্দে হাসতে আরম্ভ করলেন। দিদিমা একমনে আলু ছেঁচতে লাগলেন।

মাইকেল-মামা হঠাৎ বলে উঠলেন, “ওটা করেছে জাকফ।”

জাকফ-মামা ষ্টোভের আড়াল থেকে ছুটে বেরিয়ে এসে বললেন, “মিথ্যাবাদী।

কিন্তু তাঁব ছেলে একটি কোণ থেকে কাদতে কাদতে বলে উঠলো, “বাবা, ওর কথা বিশ্বাস করো না। কি কবে গরম করতে হয় ও নিজে আমাকে দেখিয়ে দিয়েছিল।”

মামাবা পরস্পরকে গাল দিতে আরম্ভ করলেন, কিন্তু দাদামশায় অদ্ভুতলে ছেঁচা আলুব পুলটিশ দিয়ে হঠাৎ শান্ত হয়ে গেলেন এবং আমাকে সঙ্গে নিয়ে নীচবে বেরিয়ে গেলেন।

সকলে বলতে লাগলো, মাইকেল-মামাবই দোষ। আমি জিজ্ঞেস করলাম, তাকে বেত মারা হবে, না, তাঁর ‘পিঠে চামড়া চালানো’ হবে ?

দাদামশায় আমার দিকে আড়চোখে তাকিয়ে বললেন, “চালানো তো উচিত।”

মাইকেল-মামা টেবিলের ওপর চাপড় মেবে ছকাব দিয়ে মাকে বললেন, “তোমার বাচ্চাটাকে মুখ বুজে থাকতে বল, নইলে ওর মাথা ভেঙে দেব।”

মা উত্তর দিলেন, “ভালো যাও, ওব গায়ে হাত দিয়ে দেখ।”

মা এই ধরনের দু’একটি সংক্ষিপ্ত কথায় লোককে এমন করে ফেলতেন যে, তাঁর তুলনায় লোকটির মনে হ’ত সে কি ধীমান্ত ব্যক্তি। আমি পরিষ্কার জানতাম, তাঁরা সকলেই আমার মাকে ভয় করেন। এমন কি দাদামশায়ও আর সকলের সঙ্গে যেভাবে কথা বলতেন তাঁর সঙ্গে কথা বলতেন তাঁর চেয়ে নরম স্বরে। তা দেখে খুব খুশি হতাম।

এবং গর্ভভরে আমার মামাতো ভাই-বোনদের বলতাম, “আমার মা ওদের সকলের সমান শক্তি রাখেন।”

তারা সে কথা অস্বীকার করতো না।

কিন্তু শনিবারে যে-সব ঘটনা ঘটলো তাতে আমার মায়ের প্রতি শ্রদ্ধা গেল কমে।

\* \* \*

শনিবারের মধ্যে আমিও বিপদে পড়বাব সময় পেলাম। বয়স্কেরা খুব সহজে নানা রকমের জিনিষের রঙ বদলে ফেলতো দেখে আমি মুগ্ধ হয়ে গিয়েছিলাম। তারা হলদে রঙের কোন কিছুকে কালো রঙে ডুবিয়ে তুললেই সেটার রঙ হয়ে যেত ঘন নীল; ছাই রঙের একটা জিনিষকে লাগচে বেড়েব জলে ডোবালেই জিনিষটা হত মত্ রঙের। ব্যাপারটা ছিল খুবই সহজ, কিন্তু আমার কাছে ছিল দুর্বেধ্য। আমার ইচ্ছা হল আমি নিজেও কিছু রঙ করি। মনেব কথাটা বললাম শাসকা জাকোভিচের কাছে। সে ছেলেটি ছিল চিন্তাশীল। বয়স্কেরা তার ওপর ছিল সদয়। সেও ছিল শাস্ত্র-প্রকৃতিব ও লোকের বাধ্য। প্রত্যেকেবই কাজ করে দিতে সে প্রস্তুত ছিল।

বয়স্কেরা তার বাধ্যতা ও বুদ্ধির জন্তে খুব প্রশংসা করতো, কিন্তু দাদামশায় তাকে স্নহজরে দেখতেন না, বলতেন, “ওটা হচ্ছে মিটমিটে শয়তান।”

আমিও তাকে পছন্দ করতাম না। তার মধ্যে পছন্দ করতাম নিষ্কর্মা শাসকা মাইকেলোভিচকে। সেওই তাকে পছন্দ করতো না। সে ছেলেটি ছিল শাস্ত্র-শিষ্ট। তার চোখ দুটি ছিল করুণ, মুখে লেগে থাকতো তার করুণাময় মায়ের মতো স্নিগ্ধ হাসি। তার ওপর-নিচেব দাঁতগুলো ঝিকতো বিস্ময়ভাবে বেরিয়ে। সেজন্তে তার মনে ছিল দুঃখ। তাই সে সব সময় মুখে আঙুল

পুরে বাধতো। বাড়িতে লোকজনের ভিড়ের মধ্যেও সে নিঃসঙ্গ জীবন-যাপন করতো। দিনের বেলা সে বসে থাকতো অন্ধকার কোণটিতে, বিকেলে নীরবে বসে থাকতো জানলায় বাইরের দিকে তাকিয়ে।

আর জাকফ-মামাব ছেলে মাসকা ছিল ঠিক তার বিপরীত। সে বন্ধুর মতো সকল বিষয়ে ভারিকী চালে খুব তাড়াতাড়ি কথা বলতে পাবতো। বড় করা প্রশ্নালীটা আমার শিখবার ইচ্ছা আছে শুনে, সে আমাকে কাবার্ড থেকে সব চেয়ে ভাল সাদা টেবিল ব্রথগুলিব একখানি নীল রঙে ছোপাবার পবামর্শ দিলে।

আমি একখানা ভারী টেবিল-ব্রথ টেনে বার করে সেটা নিয়ে ছুটলাম আঙিনার দিকে। কিন্তু সেটার ছিলেটা গাচ নীল রঙে ভরা পিপেটার মধ্যে ডোবাতে ডোবাতেই সিগানক কোষা থেকে যেন আমাব কাছে ছুটে এল। এবং সেটা আমার হাত থেকে কেড়ে নিয়ে তার কর্কশ হাত দুখানি দিয়ে নিঙড়তে নিঙড়তে আমার মামাতো ভাইকে চীংকার করে বললে, “শিগগির তোমার ঠাকুমাকে ডাকো।”

মামাতো ভাইট একটি নিবাপদ জায়গা থেকে আমার কাজ-কন্ম দেখছিল। সিগানক তার কালো, উন্মোখ্ন্মো চুলে ভরা মাথাটা ঝাঁকিয়ে আমাকে আবার বললে, “এর মজাটা টের পাবে।”

দিদিমা হাহাকার করতে করতে ঘটনাস্থলে ছুটে এলেন এবং দৃশ্যটি দেখে, এমন কি কাদতে কাদতেই বলে উঠলেন, “হায়রে স্কুদে শয়তান! এর জন্মে তোমার পিঠটা যেন ভেঙে দেওয়া হয়।”

কিন্তু, তারপরই তিনি সিগানককে বললেন, “এ-সম্বন্ধে ওর দাদা-মশায়কে কিছু বলবার দরকার নেই, বাংকা। তার কাছ থেকে কথাটা আমি গোপন রাখবার চেষ্টা করবো। আশা করা যাক এমন

কিছু ঘটবে যাতে তাঁর মনটা থাকবে ডুবে।”

বাংকা তার নানা রঙের এপ্রনখানিতে হাত মুছতে মুছতে অগমনস্বভাবে বললে, “আমি? আমি বলবো না; কিন্তু নজর রেখ এই সামকটা গিয়ে সকলকে না বলে বেড়ায়।”

দিদিমা আমাকে বাড়ির ভেতর নিয়ে যেতে যেতে বললেন, “চুপ করে থাকবার জন্তে আমি ওকে কিছু দেব।”

শনিবারে সন্ধ্যাব আগে আমাকে বাগ্নাঘবে ডাকা হল। ঘরখানি ছিল অন্ধকার, নিস্তরু। মনে পড়ে ছাপডট ৬ ঘরখানার বহু দরজাগুলো, শরতের শেষবেলাব পূর্ব কদম্বা ও সপ্তিম কন্কম্ব শব্দে কথা। ষ্টোভটার সামনে একখানি অপরিষ্কার বেষ্টিতে বিরক্ত মুখে সিগানক বসেছিল। দাদামশায় চিমনির পাশে দাঁড়িয়ে একটা জন্ভরা জালা থেকে লগ্না বেতগুলো তুলে নিয়ে সেগুলো মাপছিলেন একত্র করছিলেন এবং উঁচিয়ে সাই সাই করে ঘোরাচ্ছিলেন। দিদিমা আড়ালে কোথায় যেন বসে শব্দে নশ্ব নিচ্ছিলেন আর বিড়বিড় করে বলছিলেন, “এবার নিজ মতি ধরেছ, অত্যাচারী।”

সাম্কা জাকফ্ রান্না ঘনের মাঝখানে চেয়ারে বসে হাতের উণ্টো পিঠ দিয়ে চোখ রগড়াচ্ছিল আর বড়ো ভিখাবাটার মতো কেঁউ কেঁউ করে বলছিল, “খীষ্টের দোহাঠ, আমাকে ক্ষমা কর...”

চেয়ারের ধারে, কাঠের পুতুলের মতো পাশাপাশি দাঁড়িয়েছিল মাইকেল-মামার ছেলে-মেয়ে— দুটি শাই-বোন।

হাতের উণ্টো পিঠের ওপর দিয়ে একখানা লগ্না ভিজে বেত টানতে টানতে দাদামশায় বললেন, “তোমাকে বেত মারবার ক্ষমা করবো। আচ্ছা এবার...তোমার মাইকেলটা খুলে ফেল!”

তিনি খুব শাস্ত্রভাবে কথাগুলো বললেন। সেই প্রায়াক্ষকা কালি-পড়া নিচু-ছাদ ঘরখানার জন্নাট স্তব্ধতা তাঁর কণ্ঠধরে বা ছেলেটা

নড়া-চড়াই, চেয়ারেব কাঁচকোচ আওয়াজে অথবা দিদিমার মেয়ে পা-ঘষার শব্দেও ভঙ্গ হ'ল না।

সাম্কা উঠে দাঁড়িয়ে পা-জামাটা খুলে ঠাট্ট-অবপি নামিয়ে দিল। হাতপদ নিচু হয়ে সেটা হাত দিয়ে ধরে বেঞ্চির ওপর উপুড় হয়ে পড়লো। তার দিকে তাকিয়ে থাকা হয়ে উঠলো কষ্টকর। আমার পা দুখানাও কাঁপতে লাগলো।

কিন্তু ব্যাপারটা সব চেয়ে শোচনীয় হয়ে উঠলো তখন যখন সে বেঞ্চির ওপর স্তবোধ ছেলেটির মতো উপুড় হয়ে শুয়ে পড়লো আর বাংলা তাকে বেঞ্চির সঙ্গে একখানা চওড়া তোয়ালে দিয়ে বেঁধে তার পা দুখানা টেনে ধরে নিচু হয়ে দাঁড়িয়ে রইলো।

দাদামশায় ডাকলেন, “লেকসি! কাছে এস! এস! আমি যে তোমায় ডাকছি শুনতে পাচ্ছ না? দেখ 'চামড়া চালানো' কাকে বলে...এক।”

দাদামশায় বেতখানা একটু উঁচিয়ে সাম্কার পিছনে এক ধা দিলেন; আর সে চাঁৎকাব কবে উঠলো।

দাদামশায় বললেন, “খ্যেং! এতো কিছুই নয়!...কিন্তু এইবার তুমি চিটপিটিয়ে উঠবে।”

তারপরই তিনি এত জোরে মারতে লাগলেন যে, আমার মামাতো ভাইটিব পিছনের মাংস কেটে কেটে তার ওপর লাল দুধ পড়তে লাগলো আর সে সমানে চাঁৎকার করতে লাগলো।

দাদামশায়ের হাতখানা উঠছে পড়ছে। সেই সঙ্গে তিনি জিজ্ঞেস করলেন, “খাসা লাগছে, না? তোমার জলি লাগছে না?...এটা হচ্ছে ঠুঁসিটার জন্তে!”

যখন তিনি হাতখানা ঝাঁক দিয়ে তুলছিলেন সেই সঙ্গে আমারও হুঁপিওটা যেন লাফিয়ে উঠছিল, আর যখন তাঁর হাতখানা নামছিল

তখন আমার ভেতরেও কি যেন ধসে যাচ্ছিল।

সাসকা ভীষণ ভীক্ষু স্বরে কাঁদছিল, “আমি আর করবো না।” স্বরট, শুন্তে ভাল লাগছিল না। “আমি কি—আমি কি টেবিল-রুখানার কথা বলে দিই নি?”

দাদামশায় শাস্তকণ্ঠে বললেন, যেন মস্ত পড়ছেন, “কারো নামে লাগালেই রেহাই পাওয়া যায় না। যে লাগায় সেই আগে বেঁচে যায়। কাজেই টেবিল রুখানার জন্তে এই এক যা।”

দিদিনা হঠাৎ আমাকে আগলে দাঁড়ালেন এবং জড়িয়ে ধরে বলে উঠলেন, “লেকসির গায়ে হাত দিতে আমি দেব না। দেবই না। রাক্ষস কোথা হবে।” এবং তিনি দরজায় লাথি মারতে মারতে চীংকার করে ডাকতে লাগলেন, “ভারিয়া! ভারবারা!”

দাদামশায় তাঁর কাছে ছুটে গিয়ে তাঁকে ঠেলে ফেলে আমাকে চেপে ধরে নিয়ে গেলেন বেকির কাছে। আমি তাঁকে ঘৃষি মাপতে লাগলাম, তাঁর দাড়ি ধরে টানলাম, আঙুল কামড়ে ধরলাম। তিনি বাঁড়ের মতো চীংকার করতে করতে বাইশ-ষত্দের মতো আমাকে চেপে ধবে রইলেন। পরিশেষে আমাকে বেকির ওপর ফেলে আমায় মুখে মারলেন ঘৃষি।

তাঁর সেই বিকট চীংকার আমি কখন ভুলবো না, “বাপ ওকে খুন করে ফেলবো।”

আর মায়েরও সেই তখনকার ক্যাকাসে মুখ ও বুক বড় চোখ দুটিও ভুলতে পারবো না। তিনি বেকিখানার এদিকে-ওদিকে ছুটে বেড়াচ্ছিলেন, আর ভীক্ষু কণ্ঠে চীংকার করছিলেন, “বাবা! মের না! ওকে ছেড়ে দাও।”

\*

\*

\*

\*

যতক্ষণ আমার চেতনা ছিল দাদামশায় ততক্ষণ আমাকে বেতমারলেন

আমি অসুস্থ হয়ে একখানি ছোট ঘরে দিন কয়েক বিছানায় উপুড় হয়ে পড়ে রইলাম। ঘরখানিতে ছিল একটি মাত্র জানলা। তার এক কোণে বিগ্রহটার সামনে সারাদিন জলতো একটি আলো। সেই অন্তর্জ্বল দিনগুলি ছিল আমার জীবনে সব চেয়ে বড়। তারই মাঝে আমি বদ্বিত হয়ে উঠেছিলাম চমৎকার। আর আমার নিজের মাঝেই যে এক বিচিত্র অসামঞ্জস্য ছিল সে বিষয়ে ছিলাম সচেতন। অপরের ভুলে অশুভব করতে লাগলাম এক অভিনব উদ্বেগ। তাদের ও আমার নিজের দুঃখ-বেদনার বিষয়ে এমন তীব্রভাবে সচেতন হয়ে উঠলাম যে, তাতে হৃদয় প্রায় ক্ষত-বিক্ষত হয়ে তাকে সংচেত্য করে ভুললো।

এই কারণেই আমার মা ও দিদিমার মধ্যে কলহ আমার মনে একটি আঘাত দিল। সেই অপরিষর ঘরখানির মধ্যে দিদিমাকে দেখাতে লাগলো কালো, প্রকাণ্ড। তিনি রেগে উঠে মাকে ঠেলা দিয়ে বিগ্রহটার কাছে নিয়ে গিয়ে বলে উঠলেন, “ওকে তুমি সরিয়ে নিয়ে গেলে না কেন?”

—“আমার ভয় করছিল।”

—“তোমার মতো এই রকম স্তম্ভ সবল মানুষের! তোমার পক্ষা হওয়া উচিত ভারবারা! আমি বুড়ী হয়েছি। আমি ভয় পাই না, ধিক।”

—“খামো মা। সমস্ত ব্যাপারে আমার বিরক্তি ধরে গেছে।”

—“না, তুমি ওকে ভালোবাস না। ঐ জানাঘাট ছেলেটার ভুলে তোমার মনে কোন রকম অসুখ নেই।”

মা বিষন্ন কণ্ঠে বললেন, “সারা জীবন আমিও হয়ে আছি জানাঘাট।”

তারপর এক কোণে একটি বাস্তুর ওপর বসে দুজনে কাদতে

লাগলেন এবং খানিক পরে মা বললেন, “যদি আলেকসির জন্তে না হত তাহলে আমি এ বাড়ি ছেড়ে সোজা চলে যেতাম। এই নরকে আমি থাকতে পারি না মা; পারি না! আমার শক্তি নেই।”

দিদিমা আস্তে আস্তে বললেন, “বাছা রে! আমারই রক্ত-মাংস।

এ-সব কথা আমি মনে গেঁথে রাখলাম। মা ছিলেন দুর্বল চিত্ত। আর সকলের মতো তিনিও দাদামশায়কে ভয় করতেন। তিনি বুঝেছিলেন, যে-বাড়িতে বাস করা অসম্ভব, সে-বাড়ি ছেড়ে যেতে আমিই তাঁকে বাধা দিচ্ছিলাম। ব্যাপারটা হয়ে দাঁড়িয়েছিল বড়ই দুঃখের। কিন্তু বেশি দিনও গেল না, তিনি সত্যিই একদিন বাড়ি ছেড়ে কোথায় কার সঙ্গে যেন দেখা করতে চলে গেলেন।

তারপরই হঠাৎ যেন ছাদ থেকে পড়েছেন এমনই ভাবে একদিন দাদামশায় এসে আমার বিছানায় বসে তার তুবর-শীতল হাতখানি রাখলেন আমার মাথায়।

—“কেমন আছ তে? উত্তর দাও। মুখ লুকিও না। কি? তোমাকে কি বলবার আছে?”

তার পা দু'খানা লাগি মেরে সরিয়ে দিতে আমার ভয়ানক ইচ্ছে হচ্ছিল। কিন্তু একটু নড়লেই আমার লাগছিল। তার হলেদে রঙের মাথাটা অস্তিরভাবে এপাশে-ওপাশে নাড়তে লাগলেন। তিনি পকেট থেকে টেনে বার করতে লাগলেন, আদা-দেওর, পপেট, মঠ, আপেল ও একগোছা লাল আঙুর। সেই সঙ্গে ধরত্রে চোখ দুটি দিয়ে যেন দেওয়ালের গায়ে কি খুঁজতে লাগলেন। জিনিষগুলো দালিশের ওপর ঠিক আমার নাকের কাছে রেখে বললেন, “এই নাও! তোমার জন্তে উপহার।”

তিনি নিচু হয়ে আমার কপাশে চুমো দিলেন। তারপর সেই ছোট নিষ্ঠুর হাত দু'খানি আমার মাথায় বুলিয়ে দিতে দিতে বলতে



শুরু করলেন, “বন্ধু, তোমার পিঠে আমার দাগ রেখে দিয়েছি। তুমি খুব রেগে উঠেছিলে। তুমি আমাকে আঁচড়ে কামড়ে দিয়েছিলে, তাতে আমারও মেজাজ হয়ে গিয়েছিল খারাপ। বা হোক তোমার ঘে-রকম দরকার তার চেয়েও কঠোর শাস্তি দিলে তোমার কোন ক্ষতি হত না। সে পরে হবে। তোমার নিজের পরিবারের লোক যখন তোমাকে মারবে তখন কিছু না মনে করতে শিখ। এটা হচ্ছে তোমার শিক্ষার অংশ। যদি বাইরের কোন লোকের কাছ থেকে এরকমটা ঘটে থাকলে তফাৎ আছে বটে, কিন্তু আমাদের কারো কাছ থেকে হলে ধরবার মতোই নয়। বাইরের কোন লোককে তোমার গায়ে হাত দিতে দিও না, কিন্তু তোমার নিজের পরিবারের কেউ মারলে তাতে মনে করবার কিছু নেই। বোন হয় থাকছে। আমি কখন চাবুক খাইনি। তুলেইশা! আমি তোমার চেয়ে এত বেশি চাবুক ধরেছি যা তুমি ধরতেও পারবে না। এমন নিষ্ঠুর ভাবে আমাকে চাবুক মারা হত যে, স্বয়ং ভগবানও তা দেখে চোখের জল ফেলে থাকবেন। আর চলে ফলে কি? আমি এক দুঃখিনীর সন্তান—অনাথ—আমার বর্তমান অবস্থায় এসে পৌঁছেছি। আমি এখন একটা সমিতির কর্তা, একজন ওস্তাদ কাবিগর।”

তার শুষ্ক স্মৃতিস্তম্ভ দেহখানি আমার দিকে তুলিয়ে জোরালো ভাষায়, মায়া শব্দ নির্ঝাঁচন করে তাঁর শৈশবের কথা বলতে শুরু করলেন।

“;মি এখানে এসেছ ষ্ট্রিমারে...বাস্পশক্তি এখন তোমাকে যে-কোন মায়ের মতো নিয়ে যাবে, কিন্তু আমি যখন ছোট ছিলাম তখন আমাকে মায়ের মতো নিয়ে গুল টেনে বজরা আনতে হয়েছিল। বজরাখানা থাকতো হাতে আর আমি হেঁটে আমতাম ডাঙার উপর দিয়ে খাবি পায়। খাবি থাকতো; পারালো পাথর ছড়ানো।...এই ভাবে সকাল থেকে সন্ধ্যা পর্যন্ত অবধি চলত। এ রোদে আমার ঘাড় জলে-পুড়ে যেত, মাথা দপ্-

দপ্ করতো যেন মাথার ভেতরে রয়েছে তরল লোহাভরা। কখন কখন আমার হাড়গুলো টন্ টন্ করতো, তবুও চলতে হত সামনে। চোখে পথ দেখতে পেতাম না। দু'চোখে জল ছাপিয়ে উঠতো। গাল বেয়ে যখন পড়তো তখন আমার বুক ষেত কেটে। হা-ওলেইশা! সে কথা বলা যায় না।

“যতক্ষণ না আমার হাত থেকে গুল খসে পড়তো ততক্ষণ চলতাম, কেবলই চলতাম। চলতে চলতে উপুড় হয়ে পড়ে যেতাম কিন্তু তার জন্তে আমি দুঃখিত হতাম না। আরও শক্ত হয়ে উঠে দাঁড়াইতাম। এক মিনিটও বিশ্রাম করতে না পেলে মারা যেতাম যে।

“এই অবস্থার মধ্যে আমরা তখন ভগবানের চোখের সামনে জীবন-ধারণ করতাম। এম্মি করে আমি ভলগা-মায়ের তাঁর দিয়ে আশ-বাওয়া করতাম, সিমবিরসক্ থেকে রিবিনসক্, সেখান থেকে সারাটক্, সেই আট্রাধান আর মারকারেফে মেলা অবধি—দু'হাজার মাইলের ওপর। বছর চারেক পরে আমি হলাম এক স্বাধীন নেয়ে। আমার মনিবকে দেখালাম আমি কি দিয়ে তৈরী।”

কথা বলতে বলতে তিনি যেন ক্ষুদ্রকায় গুফলীর্ণ বৃদ্ধ থেকে আমার চোখের সামনেই মেঘের মতো আয়তনে বর্দ্ধিত হয়ে রূপকথার এক অসাধারণ পুরুষে রূপান্তরিত হয়ে গেলেন! তিনি কি কালো রঙে একধানা বজরা নদী দিয়ে একা টেনে নিয়ে যান নি? মাঝে মাঝে বিছানা থেকে লাফ দিয়ে নেমে আমাকে দেখাতে লাগলেন, নেয়ের গায়ে গুল জড়িয়ে কি করে হেঁটে চলতো, কি করে তারা মোট গলায় গান গেয়ে নোকো থেকে জল ছিঁটে ফেলতো। আবার বিছানায় লাফ দিয়ে উঠে আমার বিন্দুকে আরও প্রবল করে তুলে ভাঙা গলায়, জোর দিয়ে বলে যেতে লাগলেন :

“বুলে ওলেইশা, কখন কখন গ্রীষ্মের বেলা শেষে আমরা যখন

জিঞ্জলাক বা ঐ ধরনের কোন জায়গায় সবুজ পাহাড়গুলোর তলায় গিয়ে পৌঁছতাম তখন সকলে অলসের মতো বসে সেখানে রান্না চড়িয়ে দিতাম, আর সেই পাহাড়ে জায়গার মাঝিরা রসের গান গাইতো। তারা শুরু করলেই নেয়েরা সকলে মিলে তাদের সঙ্গে সুর ধরতাম। সেই গানের সুরে সব উঠতো শিউরে, ভলগাও যেন ছুটে চলতো খোড়ার মতো, আর মেঘের মতো উঠতো ফলে। তখন যত দুঃখ-কষ্ট সব উড়ে যেত ধুলোর মতো।”

কয়েকবার কয়েকজন তাঁকে ডাকতে দরজায় উঁকি দিলে কিন্তু প্রত্যেক বারই আমি তাঁকে মিনতি জানিয়ে যেতে দিলাম না।

তিনি হেসে তাদের হাত নেড়ে ফিরিয়ে দিয়ে বললেন, “একটু সব্ব কর।”

তিনি আমার পাশে বসে, যতক্ষণ না সন্ধার অন্ধকার বনিয়ে এল ততক্ষণ অবধি গল্প দললেন। তারপর যখন আমার কাছ থেকে সন্নেহ বিদায় নিলেন তখন জানতে পারলাম, তিনি দুষ্ট-প্রকৃতিরও নন। দুর্দয়ও নন। এই কথা মনে করে আমার চোখে জল এল যে, তিনিই আমাকে এমন নিষ্ঠুর ভাবে বেত মেরেছিলেন।

দাদামশায়ের আসবার পর থেকে আর সকলের আসবার পথও শুকম হয়ে গেল। সকাল থেকে রাত অবধি কেউ না কেউ আমার কাছে এসে বিছানায় বসে আমাকে আনন্দ দেবার চেষ্টা করতো; কিন্তু মনে পড়ে সেটা সব সময়ে আনন্দের বা সুরের হস্তিনী।

সকলের চেয়ে বেশি আসতেন দিদিমা। তিনি আমার সঙ্গে একই বিছানায় শুতেন। কিন্তু সে সময়ে আমার মস্তিষ্ক সব চেয়ে স্পষ্ট ছাপ ফেলেছিল সিগানক। সে আসতো শেষ বেলায়—সুগঠিত দেহ, প্রশস্ত বক্ষ, কুঞ্চিত কেশ, পরিপাটি বেশ। তার শাটে ছিল জ্বরির কাজ, পায়ে ছিল বুট জুতো। জুতোজোড়া হারমোনিয়মের মতো

ক্যাচকৌচ করতো। তার চুলগুলো ছিল চকচকে, জু-জোড়া ছিল ঘন, চোখ দুটি ঝক্ ঝক্ কবতো, গোঁফজোড়া ছিল কচি। তার ছায়াঘ ছিল সাদা দীতগুলি। তার শাটটা ছিল কোমল, ঝলমলে।

সে একদিন এসে হাতের আঙ্গিন গুটিয়ে কন্নুই অবধি দেখিয়ে বললে, “এই দেখ।” হাতখানা ছিল লাল দাগে ভরা। “হাতখানা কিরকম ফুলে উঠেছে। কাল ছিল আরও খারাপ—খুব ব্যথা ছিল। যখন তোমার দাদানশায় রাগে ক্ষেপে গেলেন, আর আমি দেখলাম, তিনি তোমাকে বেত মারতে যাচ্ছেন, হাতখানা বাড়িয়ে দিলাম এই ভেবে যে বেতখানা ভেঙে যাবে। তারপর তিনি যখন আর একখানা নিতে যাবেন সেই অবসরে তোমার দিদিমা বা মা এসে তোমাকে সেখান থেকে সরিয়ে নিয়ে গিয়ে লুকিয়ে রাখবেন। এ-বিষয়ে আমি একেবারে পাকা।”

সে সময়েই ধীরে হাসতে লাগলো। আবার তার কোলা হাতখানার দিকে তাকিয়ে বললে, “তোমার জন্তে আমার এত কষ্ট হচ্ছিল যে, মনে হচ্ছিল আমার দম বন্ধ হয়ে যাবে! কি লজ্জা!... কিন্তু তিনি তোমাকে সমানে বেত মারছিলেন।”

অশ্বের মতো হুঁসুপি করে, মাথা নেড়ে সে ঘটনা বৃত্তান্ত বলে যেতে লাগলো। এই শিশু-স্বলভ সরলতা যেন তাকে আমার আরও কাছে টেনে নিয়ে এল। আমি বললাম তাকে আমি খুবই ভালোবাসি; আর সে যে সরলতার সঙ্গে উত্তর দিল তা আমার স্মৃতিপটে সর্বদা জেগে আছে।

“আর আমিও তোমাকে ভালোবাসি। এইতো আমি এতখানি আঘাত নিয়েছিলাম। তুমি কি মনে কর, আর কারো জন্তে এটা করতাম? তা হলে কাজটা হত বোকপির মতো।”

তারপর সে আমাকে চুপি চুপি পরামর্শ দিতে লাগলো; আর বার

বার দরজার দিকে তাকাতে লাগলো।

“এরপবে ও যখন তোমাকে মারবে তখন পালাবার চেষ্টা করো না, পরস্পারপ্তিও কোরো না। যদি বাধা দাও তাহলে আরও লাগবে। যদি তুমি নিজেকে সম্পূর্ণ ওর হাতে ছেড়ে দাও তাহলে ও তোমাকে কম মারবে। শরীর আর হাত-পা নরম কবে থাকে, ওর ওপর রাগ দেখিও না। কথাটা মনে করে রেখ।

বললাম, “নিশ্চয়ই ও আমাকে আর মারবে না?”

দিগানক শান্তভাবে উত্তর দিলে, “নিশ্চয়ই ও তোমাকে আবার মারবে, প্রায়ই মারবে।”

—“কিস্ত কেন?”

—“কারণ দাদামশায় তোমাব ওপর নজর রেখেছেন।” এবং আবার সে আমাকে পরামর্শ দিলে, “মারবার সময় বেতখানা পড়ে নোজা। তুমি যদি স্থির হয়ে শুয়ে থাক তাহলে সম্ভবত বেতখানাকে আঁবও নিচু করতে হবে। তাতে তোমার গায়ের চামড়া কাটবে না... বুঝলে? তোমার শরীরটা ওর আর বেতের দিকে তুলো। তাতে তোমার ভালো হবে।”

তারপর তাব কালো ঝাঁক চোখ দুটোতে একটু ইস্কারা করে আবার বললে, “পুলিশেব চেয়ে এসব বিষয় আমি বেশি জানি। বাবা! আমার খোলা কাঁধে এমন মার মারাজি যে চামড়া উঠে আসতো।”

আমি তার উজ্জ্বল মুখখানার দিকে তাকিয়ে রইলাম। দিদিমার একটি গল্প মনে পড়ে গেল।

## তৃতীয় পরিচ্ছেদ

সেই উঠলে বুঝতে পারলাম, পরিবারের মধ্যে সিগানক বেশ একটি গুরুত্বপূর্ণ স্থান দখল করে আছে। দাদামশায় তার ছেলেদের যেমন ধমক দিতেন তাকে তেমন ধমক দিতেন না, তার অসাম্মতে চোখ দুটি অর্ধ নিম্নীলিত করে, মাথা নেড়ে বলতেন : “ঐ সিগানকটা ভাল কারিগর। আমার কথাগুলো মনে করে রেখ। ও উন্নতি করবে। ওব পয়সা-কড়ি হবে।”

আমার মামারাও তার সঙ্গে নম্র ব্যবহার করতেন এবং তার বন্ধু মতো ছিলেন। তাঁরা সন্টার কাবিগর গ্রেগরির সঙ্গে যেমন কচ রসিকতা করতেন তার সঙ্গে তেমন করতেন না। গ্রেগরিকে প্রত্যহ সন্ধ্যায় তাঁদের কোন-না-কোন রকমে অপমানকর বা কচ রসিকতা ভোগ করতে হত। কখন কখন তারা কাঁচির হাতল ছুটো আগুনে টকটকে লাগল কবে রাখতেন অথবা তাব চেয়ারের তলা দিয়ে পেরেক পুতে ওপব দিয়ে দাব কবে বাধতেন, কখন বা তাব হাতের কাছে রাখতেন একই রঙের নানা রকমের জিনিষ। সেছিল আধকাণ। সেগুলো এক সঙ্গে সেলাই কবলে দাদামশায় তাকে বকতেন।

একদিন সে খাবার পর বাগ্নাধবে ঘুমিয়ে পড়লে, মামারা তাব মুখে রঙ মাখিয়ে দিয়েছিলেন। তাতে তাকে দেখতে সুখেছিল ভারী মজার। তাব চোখে ছিল রঙিন চষমা, মুখে দাড়ি, সাদা নাকটা বেরিয়ে ছিল জিন্তের মতো।

এই ধরনের নগ্নাণী মানাদের ছিল অফুরন্ত। গ্রেগরি সে-সব নীরবে সহ করতো। কেবল বিড় বিড় করে দুই একটি কথা বলতো। আর ইন্ডি, কাঁচি, সূঁচের কাজ বাসুঁসি ছোঁবার আগে সে আঙ্গুলে বেশ করে ধুখ দিয়ে ভিজিয়ে নিত। এটা হয়ে দাঁড়িয়েছিল

চার অভ্যাস। এমন কি খানার আগেও সে ছুরি-কাঁটা ধরবার সময় ঝাঞ্জুলগুলো জ্বিতে ঠেকাতো। তাতে ছেলেমেয়েরা ভারী আমোদ পাত। আহত হলে তার প্রকাণ্ড মুখখানির ওপর দিয়ে তরঙ্গের মতো খেলে যেত কুঞ্জন-রেখা। সেগুলো উঠে যেত তার কপালে, ঠলে ফুলতো তার জ্রাজ্জোড়া, অবশেষে মিলিয়ে যেত টাকে।

মনে পড়ে না দাদামশায় তাঁর ছেলেদের রসিকতা কিভাবে সহ্য করতেন, তবে দিদিমা তাদের ঘৃষি দেখিয়ে বলতেন, “নির্লজ্জ, “যতানগুলো!”

কিন্তু আগার মানারা, ঝাড়াতে সিগানকেরও নিন্দা করতেন। তার তাকে বিক্রম করতেন, তার কাজের দোষ ধরতেন। তাকে বলতেন, চোর ও অলস।

দিদিমাকে জিজ্ঞেস করেছিলাম, তাঁরা কেন এরকম করেন। তিনি কোন দ্বিধা না করে আমাকে বুঝিয়ে দেন। ব্যাপারটা মামার কাছে পরিস্কার হয়ে যায়। তিনি বলেন, “ওরা প্রত্যেকেই চাইছে সে বধন ব্যবসা শুরু করবে তখন বানিউশকাকে নেবে সঙ্গে। চাই ওরা পরস্পরের কাছে ওর নিন্দে করে। ওরা মুখে বলে ‘ও গোপ কারিগর’, কিন্তু ওদের মনের কথা তা নয়। এটা হচ্ছে ওদের গালাকি। এর ওপর, ওদের ভয় আছে বানিউশকা ওদের কারো সঙ্গেই যাবে না, দাদামশায়ের কাছেই থাকবে। দাদামশায় সবসময়ে বলেন নিজের পক্ষে। তিনি আইভানকার সঙ্গে তাঁর একটি মারখানা খুলবেন। তাতে তোমার মামাদের সুবিধে হবে না। এখন বুঝলে? দাদামশায় ওদের শয়তানী দেখে ওদের আরও ক্ষেপিয়ে তোলেন। বলেন, ‘আমি টাকা দিয়ে ওকে একখানা সার্টিফিকেট কেনে দেব যাতে সরকার ওকে সৈয়দুল না নিয়ে যায়। ওকে না হলে মামার চলে না।’ এ কথা শুনে ওরা চটে ওঠে। ঠিক এইটেই

ওরা করতে চায় না। তা ছাড়া, ওরা টাকা খরচেও নারাজ। সৈন্তদেও থেকে ছাডান পেতে গেলে টাকা খরচ করতে হবে।”

ষ্টীমারে থাকবার সময়ের মতো আবার আমি দিদিমার কাছে ছিলাম। এবং প্রতি রাতে ঘুমিয়ে পড়বার আগে তিনি আমাকে রূপকথা বা তাঁর জীবনের কাহিনী বলতেন। সেগুলো ছিল ঠিক গল্পের মতোই। তিনি সাংসারিক ব্যাপারের কথা এমন ভাবে বলতেন, যেহেতু তিনি সংসারের কেউ নন, একজন অপরিচিত বা পড়সী মাত্র।

তাঁর কাছ থেকে শুনেছিলাম, সিগানক ছিল, কুড়িয়ে-পাওয়া ছেলে। বসন্তের প্রথম দিকে বধারাতে বারান্দায় একখানি বেঞ্চির ওপর তাকে তিনি পেয়েছিলেন।

দিদিমা গম্ভীর মুখে হেঁয়ালিভরে বললেন, “সেখানে ও পড়ে ছিল। কাদবার শক্তি ছিল না, ঠাণ্ডায় হয়ে গিয়ে ছিল প্রায় অসাড়।”

—“কিন্তু লোকে ছেলে ফেলে দিয়ে যায় কেন?”

—“কাবণ মায়ের ছেলেকে খাওয়াবার দুধ বা কিছু থাকে না বলে। মা যখন শোনে কোথাও ছেলে হয়ে তখনই মারা গেছে তখন সেখানে নিজের ছেলেটিকে রেখে আসে।”

তিনি চুপ করলেন এবং মাথা চুলকে দাঁগনিঃশ্বাস ফেলে ছাদের দিকে তাকিয়ে আবার বলে যেতে লাগলেন, “ওলেইশা, এর কারণ হচ্ছে দারিদ্র্য। এক ধরনের দারিদ্র্যের কথা বলা বারণ। কোন কুমারী স্বীকার করতে সাহসই পায় না যে তাঁর ছেলে হয়েছে—লোকে যে তাকে ধিক্কার দেবে।

“দাদামশায় বানিউশাকাকে পুলিশের হাতে দিতে চেয়েছিলেন, কিন্তু আমি বলি, ‘না, যেগুলি মারা গেছে ওকে আমরা তাদের শ্রদ্ধা জয়গা পূরণ করতে রাখবো। তুমি তো জান, আমার আঠারোটি ছেলে-মেয়ে ছিল। তারা যদি সকলে বেঁচে থাকতো



হলে একটা রাস্তা ভরে যেত—আঠারোটি নতুন পরিবার! আমার হয়ে হয়েছিল আঠারো বছর বয়সে। আর ঐ সময়ের মধ্যে যেছিল আমার পনেরোটি ছেলে-মেয়ে। কিন্তু ভগবান আমার ক-মাংসকে এত ভালোবাসেন যে, তাদের প্রায় সকলকেই—আমার চি বাচ্চাদের—দেবদূতের কাছে স্বর্গে টেনে নিয়েছেন। তাতে আমি খিত ও স্বর্ধা দুই-ই হয়েছিলাম।”

বাণেব পোশাক পরে তিনি বিছানার ধারে বসেছিলেন। কাণ্ড শরীব ও অলুখালু বেশ কালো চুলগুলি খুলে পড়েছিল তাঁর দেপাবে। তাঁকে দেখাচ্ছিল সেই প্রকাণ্ড ভাল্লকটার মতো, যাকে বরগাচের দাড়িওয়ালা তঙ্কলিটা একদিন আমাদের আঙিনায় নেছিল।

তৎবানের উদ্দেশ্যে প্রণতি জানিয়ে তিনি কোমল হাসি হেসে বলেন :

“নেওয়ারটা তাদের পক্ষে ভালই হয়েছিল, কিন্তু আমি একা ড় কষ্টে পাচ্ছিলাম। তাই আইভাংকাকে পেয়ে এত খুশি হয়েছিলাম। মন কি এখনও আমি তাদের জন্তে দুঃখ পাই। বাছারা আমার ...তা, আমবা ওকে রেখে, খ্রীষ্টান করে নিই। ও এখনও আমাদের সঙ্গে স্থপে বাস করছে। প্রথমে আমি ওকে ‘শুবার পোকা’ পে ডাকতাম। কারণ ও সত্যিই মাঝে মাঝে গুনগুন করতে শুবরে পাকার গতোই এথরে-ওথরে গুন গুন করতে করতে হামাঙা ড় দিয়ে রে নেডাতো। তুমি ওকে নিশ্চয়ই ভালোবাসবে ও খুব ভাল পাক।”

আমি আইভানকে সত্যি ভালোবাসতাম, তার প্রশংসাও রতাম। শনিবারে, সারা সপ্তাহের মোষ-ক্রটির জন্তে ছেলেদের স্তি দিয়ে দাদামশায় যখন সাক্ষোপাশনায় যেতেন তখন রান্নাঘরে

আমরা সকলে অনির্বচনীয় আনন্দে কাটাঁতাম।

সিগানক ষ্টোভ থেকে কয়েকটা তেলাপোকা ধরে তাদের জন্তে স্নাতো দিয়ে খুব তাড়াতাড়ি একটা ঘোড়ার শাজ তৈরি করতো, একটা কাগজের প্লেজ কাটতো। তারপরই পরিষ্কার, মশণ, হলুদ-রঙের টেবিলের ওপর দিয়ে কদমে ছুটে যেত এক জোড়া কালো ঘোড়া। আইভান একটা সরু কাঠি চাবুকের মতো করে তাই দিয়ে তাদের চালাতো, তাড়া দিত; আর বলতো, ওরা এখন চলেছে বিশেষ বাড়ি।”

তারপর সে আর একটা তেলাপোকাকার পিঠে একখানা কাগজ এটে দিয়ে তাকে প্লেজের পিছন পিছন চালাতো। আর বলতো “আমার ধলিটা ভুলে ফেলে গিয়েছিলাম। সম্যাসী ওটা নিয়ে ছুটছে চলো—হেট্ হেট্!”

সে আর একটা তেলাপোকাকার পা স্নাতো দিয়ে বেঁধে দি। পোকটা তাতে মাথাটা সামনের দিকে বাড়িয়ে দিয়ে লাফিয়ে চলতো। তখন সে হাত তালি দিয়ে বলে উঠতো, “ডিকন-মশণ সাক্ষ্যোপাসনার জন্তে মদেব দোকান থেকে বেবিয়ে আসছেন।”

তারপর সে আমাদের দেখাতো একটি ইঁদুর। ইঁদুরটা তার কপালে দুপায়ে উঠে দাঁড়াতো, পিছনের পায়ে তরদিয়ে লম্বা লেজটা ছেঁটে টেনে কালো কাঁচের গুটির মতো, খরখরে চোখ দুটো মিট মিট করতে করতে হেঁটে চলতো।

সে ইঁদুরের সঙ্গে বকুড় করতো। তাদের বুক-পকেটে নিয়ে বেড়াতো, চিনি খাওয়াতো, চুমো খেত।

সে শাস্ত কণ্ঠে বলতো, “ইঁদুরেরা হচ্ছে চালাক প্রাণী। বাস্তব ইঁদুর খেতে বড় ভালোবাসে। যে তাদের ইঁদুর খাওয়ায় বুড়ো হুঁট তার মনস্কামনা পূর্ণ করে।”

সে তাস ও টাকার খেলাও দেখাতে পারতো। তার আর ছেলে-মেয়েদের মধ্যে তফাৎ বিশেষ কিছু ছিল না। একদিন সে তাস খলায় পর পর কয়েকবার হেরে যাওয়ায় চটে গেল, আর খেলাতেই চাইলো না। পরে সে আমাকে বলেছিল, “ওরা নিজেদের মধ্যে ষড় করে ছিল! ওরা ইসারা করছিল আর টেবিলের নিচে তাস ঢালাচালি করছিল। তুমি কি এটাকে তাস খেলা বল? বাংলাদেশে আমিও কম নয়।”

অথচ তার বয়স ছিল উনিশ বছর। শরীরটা ছিল আমাদের চাবজনের সমান।

ছুটির দিনের সন্ধ্যায় তার বিশেষ স্মৃতি আমার মনে আছে। দাদামশায় আব মাইকেল-মামা যেতেন তাঁদেব বন্ধুদের সঙ্গে দেখা করতে, জাকফ-মামা আসতেন তার গিটার নিয়ে। তাঁর মাথায় ছিল কৌকড়া ছিল, বেশভূষা ছিল অপরিচ্ছন্ন। দিদিমা নানা রকমের মুখরোচক উপকরণ দিয়ে তৈরি করতেন চা, তৈরি করতেন ভদকা। যে-বোতলে তিনি ভদকা রাখতেন সেটার আকার ছিল চৌকো। তার নিচের দিকে ছিল লাল গোলাপ ফুল তোলা। ছুটির দিনের পোশাক-পরে সিগানক ঝলমল করতো। আর আসতো গ্রেগরি, নিঃশব্দে, কাং :য়ে, চোখে বড়িন চষমা। আসতো নাস ইউজেনিয়া। তার মুখখানি ছিল বয়স-ফাটে ভরা, রাঙা, শরীরটা জালুর মতো। তাদের সঙ্গে আসতো আরও অনেকে। তাদের কাঁরো চেহারা ছিল গাঙদাডা মাছের মতো, কাউকে দেখতেছিল পান-মাছের মতো। তারা সকলেই ঠেসে খেত, প্রাণভরে মদ টানতো। ছেলে-মেয়েদের দেওয়া হত মিষ্ট সিরাপ। ক্রমে আসরটা বেশ গরম হয়ে সব স্মৃতিতে মেতে উঠতো।

জাকফ-মামা তাঁর গিটারে রনের স্বর তুলতেন। রনের গান

বাজাবার আগেই তিনি বলতেন, “এস এবার শুরু করা যাক।”

তার কৌকড়া চুলভরা মাথাটা ছুলিয়ে গিটারটার ওপর কঁকে ত্রিহি হাঁসের মতো গলা বাড়িয়ে দিতেন। তাঁর গোল মুখখানি হয়ে যেত স্বপ্নালু, আবেগময় মায়াবিস্তারী চোখ দুটি ঘন কুয়াসায় বেত ছেয়ে। তিনি গিটারের ভারে লঘু আঘাত করে আপনা হতেই এক খানি পা তুলে এলে-মেলাে স্থর বাজাতেন। তাঁর সঙ্গীতের পক্ষে প্রয়োজন ছিল গাঢ় স্বরুতাব। সে সঙ্গীত বয়ে আসতো স্তব্দের এক গতিময় নিব্বর্তন মতো। তা সারা অন্তবকে ছুলিয়ে দিয়ে এক অজ্ঞান বেদনা ও চঞ্চলতায় ভবে তুলতো। সেই সঙ্গীতের সুরে আনন্দ সকলেই হয়ে পড়তাম বিশ্বয়। সবচেয়ে বয়স্ক যারা ছিলেন তাঁর নিজেদের শিশুর চেয়ে বেশি কিছু মনে করতেন না। আমরা ষ্ট্র হয়ে বসে স্বপ্নালু স্বরুতায় ডুবে যেতাম। বিশেষ করে সাগর মাইকেলফ মামাব পাশে একেবারে সোজা হয়ে বসে তার সারা দেহ দিয়ে শুনতো, ঠা করে গিটারটার দিকে তাকিয়ে থাকতো আর আনন্দে পরিসিক্ত হত। আমরা বাকি সকলে বসে থাকতাম যেন জমে গেছি বা মস্তে বশীভূত হয়ে পড়েছি। কেবল একটি মাত্র শব্দ শোনা যেত, সেটি স্রামোভারের মুহু সৌ সৌ। গিটারের মিনতি ধারায় সে একটুও বিশ্ব ঘটাতো না।

যনে পড়ে শারদ-রাত্রির অক্ষকারের গায়ে দুটি ছোট্ট টোকাে জানলা থেকে আলো গিয়ে পড়েছে। মাঝে মাঝে কে যেন সে দুটিতে লঘু আঘাত করছে। টেবিলের ওপর জুড়েই দুটি মোমবাতি। তাদের হলুদ রঙের শিখা, সড়কির মতো তাঁক ধরখর করে কাঁপছে।

জাকফ-মামা যখন মদ খেতেন তখন সীতের ফাঁক দিয়ে দিশ্রী সুরে গান গাইতেন। সে গানের শেষ ছিল না।...

একটি গানের একটি অংশে ছিল ভিখারীর কথা। তিনি যখন

দহ অংশটি গাইতেন, আমি সহিতে পারতাম না, বন্ধনহীন বেদনার যাবেগে কাঁদতাম। গান শুনে আর সকলের মনে যেমন ভাব হত দগুনাকের মনেও হত তেমনি। সে মন দিয়ে শুনতো আর কালো বঃ চলগুলির মধ্যে অঙ্গুলি চালনা করতে করতে আধ ঘুম ভরে দি-টি কোণের দিকে তাকিয়ে থাকতো।

কখন কখন সে হঠাৎ আকুল কণ্ঠে বলে উঠতো, “আহা! যদি আমার গানের গলা থাকতো! ভগবান! আমি কি রকম গান গাইতাম!”

আর দিদিমা দৌদনিশ্বাস ফেলে বলতেন, “তুমি কি আমাদের ক'লেঙ্গে দেবে জাশা? ... বানিয়াংকা একটু নাচবে কি?”

তার অনুরোধটি অবিলম্বে পালিত হত না। কিন্তু কখন কখন যমক হঠাৎ সমস্ত তারগুলোর ওপর দিয়ে অঙ্গুলি বুলিয়ে হাত মুঠো করে এমন ভাব দেখাতেন যেন মেঝেয় অদৃশ্য কিছু ছুড়ে ফেলছেন। তারপরই বলে উঠতেন, “দুঃখ দূর হয়ে যাও! বাংকা উঠে দাঁড়াও।”

সিগনাক তার হলদে রঙের ব্লাউসটা টেনে সমান করে নামিয়ে পাগাঘরখানির মাঝখানে খুব সাবধানে, যেন পেরেকের ওপর দিয়ে পাটছে এমনি ভাবে এসে দাঁড়াতো। তার কালো মুখখানি লজ্জায় লাল হয়ে যেতো। আর সে মিনতিভরে বলতো, “আরও তাড়াতাড়ি পাকফ বাসিলিচ!”

তারপরই দেখতাম, গিটারটা কম কম করে বেজে উঠলো, মেঝেয় পাড়ালিটা ঘা দিতে লাগলো, টেবিলের ওপর জুঁকাবার্ডে পিয়ারচ-টশ উঠলো খড় খড় করে আর রান্নাঘরের খপলোয় কলমল করতে লাগলো সিগনাক। হাওয়াই যাতা কলের মতো হাত দুখানা ছলিয়ে চলে চলে ছৌ দিচ্ছে এমনি ভাবে নিচু হয়ে পা দুখান এত তাড়াতাড়ি উড়তো যে মনে হত সোঁস্তর হয়ে আছে। তারপর সে মেঝের

আমার ছেলেবেলা

৪৫

দিকে ছুয়ে পড়তো, সোনালি সোয়ালো পাখিটির মতো ঘুরপাক দিত তার রেশমের ব্লাউসটা যখন তরলভঙ্গি কাপতো তখন তার কলমলাচি চারধারে ছড়িয়ে পড়তো। মনে হত আলোয় যেন সে জ্বলছে, বাতাসে ভাসছে। সে নাচতো আত্মবিস্মৃত হয়ে। তার ক্লাস্ট ছিল না। মনে হত, যদি দরজা খুলে দেওয়া যায় তাহলে সে নাচতে নাচতে পয়ে বেরিয়ে, শহর দিয়ে চলে যাবে দূরে...আমাদের এলাকা পার হয়ে।

সেদিনও যারা টেবিলে বসেছিল তারা পরস্পরকে আঁচড়াতে চীৎকার করতে লাগলো যেন তাদের জীবন্ত পোড়ানো হচ্ছে দাড়িওয়ালা সন্টার কারিগরটি তার স্ট্যাক মাথাটি চাপড়ে : কোলাহলে যোগ দিলে। একবার সে আমার দিকে নুঁকে আন কাঁধে তার নরম দাড়িটা বুলিয়ে আমার কানে কানে বললে, 'আমি বয়স্ক লোক, "তোমার বাবা যদি এখানে থাকতো আলেক ম্যাকসিমিচ, তাহলে আরও মজা হত। স্মৃতিবাজ লোক ছিল। সব সময় স্মৃতিতে থাকতো। তাকে তোমার মনে আছে, নেই?'

—“না।”

—“মনে নেই? একবার সে আর তোমার দিদিমা—কিন্তু এক ধামো।”

তাকে দেখাচ্ছিল দাঁড়াকার, শীর্ণ কতকটা আমাদের নিগ্রহটি মতো। সে উঠে দাড়িয়ে মাথা শুইয়ে অভিবাদন করে, অপাধার মোটা গলায় বললে, “আকুলিনা আইভানোভনা, তুমি একবার যেন ম্যাকসিম সাবাতিয়েবিচের সঙ্গে নেচেছিলে আজও কথা করে আমাদের সে রকম নেচে দেখাবে কি? আমরা তাহলে কী উৎসাহ আর আনন্দ বোধ করবো।”

দিদিমা সহাস্তে, জড়সড় হয়ে বললেন, “তুমি কি বলছো, বাপু ভেবে দেখ আমার এই বয়সে নাচ? কেবল লোক হাসাবো।”

আমার ছেলেবেলা

৪২

কিন্তু তিনি যৌবন-স্বলভ ভাব নিয়ে হঠাৎ লাফ দিয়ে উঠে, আরটটা গুছিয়ে নিলেন এবং ভারী মাথাটি ছলিয়ে রান্না ঘরের মাঝখানে ছুটে যেতে যেতে বললেন, “যদি হাসতে চাও হাস তামাদের অনেক ভাল হবে। জামা, বাজাও!”

মামা নিজেকে দিলেন ছেড়ে। চোখ দুটো বন্ধ করে ধীরে বাজাতে লাগলেন। সিগানক ক্ষণিক স্থির হয়ে দাঁড়িয়ে রইলো। তারপর যেখানে দিদিমা ছিলেন, সে এক লাফে সেখানে গিয়ে উবু হয়ে বসে তার চারধারে ঘুরপাক দিল। আর দিদিমা হাত দুখানি ছড়িয়ে, এক জাড়া তুলে, সামনের দিকে স্থির দৃষ্টিতে তাকিয়ে মেঝেয় নিঃশব্দে লেগে লাগলেন যেন বাতাসে ভাসছেন। তাকে আমার লাগলো উঃজ্ঞার তাকে নিয়ে কৌতুক করতে লাগলাম। কিন্তু গ্রেগরি হঠোর ভাবে আঙুল তুলে রইলো, আব বয়স্কেরা আমি যে দিকে ছিলাম অপ্রসন্ন দৃষ্টিতে সেদিকে তাকাতে লাগলেন।

গ্রেগরি বললে, “গোলমাল করো না আইভান।” সিগনাক বর্ণীভাবে লাফ দিয়ে একপাশে সরে গিয়ে দরজার পাশে বসলো। উজ্জেনিয়া গলা ফুলিয়ে খাটো মিষ্ট স্বরে গান ধরলো:

“সপ্তাহে সাতদিন শনিবার অবধি

রোজগার করে সে বাহা তার শক্তি—

ভোর হতে সেই রাত বোনে সে লেশ-ফুল,

পরিশেষে ক্লান্তিতে চোখেতে দেখে তুল

দিদিমাকে মনে হতে লাগলো তিনি বেশ নাচছেন না, গল্প লুচেন। তিনি লঘু-পায়ে, স্বপ্ন-ভরে চলছেন, ফিরছেন, ঈর্ষ্য লুচেন, হাত দুখানির তলা দিয়ে দেখছেন। তাঁর প্রকাণ্ড দেহটির সবখানি অনিশ্চয়তায় কাঁপছে, পা দুখানি সাবধানে পথ অনুভব

## আমার ছেলেবেলা

৫৫

করে চলছে। তারপর তিনি হঠাৎ গিঁদ হয়ে দাঁড়াগেন, যেন ঃ পেয়েছেন। তার দুখখানি শাপতে মাথাগো ৮ কানো হয়ে উঠলে কিন্তু আবার তখনই তার পৌঁতমখ খ্রাণের হাশিতে হয়ে উঠলে উজ্জল। তিনি একপাশে দেহটি হেলিয়ে দিলেন কাকে দেখে নিজের হাতখানি দিগে চাইছেন না। তারপর মাথা নিা করগেন, ৮ সব শেষ হল আবার যেন তিনি কার কথাগুলি শুনলে আনন্দে হাসছেন। তারপর হঠাৎ তার মাথকা খেতে হিটকে গুল চবকির মতো ঘুরতে লাগলেন। তার দেহটি ক দেখতে লাগল আরও চমৎকার। তিনি যেন আরও দীর্ঘ পদ হয়ে উঠলেন। তার তার দিক থেকে চাপ ফিৎতে পদগুলি ৮ নেই আশে যৌবনোচ্ছ্বাসময় মূর্ত্তে তাকে দেখাতে লাগলে এমন গৌরবময়, ৮ স্ববনা ও মোহিনী মগিত্তা। ইউজেনিয়া গেদে যেতে লাগলো ৮

“তারপর ববিবাবে প্রাথমিকপবে

য়েরেটি বত রাত নাঃঃ ৫৭-৬৫,

দেরি করে খতটা শতসে কলাগে—

ছুটি সে কোন দিন, কখন না পায়।”

নাচ শেষ করে দিদিমা স্নানোভবেদ পাশে তার জায়গাটিতে ফিঃ এলেন। সকলে হাততালি দিয়ে তারে অভিনন্দন ৮ জামাঃ দিদিমা তার চলগুলি সোজা করে ঙ্গে লাগেন, ৮ হুঃগেঃ হয়েঃ তোমরা সত্যিকারের নাচ কখন দেখনি। শশীকরায় আমাঃ বাড়িতে একটি মেয়ে ছিল, এখন হাঃ হুঃ হুঃ গেছি, আঃ অনেকের ভুলেছি। তোমরা তার নাঃ হুঃগেঃ আনন্দে ঙাদতে। হুঃ দিকে একবার তাকালেই খুশি হতে। আঃ কিছুব দরকার ঙোমঃ হ’ত না। আমি তার হিংসে করতাম—ঙঃঃ পাপী আমি!”



আমার ছেলেবেলা

ইউজেনিয়া গম্ভীরভাবে বললে, “নাচিয়ে, গাইয়েরা জগতে সবচেয়ে শ্রেষ্ঠ লোক।”

দুপুরের স্নেহ বাজা ছেঁচিড সপ্তকে একটি গান গাইলে। জাকফর সিখানকে অলিঙ্গন করে তাকে বললেন, “তোমার থাকলে মনে পড়ত।”

দুপুরের স্নেহ বললে, “যদি পাবতাম। যদি ভগবান আমায় গলায় দাঁড়িয়ে দিতেন তবে এতদিন গান গেয়ে বেড়াইতাম। ককাঁবেব মতো পথে গান গাইতাম।”

হারা সবলে বন্দী পান করলেন। প্রোগবি পান করলে সকলের চোখে কিছু বেশি দিদিমা তাকে গেলাসেব পর গেলাস ভদকা দিতে দিতে সাবধান করে বললেন “সাবধান গ্রিশা, না হলে কিছুই দেখতে পাবে না।”

প্রোগবি বন্দী উত্তর দিলে “কত পর্বোয়া নেতি। আমার ককাঁবেব আনন্দে নেই।”

সে মন টানতে লাগলো কিন্তু মাতান হল না, বলে প্রতি মুহূর্তে উঠতে লাগলো, বাচাল। সে প্রায় সাবাক্ষণই আমার বাবার কাছে আমাকে বসলে।

“আমার বন্ধ ম্যাকসিন্ সাবাতিয়েবিচেব অন্তর ছিল দ্বাঙ্ক।”  
 দিদিমা তার কথায় সায় দিয়ে দৌড়নি-গাম ফেললেন “হু-সিগই-”  
 এমআমার কাছে লাগছিল বন্দী মজার। আমাকে মস্ত-মস্তের  
 ত করে, আমার অন্তর এক কোমল, অনুভবের বিষাদে ভরিয়ে  
 কাবণ বিষাদ ও আনন্দ আমাদের অন্তরে পাশাপাশি। প্রায়  
 বাচ্ছর অবস্থায় থাকে। একটির পর আর একটি আসে গোপনে,  
 এক্ষে ক্ষত গতিতে।

জাকফ-মামা একবার মাতাল হয়ে তাঁর শাটটা ছিঁড়তে শুরু করলেন। তাঁর কৌকড়া চুলগুলো, কটা রঙের গৌফ জোড়া, নাকটো ও ঝোলা ঠোঁটটা জ্বোরে চেপে ধরতে লাগলেন।

চোখের জলে গলে তিনি হাউহাউ করে বলতে লাগলেন, “আমি কি? আমি এখানে কেন?” এবং তার গাল, কপাল ও ঠোঁট আঁকড়ে করে ফুঁপিয়ে কাদতে কাদতে বললেন, “অনাবশ্যিক। হ্যাঁ পশু! আমার কোন আশা নেই!”

গ্রেগরি বলে উঠলো, “আ—হা! তুমি ঠিক বলেছ!”

কিন্তু দিদিমাও সম্পূর্ণ প্রকৃতিস্থ ছিলেন না। তার ছেলের পক্ষে যত্নে তাকে বললেন, “হয়েছে জাশা। ভগবান জানেন কি—আমাদের শিক্ষা দিতে হয়।”

তিনি যখন ভদ্রকা পান করছিলেন, তখন তাকে দেখাচ্ছিল অস্বাভাবিক চমৎকার। চোখদুটি হয়ে উঠেছিল আরও কালো ও হালকা। তখন থেকে সকলের ওপরে করে পড়ছিল তাঁর অন্তরের ভালোবাসা। রুমালখানি মুখের একপাশে ঠেলে সরিয়ে তিনি মদিরা-জড়িত বলে বললেন, “ভগবান! ভগবান! সব কি রকম ভাল! তোমার কি দেখছ না সব কত ভাল?”

এটা ছিল তাঁর অন্তরের কথা—তাঁর সারা জীবনের মনঃ

আমার বেপরোয়া মামাটির চোখের জল ও হৃৎস্পন্দনে দিদিমা হলাম। দিদিমাকে জিজ্ঞেস করলাম, মামা অমন করে কেন কাদবে আর নিজেকেই বা মারলেন কেন?

দিদিমা কুণ্ডার সঙ্গে বললেন, “তুমি মনঃকিছুই জানতে চাও! কি একটু সবুর কর। শীগগিরই এই ব্যাপারটার সব কিছু জানতে পারবে তাতে আমার কৌতূহল আরও উদ্বীপ্ত হয়ে উঠলো। আমি

বন্ধে জানতে কারখানায় গিয়ে আইভানকে চেপে ধরলাম। কিন্তু কিছুই বলতে চাইলো না। সে গ্রেগরির দিকে আড় চোখে তাকিয়ে নিঃশব্দে হাসতে হাসতে আমাকে ঠেলে বার করে দিতে দিতে বললে, “ছেড়ে দাও ওকথা, পালাও। তোমাকে ঐ পিপেটার মধ্যে ডুবিয়ে রঙে ছুবিয়ে দেব।”

গ্রেগরি চণ্ডা, নিচ ষ্টোভটার সামনে দাঁড়িয়ে ছিল। ষ্টোভটার ওপরে সিগেট দিয়ে গাঁথা ছিল রঙের বড় বড় হাঙা। হাঙাগুলোর তলে তলের রঙ একধানা লম্বা, কালো খুন্তি দিয়ে সে নাড়ছিল আর মাঝে মাঝে সেটা তুলে দেখছিল। খুন্তিখানার আগা থেকে রঙিন ফোঁটাগুলো হাঙাতে ঝবে পড়ছিল টপ্ টপ্ করে। ষ্টোভের উজ্জ্বল রঙিন শিখা মণ্ডাছিল তার চামড়ার এপ্রনের গায়ে। হাঙাগুলোর রঙ সোঁ সোঁ করছিল, আর হাঙা থেকে ঝাঁঝালো বাষ্প উঠে ঘন মেঘাকারে দরজা অবধি বিস্তৃত হচ্ছিল। গ্রেগরি রঙিন চষমা জোড়ার তলা দিয়ে তার ঘোলাটে লাল চোখে তাকিয়ে দেখে আইভানকে হঠাৎ বললে, “তোমাকে বাইরে দরকার দেখতে পাচ্ছ না?”

কিন্তু সিগানক চলে গেলে স্মানটলাইনের একটি বস্তার ওপরে সে আমাকে হাতছানি দিয়ে কাছে ডাকলে।

“এখানে এস!”

আমাকে হাটুর কাছে টেনে নিয়ে তার তপ্ত নরম দাঁড়িগুলো আমার গালে বুলোতে বুলোতে যেন স্বতিকথা বলছে, এদ্বিস্বরে বললে, “তোমার মামা তাঁর স্ত্রীকে মেরে, যন্ত্রণা দিয়ে খুন করেছেন। এখন বিবেক তাঁকে দংশন করছে। বুঝাচ্ছে? তুমি সব-কিছু বুঝতে চাও। তাই গোলমালে গিয়ে পড়।”

গ্রেগরি ছিল দিদিমার মতোই সরল; কিন্তু তার কথাগুলো লোককে

আমার ছেলেবেলা

৫৫

বিচলিত করতো। মনে হ'ত তার দৃষ্টি লোকের অন্তঃস্থল পর্যন্ত দেখতে পায়।

সে জড়িতকণ্ঠে বলে যেতে লাগলো, “ও কি ভাবে ওব স্নাঁকে ফেলেছিল? ও তার সঙ্গে বিছানায় শুয়ে ছিল। তারপর তার মাথা লেপ চাপা নিয়ে সেটা চেপে ধরে তাকে মারতে থাকে। কেন ও নিজেই জানে না, কাজটা কেন করেছিল।”

আইতান আড়িনা থেকে পাঁজা তরা জিনিষ-পত্র এনে আঙনের সামনে উবু হয়ে বসে হাত দেকছিল। গ্রেগরি তার দিকে মনে মনে না দিয়ে বললে, “খুন করেছিল তার কাবণ সে ছিল ওর চেয়ে ভাল ও তাকে হিংসে করতো। কাশিবিনবা ভাল লোকদের পছন্দ করে না বাবা। ওরা তাদের হিংসে করে। ওরা তাদের সহিতে পারেন না নিজেদের পথ থেকে তাদের সরিয়ে ফেলতে চেষ্টা করে। তোমার দিদিমাকে জিজ্ঞেস করো ওরা কি করে তোমার বাবাকে সরিয়েছে তিনি তোমাকে সব বলবেন। তিনি শঠতা ব্রণা করেন কাবণ তিনি তা বোঝেন না। তাকে সাধুদের মধ্যে একজন বলে ধরা যেতে পাবে যদিও তিনি মদ খান, নসি নেন। উনি হচ্ছেন চমৎকার মানুষ। ওকে আকড়ে ধেক, কখন ছেড় না।”

সে আমাকে ছেলা দিয়ে দরজার দিকে সরিয়ে দিলে। আমি আড়িনার বেরিয়ে গেলাম বিষণ্ণ শব্দিত মনে। বাণিউশকা এতে আমাকে বাড়ির সদর দরজায় ধরলে এবং চুপি চুপি বললে, “ওকে ধরুন করো না। ও ঠিক আছে। ওর চোখের দিকে সোজা তাকিও। ও তাই পছন্দ করে।”

সে-সব আমার কাছে ছিল বিচিত্র ও বেদনাময়। কিন্তু এই অবস্থা ছাড়া আমি আর কিছু জানতামও না। তবে অস্পষ্ট ভাবে মনে

ড়ে, আমার মা-বাবা এ ভাবে জীবন যাপন করতেন না। তাঁদের খা-বলবার ধরন ছিল পৃথক, স্বধ-সম্বন্ধে ধারণাও ছিল ভিন্ন। তারা কীনা একসঙ্গে বেড়াতেন বা কোথাও যেতেন, পরস্পরের গা ঘেঁষে যে থাকতেন। দুজনে সন্ধ্যায় জানালায় বসে যখন সপ্তমে সুর লে গান গাইতেন তখন প্রায়ই অনেকক্ষণ ধরে হাসতেন। রাস্তায় দাক জড় হয়ে মুখ তুলে ঠান্দেব দিকে তাকাতে। তাদের ধপ্পলোকে তখন আমার মনে হতো যেন খাবার পর কতকগুলো টো-মাখানো প্রেট। কিন্তু এখানে লোকে হাসতো কদাচিৎ। পর যখন হাসতো তখন বোকা কঠিন ছিল, তারা কেন হাসছে। বা প্রায়ই পবস্পবের ওপর রেগে উঠতো, আর ঘরের কোণে গিয়ে স্পবকে শাসাতো। ছেলে-মেয়েদের তারা রেখে ছিল একেবারে চো-কবে। তাদের অবহেলা করতো। ছেলে-মেয়েরা ছিল যেন ধারায় মাটিতে চেপে বসানো ধুলো-রাশি। সেই বাড়িতে আমার উজ্জেক মনে হ'ত অপরিচিত। আমার জীবন-যাত্রার সমস্তটাই ছিল ন একখানি ধারালো অঙ্গ দিয়ে আঘাতের পর আঘাত ছাড়া ব কিছুই নয়। তাতে আমার মনে সন্দেহের উজ্জেক হতো এবং কিছু ঘটতো সবগুলিকে গভীর মনোযোগ দিয়ে পর্যবেক্ষণ ও িক্ষা করতে আমি বাধ্য হতাম।

সিগানকের সঙ্গে আমার বন্ধুত্ব খুব তাড়াতাড়ি জন্মে উঠতে গেলো। দিদিমা সূধ্যান্ত থেকে গভীর রাত অবধি সংসারের কাজ-খ ব্যাপৃত থাকতেন, আর আমি প্রায় শিশুদিনই সিগানকের ধারে ঘুরতাম। দাদামশায় যখনই আমাকে মারতেন সে তখনই ি বেতের সামনে হাত পেতে দিত এবং পরদিন তার ফোলা িলগুলো দেখিয়ে দুঃখের সঙ্গে বলতো, “এতে কোন লাভ নেই।

আমার ছেলেবেলা।

এতে তোমার শান্তিটা কম হয় না, কিন্তু দেখ আমার কি দশা হয় আর আমি এ রকম করবো না।”

কিন্তু তারপরের বারই আবার সে তেলি করতে এবং মিছামিছা আঘাতগুলো সহিতো।

আমি বলতাম, “মনে করেছিলাম তুমি এরকম আর করবে না।”

—“করতে চাইনি, কিন্তু কি রকম করে যেন হয়ে গেল। কাঙ্ক্ষা না ভেবেই করেছি।”

তারপর অল্পদিনের মধ্যে সিগানকের সম্বন্ধে আরও কিছু জানা পারলাম। তাতে তার প্রতি আমার আকর্ষণ ও ভালোবাসা আর বাড়িয়ে দিল।

প্রতি শুক্রবারে লাগচে রঙের আকৃতা-ঘোড়া শারাপাকে : প্লেজে জুততো। ঘোড়াটা ছিল চতুর, শয়তান, দেখতে খাসা এ দিদিমার আছরে। তারপর সিগানক হাঁটু-সমান লম্বা ফারকোট গায়ে দিয়ে, মাথায় ভারী টুপি পরে, কোমরে সবুজ রঙের বে কবে এঁটে বাজারে যেত খাচ-সামগ্রী কিনতে। কখন কখন ত ফিরে আসতে অনেক দেরি হ’ত। তখন বাড়ির সকলেই হয়ে উঠে অস্তির। প্রতি মুহূর্তে এক একজন গিয়ে জানলায় দাঁড়াতে দিয়ে সারি গায়ে বরফ গলিয়ে তার ভেতর দিয়ে রাখত। তাকিয়ে দেখতো।

একজন জিজ্ঞেস করতো, “ওকে কি দেখা যাচ্ছে না?”

আর একজন উত্তর দিত, “না।”

সকলের চেয়ে বেশি ভাবনা হ’ত দিদিমার। তিনি দাদামশায় তার ছেলেদের কাছে বলতেন, “হায় রে! তোমরা মানুষ আর ঘোড়া দুটোকেই নষ্ট করে ফেললে। আশ্চর্য হয়ে যাই যে, তোমরা

নেজ্জদের লজ্জা হয় না। বিবেকহীনের দল! নিরবোধ মাতালের গুণ্ডি!  
 ১৪ জন্তে ভগবান তোমাদের শাস্তি দেবেন।”

দাদামশায় রুক্ষ মেজাজে হকার দিয়ে উঠতেন, “যথেষ্ট হয়েছে! যা  
 চল এই!”

কখন কখন সিগানকের ফিরতে বেলা ছুপুর হয়ে যেত। সে এলে  
 আমরা আর দাদামশায় তাড়াতাড়ি আড়িনায় বেরিয়ে যেতেন তার  
 গাছে। আর দিদিমা নশ্র নিতে নিতে কঠোর মুখে তাদের পিছন  
 পিছন যেতেন ভালুকের মতো। কারণ তখন তাঁরই এক হাত  
 নবার সময়। ছেলে-মেয়েরা ছুটে বেরিয়ে আসতো। আনন্দে প্লেজ  
 থেকে সব নামানো শুরু হ’ত। প্লেজখানা ভরা থাকতো শকরের  
 পাংসে, নানা রকমের মরা পাখীতে ও মাংসের রাঙে।

দাদামশায় তীক্ষ্ণ ও অপাক্ষ দৃষ্টিতে জিনিষগুলোর দিকে তাকিয়ে  
 বলতেন, “আমরা যা যা বলেছিলাম, তুমি সব কিনেছ?”

আইতান আড়িনায় লাফ দিয়ে নামতে নামতে আনন্দে উত্তর  
 দিত, “হ্যাঁ, সব ঠিক আছে।” এবং শরীরটা গরম করবার জগ্গে দস্তানা-  
 গবা হাত দুখানা চাপড়াতো।

দাদামশায় কঠোর স্বরে বলতেন, “দস্তানা দুটো ছিঁড় না। কিনতে  
 টাকা লাগে। তোমার কাছে খুচরো আছে?”

—“না।”

দাদামশায় নীরবে বোকাটার চারধারে একবার ঘুরে, খাটো গলায়  
 বলতেন, “আবার তুমি এত-সব কিনেছ। টাকা ছাড়া তুমি এত  
 কিনতে পার না, পার কি? এসব আমি জার হতে দেব না।” বলে  
 তিনি গরু গরু করতে করতে চলে যেতেন।

যামারা আনন্দে জিনিষগুলো ঘাঁটতে আরম্ভ করতেন; শেষ দিতে

দিতে পাখী, মাছ, ইঁস, বাছুরের বাৎ, প্রকাণ্ড মাংস খণ্ড হাতে নিয়ে দোলাতেন।

বিশেষ করে মাইকেল-মামা হতেন খুব খুশি। তিনি জিনিষগুলোর চারধারে লাফিয়ে বেড়াতেন, সেগুলোর গন্ধ শুকতেন এ-পরম আনন্দে তার চঞ্চল চোখ দুটি বন্ধ করে ঠোট চাটতেন, তাকে দেখতে ছিল তার বাবার মতো। তার চেহারাটি ছিল দান-মশায়ের মতোই শুষ্ক। কেবল তিনি ছিলেন মাথায় কিছু লম্বা; আর চুলগুলো কালো।

তার ঠাণ্ডা হাতখানা আস্থিনের ভিতব ঢুকিয়ে সিগানককে জিজ্ঞাস করতেন “বাবা তোমাকে কত দিয়েছিলেন?”

—“পাঁচ রুবল।”

—“জিনিষগুলোব দাম হবে পনের রুবল। তুমি কত খরচ করেছ?”

—“চান রুবল, দশ কোপেক।”

—“তাহলে হয়তো বাকি নব্বই কোপেক তোমার পকেটে আছে তুমি কি লক্ষ্য কর না জাকফ যে, কি ভাবে সবখানে টাকা ছড়িয়ে যাচ্ছে?”

জাকফ-মামা কেবল শাট গায়ে সেই ঠাণ্ডায় দাঁড়িয়ে নিঃশব্দে হাসতেন।

তিনি অলসের মতো জিজ্ঞাস করতেন, “বাবা আমাদেব জুড়ে কিছু ব্রাণ্ড এনেছ, আন নি?”

দিদিমা ইতিমধ্যে ঘোড়াটার নাজ খুলে তাকে আর তাকে আদর করতেন।

বিশাল দেশ শারাপা, পন কেশরী চলিয়ে, শাদা দাঁতগুলো দিয়ে দিদিমার ঘাড় কামড়ে তার রেশমী শাকটা ঢুকিয়ে দিত তার চুলে।



দাব তাঁব চোখের দিকে তুপ্ত চোখে তাকিয়ে চোখের পাতা থেকে বার ঝেড়ে ফেলে আস্তে হেসাম্বনি করে উঠতো।

দিদিমা বলতেন, “আহা! তুমি কিছু রুটি চাও।”

তিনি তুণ মাখানো খানিকটা রুটি তার মুখে পুরে দিয়ে তাঁর প্রনখানি খলির মতো করে তার নাকের নিচে পরে গম্ভীর মুখে তাব প্রিয়া দেখতেন।

নিগানক বাচ্চা ষোড়ার মতো স্ফুর্ন্তিত্বেরে, তার পাশে লাফ দিয়ে দাঁড়াতে। আর বলতো “ষোড়াটা এত ভাল দিদিমা! আর মন চালাক।”

দিদিমা মাটিতে পা ঠুক্কে বলতেন, “সরে যাও! আমার ওপরে আমার চালাকি খাটিও না। তুমি জান, আজ আমি তোমাকে ভালো দিদিমা।”

দিদিমা পরে আমাকে বলেছিলেন, “নিগানক বাজারে যতখানি রুটি কবেছে ততখানি কেনে নি। দাদামশায় যদি ওকে পাচ রুবল দিত, ও তাহলে তিন রুবল খরচ করে, আর চরি করে আরও তিন রুবলের জিনিষ। ও হচ্ছে দুষ্ট ছেলের মতো। চরি করতে আমোদ নয়। একবার চেষ্টা করে নফল হয়েছিল। লোকে তাতে ওকে ছবা দেয় আর খুব হাসে। সেই থেকে ওর চুরি করার অভ্যাস হয়েছে। তোমার দাদামশায় যৌবনে দারিদ্র্যে কাটিয়েছেন, তখন শেষ খেতে পেতেন না। সে অবস্থায় আর দিন দুটিতে চান না। এই বুড়ো বয়সে হয়ে উঠেছেন লোভী। তুণ নিজের ছেলেদের ক্রুর চেয়ে তার কাছে টাকা হয়ে উঠেছে মূল্যবান। একটা উপহার লেও খুঁশ হয়ে ওঠেন। মাইকেল আর জাকফের কথা..”

তিনি অবজ্ঞার ভাব দেখিয়ে ক্ষণকাল নীরব রইলেন। তারপর তার

আমার ছেলেবেলা

৬:

নশাধারটির বন্ধ ঢাকনিটির দিকে স্থির দৃষ্টিতে তাকিয়ে রুদ্ধভাবে বসে যেতে লাগলেন, “কিন্তু ঐ লেনিয়া! ও এক অন্ধ নারীর হাতের কাজ.. ভাগ্যদেবী...তিনি বসে বসে আমাদের সকলের জন্মে জাল বুনছেন আর আমরা বেছেই নিতে পারছি না, কোনটা ভাল...ঐ আইভান। ওয়ে যদি লোকে চুরি করতে দেখে তাহলে মারতে মারতে মেরে ফেলবে।”

আবার একটু চুপ করে থেকে শান্তভাবে বলে যেতে লাগলেন “আমাদের কাজের নীতি আছে অনেক কিন্তু সেগুলো আমরা কখনো খাটাই না।”

পরদিন আমি বাংকার কাছে মিনতি করে বললাম, সে যেন জ চুরি না করে। “তুমি চুরি করলে লোকে তোমাকে মারতে মারতে মেরে ফেলবে।”

বাংকা হাসতে হাসতে বললে, “কেউ আমাকে ছোবেও না আমি লোকের খপ্পর থেকে পিছলে বেরিয়ে আসব...আমি তো ঘোড়ার মতো চটপটে।” কিন্তু পর মুহূর্তেই তার মুখখানি স্তান হ গেল। বললে, “অবশ্য আমি জানি যে, চুরি করা অন্তায় জ বিপদের। আমি চুরি করি...একটু আমোদ পাবার জন্মে, কারণ জ হয়ে পড়েছি। টাকা থেকে আমি কিছুই বাঁচাই না। সপ্তাহ জে হবার আগেই তোমার মামারা আমার কাছ থেকে তা বার করে নেবে কিন্তু তার জন্মে আমার দুঃখ নেই। ওরা নিক। আমার বা দরক তার চেয়ে বেশিই আছে।”

হঠাৎ সে আমাকে কোলে নিয়ে ধীরে ধীরে বললে. “তু শক্তিমান পুরুষ হবে। তুমি এমন শালকা, ছিপছিপে! তোম হাড়গুলো এমন শক্ত। তুমি গিটার বাজাতে শেখ না কেন? জাক মামাকে বল। কিন্তু তুমি এখনও খুব ছোট। এটা দুঃখের। তুমি হে

আমার ছেলেবেলা

নও তোমার নিজের একটা মেজাজ আছে ! তোমার দাদামশায়কে  
বিশি ভালোবাস না, বাস কি ?”

—“জানি না।”

—“তোমার দিদিমা ছাড়া কাশিরিনদের কাউকে আমি পছন্দ  
র না। ওরা জাহান্নমে যাক।”

—“আর আমাকে ?”

—“তোমাকে ? তুমি তো কাশিরিন নও। তুমি হচ্ছে পিয়েশকফ্,  
ওটা হল আলাদা রক্ত...সম্পূর্ণ আলাদা বংশ।”


হঠাৎ সে আমাকে খুব জ্বোরে একটি চাপ দিলে।

তারপর প্রায় আর্ন্তনাদ করে বলে উঠলো, “আহা ! আমার  
দ গানের গলা থাকতো !...এখন পালাও, বুড়ো। আমাকে কাজ  
হতে হবে।”

সে আমাকে মেঝেয় নামিয়ে একমুঠো খুব সফ পেরেক মুখে  
লো। তারপর একখানি বড় চৌকো তক্তার ওপর ভিজে কালো  
পড় টান করে বিছিয়ে তাতে পেরেক মারতে লাগলো।

এর খুব অল্পকাল পরেই তার জীবনের শেষ হয়।

এইভাবে তা ঘটে। আড়িনার বেড়ার গায়ে ফটকের পাশে  
ফটি প্রকাণ্ড মোটা ওক-কাঠের ক্রশ হেলান দিয়ে রাখা ছিল।  
শটার হাত দু'খানাও ছিল মোটা ও গ্রন্থিল। ক্রশটা সেখানে পড়ে  
ল অনেক দিন ধরে। আমি সে বাড়িতে আসবার পরেই  
খেছিলাম। তখন সেটা ছিল হলুদে ও নতুন, কিন্তু এখন শরতের  
ঠাতে হয়ে গিয়েছিল কালো। সেটা থেকে একটা মিলি গন্ধ বার  
হ। তাছাড়া জিনিষ-পত্রের ঠান্ডা আড়িনার খানিকটা খাওয়া  
ল। সেজন্য বেতে-আসতে অসুবিধা হত।



জাকফ-মামা সেটা তার জ্বর কবরের ওপর বসাবার জন্তু কিনে ছিলেন। এবং প্রতিজ্ঞা করেছিলেন মামীমার মৃত্যুর দিনে সেটা নিজে কাঁধে করে গোরস্থানে নিয়ে যাবেন। সে দিনটা ছিল শীতকালে গোড়ার দিকে এক শনিবার।

ষে দিনের কথা বলছি সে দিন খুব ঠাণ্ডা পড়েছিল এবং জোরে বাতাস বইছিল। তুষাবপাতও হয়েছিল। দাদামশায় ৬ দিনের মৃতদের উদ্দেশ্যে প্রার্থনা শুনতে তিনটি নান্দি-নান্দীকে নিয়ে আগের গির্জায় গিয়েছিলেন এবং কোন একটা দোষের শাস্তিস্বরূপ আমাদের রেখে গিয়েছিলেন বাড়িতে।

আমার মামার দুজনে এক বকমের পোশাক পরে খাটো কাঁকোট গায়ে দিয়ে, মাটি থেকে ক্রশটা খাড়া করে বেখে তার হাত দুখানির নিচে দাঁড়ালেন। গ্রেগরি আর বাইরের কয়েকজন লোকসঙ্গে ভারী কাঠখানাকে খুব কষ্টে তুলে সিগানকে বলিষ্ঠ, প্রশস্ত স্কন্ধে চাপিয়ে দিল। সিগানক টলতে লাগলো। মনে হল তাব পা দুখানা হয়ে পড়ে

গ্রেগরি জিজ্ঞাসা করলে, “এটা বয়ে নিয়ে যাবার মতো জোর তোমার গায়ে আছে?”

—“জানি না। জিনিষটা ভারী মনে হচ্ছে।”

মাইকেল-মামা রাগের সঙ্গে বলে উঠলেন, “এই কাঁকোট খলে দে!”

জাকফ-মামা বললেন, “তোমার লজ্জিত উচিত বাক্য! আমাদের দুজনের চেয়ে তোমার গায়ে জোর বেশি।”

কিন্তু গ্রেগরি ষটকটা খুলে দিয়ে জাইথানকে সমানে পরামর্শ দিতে লাগলো, “সাবধান। পড়ে যেওনা। যাও। ভগবান তোমার সঙ্গে থাকুন।”

মাইকেল-মামা রাস্তা থেকে বলে উঠলেন, “টেকো আশাম্বক।”

ইতিমধ্যে আঙিনায় যারা ছিল তারা হেসে উঠলো, জোরে কথা-  
কথা করতে শুরু করলো, যেন তারা ক্রশটাকে বিদায় করে বড় খুশি।

গ্রেগরি আমার হাত ধরে কারখানায় নিয়ে গিয়ে কোমল কণ্ঠে  
বলে, “হযতো অবস্থা গাঁওকে দাদামশায় আজ তোমাকে মারবেন না।”

সে আমাকে পশমের কাপড়ের একটা গাদার ওপর বসিয়ে  
গুলো আমার কাধ অবধি জড়িয়ে দিলে। কাপড়গুলো ছিল রঙ  
বাবর জন্তে। হাঙাগুলো থেকে যে বাষ্প উঠছিল নিঃশ্বাসের সঙ্গে  
টেঁনে নিয়ে সে গভীর ভাবে বললে, “তোমার দাদামশায়কে আমি  
দ্বিাদশ বছর ধরে জানি, বাপু। এই ব্যবসাটাব শুরু দেখেছি,  
৬৩ দেখবো। তখন আমরা ছিলাম বন্ধু—প্রকৃতপক্ষে আমরাই  
নে ব্যবসাটা শুরু করি। কি ভাবে চালাতে হবে সে-সবও ঠিক  
র। তোমার দাদামশায় হচ্ছেন চালাক লোক। উনি হতে  
য়ছিলেন কর্তা। আমি তা বুঝতে পারতাম না। কিন্তু ভগবান  
মাদের প্রত্যেকের চেয়ে চালাক। তিনি একটু হাসবেন, আর  
চেয়ে জ্ঞানী লোকও হয়ে যাবে বোকা। এখানে যে-সব কাণ্ড ঘটে  
কিছু বলা হয়, তুমি এখনও সব বুঝতে পার না; কিন্তু সব বুঝতে  
বে। অনাথের জীবন কঠোর। তোমার বাবা, মিস্টার সিম্  
তিয়েবিচ ছিল সেরা লোক। সে সুশিক্ষিতও ছিল। সে ইজ্ঞে  
মার দাদামশায় তাকে পছন্দ করতেন না। তার সঙ্গে কোন  
কিও রাখতে চাইতেন না।”

তাব কথাগুলো শুনতে লাগছিল মিস্টার আর দেখতে ভাল  
ছিল ষ্টোভে লাল ও সোনালী শিখাগুলির খেলা, এবং হাঙা থেকে  
দাদা বাষ্প কুণ্ডলী উঠে ছাদের নিচের দিকে তক্তার গায়ে ঘন

নীল তুষারের মতো জমছিল সেই কুণ্ডলীগুলিকে। ছাদটাকে অসমান জোড়ের ফাঁক দিয়ে দেখা যাচ্ছিল। সেখান দিয়ে চোখে পড়ছিল আকাশখানা যেন একখানি নীল রিবন। বাতাস গিয়েছিল পড়ে। আঙিনাটাকে দেখাচ্ছিল যেন তার ওপর রয়েছে কাঁচের মতো চকচকে ধুলো ছড়ানো। রাস্তা দিয়ে যে-সব প্লেক্স যাচ্ছিল সেগুলোর খট খট শব্দ হচ্ছিল। বাড়ির চিমনি থেকে উঠছিল ধোঁয়া। তুষারের ওপর ভেসে বেড়াচ্ছিল অম্পট ছায়া...সবই গল্প বলছিল।

রোগা, লম্বা হাত-পা, মুখে দাড়ি, মাথায় টুপি নেই, কান দুটি বড়, গ্রেগরিকে লাগছিল নিরীহ প্রকৃতি এক গুলীনের মতো। সে খুস্তি দিয়ে হাণ্ডার রঙ নাড়ছে আর আমাকে উপদেশ দিচ্ছে।

“প্রত্যেকের চোখের দিকে সোজা তাকাবে। যদি একটা কুকুরেও তাড়া করে, তুমিও তাই করো। সে তোমাকে ছেড়ে দেবে।”

সে কান পেতে শুনে হঠাৎ বলে উঠলো, “ও কি?”

তারপর পা দিয়ে ষ্টোভের দরজাটা বন্ধ করে ছুটে বরং বলা উচিত লাফিয়ে আঙিনার দিকে চললো। আমিও ছুটে চললাম তার পিছনে। রান্নাঘরের মাঝখানে মেঝের সিগানক চিং হয়ে পড়ে ছিল। জানলা থেকে আলোর প্রশস্ত রেখা পড়েছিল তার মাথা, বুক ও পায়ে। তার জুজোড়া ছিল উঠে, তার বাঁকা চোখ দুটি এক দৃষ্টিতে ছিল ক্যালিপড়া ছাদটার দিকে তাকিয়ে। তার বিবর্ণ ঠোট দুখানিতে ফুলে উঠছিল একটি লালচে ফেনা। তার হু কব দিয়ে দুখানি গাল, গলা ও মাটিতে ঝরে পড়ছিল রক্তের ধারা। অপর রক্তের একটা গাঢ় ধারা বয়ে যাচ্ছিল তার পিঠের নিচে। হাঁর পা দুখানি ছড়ানো ছিল অস্বস্ত ভাবে। পরিষ্কার দেখা যাচ্ছিল, তার পা-জামাটাও গিয়েছিল ভিজে। সেটা মেঝের পাটাতনের সঙ্গে লেগে ছিল। পাটাতনটা

বালি দিয়ে পালিশ করার ফলে আলোর মতো বক্ বক্ করছিল। বক্তের ধারা কয়টি, আলোকের রেখাটিকে ছেদন করে উজ্জ্বল হয়ে দরজার দিকে বয়ে যাচ্ছিল।

সিগানক অসাড় হয়ে পড়ে ছিল। তার হাত দুখানি পড়ে ছিল পাশে। কেবল তার আঙুলগুলো মেঝে আঁচড়াচ্ছিল আর রঙমাথা নখগুলো রোদে চক চক করছিল। এ ছাড়া আর কোন চঞ্চলতা ছিল না।

নাস ইউজেনিয়া তার পাশে উবু হয়ে বসে তার হাতে একটা সৰু মোমবাতি দিলে। বাতিটা সে ধরতে পারলো না, মেঝেয় পড়ে পলতেটা রক্তে ভিজে গেল। ইউজেনিয়া সেটা কুড়িয়ে নিয়ে মুছে, সিগানকের চঞ্চল আঙুলগুলোর মাঝে আবার চেপে দেবার চেষ্টা করলে। রান্নাঘরটার মধ্যে শোনা গেল একটি অস্ফুট শব্দ; যেন সেটা আমাকে দরজা থেকে উড়িয়ে নেবার চেষ্টা করলে, কিন্তু আমি খুব শক্ত করে চৌকাঠ চেপে ধরে রইলাম।

জাকফ-মামা কাঁপতে কাঁপতে, মাথা ঘোরাতে ঘোরাতে সৰু গলায় বললেন, “ও হেঁচট খেয়ে পড়ে গিয়েছিল।” তাঁর মুখখানি হয়ে গিয়েছিল পাংশু ও শ্রীহীন, চোখ দুটি হয়ে গিয়েছিল ক্যাকাসে আর মিটমিট করছিল। “ও পড়ে গেল আর ওটা পড়লো ওর ওপর...ওর পিঠে লেগেছিল। আমরা যদি সময় মত ছেড়ে না দিতাম, তাহলে আমাদেরও খোঁড়া হয়ে থাকতে হত।”

গ্রেগরি জড়ের মতো বললে, “এ তোমাদের কপাল।”

—“কি বকম...?”

—“তোমরাই এটা করেছে।”

বক্তের ধারাটি সমানে বয়ে যাচ্ছিল এবং দরজার পাশে একটি

পল্লের সৃষ্টি করে ছিল। পল্লটা ক্রমেই যেন হয়ে উঠছিল গাঢ় ও গভীর। আর একটি রক্তের লাল ফেনা মুখ থেকে বার হতেই সিগানক চীৎকার করে উঠলো যেন সে দুঃস্বপ্ন দেখছিল। তারপর নিশ্চেষ্ট হয়ে ক্রমে মেঝের সঙ্গে সমান হয়ে এঁটে বা বসে যেতে লাগলো।

জাকফ-মামা ফিস্ ফিস্ করে বললেন, “মাইকেল ঘোড়ায় চড়ে গির্জায় গেছে বাবার কাছে। আমি ওকে একখানা গাড়িতে করে এখানে এনেছি যত তাড়াতাড়ি পারি! ক্রশটার ডালটার নিচে যে আমি দাঁড়াইনি এটা খুব ভালই হয়েছে। নাহলে আমার দশাও হত এই রকম।”

ইউজেনিয়া আবার সিগানকের হাতে বাতিটা চেপে দিলে। সেই সঙ্গে তার হাতের তালুতে ঝেললো কয়েক ফোঁটা মোম ও চোখের জল।

গ্রেগরি মোটা গলায় ক্রুদ্ধভাবে বলে উঠলো, “ঠিক হয়েছে! ওর মাথাটা মেঝেতে চেপে দিচ্ছ না কেন, এই অসাবধানী!”

—“তার মানে?”

—“ওর টুপিটা খুলে নিচ্ছ না কেন?”

ইউজেনিয়া আইভানের মাথা থেকে টুপিটা খুলে নিতেই তার মাথাটা মেঝেয় চক্ করে লাগলো। তারপর একপাশে ঘুরে গেল এবং মুখের সেই পাশ দিয়ে রক্ত বার হতে লাগলো প্রচুর। বহুকণ ধরে এই রকম চললো। প্রথমে আমি আশা করে ছিলাম, সিগানক দীর্ঘনিশ্বাস ফেলে মেঝেয় উঠে বসে বলবে, “ফু! গরমে ভাজা হয়ে যাচ্ছি!” যেমন রবিবারে খাবার পর সে কবিতো।

কিন্তু সে উঠলো না, বরং যেন ঝাটিতে বসে যেতে লাগলো। ততক্ষণে তার ওপর থেকে রোদ গিয়েছিল সরে; রশ্মিটি হয়ে এসেছিল



ছোট, কেবল জানলার চৌকাঠের গায়ে লেগে ছিল। সিগানকের চেহারাটি হয়ে যেতে লাগলো আরও কালো! তার আঙুলগুলো আর নড়ছিল না, তার ঠোঁটের ফেনাও গিয়েছিল মিলিয়ে। তার মাথার তিন দিকে জ্বলছিল তিনটি মোমবাতি। সেগুলির আলোয় তার নীলে কালোয় মিশানো চুলগুলি চকচকে করছিল, তার কালো মুখখানিতে সোনালি আলোক-তরঙ্গ নাচতে নাচতে তার নাকের আগাটি ও বক্তমাখা দাঁতগুলিকে করে দিয়েছিল উজ্জ্বল।

ইউজেনিয়া তার পাশে হাঁটু গেড়ে বসে কাঁদছিল আর বলছিল “আমার ছোট পাখীটি! আমার সান্ত্বনার ধন।”

ভয়ানক ঠাণ্ডা বোধ হচ্ছিল। আমি টেবিলের নিচে লুকিয়ে রইলাম। তারপর দাদামশায় পড়তে-পড়তে রান্না ঘরে ছুটে এলেন। তাঁর গায়ে ছিল রেকুনের লোমের কোট। তাঁর সঙ্গে এলেন দিদিমা, গায়ে ফার-কলার-দেওয়া একটা বড় টিলা জামা, এলেন মাইকেল মামা, এল ছেলেরা ও বাইরের অনেক লোক।

গায়ের কোর্টটা মেঝেয় ফেলে দিয়ে দাদামশায় বলে উঠলেন, “দেখ, তোমরা দুজনে মিলে আমার কি করলে, কেবল তোমাদের অসাবধানতার জন্তে! পাঁচ বছরের মধ্যে ওর দাম হ’ত ওর ওজনের সোনার সমান—এ একেবারে নিশ্চিত!”

মেঝেয় যে কোর্টগুলো খুলে ফেলা হয়েছিল সেগুলো বাধার সৃষ্টি করছিল বলে আমি আইভানকে দেখতে পাচ্ছিলাম না, তাই টেবিলের তলা থেকে বেরিয়ে আসতেই দাদামশায়ের পায়ে ধাক্কা লাগলো। তিনি আমার মামাদের দিকে ঘুরি দেখিয়ে শাসাতে শাসাতে আমাকে এক ধারে ছুড়ে ফেলেলেন।

মামাদের বললেন, “নেকড়ের পাল!” এবং একখানি বেষ্টিতে

বসে তার ওপর হাত দুখানি রেখে শুধু চোখে ফুঁপিয়ে কেঁদে উঠে সرف গলায় বললেন, “আমি ব্যাপারটা সব জানি...ও তোমাদের গলায় আটকে ছিল। তাই-ই। হায় বেচারী বানিউশকা! ওরা তোমার কি করলে, জ্যা? মা! ভগবান আমাদের গত বছর থেকে ভালোবাসেন নি, বেসেছেন কি? মা!”

দিদিমা আইভানের পাশে মেঝেয় বসে তার হাত ও বুক পরীক্ষা করছিলেন, তার চোখে ফুঁ দিচ্ছিলেন। তার হাত দুখানি ধরে ধরছিলেন। তারপর বাতিগুলো সব ফেলে দিয়ে কষ্টে উঠে দাঁড়ালেন। তার কালো ফ্রকে তাঁকে দেখাতে লাগলো খুব গম্ভীর। চোখ দুটি ভয়ঙ্কর বিস্ফারিত করে তিনি খাটো গলায় বললেন, “দর হ’ আপদের দল।”

দাদামশায় ছাড়া সকলেই রান্নাঘর থেকে বেরিয়ে গেল।

বিনা হট্টগোলে আমরা সিগানককে কবর দিলাম এবং শীঘ্রই তার কথা গেলাম ভুলে।

## চতুর্থ পরিচ্ছেদ

একটি প্রশস্ত শস্যায় একখানি পুরু কয়লাকে চারপাট করে গায়ে জড়িয়ে আমি শুয়ে শুয়ে দিদিমার প্রার্থনা শুনছিলাম। তিনি হাঁটু গেড়ে বসে বুকে হাত দুখানি ঘুর করে থেকে থেকে মাথা তুলিয়ে অভিবাধন করছিলেন। বাইরে আড়িনায় জমে ছিল কঠিন তুষার। জানলার সানির গায়ে তুষারের যে নস্রাগুলি ফুটে উঠেছিল তার মাঝ দিয়ে সবুজ জ্যোৎস্না এসে পড়েছিল তাঁর কপাল মুখে ও বড় নাকটিতে। এবং কালো চোখ দুটিকে এক উজ্জল শিখাইন আলোয় তুলেছিল

জালিয়ে। তাঁর রেশমের মতো চকচকে স্থূল বেনীটি যেন চুল্লির আগুনের আভায় চক্ চক্ করছিল তাঁর কালো পোশাকটি ধস্ ধস্ করছিল এবং তাঁর কাঁধ থেকে তরঙ্গাকারে নেমে মেঝেয় চারধারে ছড়িয়ে পড়েছিল।

প্রার্থনা শেষ করে দিদিমা নীরবে পোশাক ছাড়লেন। তারপর সেটি সাবধানে ভাঁজ করে কোণে ট্রান্সের ওপর রাখলেন। তারপর বিছানায় এলেন। আমি ঘুমের ভান করে ছিলাম।

তিনি আশ্বে আশ্বে বললেন, “তুমি ঘুমোও নি, এই শয়তান। কেবল ঘুমের ভান করে আছ? চাদরখানা গায়ে দেওয়া যাক।”

তারপর কি হবে আমি আগে থাকতেই বুঝতে পেরে হাসি চাপতে পারলাম না। তিনি তাই দেখে বলে উঠলেন, “এল্লি করে তুমি বুড়ে দিদিমাকে ঠাট্টা কর?” বলেই কম্বলখানা চেপে ধরে তাঁর দিকে এত জোরে ও এমন কৌশলে টান দিলেন যে, আমি শূন্যে লাফিয়ে উঠলাম। এবং কয়েকবার ঘুরপাক দিয়ে নরম পালকের বিছানাটার ওপর ধপ্ করে পড়লাম। তিনি নিঃশব্দে হাসতে হাসতে বললেন, “কি হল তোমার, বুড়ো আঙলা? মশা কামড়ালো না কি?”

কিন্তু কখন কখন তিনি এতক্ষণ ধরে প্রার্থনা করতেন যে, আমি বাস্তবিকই ঘুমিয়ে পড়তাম। তিনি যখন স্ততে আসতেন আমি জানতেই পারতাম না।

লম্বা প্রার্থনাগুলো সাধারণত হ'ত সারাদিনের দুঃখ-কষ্টের বা ঝগড়া-মারামারির উপসংহার। তাঁর কথাগুলি স্ততে খুব মজা লাগতো। বাড়িতে যা-সব ঘটতো দিদিমা ভগবানকে সে-সবের একটা মোটামুটি ফিরিস্তি দিতেন। হাট্টু মেয়ে একটা প্রকাণ্ড চিপির মতো বসে তিনি প্রথমে তাড়াতাড়ি, অস্পষ্ট ভাবে এলতে আরম্ভ করতেন :

“হে ভগবান, তুমি তো জান আমরা সকলেই ভাল কাজ করবার চেষ্টা করি। বড় ছেলে মাইকেলের শহরে গিয়ে বসা উচিত ছিল। নদীর ধারে থাকলে ওর ক্ষতি হবে। আর ওটা একটা নতুন জায়গা। জানি না এর ফল হবে কি! তারপর বাবা আছেন। জাকফকে তিনি বেশি ভালোবাসেন। একটা ছেলেকে অল্প সকলের চেয়ে বেশি ভালোবাসা কি ঠিক? উনি ভারী জেদি। বুড়ো হয়েছেন। হে ভগবান, গুঁকে শিক্ষা দাও।”

কালো বিগ্রহটার দিকে বড়, উজ্জল চোখ দুটি তুলে তিনি ভগবানকে পরামর্শ দিতেন, “হে ভগবান, গুঁকে বেশ ভাল একটা স্বপ্ন দিয়ে বুঝিয়ে দাও কি ভাবে তাঁর ছেলেদের সঙ্গে ব্যবহার করা উচিত!”

তারপর মেঝের সটান গুয়ে তক্তায় মাথা ঠুঁকে তিনি আবার সোজা হয়ে উঠে মিনতি ভরে বলতেন, “ভারবারাকে কিছু স্বপ্ন দাও। সে কেমন করে তোমাকে অসন্তুষ্ট করলে? ও কি আর সকলের চেয়ে বেশি পাপী? একটি স্বাস্থ্যবতী যুবতী কেন এমন কষ্ট পাবে? হে ভগবান, গ্রেগরির কথাও একটু মনে করো। ওর চোখ দুটো ক্রমেই বেশি খারাপ হচ্ছে। ও যদি কাণা হয়ে যায় তাহলে ওকে ভাড়িয়ে দেবে। সেটা হবে ভয়ঙ্কর। দাদামশায়ের ছন্তে ও শরীর পাতল করেছে; কিন্তু তুমি কি মনে কর দাদামশায় ওকে সাহায্য করছে পারেন? হে ভগবান! হে জগদীশ্বর।”

তিনি নব্রভাবে মাথা নিচু করে কিছুক্ষণ থাকতেন। তাঁর হাত দুখানি স্থিরভাবে ঝুলতো তাঁর পাশে, যেন তিনি ঘুমিয়ে পড়েছেন বা হঠাৎ হিমে জমে গেছেন।

তিনি জরুটি করে জিজ্ঞেস করতেন, “আর কি?”

“হে ভগবান, যারা বিশ্বাসী তাদের সকলকে রক্ষা কর। আমাকে ক্ষমা কর—আমি অভিশপ্ত নির্কোষ—তুমি তো জ্ঞান আমি যে পাপ করি তা হিংসা থেকে নয় নির্বুদ্ধিতা থেকে! ভগবান, তুমি তো সব জ্ঞান! সব-কিছু দেখ!”

দিদিমার ভগবানকে আমি বড় ভালোমতাম। মনে হ’ত তিনি আছেন তাঁর খুব কাছে। আমি প্রায়ই বলতাম, “আমাকে ভগবানের বিষয় কিছু বল।”

তিনি ভগবানের সম্বন্ধে বলতেন, খুব শাস্তভাবে, চোখ দুটি বন্ধ করে প্রত্যেকটি কথা টেনে টেনে। তাঁর বলবার ধরন ছিল বিচিত্র। তিনি যখনই ভগবানের কথা বলতেন, তখনই হাঁটু গেড়ে বসতেন এবং মাথায় কুমালখানি ঠিক করে নিতেন।

তিনি বলতেন, “ভগবান থাকেন স্বর্গের ঘাসে ছাওয়া খোলা মাঠে পাহাড়ের ওপরে। তাঁর বসবার বেদিটি হচ্ছে ইন্দ্রনীলমণির। সেটি আছে রূপালি লিনডেন গাছের তলায়। গাছটিতে ফুল ফোটে সারা বছর। কারণ স্বর্গে শীত বা শরৎকাল নেই। সেইজন্মে কখন ফুল শুকায় না। সেখানে চির আনন্দ। আর ভগবানের চারধারে তৃষারের স্তবকের মতো উড়ে বেড়ায় দেবদূতেরা। হয়তো সেখানে মৌমাছির গুন গুন করে, শাদা পায়রার ঝাঁক স্বর্গে-মন্ডে উড়ে বেড়ায়। আর, ভগবানকে আমাদের সকলের কথা জানায়। এখানে এই পৃথিবীতে তোমার, আমার, দাদামশায়ের একটি করে দেবদূত আছে। ভগবান সকলের ওপর আগ্রহান ব্যবহার করেন। ঘর, তোমার দেবদূত ভগবানের কাছে গিয়ে কী বলে, ‘লেক্সি তার দাদামশায়কে জিভ ভেঙেছে।’ আমি ভগবান বললেন, ‘বেশ; বুড়ো ওকে বেত মারুক।’ আমাদের সকলেরই এই রকম হয়।

আমার ছেলেবেলা

৭২

যে যার উপযুক্ত ভগবান তাকে তাই দেন—কাউকে দেন দুঃখ, কাউকে দেন আনন্দ। তিনি যা করেন সবই ঠিক। দেবদত্তেরা আনন্দে জানা ছুখানি মেলে উড়তে উড়তে তার গুণগান করে, 'হে ভগবান, তোমারই মহিমা! তোমারই মহিমা।' আর তিনি একটু হাসেন—দেবদত্তের পক্ষে এই যথেষ্ট—অনেক।" বলে তিনি মাথা দোলাতে দোলাতে নিজে হাসতেন।

—“তুমি তা দেখেছ?”

—“না আমি দেখিনি, তবে জানি।”

তিনি যখন ভগবান, স্বর্গ বা দেবদত্তদের কথা বলতেন, তখন মনে হ'ত তার দেহটি যেন ছোট হয়ে গেছে। তার মুখখানি হয়ে উঠত তাকণ্যমাধা, তরল চোখ দুটি থেকে বার হত বিচিত্র ঝঙ্কলা। আমি তার ভারী সাটিনের মতো বেগুটি হাতে তুলে গলায় জড়িয়ে তার পাশে স্তির হয়ে বসে অক্ষুরস্তু গল্পটি শুনতাম।

“ভগবানকে দেখবার শক্তি মানুষকে দেওয়া হয়নি—মানুষের দৃষ্টি ক্ষীণ। কেবল সাধু-মগ্নস্বারাই ভগবানকে সামনা-সামনি দেখতে পান। আমি নিজে দেবদত্ত দেখেছি। তারা অস্তুরে মহাক্ষণে প্রকাশিত হয়।...আমি যখন তাদের দেখেছিলাম তখন আনন্দে প্রায় সারা যেতে বসেছিলাম। মনে হচ্ছিল, আমার বুক ফেটে যাবে, চোখ দিয়ে তখন জল বরে পড়ছিল। আহা! কি চমৎকার স্তম্ভ লেনকা, সোনার বাছা আমার, যেখানে ঈশ্বর আছেন--তুমি সে স্বর্গেই হোক বা মর্ত্তেই হোক—সব ঠাল ভাবে চলে।”

—“কিন্তু তুমি নিশ্চয়ই বলতে চাওনা এখানে আমাদের বাড়িতে সব ঠিক ভাবে চলে!”

দিদিমা বুকে ক্রেশের চিহ্ন এঁকে বলতেন, “ভগবানকে ধন্যবাদ—  
সব ভাল চলছে।”

এতে আমি বিরক্ত হতাম। আমাদের বাড়িতে যে সব ঠিক চলছে  
এ বিষয়ে আমি তাঁর সঙ্গে একমত হতে পারতাম না। আমার চোখে  
সব হয়ে আসছিল আরও অসহ।

একদিন মাইকেল-মামার ঘরের দরজার সামনে দিয়ে যেতে যেতে  
নাতালিয়া-মামীকে দেখলাম। তাঁর পরিধানে পোশাক ছিল অসম্মত,  
হাত দুখানি ছিল বুকের ওপর। তিনি বিহ্বলের মতো ঘরের  
মধ্যে এধার-ওধার করতে করতে ব্যথা-ক্লিষ্ট কণ্ঠে কাঁদছিলেন।

“ভগবান আমাকে রক্ষা কর। এখান থেকে আমাকে সরিয়ে  
নাও!”

তাঁর প্রার্থনায় আমি সহানুভূতি দেখাতাম। কারণ গ্রেগরি  
বলতো, “আমি একেবারে অন্ধ হয়ে গেলেই ওরা আমাকে ভিক্ষে  
কবতে ভাড়িয়ে দেবে। সেটা এর চেয়ে হবে ভাল।”

তার কথাগুলো আমি বুঝতে পারতাম।

আমি কামনা করতাম সে যেন তাড়াতাড়ি অন্ধ হয়। তাহলে  
আমি সেই সুযোগে তাঁর সঙ্গে সেখান থেকে চলে যাব এবং দুজনে এক  
সঙ্গে ভিক্ষা করে বেড়াব। কথাটা আমি গ্রেগরীকে বলেছিলাম।  
মুচকি হেসে সে উত্তর দিয়েছিল, “ঠিক! আমরা এক সঙ্গে যাব। কিন্তু  
আমি শহরে গিয়ে সকলকে আমার অবস্থা দেখাতে বলব, এই হচ্ছে  
বাসিলি কাশিরিনের নাতি—মেয়ের ছেলে। আমাকে কোন কাজ  
দিতে পারে।”

লক্ষ্য করেছিলাম নাতালিয়া-মমীর বস। চোখ দুটোর নিচে  
খানিকটা জায়গায় কালশিরে পড়ে ফুলে ঠেলে বেরিয়ে ছিল।

দিদিমাকে জিজ্ঞেস করেছিলাম, “মাইকেল-মামা কি ঠুকে মারেন!”

দিদিমা দীর্ঘনিশ্বাস ফেলে উত্তর দেন, “হাঁ, ঠুকে মারে! তবে সে রকম জ্বরে নয়, শয়তানটা! রাতের বেলা মারলে দাদামশায় আপত্তি করেন না! ওটা হল দুঃ। আর বউটা হচ্ছে—জেলির মতো। তবে আগে ঘেরকম মারতো এখন সে-রকম মারে না। ও ওর মুখে বা কানে ঘুষি মারে. মিনিট খানেক কি ঐ রকম চুলের মুঠি ধরে টেনে নিয়ে বেড়ায়। এক সময়ে ও মেয়েটাকে ঘণ্টার পর ঘণ্টা যন্ত্রণা দিত। তোমার দাদামশায় একবার ঈসটারের উপোসে আমাকে খাবার-সময় থেকে শোবার-সময় অবধি সমানে মেরে ছিলেন। তিনি অনবরত মারছিলেন। কেবল দম নিতে মাঝে মাঝে ধামাছিলেন, তারপর আবার মারতে শুরু করছিলেন। চামড়ার ফিতে দিয়ে তিনিও মারতেন!”

—“কিন্তু কেন তিনি এ রকম করতেন!”

—“এখন সে কথা মনে নেই। আর একবার তিনি আমাকে এত মেরেছিলেন যে আমি মর মর হয়েছিলাম। তারপর পাঁচঘণ্টা আমাকে ধেতে দেন নি। তিনি যখন আমাকে ছেড়ে দিয়েছিলেন তখন আমার দেহে প্রাণ প্রায় ছিলই না।”

আমি বজ্রাহত হলাম। দিদিমার শরীরটা ছিল দাদামশায়ের দ্বিগুণ। এটা বিশ্বাস হল না যে, দাদামশায় তাঁরক এইভাবে কাবু করতে পারেন।

জিজ্ঞেস করলাম, “তোমার চেয়ে কি দাদামশায়ের গায়ে জোর বেশি?”

—“জোর বেশি নয়, তাঁর বয়স বেশি। তা ছাড়া, তিনি আমার



স্বামী। আমার জন্মে তাঁকে ভগবানের কাছে জবাবদিহি করতে হবে। কিন্তু আমার কর্তব্য হচ্ছে ধৈর্যের সঙ্গে সহ্য করা।”

তিনি বিগ্রহটা কাপড় দিয়ে ধুলো ঝেড়ে পরিষ্কার করতেন। সেটা দেখতে বেশ লাগতো। বিগ্রহটার গায়ে মাথায় ছিল মুক্তো, রূপো ও রঙিন পাথর বসানো। তিনি সেটিতে চুমো দিয়ে বলতেন, “দেখ, এর মুখখানি কি মিষ্টি।”

কখন কখন মনে হত, আমার মামাতো বোন একতারিনা তার পুতুলটি নিয়ে ঘে-রকম খেলা করে তিনিও ইকনটা নিয়ে সে-রকম সারা মন-প্রাণ চেলে খেলা করেন।

তিনি প্রায়ই শয়তান দেখতেন, কখন কতকগুলিকে একসঙ্গে, কখন না একটি। আমাকে তাদের গল্প বলতেন।

“এক পরিষ্কার জ্যোৎস্না রাতে ঈসটারের উপোসের মধ্যে আমি রুডল্‌ফোফসদের বাড়ির কাছ দিয়ে যেতে যেতে ওপর দিকে তাকাতেই দেখি চিমনিটার একেবারে কাছে চালের ওপর বসে আছে একটা শয়তান। তার চেহারা আর পোশাক, সব কালো। সে চিমনির ওপর মাথা তুলে খুব জোরে জোরে গন্ধ শুকছিল। সে তো বসে গন্ধ শুকছে আর গৌঁ গৌঁ করছে। তার লেজটা রয়েছে চালের ওপর। চেহারাটা অতি বিল্মী। সে চালের ওপর অনবরত পা বসছিল। আমি তাকে ক্রমের চিহ্ন এঁকে দেখিয়ে বললাম, ‘ত্রিষ্টের পুনর্জন্ম হয়েছে। তাঁর শক্ররা সব দূর হয়ে ছড়িয়ে পড়েছে চারদ্বারে।’ সেই কথা শুনে সে খাটো গলায় হুকার দিয়ে মাথা নিচের দিকে করে পা দুখানা ওপরে তুলে চাল থেকে গিঁটলে উঠেনে এসে পড়লো। রুডল্‌ফোফসদের বাড়িতে সদিন জ্বরী নিশ্চয়ই মাংস রাখছিল। শয়তানটা আরাম করে তার গন্ধ শুকছিল।”

চালের ওপর থেকে ডিগবাজী খেয়ে উঠোনে শয়তান পড়ছে এই ছবিখনা কল্পনা করে আমি খুব হাসতে লাগলাম। তিনিও হাসতে লাগলেন। তারপর আবার একটি গল্প বললেন। সে গল্পটি শেষ করে বললেন আর একটি। তিনি এমন সরলভাবে জোর দিয়ে গল্পগুলি বলতেন যে, লোককে তা বিশ্বাস করতেই হ'ত।

কিন্তু তার সব চেয়ে ভাল গল্প ছিল, খ্রীঃ জননী মেরীর। তিনি বলতেন, এই দুঃখভরা ধরণীতে মেরী ঘুরে বেড়াচ্ছেন আর নারী দস্যুসদৃশ এনগালিচেককে আদেশ দিচ্ছেন রুষদের হত্যা করো না, বা তাদের কাছ থেকে কিছু কেড়ে নিও না! তিনি যে কত রকমের গল্প জানতেন তার সংখ্যা নেই। রূপকথা, সেকলে গল্প ও কবিতা জানতেন অফুরন্ত।

তিনি কাউকেই ভয় করতেন না---দাদামশায়, শয়তান বা কোন শক্তিকেই না; কিন্তু তেলাপোকাকে তাঁর ভয়ঙ্কর ভয় ছিল। তারা তাঁর কাছ থেকে দূরে থাকলেও তিনি বুঝতে পারতেন। কখন কখন রাতের বেলা তিনি আমাকে জাগিয়ে ফিস্‌ফিস্‌ করে বলতেন, “ওলিয়েশা, একটা তেলাপোকা ঘুরে বেড়াচ্ছে : দোহাই, ওটা তাড়িয়ে দাও।”

মাঝ-ঘুমের ধোরে উঠে আমি মোমবাতিটা জ্বলিয়ে মেজের শত্রুটিকে খুঁজে বেড়াতাম। তাতে সকল সময় তৎক্ষণাত্ সফলকাম হতাম না। বলতাম, “না, কোথাও তার কোন চিহ্নই নেই।”

কিন্তু মাথায় বিছানার চাদর চাপা দিয়ে ছিন্ন হয়ে গুয়ে তিনি কীর্ণ-কাতর কণ্ঠে বলতেন, “হ্যাঁ, আছে; ঐখানে আছে একটা। আবার খুঁজে দেখ ভাই! আমি নিশ্চিত যে ঐখানে কোথাও আছেই।”

এতে তাঁর কখনও ভুল হ'ত না। শীঘ্র হোক বা দেরিতে হোক আমি তেলাপোকটাকে বিছানা থেকে কিছুদূরে দেখতে পেতাম। তখন দিদিমা গায়ের কম্বলটা খুলে ফেলে দিয়ে স্বস্তির নিশ্বাস ফেলতেন, এবং সহাস্ত্রে বলতেন, “তুমি ওটাকে মেরে ফেলেছ? ভগবানকে ধন্যবাদ! ধন্যবাদ তোমায়।”

যদি আমি পোকাটাকে খুঁজে না পেতাম, তিনি ঘুমোতে পারতেন না। বন্ধুতে পারতাম, তিনি রাতের নিশ্চিন্ততার মাঝে ধরু ধরু করে কাঁপছেন। স্তন্যতাম, তিনি হাঁফাতে হাঁফাতে ফিস্ ফিস্ করে বলছেন, “ওটা দরজার পাশে রয়েছে। এখন গেছে ট্রাংকের তলায়।”

—“তুমি তেলাপোকাকে এত ভয় কর কেন?”

তিনি উত্তর দিতেন, “আমি তা নিজেই জানি না। ঐ কালো কালো বিকট চেহারার পোকাগুলো কি রকম করে চলে! ভগবান সমস্ত পোকাকেই এক এক উদ্দেশ্যে সৃষ্টি করেছেন। কাঠের পোকাগুলো জানিয়ে দেয় যে ধরটা স্যাংসোতে; ছারপোকা হলে বন্ধুতে হবে, দেওয়ালগুলো নোংরা; সকলেই জানে উকুন হওয়া মানে অসুখের পূর্বাভাস। কিন্তু এই পোকাগুলো!—ওদের শক্তি যে কতখানি বা ওরা কি খেয়ে যে বাঁচে তা কে জানে?”

\* \* \*

একদিন তিনি যখন হাঁটুগেড়ে বসে ভগবানের সঙ্গে একপাট চিন্তে মধাবার্ভা বলছেন, দাদামশায় দরজাটা খুলে ফেলে ভাঙ্গা গলায় চাঁৎকার করে উঠলেন : “মা, ভগবান আমাদের আমাদের শাস্তি দিয়েছেন! আমাদের বাড়িতে আগুন বেগেছে।”

দিদিমা মেঝে থেকে লাফ দিয়ে উঠে বললেন, “কি বলছ?” এবং গায়ের শব্দ করতে করতে দুজনে বৈঠকখানায় ছুটে গেলেন।

কানে এল দিদিমা বললেন, “ইউজেনিয়া, বিগ্রহগুলো নামিয়ে নাও। নাতালিয়া ছেলেদের সকলকে পোশাক পরাও।”

দিদিমা কর্ত্রীর মতো কঠোর কণ্ঠে সকলকে আদেশ দিতে লাগলেন, আর দাদামশায় কেবল বলতে লাগলেন, “উফ্‌।”

আমি ছুটে গেলাম রান্নাঘরে। আঙিনার দিকে জানলাটা সোনার মতো ঝক্ ঝক্ করছিল; মেঝেয় পড়েছিল আলোর হৃদে ছাপ। জাকফ-মামা পোশাক পরছিলেন। তিনি খালি পা দিয়ে সেগুলো মাড়াতে মাড়াতে লাফিয়ে বেড়াতে লাগলেন আর সরু গলায় বলতে আরম্ভ করলেন। “এটা মাইকেলের কাজ। সে আগুন লাগিয়ে বেরিয়ে গেছে।”

“চুপ্-কব্, কুকুর!” বলে দিদিমা তাঁকে দরজার দিকে এমন রুক্ষ ভাবে ঠেলা দিলেন যে, তিনি পড়তে পড়তে রয়ে গেলেন।

জানলার সার্দির গায়ে তুষারের মধ্য দিয়ে কারখানার জলস্রু চালখানা চোখে পড়ছিল। তার খোলা দরজাটার ভেতর দিয়ে বেরিয়ে আসছিল আগুনের কুণ্ডলায়িত শিখাগুলি। স্তব্ধরাত্রি। শিখাগুলির রঙ ধাঁধার সঙ্গে মিশে নষ্ট হয় নি। সেগুলোর ঠিক ওপরে ভাসছিল একখানি কালো মেঘ। তাতে রাস্তার রূপালি ধারাটি চোখের সামনে থেকে ঢাকা পড়ে নি। চারধারের তুষার নীল ঔজ্জ্বল্যে বলমল করছিল, স্যাড়ির দেওয়ালগুলো কাপছিল, টলমল করছিল। মনে হচ্ছিল সেগুলো যেন লুটিয়ে পড়তে উদ্ভত। কারখানাটার দেওয়ালের চওড়া লাল ফাটলগুলো দিয়েও আগুনের শিখাগুলি বেরিয়ে এসে খেলা করছিল। ছাদের কাঁপা কড়িগুলোর গায়ে লাল-সোনালি রিবন জড়িয়ে তাড়াতাড়ি সেগুলোকে একেবারে চেপে ফেলতে লাগলো। কিন্তু এসবের মাঝে অপরিষর চিম্নিটি সোজা

দাড়িয়ে ধোঁয়া ছাড়াছিল। রেশমের বস্ বস্ শব্দের মতো অস্ফুট ফুটফুট আওয়াজ জানলার গায়ে আঘাত করছিল। আগুনটা ক্রমেই ছড়িয়ে পড়ছিল। অগ্নিবেষ্টিত কারখানাটি আমার কাছে ক্রমেই হয়ে উঠতে লাগলো মনোমুগ্ধকর।

মাথার ওপর একটা ওভারকোট চাপিয়ে, প্রথমেই যে জুতো ধোঁড়া পলাম, তার মধ্যে পা গলিয়ে বারান্দার পৈঠার ওপর গিয়ে দাঁড়ালাম। আলোকের চমৎকার খেলায় আমার চোখ দুটি বেঁধে গেল। দাদামশায়ের, মামাদের ও গ্রেগরির চীৎকারে কেমন বিহ্বল হয়ে পড়লাম। দিদিমার আচরণে ভয় হতে লাগলো। তিনি মাথায় জড়িয়েছিলেন একখানা ধলে, গায়ে জড়িয়েছিলেন একখানা বালামচির মোটা চাদর। তিনি আগুনের মধ্যে সোজা ছুটে যাচ্ছিলেন। তারপরই এই বলুতে বলুতে আগুনের মধ্যে অদৃশ্য হলেন। “এই বোকাগুলো, তিটি ওল রয়েছে। ওটা যে ফাটবে।”

দাদামহাশয় ছুঁকার দিয়ে উঠলেন, “ওকে ধর গ্রেগরি! ও মরবে।”

কিন্তু দিদিমা ঠিক তখনই আবার বেরিয়ে এলেন। ধোঁয়ায় তিনি হয়ে গিয়েছিলেন কালো, তাঁর দম প্রায় বন্ধ হয়ে আসছিল। হাত দুখানি লম্বা করে বাড়িয়ে দিয়ে তিটি ওলের বোতলটা ধরে ছিলেন এবং বোতলটার ভারে পড়ে ছিলেন হয়ে।

তিনি কাস্তে কাস্তে ভাঙা গলার বললেন, “বাবা বোড়াটাকে ধার করে আন! আর এটা আমার আমাব কাঁধ থেকে তুলে নাও। দেখছ না এটা জ্বলছে?”

গ্রেগরি তাঁর কাঁধ থেকে জ্বলন্ত কাপড়খানা টেনে নিলে। তারপর প্রকাণ্ড চামচ দিয়ে বড়বড় বরফের চাপ তুলে কারখানার দরজায় ছুঁড়ে

দিতে লাগলো। কাজটা অত্যন্ত শ্রমসাধ্য; দুটি লোকের উপযোগী। মাঝা কুড়ুল-হাতে চারধারে লাফিয়ে বেড়াচ্ছিলেন; আর দাদামশায় দিদিমার চারধারে ছুটে ছুটে তাঁর গায়ে বরফ ছুড়ে ফেলছিলেন। দিদিমা ভিট্রিওলের বোতলটা একটা ভষারের গাদার মধ্যে পুঁতে রেখে ছুটে ফটকে গেলেন। সেখানে তখন অনেক লোক জড় হয়েছিল। তাদের সাদর সম্বাষণ করে বললেন :

“পড়সীরা ঐ গোদাম-ঘরটা বাঁচাও। গোদাম-ঘরে আর বিচালির গাদাটায় যদি আগুন লাগে তাহলে আমাদের সব পুড়ে যাবে, তোমাদেরও বাড়ি-ঘরে আগুন ছড়িয়ে পড়বে। গোদামের চালাখানা টেনে ফেলে দাও। আর বিচালির গাদাটাকে বাগানে টেনে নিয়ে যাও। গ্রেগরি চালের ওপর বরফ না ফেলে মাটিতে ফেল্ছ কেন? জাকফ শুধু শুধু ঘুরে বেড়িও না। এদের ধান কয়েক কুড়ুল আর কোদাল দাও। বাছারা, তোমরা সত্যিকারের বন্ধুর কাজ কর। ভগবান তোমাদের যেন এর পুঙ্খানুপুঙ্খ দেন।”

তিনি আমার কাছে লাগছিলেন আগুনটির মতোই মজার। যে আগুন তাঁকে গ্রাস করতে উগত হয়েছিল, তারই আভায় আলোকিত হয়ে তিনি আঙিনার চারধারে ছুটে বেড়াচ্ছিলেন। তাঁকে দেখাচ্ছিল একটি কালো মূর্তির মতো। তিনি যাচ্ছিলেন সব জায়গায়; সকলকেই সাহায্য করছিলেন। কিছুই তাঁর দৃষ্টি এড়াচ্ছিল না।

শারাপা শিষ্পা হাঘে দাঁড়িয়ে দাদামশায়কে মাটিতে প্রায় ফেলে দিয়ে আঙিনায় ছুটে এল। তার বড় বড় ঠোঁথ দুটোতে আলো পড়ে বক্ বক্ করছিল। সামনের পুঁতুখানা শৃঙ্গে ছুড়তে ছুড়তে সে জোরে নিশ্বাস নিতে লাগলো। দাদামশায় লাগাম জোড়া ফেলে

লাফ দিয়ে একপাশে সরে গিয়ে চীৎকার করে উঠলেন, “ঘোড়াটাকে ধর, মা।”

দিদিমা ঘোড়াটার সামনের পা-ছুখানার প্রায় তলায় গিয়ে পড়লেন। এবং হাত ছুখানা বাড়িয়ে তার সামনে দাঁড়ালেন। ঘোড়াটা করুণ ভাবে হ্রেষাধ্বনি করে উঠলো; আগুনের কাছ থেকে চট করে এক পাশে ঘুরে গেল। দিদিমা তাকে কাছে টেনে নিলেন। সে বাধা দিল না।

দিদিমা তার গলায় ধাবা মেরে, লাগাম জোড়া ধরে, খাটো গলায় বললেন, “তোমার আর ভয় করছে না। তুমি কি মনে কর তোমাকে এই অবস্থায় ফেলে রাখবো? আহাম্মক নেংটি ইঁদুর।”

তার চেয়ে দ্বিগুণ আকার সেই ‘নেংটি-ইঁদুরটি’ তাঁর মুখের দিকে তাকাতে তাকাতে শাস্ত-শিষ্টের মতো তাঁর সঙ্গে ফটক অবধি গেল। ইউজেনিয়া কতকগুলো ছেলে-মেয়েকে বাড়ি থেকে টেনে বাব কবে এনেছিল। তারা সকলে তারপরে চীৎকার করছিল।

সে বলে উঠলো, “বাসিলি বাসিলিচ, আমরা আলেকসিকে কোথাও খুঁজে পাচ্ছি না।”

দাদামশায় হাত নেড়ে বললেন, “চলে যাও! চলে যাও!” ইউজেনিয়া ষাতে আমাকে নিয়ে যেতে না পারে, সেজ্ঞে আমি সিঁড়ির তলায় লুকিয়ে রইলাম।

ততক্ষণে চালটা গিয়ে ছিল পড়ে। বাড়িটার মধ্যে হুড়মুড় শব্দ হল, হুকার উঠলো, লাল-নীল ঘূর্ণি ঘুরতে শুরু করলে। আঙিনায় নতুন উন্মমে বেরিয়ে আসতে লাগলো আগুনের শিখা। সেগুলো ছুটে এল ষারা সেই অগ্নি-লীলায় কোদাল কোদাল বরফের চাপ ফেলছিল তাদের দিকে।

আগুনের তাপে হাণ্ডাগুলো টগবগ করে ফুটছিল। বাষ্প ও ধোঁয়ার বন কুণ্ডলি ও বিকট গন্ধ আঙিনায় ভেসে বেড়াচ্ছিল। তাতে চোখ জ্বালা করছিল, চোখে জল আসছিল। সিঁড়ির তলা থেকে বেরিয়ে আমি দিদিমার পায়ের কাছে গিষে দাঁড়ালাম।

তিনি বলে উঠলেন, “সরে যাও! এখন চাপা পড়বে। সরে যাও।”

সেই মুহূর্তে মাথায় পেতলের টুপি একটি লোক আঙিনায় ঘোড়া ছুটিয়ে এল। ঘোড়াটার গায়ের রঙ লালচে এবং তার গায়ে ছিল ফেনা। লোকটা মাথার ওপর চাবুক উঁচিয়ে শাসিয়ে বললে, “এই, সব সরে যাও!”

ঠং ঠং শব্দে ঘণ্টা বাজছিল, যেন উৎসব হচ্ছে।

দিদিমা আমাকে সিঁড়ির দিকে ঠেলে দিয়ে বললেন, “তোমাকে কি বললাম? সরে যাও!”

সে-সময়ে তাঁর কথার অবাধ্য হতে পারলাম না। কাজেই রান্নাঘরে ফিরে গিয়ে আবার জানলায় দাঁড়ালাম। কিন্তু লোকের সেই ভিড়ের মাঝ দিয়ে আর আগুন দেখতে পাচ্ছিলাম না, কেবল দেখতে পাচ্ছিলাম পেতলের ও ফারের টুপি।

অল্পকালের মধ্যেই আগুনটাকে আয়ত্তে এনে একেবারে নিবিয়ে ফেলা হল। বাড়িখানা জলে একেবারে নেয়ে উঠলো। যারা সিঁড়িয়ে দেখছিল, পুলিশ তাদের তাড়িয়ে দিল। দিদিমা রান্নাঘরে এলেন।

বললেন “এ কে? ও, তুমি! তুমি শোও নি কি? ভয় পেয়েছ, অ্যা? ভয় পাবার কিছু নেই। এখন সব শেখিয়ে গেছে।”

তিনি আমার পাশে নীরবে বসে একটু কঁপে উঠলেন। আবার রাত্রির অন্ধকার ও শুষ্কতা ফিরে এল। তাতে স্বস্তি বোধ হতে লাগলো। একটু পরেই দাদামশায় এসে দরজায় দাঁড়িয়ে ডাকলেন :



—“মা ?”

—“কি ?”

—“তুমি কি পুড়ে গেছ ?”

—“একটু—বলবার মতো কিছু নয়।”

দাদামশায় চকমকি ঠুঁকে দেশলাই জ্বাললেন। তার আলোর তাঁর ঝুলমাথা মুখখানা উজ্জ্বল হয়ে উঠলো। টেবিলের ওপর মোমবাতিটা পেলেন। সেটা জ্বলে তাড়াতাড়ি দিদিমার কাছে এসে তাঁর পাশে বসলেন।

দিদিমা বললেন, “এখন আমাদের হাত-মুখ ধুয়ে ফেলা ভাল।” তারও হাতে-মুখে ঝুল-কালি লেগেছিল। তার গা থেকে ধোয়ার ঝাঁঝালো গন্ধ বার হচ্ছিল।

দাদামশায় গভীর নিশ্বাস টেনে বললেন, “কখন কখন ভগবান তোমাকে দয়া করে স্মৃষ্টি দেন।” তারপর তাঁর কাঁধে হাত বুলোতে বুলোতে সহাস্তে আবার বললেন, “কেবল মাঝে মাঝে, এক-আধ-ঘণ্টার জন্তে। তারপর আবার যে-কে-সেই।”

দিদিমাও হাসলেন; এবং দু'একটি কথা শুরু করতেই দাদামশায় তাকে ধামিয়ে জ্রুকুটি করে বললেন, “গ্রেগরিকে আমাদের ছাড়িয়ে দিতে হবে। ওরই অবহেলার জন্তে এই সব গঙগোল হল। ওর কাজের দিন ফুরিয়ে এসেছে। ওর আর পদার্থ নেই। বোকা জাশকাটা সিঁড়িতে বসে কাঁদছে, তুমি বরং তার কাছে যাও।”

দিদিমা উঠে তাঁর আঙুলে হুঁ দিতে দিতে ঘোরিয়ে গেলেন। দাদামশায় আমার দিকে না তাকিয়ে আঁশে আঁশে বললেন, “আগুনটাকে গোড়া থেকেই তুমি সব দেখছিলে, দেখ নি? তারপর দেখেছিলে দিদিমা কেমন করছিলেন, দেখ নি? অথচ উনি হচ্ছেন বুড়ো

মাতুষ! একেবারে ভেঙে পড়েছেন, ঝরে পড়েছেন! তবুও দেখ—  
উক্!”

জড়সড় হয়ে অনেকক্ষণ চূপচাপ বসে থেকে তিনি উঠে গিয়ে  
মোমবাতির পোড়া পলতেটা টিপে নিভিয়ে দিয়ে জিজ্ঞেস করলেন,  
“তুমি ভয় পেয়েছিলে?”

—“না।”

—“ঠিক। ভয়ের কিছু ছিল না।”

তারপর কাঁধ থেকে শার্টটা টেনে তুলে তিনি গেলেন কোণে  
হাত-মুখ ধোবার পাত্রটির কাছে। আমি অঙ্ককারে শুনতে পাচ্ছিলাম,  
তিনি পাঠুকলেন এবং সেই সঙ্গে বলে উঠলেন, “আগুন-লাগানো  
হচ্ছে বেয়াকুবের কাজ। যে আগুন লাগায় তাকে হাটে-বাজারে  
মারা উচিত। হয় সে বোকা অথবা চোর। যদি তাই করা হত,  
তাহলে আর আগুন লাগতো না। এখন যাও, শোও গে! ওখানে  
বসে আছ কেন?”

তিনি যা বললেন আমি তাই করলাম, কিন্তু সে রাতে আমার  
চোখে ঘুম এল না। আমি শোবার সঙ্গে সঙ্গেই এক অপাখিব  
আর্ন্তনাদ উঠলো। মনে হল সেটা বিছানা থেকে উঠছে।  
ছুটে গেলাম রান্নাঘরে। মাঝখানে দাঁড়িয়ে ছিলেন দাখীসশায়।  
তাঁর গায়ে শার্ট ছিল না, হাতে ছিল একটা মোমবাতি। তিনি মেঝের  
পাঠুকলেন, আর বাতির শিখাটি ভয়ানক কাঁপছিল। তিনি বলে  
উঠলেন, “মা! জাকফ! ও কি?”

আমি ষ্টোভের ওপর লাক দিয়ে উঠে এক কোণে লুকিয়ে রইলাম।  
সারা বাড়িতে আবার খুব ব্যস্ততা শুরু হল। এক বুকভাড়া আর্ন্তনাদ ঘরের  
দেওয়ালে ও ছাদে প্রতিধ্বনিত হয়ে প্রতিমুহূর্তেই বৃদ্ধি পেতে লাগলো।

যেমন আগুনের সময় হয়েছিল এখনও হল ভেঙ্গি। দাদামশায় ও মামা লক্ষ্যহীন ভাবে ছুটে বেড়াতে লাগলেন। আর, দিদিমা তাঁদের এক জায়গা থেকে আর এক জায়গায় তাড়িয়ে নিয়ে যেতে যেতে চীৎকার করতে লাগলেন। গ্রেগরি ষ্টোভে কাঠ দিয়ে প্রকাণ্ড লোহার কেটলিটায় জল ভরতে ভরতে চীৎকার শুরু করলে। এবং আষ্টাধানী উটের মতো মাথা ছুলিয়ে রান্নাঘরে ঘুরে বেড়াতে লাগলো।

দিদিমা কত্রীর মতো গম্ভীর কণ্ঠে বললেন, “প্রথমে ষ্টোভে আগুন দাও।”

গ্রেগরি তাঁর আদেশ পালন করতে ছুটলো এবং আমার পায়ে ঠোঁচট ধেয়ে পড়ে গেল।

তারপর বিহ্বলের মতো বলে উঠলেন, “কে? ফুঃ! তুমি আমাকে কি রকম ভয় লাগিয়ে দিয়েছিলে! তোমার যেখানে থাকে উচিত নয় তুমি সব সময় সেখানে থাক!”

—“কি হয়েছে?”

মেঝের লাফ দিয়ে নেমে শাস্ত ভাবে সে বললে, “নাতালিয়া-মামীর ধোকা হয়েছে!”

মনে পড়লো আমার মায়ের ক্ষুদ্রে ধোকাটি যখন জন্মায় তিনি তখন এরকম চীৎকার করেন নি।

কেটলিটা আগুনে চাপিয়ে গ্রেগরি ষ্টোভের ওপর আমার কাছে লাফিয়ে উঠে এল এবং পকেট থেকে একটা লম্বা পাইপ টেনে বার করে আমাকে দেখালো।

সে বললে, “আমার চোধের ভালর ক্ষুদ্রে পাইপ ধরেছি। দিদিমা আমাকে নশ্চি নিতে পরামর্শ দিয়েছিলেন; কিন্তু আমার মনে হয়, পাইপ খেলে উপকার হবে বেশি।”

সে ষ্টোভের ধারে পায়ের ওপর পা দিয়ে বসে মোমবাতির স্নান আলোর দিকে তাকিয়ে রইলো। তার দু কানে ও গালে ভূষো লোগে ছিল, এক পাশের শার্টটা ছিল ছেঁড়া। তার ভেতর দিয়ে দেখা যাচ্ছিল তার পাজরাগুলো, পিপের পাজরার মতো চওড়া। তার একখানি চষমার কাঁচ ছিল ভাঙা। কাঁচখানার প্রায় অর্ধেকটা ক্রেম থেকে বেরিয়ে এসেছিল, আর ফাঁকটার মাঝ দিয়ে দেখা যাচ্ছিল একটা লাল, ভিজে চোখ, ক্ষতের মতো দেখতে।

পাইপটা দা-কাটা তামাকে ভরে সে প্রসব-কাতর নারীটির আন্তনাদ শুনতে শুনতে মাতালের মতো অসংলগ্ন ভাবে বললে, “তোমার দাদমাটি এমন পুড়ে গেছেন যে, বুকে উঠতে পারছি না উনি কি করে ঐ বেচারীর গুজ্জবা করছেন। শোন, তোমার মামীমা কিরকম কাঁদছেন। ওরা তার কথা একেবারে ভুলেই গিয়েছিল। যখন প্রথমে আশুন্ড লাগে তখনই ওঁর অবস্থা ধারাপ হয়ে ওঠে। ভয়ে ওঁকে ঐ রকম করে ফেলেছিল। দেখ, সন্তানের জন্ম দেবার সময় কি রকম যত্ননা ভোগ করতে হয়। তবুও মেয়েদের কথা একটুও লোকে ভাবে না! কিন্তু আমার কথা মনে রেখ, মেয়েদের কথা খুব ভাবতে হবে। কারণ ওরা হচ্ছে মা—”

এইখানে আমি ঢুলুতে লাগলাম। কিন্তু গোলমাগে, দরজা বন্ধের শব্দে আর মাইকেল-মামার মাতলামিতে তন্দ্রা গেল ছুটে। তখন আমার কানে এই অদ্ভুত কথাগুলো ভেসে এল, “রাজদার মূলতেই হবে—” —“ওকে ‘রাম’ মিনিয়ে এক গেলাস পুঁকি তেল, আধ গেলাস ‘রাম’ আর এক চামচ ভূষো দাও—”

তারপর মামী না-ছোড়াবান্দা ছোট ছেলের মতো বার বার বলতে লাগলেন, “ওকে আমার একবার দেখতে দাও—!”

তিনি মেঝের পা ছড়িয়ে বসে মাটিতে চাপড় মারতে মারতে সামনের দিকে সোজা খুঁ কেলতে লাগলেন। দেখলাম, ষ্টোভটা অসহ্য গরম হয়ে উঠেছে। তাই ঝুলে নেমে পড়তে লাগলাম কিন্তু তাঁর সামনাসামনি হতেই তিনি আমার পা দুখানা চেপে ধরলেন আর আমি চিৎ হয়ে পড়ে গেলাম।

বললাম “বোকা!”

তিনি লাফ দিয়ে উঠে আমাকে চেপে ধরে হুকার দিলেন, “তোকে ষ্টোভের গায়ে আছড়ে মারবো—”

আমি বৈঠকখানায় পালিয়ে গেলাম। দাদামশায়ের পায়ে ধাক্কা লাগলো। সেখানে ছিল খ্রীষ্টের মূর্তি। দাদামশায় আমাকে এক পাশে সরিয়ে ওপর দিকে তাকিয়ে খাটো গলায় বলতে লাগলেন, “আমাদের কারো ক্ষমা নেই—”

ঘরের মাঝখানে টেবিলের ওপর জ্বলছিল একটি মোমবাতি, জানলা দিয়ে শীতের কুয়াশাচ্ছন্ন ভোরের আলো আসছিল।

একটু পরেই তিনি আমার দিকে ঝুঁকে জিজ্ঞেস করলেন, “তোমার কি হয়েছে?”

আমার হয়েছিল সবই—মাথা টিপ্, টিপ্ করছিল, শরীর হয়ে পড়েছিল ক্লাস্ত, অবসন্ন, কিন্তু সে কথা আমার বলতে ইচ্ছা হচ্ছিল না। কারণ আমার চারধারের সব লাগছিল এমন অদ্ভুত। ঘরের প্রায় প্রত্যেক চেয়ারেই ছিল লোক বসে, সকলেই অপরিচিত। তারা সকলেই যেন কিসের প্রত্যাশা করছিল। কাছেই কোথায় যেন জল ছিটানো শব্দ হচ্ছিল। হাত দুখানা পিছনে দিয়ে খুব সোজা হয়ে দরজার পাশে দাঁড়িয়েছিলেন জাকফ-মামা। দিদিমাকে বললেন, “এই ছেলেটিকে বিছানায় নিয়ে গিয়ে শুইয়ে দাও!”

তাঁর সঙ্গে বাবার জ্ঞান মামা আমাকে হাতছানি দিয়ে ডাকলেন। আমি বিছানায় শুতেই তিনি অক্ষুণ্ণ স্বরে বললেন, “তোমার নাতালিয়া-মামী মারা গেছেন!”

তাতে আমি বিস্মিত হলাম না। কারণ তাঁকে অনেকক্ষণ দেখা যায়নি।

জিজ্ঞেস করলাম, “দিদিমা কোথায়?”

—“নিচে।” বলে তিনি খালি পায়ে নিঃশব্দে ঘর থেকে বেরিয়ে গেলেন।

আমি বিছানায় শুয়ে চারদ্বারে তাকাতে লাগলাম। মনে হল জানলার সাসির গায়ে রয়েছে শ্মশল পাংশু কতকগুলো মুখ। তাদের চোখ নেই, রয়েছে কেবল চক্ষুকোটর। আমি খুব ভালো করেই জানতাম সেগুলো দিদিমার পোশাক, কোণে বাস্কাটার ওপর ঝুলছে। তবুও কল্পনা করতে লাগলাম সেগুলো হচ্ছে কতকগুলো জীবন্ত প্রাণী; সেখানে লুকিয়ে রয়েছে। আমি বালিশের তলায় মাথাটা ঢুকিয়ে একটা চোখ বার করে রাখলাম, যাতে দরজাটা দেখা যায়। বিছানা থেকে লাফ দিয়ে নেমে ঘর থেকে বেরিয়ে যেতে ইচ্ছা হচ্ছিল। খুব গরম বোধ করছিলাম; একটা ভারী উগ্র গন্ধ ভেসে বেড়াচ্ছিল। তাতে মনে পড়লো, যে-রাতে সিগানক মারা যায় সেই রাতখানি অন্ধমেঝের যে-রক্তশ্রোত বইছিল সেটিকে।

সে বাড়িতে আমি যা-কিছু দেখেছিলাম, সব আমার মনশব্দে যেন বিস্তৃত হয়ে পথ দিয়ে শীতের স্নেহ-স্মৃতির মতো ভেসে উঠে আমাকে পিষ্ট করতে লাগলো।

আমুে দরজাটা খুললো। দিদিমা নিঃশব্দে ঘরে ঢুকে কাঁধ দিয়ে পাল্লাটা বন্ধ করে বিগ্রহের নীল বাতিটির দিকে হাত দুখানি বাড়িয়ে

শিশুর মতো করুণ কণ্ঠে কেঁদে উঠলেন, “আহা আমার হাতখানি ! হাতখানিতে এত লাগছে !”

### পঞ্চম পরিচ্ছেদ

বেশি দিনও গেল না আবার একটি গোলমাল শুরু হল। একদিন শেষবেলায় চা খাবার পব দাদামশায় আর আমি প্রার্থনা-পুস্তক নিয়ে বসেছি, দিদিমা পেয়লা-পিরিচগুলো ধুচ্ছেন এমন সময় ঝড়ের মতো পরে ঢুকলেন জাকফ-মামা। তাঁর চেহারাটা ছিল আগের মতোই উস্কা-খস্কা, চলগুলো দেখাচ্ছিল ঘর-ঝাঁট-দেওয়া ঝাঁটার মতো। তিনি আমাদের কোন রকম সন্তাষণ না করে টুপিটা এক কোণে ছুড়ে ফেলে উত্তেজিত ভাবে খুব তালতালি বলতে লাগলেন, “মিশকা শুধু শুধু ঝগড়া বাধাচ্ছে। সে আমার সঙ্গে খাবার সময় অনেকখানি মদ টেনে একেবারে মাতাল হয়ে পড়েছে। সে কাঁচের বাসন-পত্র সব ভেঙেছে, একটা তৈরী অর্ডার—পশমের পোশাক—ছিঁড়ে ফেলেছে, জানলা ভেঙেছে, আমাকে আর গ্রেগরিকে অপমান করেছে। এখন আসছে তোমাকে মারতে। সে চীৎকার কবে বন্ধ হবে, ‘বাবার দাড়ি টেনে ছিঁড়বো, ওকে খুন করবো।’ কাজেই তুমি সাবধান হও।”

দাদামশায় টেবিলের ওপর হাত দুখানা রেখে আস্তে আস্তে উঠে দাঁড়ালেন। তিনি ভয়ঙ্কর জ্রুকুটি করলেন। তাঁর দুখানা শুকিয়ে সব ও কঠোর হয়ে দেখাতে লাগলো একখানা দাঁড়ির মতো।

তিনি হুকুর দিয়ে উঠলেন, “শুনছো মামা! এ কথায় তুমি কি মনে কর, অ্যা? আমাদেরই ছেলে তার বাবাকে মেবে ফেলতে আসছে! ঠিক হয়েছে বাবারা!”

তিনি দরজার কাছে এগিয়ে গিয়ে কাঁধটা সোজা করে দরজার আংটাতে কট করে লোহার খিলটা পরিয়ে দিয়ে আবার জাকফ-মামাকে বললেন, “তোমরা ভারবারার যৌতুকটা হাতাতে চাও বলে এটা হচ্ছে। ব্যাপারটা তাইই!”

তিনি মামার মুখের সামনে ব্যঙ্গ ভরে হাসলেন। মামা তাতে অসন্তুষ্ট হয়ে জিজ্ঞেস করলেন, “আমি তা কিসের জন্তে চাইবো?”

—“তুমি? তোমাকে আমি চিনি!”

দিদিমা পেয়ালা-পরিচগুলো কাবার্ভে ভাড়াভাড়ি তুলে রাখছিলেন বলে চুপ করেছিলেন।

দাদামশায় তিক্ত হাসি হেসে বলে উঠলেন, “কি? বহুৎ আচ্ছা! মা, এই খেঁকশিয়ালটাকে একটা সড়কি কি একটা লোহার ডাণ্ডা দাও। শোন জাকফ বাসিলেক, তোমার ভাই করে ঢুকলেই তাকে আমার চোখের সামনে খুন করবে।”

মামা পকেট হাত ছুখানা পুরে কোণের দিকে সরে গেলেন।

—“নিশ্চয়ই! তুমি যদি আমাকে বিশ্বাস না কর—”

দাদামশায় পাঠুকে বললেন. “তোমাকে বিশ্বাস? না! আমি একটা পশুকে—একটা কুকুরকে, এমন কি একটা সজারুকেও—বিশ্বাস করবো, কিন্তু তোমার ওপর আমার বিশ্বাস নেই। আমি তোমাকে খুব ভাল জানি। তাকে মাতাল করে এই পরামর্শ দিয়েছি। বহুৎ আচ্ছা! ঠাড়িয়ে আছ কেন? আমাকে এখনই ঘোরে ফেল—তাকে বা আমাকে বেছে নিতে পার।”

দিদিমা আমার কানে কানে বললেন, “দৌতালার ষাও। সেখান থেকে জানলা দিয়ে দেখ। মাইকেল-খামাকে পথে আসতে দেখলেই এসে আমাদের খবর দিও। ছুট দাও! শিগগির!”



মামাটির আক্রমণশঙ্কায় একটু ভয় পেলেও আমাকে যে-কাজের ভার দেওয়া হল তাতে আমি গর্ক বোধ করতে লাগলাম। আমি দোতালায় উঠে জানালা দিয়ে গলা বাড়িয়ে লক্ষ্য রাখতে লাগলাম। জানলাটার সামনেই চওড়া রাস্তাটা। সেটা এখন ধুলোয় ভরা ছিল। তার মাঝ দিয়ে ঠেলে বেরিয়েছিল বড় বড় পাথরগুলো। রাস্তাটার এক জায়গায় ছিল একটা পারুক। তার একপ্রান্তে ছিল একটা ঝোপ আর তার ডান দিকে ছিল একটা পুকুর। দিদিমা বলতেন, একবার শীতকালে মামারা বাবাকে ডুবিয়ে মারবার জন্তু ঐ পুকুরে ফেলে দিয়েছিলেন।

পথ দিয়ে অগম্য গতিতে দুটি-চারটি লোক চলাচল করছিল। তাদের ভাব-চরম উত্তনের গায়ে চিন্তাছন্ন তেলা পেকার মতো। নিচে থেকে একটা তাপ উঠছিল। তাতে আমার দম বন্ধ হয়ে আসছিল। সেই সঙ্গে আমার নাকে এসে ঢুকছিল গাজর ও পিঁয়াজ দিয়ে একটা তরকারি রান্নার গন্ধ। এই গন্ধটা নাকে এলেই আমার মন বিষণ্ণ হয়ে পড়তো।

আমি বড় নিঃসাহ হয়ে পড়েছিলাম, ভাবটা সহ করতে পারছিলাম না। মনে হচ্ছিল, আমি যেন একটা ব্লাডারের মতো ফুলে উঠছি। কফিনের মতো ছাদওয়ালা ছোট ঘরখানি যেন আমাকে চারধার থেকে চেপে ধরছে।

মাইকেল-মামা গলির ধূসর রঙের বাড়িগুলোর ছাড়াইল থেকে উঁকি দিচ্ছিলেন। মাথার টুপিটা কান অবধি টেকে না মিয়ে দেবার চেষ্টা করছিলেন, কিন্তু টুপিটা তেমনই আটকে ছিল নামছিল না। তাঁর গায়ে ছিল একটা কোট, পায়ে ধুলোময়ী উঁচু বুট। তাঁর ডোরাকাটা পাজামার একটা পকেটে একখানি হাত ঢোকানা ছিল, আর একটা

হাতে দাড়িগুলো টানছিলেন। আমি তাঁর মুখ দেখতে পাচ্ছিলাম না, কিন্তু মনে হচ্ছিল তিনি যেন এক ছুটে রাস্তাটা পেরিয়ে এসে দাদামশায়ের বাড়িখানা তাঁর কর্কশ ও কালো হাত দিয়ে চেপে ধরতে প্রায় উত্ত। আমার নিচে ছুটে গিয়ে বলা উচিত ছিল, তিনি আসছেন, কিন্তু জানালা থেকে নিজেকে টেনে আনতে পারলাম না। দাড়িয়ে দেখতে লাগলাম, মামা পাঠকে বুট থেকে ধুলো ঝেড়ে ফেললেন যেন তয় পেয়েছেন। তারপর রাস্তাটা পার হলেন। স্তন্থতে পেলাম, মদের দোকানের দরজায় ক্যাচ করে শব্দ হল। তিনি দোকানটার দরজা খুলতেই তার পাল্লার কাঁচখানা ঝড় ঝড় করে উঠলো। আমি ছুটে নেমে গিয়ে দাদামশায়ের ঘরের দরজায় যা দেবার আগেই মামা মদের দোকানে ঢুকে পড়লেন।

দাদামশায় দরজা না খুলেই মোটা গলায় জিজ্ঞেস করলেন, “কে ? ও তুমি ? ব্যাপার কি ?”

—“সে মদের দোকানে ঢুকেছে।”

—“বেশ। ওপরে ছুটে যাও।”

—“কিন্তু ওপরে আমার ভয় করছে।”

—“আমি তার কি করবো ?”

আবার ওপরে গিয়ে জানালায় দাঁড়ালাম। সন্ধ্যা হয়ে আসছিল, রাস্তায় তখন আরও ধুলো জমে কালো হয়ে উঠেছিল। পাশের জানলাগুলো থেকে আলো বেরিয়ে তার ওপর পড়েছিল হলদে ছাপের মতো। আর সামনের বাড়িখানি থেকে আসছিল কয়েকটি তারের বস্তুর করুণ মধুর ধ্বনি। মদের দোকানেও গান হচ্ছিল। তার দরজাটা খুলতেই স্ক্রীণ, ভাঙা কঠ পথে ভেলে এল। চিন্তে পারলাম স্বরটি খোঁড়া শিখারী নিকিটোউশকার। লোকটা বুড়ো,

মুখে লম্বা দাড়ি। তার এক চোখে চষমা, আর একটি চোখ সর্কলা চেপে বন্ধ করা থাকে। দরজাটা বন্ধ হতে মনে হল, কে যেন তার গানকে কুড়ুল দিয়ে কেটে ফেললে।

এই ভিখারীটাকে দিদিমা বড় হিংসা করতেন। তার গান শুনে দীর্ঘ নিশ্বাস ফেলে বলতেন, “লোকটা গুণী। কত কবিতা ওর মুখস্থ। এটা একটা শক্তি—তাই-ই!”

কখন কখন তিনি লোকটিকে বাড়িতে ডাকতেন। সে এসে পৈঠার ওপর বসে গান গাইতো বা গল্প বলতো। দিদিমা তার পাশে বসে শুনতে শুনতে বলে উঠতেন, “বলে যাও। তুমি কি আমাকে বলতে চাও যে, আমাদের খ্রীষ্ট-জননী মেরী এই রিয়াজানে কখন এসেছিলেন?”

সে খাটো গলায় বলতো, “তিনি সব জায়গায় গিয়েছিলেন—সকল দেশে।” তার কথায় ছিল দৃঢ়তা।

নিচে পথ থেকে কেমন একটা মায়ময়, স্বপ্নালু অবগাদ আমার কাছে উঠে এল এবং তার বিষম ভার আমার হৃদয়ে ও দৃষ্টিতে চেপে বসিয়ে দিতে লাগলো। কামনা করতে লাগলাম দিদিমা অথবা দাদামশায় তখন আমার কাছে আসুন। আশ্চর্য হয়ে ভাবতে লাগলাম, আমার বাবা কি রকম লোক ছিলেন যে, দাদামশায় আর মামারা তাঁকে এত অপছন্দ করতেন, এবং দিদিমা, গ্রেগরি ও ইউজেনিয়া তাঁর এত সুখ্যাতি করেন? আমার মা কোথায়? প্রত্যহই আমি তাঁর কথা বেশি করে ভাবতাম। দিদিমা আমাকে যে-সব রূপকথা ও প্রাচীন কাহিনী গুলি বলেছিলেন, মাকে করেছিলাম সেগুলির কেন্দ্র। তাঁর নিজের আত্মীয়-স্বজনের সঙ্গে তিনি থাকতেন নি বলে তাঁর প্রতি আমার শ্রদ্ধা আরও বৃদ্ধি পেয়েছিল। কল্পনা:

করতাম, তিনি যেন রাজপথের ধারে একটি সরাইয়ে দস্যুদের সঙ্গে বাস করছেন। সেই দস্যুরা পথিকদের ষধাসর্ব্বম্ব কেড়ে নিয়ে ভিখারীদের সঙ্গে সেই লুণ্ঠিত সামগ্রী ভাগ করে নেয়। অথবা তিনি বাস করছেন কোন গহন বনে—নিশ্চয়ই কোন গুহায়—সংপ্রকৃতি দস্যুদের সঙ্গে। তাদের ধব-সংসাব দেখছেন আর লুণ্ঠিত দ্রব্যাদি আগলাচ্ছেন।...

দিদিমা আমাকে ষে-গল্পটি বলেছিলেন, আমি সেটির কথা ভাবতাম সেটির মাঝেই আমার দিনগুলি কাটতো। গল্পটি যেন ছিল একটি স্বপ্ন। নিচে ছাঙ্গড় ও আর্ডিনা থেকে পাযের শব্দে, গোলমালে, চীৎকারে আমার চমক ভাঙলো। জানলা দিয়ে দেখলাম, দাদামশায়, জাকফ-মামা ও সরাই-ওয়ালার একটা লোক মাইকেল-মামাকে ফটকে ঠেলে নিয়ে রাস্তায় বার করে দিচ্ছে। তিনি ঘূষি চালাচ্ছেন; তাঁরাও তাঁর হাতে, পিঠে ও ষাড়ে মারছেন ও লাথি লাগাচ্ছেন। পরিশেষে তিনি ফটক দিয়ে ছিটকে বেরিয়ে গিয়ে ধুলোভরা রাস্তার ওপর পড়ে পেলেন। ফটকটাও ধপ করে বন্ধ হ'ল; চাবি ও ষিল ষড় ষড় করে উঠলো। তাবপর সেই দাক্তার অবশিষ্ট ফটকে পড়ে রইলো একটা তোবড়ানো টুপি। শেষে সব চূপচাপ।

কিছুক্ষণ স্থির হয়ে পড়ে থেকে মামা কষ্টে শরীরটাকে টেনে তুললেন। তাঁর কোট ও পাজামা ছিঁড়ে লগুতঙ হয়ে গিয়েছিল। তিনি রাস্তা থেকে একখানা পাথর তুলে ফটকে ছুড়ে মারলেন। তাতে এত জোর শব্দ হল যে, পিপের তলায় ষ্ট দিলে সেই রকমের শব্দ হয়। মদের দোকানটা থেকে বেরিয়ে আসতে লাগলো ছায়ার মতো মৃত্তি। তারা বেরিয়ে এসে হাত-পা ছুড়ে চীৎকার করতে লাগলো। চারধারের বাড়িগুলোর জানলা থেকে মাথা বেরিয়ে

এল; রাত্তার লোকে সরগরম হয়ে উঠলো। তারা হাসতে ও কথা বলতে লাগলো। সমস্তটাই লাগছিল একটা গল্পের মতোই মজার কিন্তু সেই সঙ্গে অপ্রীতিকর ও ভয়ঙ্কর। হঠাৎ সমস্ত ব্যাপারটা গেল মুছে, কণ্ঠস্বর গেল থেমে, প্রত্যেকেই আমার দৃষ্টির সম্মুখ থেকে গেল অদৃশ্য হয়ে।

\* \* \*

দরজার পাশে একটি বাস্কের ওপর দিদিমা পা দুখানি তুলে স্থির হয়ে বসেছিলেন। তাঁর নিখাস প্রায় পড়ছিলই না। আমি তাঁর কাছে গিয়ে দাঁড়িয়ে তাঁর তপ্ত, সিক্ত গালে হাত বুলোতে লাগলাম, কিন্তু বোধ হল তিনি আমার স্পর্শ অনুভব করছেন না, ভাঙা গলায় বার বার বলছেন, “হে ভগবান, আমার আর আমাব ছেলেদের জন্তে তোমার কি একটুও দয়া নেই? ভগবান দয়া কর —”

মনে হয়, দাদামশায় সেই বাড়িতে মাত্র এক বছর—একটি বসন্তকাল থেকে আর একটি বসন্ত কাল অবধি—বাস করেছিলেন। কিন্তু সেই সময়ের মধ্যেই বাড়িখানি অপ্রীতিকর কুখ্যাতি লাভ করেছিল। প্রায় প্রত্যেক রবিবারেই ছেলেরা আমাদের দরজার কাছ দিয়ে ছুটে যেতে যেতে আমাদের উদ্দেশ্য করে বলতো “কাশিরিনদেব বাড়িতে আবার ঝগড়া হচ্ছে।”

মাইকেল-মামা সাধারণত দেখা দিতেন সন্ধ্যায় এবং সারারাত বাড়িখানিকে এমন করে রাখতেন যে, বাড়ির সকলে ভয়ে কাঠ হয়ে থাকতো। কখন কখন তাঁর সঙ্গে আসতো দুইতিনটি বিশ্রী চেহারার লোক। তারা ছিল সব চেয়ে নিচের স্তরের ভবঘুরে। তারা আসতো অলক্ষ্যে। একবার তারা বাগানের ঘাঁড়-পালা মুচড়ে, ধোবিখানাটার সব কিছু—কাপড় কাচবার যন্ত্রপাতি, বেঞ্চি, কেটলি—ভেঙে, ঠোঙটাকে

শুঁড়িয়ে, মেঝের তক্তা তুলে, দরজার চৌকাঠ খুলে ফেলে মাতলামির চূড়ান্ত করেছিল।

দাদামশায় জানলায় কঠোর মূর্তিতে নীরবে দাঁড়িয়ে এই সব—তার বিষয়-সম্পত্তি ভাঙবার—শব্দ শুনছিলেন, আর দিদিমা আঙিনায় অঙ্ককারে ছুটে বেড়াতে বেড়াতে মিনতিভরা কণ্ঠে বলছিলেন. “মিশকা! তোমার মতলব কি? মিশকা!”

উত্তরে সেই পশুটা, পাগলের বিশ্রী প্রলাপের মতো, বাগান থেকে কৃষভাষার ষত গালাগাল সব তাঁকে দিতে লাগলো। এটা নিশ্চয় যে সে জানতো না সে-সব শব্দের অর্থ কি। সে যা উদ্দিগরণ করছিল, তাব ফল কি হচ্ছিল সে সম্বন্ধেও তার সন্দেহ ছিল না।

আমি জানতাম সেরকম সময়ে দিদিমার কাছে আমার ষাওয়া ঠিক নয়। এদিকে আমার একা থাকতে ভয় করছিল। তাই নিচে দাদামশায়ের ঘরে ছুটে গেলাম। তিনি আমাকে দেখেই বলে উঠলেন, “বেরিয়ে যাও! আপদ!”

আমি ছুটে ওপরে উঠে গিয়ে জানলা থেকে আঙিনা ও বাগানের দিকে তাকিয়ে দিদিমাকে চোখে চোখে রাখবার চেষ্টা করতে লাগলাম। ভয় হচ্ছিল তারা দিদিমাকে খুন করবে। আমি চীৎকার করে উঠলাম; কিন্তু তিনি আমার কাছে এসেছেন না। কেবল মামা, আমার গলার ঘর গুনে আমার মাকে ভয়ঙ্কর অগ্নীল ভাষায় গাল দিতে লাগলেন।

এই সময়ে দাদামশায়ের একবার অনুশ্রুতি করেছিল। তোয়ালে জড়ানো মাথাটা বালিশের ওপর অস্থিরভাবে নাড়তে নাড়তে তিনি ভীত কণ্ঠে আক্ষেপ করতে লাগলেন, “এই জগতে আমি বেঁচে আছি। নানা পাপ করেছি। টাকা-পয়সা জমিয়েছি। লজ্জা আব

অপমানের না হলে পুলিশ ডেকে ওদের ধরিয়ে দিতাম। তারা ওদের গভর্নরের কাছে নিয়ে যেত। কিন্তু কথাটা একবার ভেবে দেখ! নিজের ছেলেদের যারা পুলিশে ধরিয়ে দেয়, তারা কি রকমের বাপ-মা! এখন চুপচাপ সহ্য করা ছাড়া আর কিছু বলবার নেই।”

তিনি বিছানা থেকে হঠাৎ লাফ দিয়ে উঠলেন এবং টলতে টলতে জানলার কাছে গেলেন।

দিদিমা তাঁর হাত চেপে ধবে জিজ্ঞেস করলেন, “কোথায় যাচ্ছ?”

জ্বোরে নিঃশ্বাস নিতে নিতে তিনি বললেন, “আলো জ্বালো।”

দিদিমা যোগবাতিটা জ্বাললে তিনি তাঁর হাত থেকে সেটা নিয়ে সৈনিক যেমন করে বন্দুক ধরে তেমনি ভাবে গায়ের একেবারে কাছে ধরে জানলা থেকে বিজ্রপকণ্ঠে চীৎকার করে উঠলেন, “এই মিশ্কা! এই ডাকাত! এই ঘেয়ো খেঁকী কুকুর।”

তৎক্ষণাৎ ওপরের সানিখানা ভেঙ্গে গুঁড়িয়ে গেল; আর দিদিমার পাশে টেবিলটার ওপর এসে পড়লো আধখানা ইট।

দাদামশায় পাগলের মতো বলে উঠলেন, “তুমি সোজা তাক করছো না কেন?”

দিদিমা যেমন ভাবে আমাকে নিতেন তেমনিভাবে তাঁকে কোলে নিয়ে বিছানায় নিয়ে গেলেন, আর ভয়-জড়িত কণ্ঠে বার বার বলতে লাগলেন, “তুমি কি ভাবছো? তুমি কি ভাবছো? ভগবান তোমাকে ক্ষমা করুন। আমি দেখতে পাচ্ছি, ওর পরিণাম হচ্ছে সাইবিরিয়া। কিন্তু ও এখন পাগল, তাই নৃত্যে পারছে না, সাইবিরিয়া মানে কি।”

দাদামশায় রাগের সঙ্গে পা দুখানা বেঁড়ে শুদ্ধভাবে ফুঁপিয়ে ফুঁপিয়ে রুদ্ধস্বরে বললেন, “ও আমাকে কেনে কেনে—”

বাইরে থেকে শোনা গেল চীৎকার, পায়ের শব্দ, দেওয়াল

আঁচড়ানোর আওয়াজ। আমি টেবিলের ওপর থেকে ইটখানা তুলে নিয়ে ছুটে জানলায় গেলাম। দিদিমা আমাকে ঠিক সময়ে ধরে ইটখানা কেড়ে নিয়ে ঘরের কোণে ছুড়ে ফেলে বললেন, “ওরে ক্ষুদে শয়তান!”

আর একদিন মামা এসেছিলেন একখানা মোটা লাঠি নিয়ে। সেদিন তিনি দরজা ভেঙে ভেতরে ঢুকে অঙ্ককার সিঁড়িগুলোর মাথায় দাঁড়িয়ে ছিলেন। দাদামশায়ও লাঠি হাতে তাঁর জগ্নে অপেক্ষা করছিলেন। তাঁর সঙ্গে ছিল দুজন ভাড়াটে, আর ছিল গুঁড়িখানাওয়ালার স্ত্রী। তার শরীরটা ছিল লম্বা। ভাড়াটে দুজনের হাতে ছিল দুখানা লম্বা লাঠি। আর স্ত্রীলোকটির হাতে ছিল বেলন। সকলেই প্রস্তুত হয়ে ছিল। দাদামশায় একখানা পা সামনের দিকে বাড়িয়ে, “ভালুক শিকার” নামে ছবিখানার সড়কিহাতে শিকারীটির মতো দাঁড়িয়ে ছিলেন। দিদিমা নিঃশব্দে তাঁদের পিছনে এসে মিনতি ভরে বললেন, “আমাকে ওর কাছে যেতে দাও! ওকে একটি কথা বলতে দাও!”

দিদিমা তাঁর কাছে যেতেই তিনি কোন কথা না বলে তাঁকে কনুই ও পা দিয়ে ঠেলে সরিয়ে দিলেন। চার জনেই দুর্দর্ষ শক্তিতে প্রস্তুত হয়ে দাঁড়িয়েছিলেন। তাঁদের মাথার ওপর দেওয়ালে ঝুলছিল একটি লঠন। সেটা থেকে তাঁদের মুখে মাঝে মাঝে এসে পড়ছিল ম্লান আলো। সকলের ওপরের সিঁড়িটা থেকে আমি সে সব দেখছিলাম। ইচ্ছে হচ্ছিল দিদিমাকে আমার কাছে টেনে আনতে।

মামা দরজা ভাঙ্গার কাজটি বেশ স্নায়বিকের সঙ্গেই করছিলেন। পাল্লাখানা ওপরে তার জায়গাটি থেকে সরে এসে জোড় থেকে খুলে পড়বার মতো হয়েছিল। তলাটা ভেঙ্গে খড় খড় করছিল।



দাদামশায় তাঁর অন্ধ-সঙ্গীদের তেমনি খড় খড়ে স্বরে বলে উঠলেন, “তোমরা ওর হাত-পা ভেঙ্গে দিও, কিন্তু মাথাটাকে রাখিও।”

দরজার পাশে দেওয়ালের গায়ে একটি ছোট জানলা ছিল। তার ভেতর দিয়ে মাথা গলানো যেত। মামা তার সাগিখানা ভেঙ্গে ফেলে ছিলেন। কাঁচের ভাঙা টুকরোগুলো চারধারে খোঁচার মতো বেরিয়ে ছিল। জানলাটাকে দেখতে হয়েছিল একটা কালো চোখের মতো। দিদিমা জানলাটার ছুটে গেলেন এবং তার ভেতর দিয়ে আঙিনায় হাত বাড়িয়ে দিয়ে নাড়তে নাড়তে মামাকে সাবধান করে দিতে লাগলেন, “মিশকা! খ্রীষ্টের দিব্যি পালাও। ওরা তোমার হাত-পা সব এক এক করে টেনে ছিঁড়বে। চলে যাও।”

মামার হাতে যে মোটা লাঠিখানা ছিল তিনি তা দিয়ে দিদিমার হাতে মারলেন এক ঘা। পরিষ্কার দেখা গেল একটা মোটা কালো জিনিষ তাঁর হাতে পড়লো। তারপরই দিদিমা পড়ে গেলেন; কিন্তু তিনি চিং হয়ে পড়েও চীৎকার করতে লাগলেন, “মিশ্কা! মি—ই—শ্কা! পালাও!”

দাদামশায় ভীষণকণ্ঠে হুঙ্কার দিলেন, “মা, কোথায় তুমি?”

পাল্লাখানা খুলে পড়লো। দেখা গেল, চারধারে কালো চোঁকট, যেমন একখানা ফ্রেম, তার মাঝে মামা দাঁড়িয়ে আছেন। কিন্তু পর মুহূর্তেই কোনাল থেকে যেমন কাদার তাল ছিটকে পড়ে তিনেও তেমনি ভাবে সিঁড়ির নিচে ছিটকে গেলেন।

সিঁড়িখানাওয়ালার স্ত্রী দিদিমাকে দাদামশায়ের ঘরে নিয়ে গেল। দাদামশায় অবিলম্বে তাঁর পিছনে পিছনে গিয়ে বিষয়কণ্ঠে জিজ্ঞেস করলেন, “কোন হাড় ভেঙেছে?”

দিদিমা চোখ দুটি বন্ধ করে জবাব দিলেন, “মনে হচ্ছে প্রত্যেকখানা হাড় ভেঙে গেছে। তোমরা তার কি করেছে? কি করেছে তার?”

দাদামশায় বললেন, “স্থির হও! তুমি কি মনে করো আমি একটা বুনো জানোয়ার? সে হাত-পা-বাঁধা অবস্থায় নিচের কুঠুরিতে পড়ে আছে। আমি তাকে জলে একেবারে নাইয়ে দিয়েছি। স্বীকার করি কাজটা করা খারাপ হয়েছে; কিন্তু সমস্ত গোলমালটা বাধালে কে?”

দিদিমা কাতরভাবে লাগলেন। দাদামশায় বললেন, “আমি একজন হাড়-বসানো বজ্রিকে ডেকে পাঠিয়েছি।” এবং তাঁর পাশে বিছানায় বসে আবার বললেন, “তার আসা অবধি সয়ে থাক। ওরা আমাদের সর্বনাশ করছে মা—।”

—“ওরা যা চায় তাই দাও।”

—“ভারবারার কি হবে?”

দুজনে অনেকক্ষণ বিষয়টি আলোচনা করলেন। দিদিমা কথা বললেন শান্ত, কাতরভাবে। আর দাদামশায় বললেন, জ্বোরে রাগের সঙ্গে।

তারপর একটি ছোটখাট কুঁজো স্ত্রীলোক ঘরে এসে ঢুকলো। তার মুখখানা প্রকাণ্ড—একান থেকে ও-কান অবধি এবং মাছের মুখের মতো হাঁ হয়েছিল। নিচের চোয়ালটা কাঁপছিল। তার তীক্ষ্ণ স্রাকটি ওপরের ঠোঁটটার ওপর থেকে উঁকি দিচ্ছিল; চোখ দুটো দেখা যাচ্ছিল না। সে হাঁটছিল ক্লাচেলে ভর দিয়ে। তার পা দুখানি প্রায় নড়ছিলই না। তার হাতে ছিল একটা পোটলা। সেটা ধুঁকি খট করছিল।

আমার বোধ হতে লাগলো, সে সিন্ধু এনেছে দিদিমার মৃত্যু। তার কাছে ছুটে গিয়ে আমি প্রস্রাৱপণে চীৎকার করে বললাম, “চলে যাও।”

দাদামশায় আমাকে চেপে ধরলেন, খুব আঁস্তে নয় একং রুক্ষ মর্জিতে টেনে নিয়ে গেলেন চিলে কোঠায়।

## ষষ্ঠ পরিচ্ছেদ

বসন্ত সমাগমে আমার মামারা পৃথক হয়ে গেলেন—জাকফ-মামা রইলেন শহরে, মাইকেল-মামা স্থায়ী হলেন নদীর ধারে। আর দাদামশায় পলিভই ষ্ট্রীটে একখানি মজার বাড়ি কিনলেন। তার নিচের তলায় ছিল একটা রেস্টোরাঁ। বাড়ির ঘরগুলো ছিল ছোট কিন্তু বেশ আরামের। সামনে ছিল একখানি ছোট বাগান। বাগানখানা ছিল নিষ্পত্র উইলো গাছে ভরা। তার ডালগুলো ছিল কাঁটার মতো খাড়া হয়ে।

দাদামশায় আমার দিকে সকৌতুকে চোখ ঠেরে বললেন, “তোমার জন্তে বেত,” আমি তাঁর সঙ্গে বাগানের নবগ, কাদাভরা পথ দিয়ে বেড়াতে বেড়াতে বাগানখানা দেখে বেড়াছিলাম। তিনি আবার বললেন, “আমি তোমাকে লিখতে-পড়তে শিখাবো। তাতে সুবিধা হবে।”

ওপর তলাটি ছাড়া বাড়িখানা ভাড়াটেয় ছিল ঠাসঠাসি। ওপর তলায় লোকজনকে বসাবার জন্তে দাদামশায়ের নিজের একখানি ঘর ছিল; আর চিলেকোঠাটার থাকতাম দিদিমা আর আমি। তার জানলাটা ছিল রাস্তার ওপর। জানলা দিয়ে বুকুলে সন্ধ্যাবেলায় ও ছুটির দিনে দেখা যেত বাড়িখানা থেকে মাতালেরা বেরিয়ে এসে পথ দিয়ে টলতে টলতে আর চীৎকার করতে করতে চলেছে। দোকান থেকে কখন কখন তাদের রাস্তায় ছুড়ে কেলে দিত

যেন তারা বস্তা। তারা উঠে আবার গুঁড়িখানাটার ভেতরে ষাবার চেষ্টা করতো। তখন দরজায় ধুম-ধাম, ক্যাচ-কৌচ আওয়াজ হত; কজাগুলো করে উঠতো কট কট। তারপর শুরু হত মারামারি। এ-সব দেখতে ভারী মজা লাগতো।

প্রত্যহ সকালে দাদামশায় তাঁর ছেলেদের কারখানায় যেতেন তাদের সাহায্য করতে, আর প্রত্যহ সন্ধ্যায় কিরতেন ক্লাস্ত, নিরুৎসাহ ও কষ্ট হয়ে।

দিদিমা রাঁধতেন, সেলাই করতেন আর কোন না কে, কাঁজে বালাধরে ও ফুলবাগানে ঘুরে বেড়াতেন, প্রকাণ্ড একটা লাটিমের মতো। অনবরত নশ টানতে টানতে ঠাচতে ঠাচতে ও ঘামে ভেজা মুখখানি মুহুতে মুহুতে তিনি বলতেন, “জগৎ-সংসার, তোমার ভাল হোক। ওলিয়েশা, মানিক আমার, এখন জীবনটা বেশ শান্ত, চমৎকার নয়? হে স্বর্গের রাণি, এ তোমারই কাজ—সব হয়েছে বেশ সুন্দর।”

কিন্তু তাঁর শান্ত জীবনের ধাবণার সঙ্গে আমার শান্ত জীবনের পারণার মিল ছিল না। সকাল থেকে রাত অবধি বাড়ির আর সব বাসিন্দারা হট্টগোলের সঙ্গে আসা-যাওয়া ও ওপর-নিচ করে তারা যে সং-প্রতিবেশী তার প্রমাণ দিতো। তাদের সব সময়ই তাড়া ছিল, অথচ সব সময় করতো দেরি; সব সময় অল্পযোগ করতো, আবার সব সময়ই ডাকতো, “আকুলিনা আইভানোভনা!”

আর অমায়িক আকুলিনা আইভানোভনা পক্ষপাতশূণ্য হয়ে সকলের প্রতিই ছিলেন মনোযোগী। তাদের কক্ষের উত্তর দেবার আগে নশ নিয়ে তাঁর চেকদার ক্রমালে সাবধানে শিকি ও আঙুল মুছতেন। তিনি বলতেন, “উকূনের হাত থেকে রেহাই পেতে হলে, বাছা, তোমাকে প্রায়ই গা-হাত-পা ধুতে হবে, মিনটের বাষ্পে নাইতে হবে।

আর চামড়ার তলায় যদি উকুন হয়, তাহলে এক চামচ খুব খাঁটি হাঁসের চর্বি, এক চামচ গন্ধক, আর তিন ফোটা পারা নিয়ে একটা মাটির সরাতে সাতবার নেড়ে গায়ে মাখবে। মনে রেখ, জ্বিনিষটা যদি কাঠের বা হাঙের চামচ দিয়ে নাড় তাহলে পারাটুকু নষ্ট হয়ে যাবে, আবার যদি পেতলেব বা কপোর চামচ ব্যবহার কর তাহলে তোমার ক্ষতি হবে।”

কখন কখন তিনি একটু ভেবে বলতেন, “তুমি বরং ওষুধ-ওরালার কাছে যাও বাছ। আমি ঠিক করে কিছু বলতে পারছি না।”

পারিবারিক কলহ ও তর্ক-বিতর্কে তিনি শান্তি স্থাপনা করতেন; বাড়িতে সন্তান-প্রসব-কালে হতেন ধাত্রী; বাল-রোগের চিকিৎসা করতেন; ‘আমাদের দেবীর স্বপ্ন’ নামে কবিতাটি আবৃত্তি করতেন, যাতে অন্ত্র স্ত্রীলোকেরা শিখতে পারে এবং গৃহস্থানী গোছগাছ ও চালানোর উপদেশ দিতে সর্বদাই প্রস্তুত ছিলেন।...

সারাদিন বাগানে ও আড়িনায় আমি তাঁর সঙ্গে লেগে থাকতাম। তাঁর সঙ্গে যেতাম পড়সীদের বাড়ি। সেখানে তিনি ঘণ্টার পর ঘণ্টা বসে চা খেতেন আর নানা রকমের গল্প বলতেন। আমি যেন তাঁর অংশ হয়ে উঠেছিলাম। আমার জীবনের এই অংশে সেই উৎসাহী মহিলাটির মতো আর কিছু তত স্পষ্ট মনে পড়ে না। লোকের ভালো করতে তাঁর ক্লাস্তি ছিল না।

এই দৃশ্যপটের মাঝখানে কোথা থেকে যেন স্বপ্ন কালের জগে আমার মা উপস্থিত হতেন। তিনি ছিলেন উজ্জ্বল, কঠোর। শীতের স্বর্ষ্যের মতো তাঁর শীতল, ধূসর, চোখ দুটি দিয়ে আমাদের সব কিছু লক্ষ্য করতেন। এবং তাঁকে মনে করে রাখবার মতো কিছু না রেখে অল্পকালের মধ্যেই অদৃশ্য হতেন।

একবার আমি দিদিমাকে জিজ্ঞেস করেছিলাম, “তুমি কি ডাইনী?”  
তিনি হেসে উত্তর দিয়েছিলেন, “তোমার মাথায় কি ঢুকেছে?”  
তারপরই গম্ভীর কণ্ঠে আবার বলেন, “কি করে ডাইনী হব? ডাইনী-  
বিদ্যা কঠিন। আমি পড়তে-লিখতেও জানিনা; অক্ষরও চিনি না।  
দাদামশায়—উনি খুব লেখা-পড়া জানেন। কিন্তু মা মেরী আমাকে  
শিক্ষিত করে তোলেন নি।”

তারপর তাঁর জীবনের আর একটি মৃতি তিনি আমার সামনে  
নামনে উপস্থাপিত করেন :

“তোমার মতোই আমি ছিলাম অনাথা। আমার মা ছিলেন  
সামান্য এক চাষী-মেয়ে—আর পদ্ম। তখনও তাকে বালিকাই বলা  
চলে সেই সময়ে একটি ভদ্রলোক তাকে ভোগ করেন। তার ফলে  
বা হবে সেই ভয়ে একদিন রাতের বেলা তিনি জানলা থেকে নিচে  
লাফিয়ে পড়েন। তাতে তার পঁজরা আর কাঁধ এমন ভাবে ভেঙে যায় যে,  
তার ডান হাতখানা একেবারে শুকিয়ে গিয়েছিল। ডান হাতখানা  
কাজে-কশ্মে খুবই দরকার...তাছাড়া তিনি ছিলেন নামকরা লেশ-  
কারিগর। অবশ্য এরপর তাঁর মনিবদের আর তাকে দরকার হয়  
না, তারা তাকে ছাড়িয়ে দেন। যেমন করে পারতেন তিনি রোজগার  
করে নিজের দিন চালাতে থাকেন। কিন্তু হাত দুখানা না থাকলে  
লোকে রোজগার করবে কি দিয়ে? সেই জগ্রে তাকে ভিক্ষে করতে  
হত, পরের দরায় বেঁচে থাকতে হত! কিন্তু সেকালে লোকে ছিল  
এখনকার চেয়ে ধনী আর দয়ালু...সে-সময়ে বাল্যখানার ছুতোর  
আর লেশ-কারিগরেরা ছিল বিখ্যাত। লোকে তাদের দেখতে  
আসতো!

“কখন কখন মা আর আমি শরৎ আর শীতকালটা কাটাতাম

শহরে। কিন্তু শ্রেষ্ঠ দেবদত্ত গ্যাব্রিয়েল তলোয়ার ঘুরিয়ে শীতটাকে তাড়িয়ে দিয়ে পৃথিবীকে বসন্তের কচি-পাতায়, কুঁড়িতে, ফুলে সাজিয়ে দেবার সঙ্গে সঙ্গে আমরা ছুজনে আবার বেরিয়ে পড়তাম পথে পথে যেদিকে ছুঁচোখ যায়। আমরা গিয়েছিলাম মুরোমি, গিয়েছিলাম উরিয়েভিৎজ্, গিয়েছি ভলগার তীর ধরে সেই উজানে, আর গিয়েছি শাস্ত্র ওকার তীরে তীরে। বসন্ত আর গ্রীষ্মকালে পথে পথে বেড়াতে ভাল লাগতো; তখন পৃথিবী হাসতো, বলমল করতো, আর ঘাসগুলোকে দেখাতো মখমলের মতো। খ্রীষ্ট-জননী তখন মাঠে মাঠে ছাড়িয়ে দিতেন ফুল; সব কিছুই যেন মনে জাগিয়ে তুলতো আনন্দ আর অন্তরে অন্তরে কথা কইতো। কখন কখন আমরা যখন পাহাড়ের ওপর থাকতাম মা তাঁর নীল চোখ দুটি বন্ধ করে গান গাইতেন। তাঁর গলার জোর ছিল না, কিন্তু স্বর ছিল বণ্টাধ্বনির মতোই স্পষ্ট। মনে হত তাঁর গান শুনতে শুনতে আমাদের চারধারের সবকিছু যেন ঘুমিয়ে পড়ছে। আহা! ভগবান জানেন সে-সময়ে জীবন ছিল কত সুন্দর!

“কিন্তু আমার বয়স ন’ বছর হলে, মা বুঝতে শুরু করলেন, তিনি যদি আমাকে তাঁর সঙ্গে আর ভিক্ষে করতে নিয়ে যান তাহলে লোকে তাঁরই দোষ দেবে। প্রকৃতপক্ষে আমরা যে-জীবন যাপন করছিলাম তিনি তাঁর জন্তে লজ্জিত হয়ে উঠতে লাগলেন। তাই আমরা বালাখানায় বাস শুরু করলাম। সেখানে বাড়ি বাড়ি ভিক্ষা করে বেড়াতাম—রবিবার আর ছুটির দিনে মা নিয়ে বসতেন গির্জার বারান্দায় আর আমি বাড়িতে থেকে বেশ শ্রমতে শিখতাম। আমি ঢালাক ছাত্রী ছিলাম। কারণ মাকে সাহায্য করতে ছিলাম ব্যগ্র। কিন্তু কখন কখন কাজে এগোতেই পারতাম না, তাই বসে বসে

আমার ছেলেবেলা

১০৬

কাদতাম। কিন্তু দেখ, দু'বছরের মধ্যে, তখনও আমি ছোটটি, এমন কাজ শিখলাম যে সারা শহরে তার খ্যাতি ছড়িয়ে পড়লো। লোকের সত্যিকারের ভালো লেশের দরকার হলেই তারা তৎক্ষণাৎ আমাদের কাছে আসতো।

“বলতো ‘আকুলিনা, তোমার স্বতোর নলীটা এবার জ্বরে চালাও।’”

“আমি খুব সুখী ছিলাম...সেগুলো ছিল আমার জীবনের শ্রেষ্ঠ দিন। কিন্তু সে-সব ছিল মায়েরই কাজ আমার নয়। তার একখানি মাত্র হাত, আর সেখানি অকম্পন্য হলেও তিনিই আমাকে শিবিয়ে ছিলেন কি করে কাজ করতে হয়। একজন সু-শিক্ষক দশজন কারিগরের চেয়েও বেশি।

“আমার মনে অহঙ্কার হল। বললাম, ‘মা এবার তোমাকে তিন্কে করা ছেড়ে দিতে হবে। আমাদের দুজনের চলবার মতো যথেষ্ট রোজগার আমি করতে পারি।’”

“তিনি বললেন, ‘সে-সব কিছুই হবে না। তুমি যা রোজগার করবে, তা তোলা থাকবে তোমার বিয়ের বৌতুকের জ্বতে।’”

“এরপর বেশি দিনও গেল না, দাদামশায় দেখা দিলেন। চমৎকার সুবক—বয়স মাত্র বাইশ বছর, পাকা নেয়ে। কিছুদিন থেকে গুঁর মায়ের নজর ছিল আমার ওপর। তিনি দেখলেন, আমি নিপুণ কারিগর; ভিখারীর মেয়ে বলে আমাকে সহজেই চাপাতে পারবেন। কিন্তু— তিনি ছিলেন চতুর, দুঃপ্রকৃতির মানুষ। তবে সে-সব ঘেঁটে আর দরকার নেই...তাছাড়া, খরিশ লোককে আমরা মনে করে রাখবে কেন? ভগবান তাদের ওপর লক্ষ্য রাখেন; তারা যা করে তিনি সব দেখেন। শয়তানেরা ওদের ভালোবাসে।”



তিনি নাকটা এমনভাবে কুঁচকে প্রাণথুলে হাসতে লাগলেন যে, তা দেখে আমার হাসি পেল। তাঁর চোখ দুটি চক্ চক্ করতে লাগলো। তিনি চোখ দিয়ে আমাকে সোহাগ করতে লাগলেন। কথার চেয়ে তাঁর চোখ দুটি বেশ এ বিষয়ে ছিল বেশি মুখর।

\* \* \* \*

মনে পড়ে এক শাস্ত দন্ড্যার কথা। দাদামশায়ের ঘরে দিদিমার সঙ্গে চা খেলাম। দাদামশায়ের শরীর ভাল ছিল না; তিনি পোশাক খুলে কাঁধে প্রকাণ্ড ভোয়ালে জড়িয়ে বসেছিলেন। তাঁর ঘাম হচ্ছিল প্রচুর, সেই সঙ্গে হাঁফাচ্ছিলেন। তাঁর সবুজ চোখ দুটো হয়ে গিয়েছিল স্নান, মুখখানি ফুলো ও নীল। তীক্ষ্ণ কান দুটোও হয়েছিল লাল। চায়ের পেয়ালার নৈবার জন্তে হাত বাড়তে তাঁর হাতখানা কাঁপছিল। তাঁর স্বভাবটাও হয়ে গিয়েছিল নম্র। তাকে লাগছিল তাঁর মতো নয়।

আনুরে ছেলের মতো ঘ্যান ঘ্যান করে তিনি বললেন, “আমাকে একটুও চিনি দাওনি কেন?”

দিদিমা কোমল অথচ দৃঢ়কণ্ঠে বললেন, “ওতে মধু দিয়েছি। তোমার পক্ষে তা ভালো।”

গভীর নিশ্বাস টেনে, গলায় হাঁসের ডাকের মতো শব্দ করতে করতে তিনি চা গিলতে লাগলেন।

তিনি বললেন, “এবার মরবো। দেখ যদি না মরি তো কি বলেছি।”

দিদিমা বললেন, “ভেব না; আমি তোমায় দেখবো।”

—“বেশ ভালই, কিন্তু আমি মরলে সব ভেঙ্গে পড়বে।”

—“কথা বলো না। চুপ করে শুয়ে থাক।”

তাঁর পাতলা দাড়িগুলো আঙুলে জড়িয়ে চোখ দুটো বন্ধ করে

মিনিট খানেক চূপচাপ শুয়ে রইলেন এবং পাংশু চৌঁট ছুখানি দিয়ে শব্দ করতে লাগলেন। কিন্তু হঠাৎ তিনি এমন ভাবে নড়ে উঠলেন যেন কে তাঁকে ছুঁচ ফুটিয়ে দিয়েছে। তাঁর মনে যা হচ্ছিল, তিনি তা বলতে লাগলেন—

“যত শিগগির সম্ভব জাসকা আর মিশকার বিয়ে করা উচিত। নতুন সম্পর্কে ওদের জীবনের ওপর আবার নতুন করে টান হবে। তুমি কি মনে কর?” তারপর তিনি শহরের যোগা পাত্রীদের নাম মনে মনে ইঁতড়াতে লাগলেন।

কিন্তু দিদিমা পেয়ালার পর পেয়ালী চা খাচ্ছিলেন। তিনি চূপ করে রইলেন। আর আমি জানলায় বসে শেষবেলার আকাশখানার দিকে তাকিয়ে ছিলাম। আকাশখানা ক্রমে আরও লাল হয়ে সামনের বাড়িগুলোর জানলায় রক্তিম প্রতিবিম্ব প্রতিফলিত করছিল। কোন দুষ্টামির শাস্তিস্বরূপ দাদামশায় আমাকে বাগানে ও আঙিনায় যেতে বারণ করেছিলেন। বাগানের বারচগাছগুলোর চারধারে গুবরে পোকাগুলো উড়তে উড়তে তাদের ডানা দিয়ে টুংটাং শব্দ করছিল। কাছেই একজনদেব আঙিনায় একটা মিস্ত্রি পিপে তৈরি করছিল, আর অনতিদূরে কে যেন ছুরিতে শান দিচ্ছিল। বাগান আর বাঁধানো পথটা থেকে ছেলে-মেয়েদের কলরব শোনা যাচ্ছিল; কিন্তু তারা ছিল কোপের আড়ালে। এ সবই আমাকে আকর্ষণ করছিল, অভিভূত করে ফেলছিল আর সেই সঙ্গে আমার অন্তরে বয়ে আসছিল সন্ধ্যার বিবাদ।

দাদামশায় কোথা থেকে একখানি কর্কর করে নতুন বই হঠাৎ বার করে, সেটা দিয়ে তাঁব হাতের তালিতে চটাং করে শব্দ করলেন। তারপর আমাকে স্মৃতিভরা হুরে ডাকলেন।

“এই বদমায়েশ এখানে এস। বস! এই অক্ষরগুলো দেখছো? এটা হচ্ছে ‘এ/’। আমার সঙ্গে সঙ্গে বল, ‘এ/’, ‘বু/’, ‘বিয়েদি’। এটা কি?”

—“‘বু/’।”

—“ঠিক। এটা কি?”

—“‘বিয়েদি’।”

—“‘ভুল হল। এটা এ/।’”

—“এগুলো দেখ—‘মাগোল’, ‘দোব্রো’, ‘ইয়েসট’, এটা কি?”

—“‘দোব্রো’।”

—“ঠিক! আর এটা?”

—“‘মাগোল’।”

—“‘খাসা! এটা?’”

—“‘এ/’।”

দিদিমা বললেন, “তোমার এখনও শুয়ে থাকা উচিত, বাবা।”

—“বাস্তব হয়ো না! আমার পক্ষে এই-ই ঠিক। এতে মনে দুর্ভাবনা থাকে না। বল লেক্সিসি।”

তার গরম ভিজে হাতখানি দিয়ে তিনি আমার গলা জুড়িয়ে ধরলেন এবং প্রত্যেকটি অক্ষরকে আমার কাছে আঙুলের টোকা দিয়ে বুঝিয়ে দিতে লাগলেন। তার গা থেকে জিনিসগারের উগ্র গন্ধ বার হচ্ছিল; সেই সঙ্গে ছিল ভাজা-পিয়াজের গন্ধ। আমার দম প্রায় বন্ধ হয়ে আসছিল। কিন্তু তিনি উত্তেজিত হয়ে আমার কানের কাছে গর্জন করতে লাগলেন :

“‘Zম্লিয়া।’ ‘লুদি।’”

অক্ষরগুলো আমি চিনতাম, কিন্তু সেগুলোর শ্রাভরূপের সঙ্গে মিল ছিল না।

‘Zম্লিয়া’ (Z) অক্ষরটিকে দেখাচ্ছিল কেন্নোর মতো; ‘গাগোল’ (G) গোল কাঁধ গ্রেগরির মতো; ‘ইয়া’ অক্ষরটিকে লাগছিল যেন দিদিমা আর আমি একসঙ্গে ঠাঁড়িয়ে আছি; আর দাদামশায়ের সঙ্গে যেন সমস্ত বর্ণমালাটির কিছু মিল ছিল।

তিনি আমাকে সেগুলো বার বার পড়ালেন; কখন সেগুলোর নাম জিজ্ঞেস করলেন, কখন সেগুলো ঘুরিয়ে-ফিরিয়ে ধরলেন। তাঁর গরম মেজাজটা নিশ্চয়ই ছিল সংক্রামক। কেননা আমিও ঘামতে ও চীৎকার করতে লাগলাম। তিনি তাতে খুব আমোদ উপভোগ করতে লাগলেন। তিনি হাত দিয়ে বুকখানা চেপে ধরে খুব কাস্তে আরম্ভ করলেন এবং বইখানা পাশে ফেলে দিয়ে বললেন, “না, শুনছো কি রকম চোঁচাচ্ছে ওটা? এই আষ্টাখানো পাগলা, কিসের জন্তে চোঁচাচ্চিস? অ্যা?”

বললাম, “তুমিই চোঁচাচ্ছিলে?”

তখন তাকে ও দিদিমাকে দেখে আমার আনন্দ হচ্ছিল। দিদিমা টেবিলে কুহুইয়ের ভর দিয়ে এবং হাতের ওপব গাল রেখে আমাদের দুজনকে দেখছিলেন আর নিঃশব্দে হাসছিলেন। বললেন, “সাবধান না হলে তুমি হাসতে হাসতে কেটে মরে যাবে।”

দাদামশায় বক্রভাবে বললেন, “অস্থখ করেছে বলে মেজাজ খিট-খিটে হয়েছে। কিন্তু তোমার কি হয়েছে হাপু?”

ভিজ্ঞে মাথাটা ছুলিয়ে তিনি দিদিমাকে আঁধার বললেন, “বেচারী নাতালিয়া যখন বলেছিল ওর স্মৃতিশক্তি নেই তখন ভুল করেছিল। ভগবানকে ধন্যবাদ, ওর স্মরণশক্তি আছে। বলে যাও, খাঁদা।”

অবশেষে তিনি পরিহাসচ্ছলে আমাকে বিছানা থেকে ঠেলে ফেলে দিলেন। এবং বললেন, “এতেই হবে। তুমি বইখানা নিয়ে যেতে পার। কাল তোমাকে সমস্ত বর্ণমালাটা আমার কাছে নিভুল ভাবে বলতে হবে। আমি তোমাকে পাঁচ কোপেক দেব।”

বইখানা নেবার জন্তে আমি হাত বাড়াত্তেই তিনি আমাকে কাছে টেনে নিয়ে কর্কশ কণ্ঠে বললেন, “তোমার কি হবে তোমার ঐ মা-টা একটুও ভাবে না, বাপু।”

দিদিমা চম্কে উঠলেন, “বাবা, তুমি এমন কথা কেন বলছো?”

—“কথাটা আমার বলা উচিত ছিল না—কিন্তু আবেগে বলেছি। মেয়েটা কি বিপথে যাবার মতো!”

তার কাছ থেকে আমাকে রুঢ় ভাবে ঠেলে দিয়ে বললেন, “এখন পালাও! তুমি বেরুতে পার, কিন্তু রাস্তায় নয়, খবরদার নয়। আড়িনায় কি বাগানে যাও।”

বাগানটিতে আমার বিশেষ আকর্ষণ ছিল। তার মধ্যে যে টিলাটি ছিল তার ওপর আমি উঠতেই পথের ছেলেগুলো আমাকে টিল মারতে লাগলো। আমিও সোংসাহে তাদের আঘাত ফিরিয়ে দিতে লাগলাম।

তার। আমাকে দেখলেই বলতো, “ঐ বোকা ছোড়াটা আসছে। ওটাকে উত্তম-মধ্যম দেওয়া যাক!”

তার। আমাকে যে-নামটি দিয়েছিল সেটির জ্ঞানতাম না বলে আমি রাগ করতাম না; কিন্তু আমি যে একজনের সঙ্গে একা লড়ছি, সেইটে ভাবতে লাগতো ভাল। বিশেষ করে শক্ররা মধ্যে মধ্যে যখন আমার টিলের চোটে ঝোপের মধ্যে পালাতো তখন বড় খুশি হতাম।

আমরা বিদ্যেশু অস্তরে এই সব যুদ্ধ শুরু করতাম। সাধারণত এ-সবের পরিণামে কেউই আহত হত না।

আমি স্বচ্ছন্দে পড়তে-লিখতে শিখলাম। আমার ওপর দিদিমার মনোযোগ ক্রমেই বাড়তে লাগলো, বেত্রাঘাতও ক্রমেই হয়ে আসতে লাগলো বিরল। তবে আমার মতে আগের চেয়ে আরও বেশি হওয়া উচিত ছিল। কারণ আমি যত বড় আর শক্তিমান হয়ে উঠতে লাগলাম, দাদামশায়ের বিধি-নিষেধও ভাঙতে লাগলাম ততই বেশি, তাঁর আদেশও অমান্য করতে লাগলাম বেশি করে। কিন্তু তিনি আমাকে ভৎসনা করার বা ঘৃষি দেখিয়ে শাসানোর বেশি আর কিছু করতেন না। আমি ভাবতে লাগলাম, তিনি অতীতে আমাকে মেরেছেন অকারণে। আমি তাঁকে সে কথা বললাম।

তিনি আমার চিবুকে আশ্বে ঠেলা দিয়ে মুখখানা তাঁর দিকে তুলে চোখ মিট মিট করে টেনে টেনে বললেন,

“কি—ই—ই—?”

এবং আধ হাপির সঙ্গে আবার বললেন, “এই অবিখ্যাসী! তুমি কি করে জানবে তোমার কত বেত খাওয়া দরকার? আমি যদি না জানি, তবে কে জানবে? যাও!”

কিন্তু তিনি কথাটি বলবার সঙ্গে সঙ্গেই তাঁর শীর্ণ হাতখানি দিয়ে আমার কাঁধ চেপে ধরে জিজ্ঞেস করলেন, “আমি কী ভূমি এখন কি—চতুর না সরল?”

—“জানি না।”

—“জান না? আমি তোমাকে এইটুকু বলব—চতুর হও, ওতে লাভ আছে। সরলতা বোকামী ছাড় আর কিছুই নয়। মনে রেখ, ভেড়া হচ্ছে সরল। আচ্ছা। পালাও!”

\* \* \* \*

অল্প কালের মধ্যেই আমি বানান করে স্তোত্রগুলি পড়তে শিখলাম।...সাধারণত চা খাবার পরই আমার পড়া আরম্ভ হত।

একদিন পড়তে পড়তে বললাম, “দাদামশায়!”

—“জ্যা?”

—“একটা গল্প বল।”

তিনি চোখ দুটো রগড়ে, ঘেন সবে ঘুম থেকে উঠেছেন, খিন্নকণ্ঠে বললেন, “এই আলসে, পড়াশুনা কর। তুমি গল্প ভালোবাস, অথচ স্তোত্রগুলোর মন লাগে না।”

আমার সন্দেহ হ'ত স্তোত্রের চেয়ে তিনিও গল্প বেশি ভালোবাসতেন। স্তোত্রগুলো তাঁর কণ্ঠস্থ ছিল। প্রত্যেক রাতে শুতে খাবার আগে তিনি সেগুলো আওড়াতেন।

বৃদ্ধ প্রতিদিনই কোমল হয়ে উঠছিলেন। আমার কাতর মিনতিতে আমার কাছে তার মানলেন। বললেন, “আচ্ছা, বেশ! ওবের বইখানা সব সময় তোমার কাছে থাকবে, কিন্তু ঈশ্বর আমাকে শিগ'গিরই বিচারের জগ্গে তাঁর কাছে ডাকবেন।”

তা, চামড়া-দেওয়া পুরোনো আরাম-চেয়ারখানার পিছনে হেলান দিয়ে, ছাদের দিকে তাকিয়ে তিনি চিন্তাভরে সেকালের আর তাঁর বাবার কথা বলতে লাগলেন। একবার ব্যবসায়ী জায়েদের সব লুটে নেবার জগ্গে বালাখানায় ডাকাতরা এসেছিল। দাদামশায়ের বাবা ধটা বাজিয়ে সকলকে সতর্ক করে দিতে ধটা-বরে ছুটে গিয়েছিলেন। কিন্তু ডাকাতরা তাঁর পিছনে পিছনে এসে তাঁকে তলোয়ার দিয়ে কেটে টাওয়ারটার ওপর থেকে দিষ্ট ফেলে দেয়।

“সে সময়ে আমি ছিলাম ছোট। তাই ঘটনাটার কথা আমার

কিছুই মনে নেই। যার কথা প্রথমে মনে পড়ে, সে ছিল একজন ফরাসী। তখন আমি বারো বছরের—ঠিক বারো বছরের। তিন দল বন্দীকে তো বাল্যাখানায় আনা হ'ল। তাদের সকলেরই শরীর ছিল ছোট, শুকনো। তাদের মধ্যে কারো কারো গায়ে ছিল ভিখারীর চেয়েও নোঙরা ছেঁড়া পোশাক, অথ সকলে শীতে এমন কাতর হয়ে পড়েছিল যে দাঁড়াতেই পারছিল না। চাষীরা তাদের মার দিয়ে মেরেই ফেলতো। কিন্তু পুলিশ-রক্ষীরা তা আর হতে দিল না; চাষীদের তাড়িয়ে দিল। তারপর আর কোন গোলমাল হ'ল না। ফরাসীগুলোকে আমাদের সঙ্গে গেল! কাজে-কর্মে তারা নৈপুণ্য আর বুদ্ধির পরিচয় দিতে লাগলো। লোকগুলো আমূদেও ছিল... কখন কখন তারা গান গাইতো। নিজ্জ'নি থেকে ট্রইকা চড়ে ভদ্রলোকেরা আসতেন বন্দীদের পরীক্ষা করতে। তাঁদের মধ্যে কেউ কেউ ফরাসীদের অপমান করতেন, ঘৃষি দেখাতেন, এমন কি মারতেও যেতেন। আবার কেউ কেউ তাদের সঙ্গে কোমল কণ্ঠে তাদের ভাষায় কথা বলতেন, তাদের টাকা দিতেন, বন্ধুত্ব দেখাতেন। এক বুড়ো ভদ্রলোক দুহাতে মুখ ঢেকে কাঁদতে কাঁদতে বলেছিলেন, নেপোলিয়ান ফরাসীদের সর্বনাশ করেছেন। দেখ! তিনি ছিলেন রুষ আর ভদ্রলোক; তাঁর অস্তর ছিল ভাল। সেই বিদেশীদেরও দয়া দেখাতেন!”

তিনি চোখদুটি বন্ধ করে' দুহাতে চলগুলো লম্বান করতে করতে একটু চূপ করে রইলেন। তারপর অতীতের স্মৃতিখানি অত্যন্ত পরিষ্কার ভাবে মনে জাগিয়ে তুলে বলে যেতে লাগলেন :

“শীত পথে পথে তার মায়ী বিছিয়ে দিয়েছে, চাষীদের কুঁড়েগুলি তুষারে গেছে ছেয়ে। তখন ফরাসীরা কখন কখন আমাদের মায়ের



বাড়িতে এসে জানলার নিচে দাঁড়িয়ে সার্বিতে টোকা দিত, চাৎকার করতো, লাফাতো আর গরম গরম পাউরুটি চাইতো। মা বেচবার জন্তে ছোট ছোট পাউরুটি তৈরি করতেন। মা তাদের আমাদের কুঁড়েতে আসতে দিতেন না, জানলা দিয়ে তাদের রুটি দিতেন। একেবারে গরম রুটি; তারা তাঁর হাত থেকে সেগুলো ছিনিয়ে নিয়ে বৃকের ভেতর পুরতো। রুটিগুলো ঠেকতো তাদের গায়ে চামড়ায়। কি করে যে তারা সেই তাত সহ্য করতো, আমি কল্পনায়ও আনতে পাবি না। তাদের মধ্যে অনেকেই শীতে মারা গিয়েছিল। কারণ তারা ছিল গরম দেশের লোক; এ-রকম ঠাণ্ডায় অভ্যস্ত ছিল না। তাদের মধ্যে দুজন আমাদের ধোবি-খানার বাগানে থাকতো। একজন ছিল পদস্থ সামরিক কর্মচারী, অপর জন ছিল তার আদালী। আদালীটার নাম ছিল ম্যারে।

“কর্মচারীটি ছিল লম্বা, রোগা। তার শরীরের হাড়গুলো চামড়া-ফুটে বেরিয়ে থাকতো। সে মেয়েদের একটা ক্লোক গায়ে জড়িয়ে ঘুরে বেড়াতো। ক্লোকটার রুল ছিল তার হাঁটু অবধি। লোকটা ছিল খুব অমান্বিক কিন্তু মাতাল। আমার মা গোপনে বীয়ার চোলাই করে তার কাছে বেচতেন। সে যখন মদ খেত তখন গান গাইতো। সে যখন আমাদের ভাষা শিখলো, তখন তার মত প্রকাশ করতে লাগলো। বলতো, তোমাদের দেশ শাদা নয়, কাশ্মীর-ধারাপ! তার ভাষায় ক্রটি ছিল, কিন্তু আমরা তা বুঝতে পারতাম; আর সে যা বলতো তা ঠিক। ভল্গার উজানে দুপাশের তীরভূমি দেখতে ভাল নয়, কিন্তু দক্ষিণ দিকের দেশগুলো অনেকটা গরম, আর কাস্যপীয় সমুদ্রের তীরে তুষার এক রকম দেখাই যায় না। একথা বিশ্বাস করা চলে। কেননা খ্রীষ্ট-সমাচারে, স্তবের বইয়ে আমার বৃন্দর মনে পড়ে

তুষার বা শীতের কথা নেই; আর যেখানে শীতপ্রীতি বাস করতেন সেখানেও এসব নেই...দেখ, স্তবের বই শেষ হলেই আমরা শীত-সমাচার পড়বো!”

তিনি আবার নীরব হলেন, যেন ঘুমিয়ে পড়লেন। এবং আনমনে তাকিয়ে রইলেন জানলার বাইরে। তাঁর মন চলে গেল বহুদূরে; চোখ দুটিকে দেখাতে লাগলো ছোট ও প্রখর।

“আরও গল্প বল।” কথাগুলো আমি বললাম। যেন আমি যে আছি তাঁকে তা নশ্রভাবে স্মরণ করিয়ে দিতে।

তিনি চমকে উঠে আবার শুরু করলেন: “আমরা ফরাসীদের গল্প বলছিলাম। বাই হোক, তারা আমাদেরই মতো মানুষ, আমাদের চেয়ে বেশি ধারাপও নয় বা পাপীও নয়। কখন কখন তারা মাকে ‘ম্যাডাম! ম্যাডাম!’ বলে ডাকতো। কথাটা মেয়েদের সম্মান দেখাতে ফরাসীরা ব্যবহার করে। মা তাদের বস্তায় ময়দা দিতেন প্রায় দু’মণ করে। তাঁর গায়ে জোর ছিল অসাধারণ। মেয়েদের গায়ে তত জোর দেখা যায় না। আমার কুড়ি-বছর বয়সের আগে পর্যন্ত তিনি আমার চুলের মুঠি ধরে স্বচ্ছন্দে শূণ্ডে তুলতে পারতেন: সে বয়সেও আমার শরীরের ভার কম ছিল না। তা, এই আর্দালি, ম্যারোঁটা, ঘোড়া ভালাবাসতো। সে আস্তাবেলে গিয়ে ইসারায় সহিসদের তাকে একটা ঘোড়া দিতে বলতো। প্রথমে এতে বড় গোলমাল হ’ত—বগড়া-বিবাদ বাধতো—শেষে চাষীরা তাকে ডাকতো ‘এই ম্যারোঁ।’ আর সেও হেসে, মাথা নেড়ে তাদের কাছে ছুটে যেত। তার মাথার চুলগুলো ছিল কটা কটা বড়, ঠোট দুখানা পুরু। সে ঘোড়ার সম্বন্ধে যা-কিছু সবই জানতো; ভারী আশ্চর্য রকমে তাদের রোগ সারাতো। শেষে সে নিজ নিতে হয়েছিল

বোড়ার ডাক্তার। কিন্তু লোকটা পাগল হয়ে যায়; একবার আগুন লাগলে তাতে মারা পড়ে। বসন্তকালের কাছাকাছি সেই কর্মচারীটিরও শরীর একেবারে ভেঙে গেল। এবং বসন্তের গোড়ার দিকে একদিন, বাইরের দিক্কার ঘরের জানলায় বসে মাথা নিচু করে ভাবতে ভাবতে সকলের অজানিতে মারা যায়।

“এই ভাবে তার জীবনের অবসান হয়। আমি তাতে বড় কষ্ট পেয়েছিলাম। এমন কি, গোপনে একটু কেঁদেছিলামও। লোকটা ছিল এমন শাস্ত্র, নয়। সে আমার কান টানতে টানতে তার মাতৃ-ভাষায় কথা বলতো। আমি তার কথা বুঝতাম না, কিন্তু তার কথাগুলো শুনতে ভালোবাসতাম—মাতৃঘের দয়া-ভালোবাসা বাজারে কিনতে পাওয়া যায় না। সে আমাকে তার ভাষা শিখাতে আরম্ভ করেছিল; কিন্তু মা তাতে বারণ করেন। এমন কি তিনি আমাকে পাত্রির কাছে পাঠিয়ে দেন। পাত্রি আমাকে বেত্রাঘাতের বিধান দেন, আর নিজে কর্মচারীটির কাছে বান নালিশ করতে। বাবা, সেসকালে আমাদের ওপর খুব রুচ ব্যবহার করা হ’ত। তুমি তো এখনও সে-রকমের কিছুই ভোগ কর নি।...আমাকে যা ভোগ করতে হয়েছে তার কাছে কিছুই না, একথা ভুলো না!...আমার নিজের কথাই ধর...আমাকে এত সহিতে হত—”

অন্ধকার হয়ে আসতে লাগলো। গোধূলি-আলোকে দীর্ঘশায় ঘেন বড় হঘে উঠতে লাগলেন। তাঁর চোখ দুটো জলে উঠলো বিড়ালের চোখের মতো। অগ্নাগ্র বিষয়ে তিনি ফুঁ বলাতেন শাস্ত্র ভাবে, সতর্ক হয়ে এবং চিন্তা করে, কিন্তু বখন নিজের সম্বন্ধে বলতেন তখন তাঁর কথাগুলো বার হত তাড়াতাড়ি; তাঁর গলার স্বর হত গাঢ় ও গর্কভরা। তাঁর কথা শুনতে আমার ভাল লাগতো না; আর

আমার ছেলেবেলা

১১৮

তিনি যে আমাকে ঘন ঘন আদেশ করতেন সেটাও আমার পছন্দ হ'ত না। বলতেন :

“এখন তোমাকে যা বলছি মনে বেধ! খবরদার! ভুলো না!”

তিনি আমাকে অনেক কিছুর কথাই বলতেন। সেগুলো মনে রাখবার ইচ্ছে আমার হতই না। কিন্তু যেগুলো তাঁর আদেশ ছাড়াই আমি আপনা হতেই মনে রাখতাম, সেগুলো আমার মনকে বিষণ্ণ করে তুলতো।

তিনি কখন অলৌক গল্প বলতেন না; যে-ঘটনা সত্য ঘটেছিল তাই বলতেন। লক্ষ্য করে ছিলাম, তাঁকে প্রশ্ন করা তিনি পছন্দ করতেন না। তাতে আমার জেদ বাড়িয়ে দিয়েছিল। আমি জিজ্ঞেস করতাম :

“কারা ভাল—ফরাসীরা না রুশদেশের লোকেরা?”

তিনি রাগের সঙ্গে গর্জন করে উঠতেন, “কেমন কবে বলবো? আমি তো কোন ফরাসীকে তাদের বাড়িতে দেখি নি।”

—“কিন্তু রুশরা কি ভাল?”

—“অনেক বিষয়ে ভাল; কিন্তু যে-সময়ে জমিদারী-শাসন ছিল সে-সময়ে আরও ভাল ছিল। এখন আমরা আছি গোলমালের মধ্যে। এখন লোকে ধেতেই পায় না। এর জন্তে, অবস্থা ভদ্র-লোকেরাই দায়ী। কারণ অন্তের চেয়ে ওদের বুদ্ধি বেশি। তারই জ্বোরে ওরা চলে। কিন্তু ও কথা সকলের সহজে বলা যায় না, মাজ কয়েকজনের সহজে বলা চলে। আর সকলে—তাদের মধ্যে বেশির ভাগই ইঁদুরের মতো বোকা। ওদের তুমি কিছু দিতে চাও ওরা তাই নেবে। আমাদের মধ্যে খোসা আছে অনেক কিন্তু শাস নেই। কেবল খোসা, শাস ক্ষয় হয়ে গেছে। এই থেকে তুমি শিক্ষা পেতে

পার ! আমাদের আগেই শিক্ষা পাওয়া উচিত ছিল। কিন্তু আমরা এখনও যথেষ্ট তীক্ষ্ণ হই নি।”

—“রুশদের গায়ে কি আর সকলের চেয়ে জোর বেশি ?”

—“গায়ে জোর বেশি এমন লোক আমাদের মধ্যে কিছু আছে। কিন্তু গায়ের জোরই বড় কথা নয়, প্রধান হচ্ছে কৌশল। কেবল গায়ের জোরের কথাই যদি হয়, তাহলে খোড়া হচ্ছে আমাদের চেয়ে শ্রেষ্ঠ।”

—“কিন্তু ফরাসীরা আমাদের বিরুদ্ধে যুদ্ধ করেছিল কেন ?”

—“দেখ, যুদ্ধ হচ্ছে সম্রাটের ব্যাপার। আমাদের তা বোঝার কথা নয়।”

—“বোনাপার্টি কেমন ধরনের লোক ছিলেন ?” আমার এই প্রশ্নে দাদামশায় যেন অতীতের হিসাব করছেন এগ্নি হুঁরে বললেন, “সে লোকটি ছিল দুই প্রকৃতিব। সারা পৃথিবীর বিরুদ্ধেই যুদ্ধ করতে চেয়েছিল। তারপর চেয়েছিল আমাদের সকলকে সমান করতে— এমন অবস্থায় আন্তে ষাতে শাসক বা প্রভু থাকবে না। প্রত্যেকেই হবে সমান। কোন শ্রেণী-বৈষম্য থাকবে না, সকলে একই শাসনাধীনে থাকবে, একই ধর্ম পালন করবে, যার ফলে লোকের মধ্যে পার্থক্য হুঁবে কেবল তাদের নামে। এ-সবের কোনো মানে হয় না। জগতে কেবল গল্‌দা চিংড়িগুলোকেই একটা থেকে আর একটাকে চেনা যায় না...কিন্তু মাছেদের মধ্যেও শ্রেণী-বৈষম্য আছে। এক জাতির মাছ আর এক জাতির মাছের সঙ্গে কখন মেশে না। আমাদের মধ্যেও বোনাপার্টি ছিল ; কিন্তু তাদের কথা আর এক সময়ে বলবো।”

কখন কখন তিনি বহুকণ ধরে অস্মির দিকে তাকিয়ে থাকতেন। তাঁর চোখ দুটো ঘুরতো, যেন তিনি আমাকে আগে কখন দেখেন নি।

আমার ছেলেবেলা

১২০

এই ভাবটা আমার ভাল লাগতো না। কিন্তু তিনি কখন আমার কাছে আমার বাবা বা মায়ের কথা বলতেন না। এই সব কথা-বার্তার সময় দিদিমা মাঝে মাঝে নিঃশব্দে ধরে ঢুকে কোণে গিয়ে, বহুক্ষণ নীরবে, অলক্ষ্যে বসে থাকতেন। তারপর হঠাৎ সোহাগ-ভরা স্বরে জিজ্ঞেস করতেন, “তোমার মনে পড়ে, বাবা, আমরা যখন মুরোনে তার্থে গিয়েছিলাম তখন কি চমৎকার লেগেছিল? সেটা যেন কৌন্ সালে?”

চিন্তার পর দাদামশায় উত্তর দিতেন, “ঠিক বলতে পারি না, কিন্তু কলেরা-মড়কের আগে। যে-বছর আমরা সেই জেল-পালানো কয়েদীদের বনের মধ্যে ধরি।”

—“ঠিক, ঠিক! তখনও আমরা তাদের ভয়ে সারা হচ্ছিলাম—”

—“ঠিক!”

জিজ্ঞেস করলাম, জেল-পালানো কয়েদী কি, আর তারা বনের মধ্যেই বা ঘুরে বেড়াচ্ছিল কেন? দাদামশায় যেন কুষ্ঠার সঙ্গে বললেন,

“তারা হচ্ছে মানুষ। তাদের যে কাজ করতে দেওয়া হয়েছিল তা ফেলে, জেল থেকে পালিয়ে এসেছিল।”

—“তোমরা কি করে তাদের ধরেছিলে?”

—“কি করে ধরে ছিলাম? যেমন ছেলেরা লুকোচুরি খেলা করে! জন কতক পালায়, বাকি সকলে তাদের খুঁজতে খুঁজতে ধরে ফেলে। ধরার পর তাদের বেদম মার দেওয়া হয়েছিল; তাদের নাক গিয়েছিল খেঁৎলে। তারা যে কয়েদী এটি জানাবার জন্যে তাদের কপালে ছাপ দেওয়া হয়েছিল!”

—“কেন?”

—“আহা, প্রশ্নই তো ওই—যার উত্তর আমি দিতে পারি না।

কে অন্বেষণ করে—যে পালিয়ে যায় অথবা যে তার পিছনে ধাওয়া করে তাও একটি রহস্য!”

দিদিমা বললেন, “তোমার মনে পড়ে বাবা, সেই যে খুব বড় আশুনা লেগেছিল, তারপর আমরা কি রকম করে—?”

সব কিছুর আগে দাদামশায় আলোচ্য বিষয়টিকে যথাযথ জানতে চাইতেন, তাই কঠোর ভাবে জিজ্ঞেস করলেন, “কোন বড় আশুনা?”

এইভাবে দুজনে যখন অতীতের কথা বলতেন, তখন আমার কথা একেবারে ভুলে যেতেন। তাঁদের গলার স্বর, তাঁদের ভাষা এমন কোমল ও এমন সুসমঞ্জ হয়ে মিশে যেত যে মনে হত তাঁরা রোগ ও আশুনের, বাদেব হত্যা করা হয়েছিল তাদের ও হঠাৎ মৃত্যুর, চতুর বদমায়েশ, ধর্মোন্মাদ ও রুঢ় প্রকৃতির জমিদারদের বিষয় বিষাদ সঙ্গীত গাইছেন।

দাদামশায় অশ্রুট স্বরে বললেন, “কিসের মাঝ দিয়ে আমাদের জীবনের পথে চলতে হয়েছে! আমরা কত দেখেছি!”

দিদিমা বললেন. “আমাদের সে রকম দুঃখের জীবন ছিল না, ছিল কি? মনে পড়ে, ভারিয়ার জন্মবার পর সেই বসন্তকালটা কি চমৎকার শুক হয়েছিল?”

—“সেটা হল সেই হাজেরী অভিযানের বছরে। ১৪৮ সালে। ভারিয়াকে খ্রীষ্টধর্মে দীক্ষা দেবার পরদিনই তারা ভারিয়ার ধর্মপিতা টিখনকে তাড়িয়ে দেয়—”

—“তাকে আর দেখতে পাওয়া যায় না।” বলে দিদিমা দীর্ঘনিশ্বাস ফেললেন।

—“হ্যাঁ, আর সেই সময় থেকে হাঁসের পিঠে জলের মতো আমাদের

আমার ছেলেবেলা

১২২

বাড়ি থেকে ভগবানের আশীর্বাদও যেন সরে গেছে। এই ধর যেন ভাববারা—”

—“আচ্ছা, বাবা, হয়েছে।”

দাদামশায় ক্রকুটি করে ক্রুঠভাবে জিজ্ঞেস করলেন, “তার মানে কি —‘আচ্ছা হয়েছে?’ তুমি যে-ভাবেই ওদের দিকে দেখ, আমাদের ছেলেমেয়েরা খারাপ হয়ে গেছে। আমাদের যৌবনের তেজ-শক্তির কি হল! আমরা মনে করেছিলাম, আমাদের সন্তানের মধ্যে তা সঞ্চার করছি, যেন লোকে ঝড়িতে করে কোন কিছু তুলে রাখে। এখন দেখ, ভগবান সেটাকে ধার্ম্য রূপান্তরিত করেছেন। ওটার কোন উত্তর নেই!”

যেন আগুনে পুড়ে তাঁর অস্থখ করেছে এমনি ভাব দেখিয়ে আর্ন্তনাদ করতে করতে দাদামশায় সারা ঘরে ছুটে বেড়াতে লাগলেন। তারপর দিদিমার দিকে ফিরে তাঁর ছোট, শুকনো ঘুঘুটি ঝাঁকিয়ে ছেলে-মেয়েকে গাল দিতে লাগলেন।

“এ সব তোঁরই দোষ বড়ী। তাদের কথায় সায় দিস, তাদের পক্ষ নিস।”

কিন্তু তাঁর দুঃখ ও উত্তেজনার পরিসমাপ্তি হল কাম্য। তিনি ইকনটার সামনে মেঝেয় লুটিয়ে পড়ে তাঁর শূণ্য বুকখান জোরে চাপড়াতে চাপড়াতে বলতে লাগলেন, “ভগবান, আমি কি আর সকলের চেয়ে বেশি পাপ করেছি? কেন তবে—?”

তাঁর আপাদ মস্তক কাঁপতে লাগলো, অঙ্গসিক্ত চোখ দুটি ক্রোধে ও বিদ্বেষে ঝক্ ঝক্ করে উঠলো।

দিদিমা কোণে অঙ্ককারে চূপ করে বসে ছিলেন; খুব সাবধানে তাঁর কাছে উঠে গিয়ে বললেন, “তুমি এমন দুঃখ করছো কেন?”



ভগবানই জানেন তিনি কি করছেন। তুমি বল, অশ্বের ছেলেরা আমাদের ছেলেদের চেয়ে ভাল, কিন্তু আমি তোমাকে বলছি, বাবা, এ রকম তুমি সব জায়গায় দেখতে পাবে—বগড়া, গোলমাল, মারামারি। সব বাপ-মাই চোখের জলে তাদের পাপ ধুয়ে ফেলে। এ বিষয়ে কেবল একা তুমিই নও।”

কখন কখন এই সব কথা তাঁকে শাস্ত করতো। তিনি শোবার বন্দোবস্ত করতেন। তখন দিদিমা আর আমি চুপি চুপি উঠে যেতাম চিলে কোঠায়।

কিন্তু একবার দিদিমা সাত্বনা দেবার জগ্রে তাঁর কাছে যেতেই তিনি চট করে ঝুঞ্জে দাঁড়িয়ে তাঁর মুখে জ্বারে মারলেন এক ঘুষি।

দিদিমা ঘুরে গিয়ে প্রায় টলে পড়বার মতো হলেন। কিন্তু কোন বকমে টাল সামলে, ঠোঁটে হাত দিয়ে শাস্তভাবে বললেন, “বোকা!”

তাবপর দাদামশায়ের পায়ের কাছে রক্তভরা থুথু ফেললেন। কিন্তু দাদামশায় দুটি দাঁড় হুকার ছেড়ে হুহাত তুলে তাঁকে মারতে গেলেন, “চলে যাও। নাহলে খুন করে ফেলবো।”

দিদিমা ঘর থেকে যেতে যেতে আবার বললেন, “বোকা।”

দাদামশায় তাঁকে তাড়া করে গেলেন, কিন্তু দিদিমা তাড়াতাড়ি দরজা পার হয়ে তাঁর মুখের সামনে ধম করে, দরজাটা বন্ধ করে দিলেন।

দাদামশায় বলে উঠলেন, “মরকট বুড়ী!”

তাঁর মুখখানি হয়ে গেল নীল। তিনি চোখের ধরে রাগে সেটা ঝাঁচড়াতে লাগলেন।

আমি মরার মতো কাউচের ওপর বসে রইলাম; নিজের চোখ হট্টোকে আমার বিশ্বাস হচ্ছিল না। আমার সামনে সেই প্রথম

তিনি দিদিমাকে মারলেন। তাঁর চরিত্রের এই নতুন দিকটির পরিচয় পেয়ে আমি বিরক্তি ও ঘৃণায় অভিভূত হয়ে গেলাম। সেটা আমার কাছে বোধ হল অমার্জনীয়। বোধ হতে লাগলো যেন আমার দম বন্ধ হয়ে আসছে। তিনি যেখানে ছিলেন সেইখানেই, চৌকাঠের পাশে দাঁড়িয়ে রইলেন। তাঁর মুখখানি পাংশু ও কুঞ্চিত হয়ে আসতে লাগলো যেন ছাইয়ে ঢেকে বাচ্ছে।

হঠাৎ তিনি ঘরের মাঝখানে সরে এসে হাঁটু গেড়ে বসে, সামনের দিকে ঝুঁকি মেঝেয় হাত দুখানা রাখলেন। কিন্তু তারপরই খাড়া হয়ে বুক চাপড়ে বললেন, “হে ভগবান—”

আমি ষ্টোভ-কাউচের তপ্ত টালিগুলোর ওপর থেকে নিঃশব্দে নেমে যেন বরফের ওপর দিয়ে ছাঁটছি এমনি ভাবে যত সাবধানে পারি যর থেকে চূপে চূপে বেরিয়ে গেলাম। ওপর তলায় দিদিমাকে দেখতে পেলাম। তিনি ঘরের মধ্যে পায়চারি করতে-করতে মাঝে মাঝে কুলকুচো করছেন!

—“তোমার কি লেগেছে?”

তিনি ঘরের কোণে গিয়ে মুখ-ধোবার পাত্রে খানিকটা জল মুখ থেকে ফেলে শাস্ত ভাবে বললেন, “বাস্ত হবার মতো কিছু নয়। দাঁতগুলো ঠিক আছে; আমার ঠোঁট দুখানা ছড়ে গেছে।”

—“উনি কেন এমন করলেন?”

জানলার ভেতর দিয়ে বাইরের দিকে তাকিয়ে তিনি বললেন, “গুর মেজাজ বিগড়ে যায়। বুড়ো বয়সে এসব গুর পক্ষে সওয়া কঠিন। সব যেন নষ্ট হয়ে যাচ্ছে। তুমি এখন শুয়ে ভগবানের স্তুতি করো। ঐ সম্বন্ধে আর ভেব না।”

আমি তাঁকে আরও প্রশ্ন শুরু করলাম, কিন্তু তিনি কঠোরতার

সঙ্গে, যা তাঁর চরিত্রে সচরাচর দেখা যেত না, বলে উঠলেন, “তোমাকে কি বললাম? এখনই শোও গে! এরকম অবাধ্যতার কথা আমি কখন শুনিও নি!”

তিনি জান্নায় বসে ঠোট চুষতে চুষতে রুমালে ঘন ঘন থুথু ফেলতে লাগলেন। আমি তাঁর দিকে তাকিয়ে পোশাক ছাড়তে লাগলাম। নীল, চৌকো জানলাটার ভেতর দিয়ে দেখতে পাচ্ছিলাম, তার মাথার ওপর তারাপুলো বলমল করছে। পথে কোন সাড়া-শব্দ নেই; সব অন্ধকার। আমি বিছানায় শুলে তিনি নিঃশব্দে আমার কাছে এসে আমার মাথায় হাত বুলোতে বুলোতে বললেন, “সুমোও! আমি নিচে গুঁর কাছে যাবো। আমার জন্তে ভেব না, মানিক। আমারই দোষ, বুঝলে। এখন সুমোও!”

তিনি আমাকে চুষন করে চলে গেলেন। কিন্তু এক গভীর বিষাদ আমাকে আচ্ছন্ন করে ফেললো। আমি সেই প্রশস্ত, কোমল, উষ্ণ শব্দ থেকে এক লাফে নেমে জান্নায় গিয়ে দাঁড়িয়ে শূন্য পথটির দিকে তাকিয়ে রইলাম। ছুঁখে আমাকে অসাড়া কোরে ফেললো।

## সপ্তম পরিচ্ছেদ

দাদামশায়ের ভগবান একজন এবং দিদিমার ভগবান, যে আর একজন এ সত্যটা ধরতে আমার বেশি দিন লাগলো না। এই পার্থক্যটিকে এমন ঘন ঘন আমার চোখের সীমানে উপস্থিত করা হত যে, তা না দেখে থাকি আমার পক্ষে সম্ভব ছিল না।

দিদিমা কখন কখন ভোরে উঠে, জ্বলন্ত বিছানায় বসে তাঁর আশ্চর্য চুলগুলি আঁচড়াতে। তিনি চুলগুলো আঁচড়াতে আর

যাতে আমার ঘুম না ভাঙে এমনি ভাবে ফিস্ ফিস্ কবে বলতেন, “আঃ ! সব জড়িয়ে যাচ্ছে !”

চুলগুলো আঁচড়ানো হলে তা দিয়ে একটি মোটা বেণী রচনা করতেন। এবং তাড়াতাড়ি মুখ ধুয়ে ফেলতেন। তাঁর প্রকাণ্ড মুখখানি থেকে ঘূমের কুঞ্চিত রেখাগুলিও মিলাতো না। তারপর ইকনেব সামনে গিয়ে বসতেন। তখন তাঁর সত্যকারের প্রাতঃশুচি-স্নান শুরু হ’ত। তার ফলে তাঁর সারা অস্তর স্নিগ্ধ, নিখল হয়ে উঠতো।

তাঁর কুঞ্জ পৃষ্ঠটিকে সবল করে, মাথাটি তুলে, ‘আমাদের কাজানের দেবীর’ গোলাকার মুখখানির দিকে তাকিয়ে ভক্তিতরে অমুচ্চ-কণ্ঠে বলে উঠতেন, “মহিময়ি দেবি! মা, আজ আমাকে বরাভয় দাও!”

তারপর মনের আবেগে স্তব গান করতেন। প্রত্যহ প্রত্যুষে তিনি নতুন শব্দে দেবীকে ভক্তি জানাতেন। তাঁর বন্দনা গান তাঁর প্রার্থনাগুলো আমি অসাধারণ মনোযোগে শুনতাম।

তিনি বলতেন... “ও আমার আশ্রয়, আমার শক্তি। সোনার আলো! ...আমাকে লোভ থেকে রক্ষা কর; আমাকে এমন কর যেন আমি কারো কোন ক্ষতি করতে না পারি। লোকে না ভেবেই আমার প্রতি বে-আচরণ করবে তাতে যেন অসঙ্কল্প না হ’ই।”

তাঁর প্রার্থনায় কোন বাঁধাবুলি ছিল না। তাঁর প্রার্থনা ছিল আন্তরিক স্তুতিবাক্য ভরা, সরল।

সকালে তিনি বেশিরূপে প্রার্থনা করতেন না। কারণ তাঁকে স্ত্রীমোভারে আগুন দিতে হত। দীর্ঘদিনে কোন পরিচারিকা রাখতেন না। যদি ঠিক সময়ে চা পত্রী না হ’ত তাহলে তিনি দিদিমাকে অনেকক্ষণ ধরে ভয়ানক গাল দিতেন।

কখন কখন তিনি দিদিমার আগে ঘুম থেকে উঠে চিলেকোঠায় আসতেন। তাঁকে প্রার্থনা নিরতা দেখে কালো ঠোঁট দুখানা অবজায় পার্কিয়ে কয়েক মিনিট পাড়িয়ে শুনতেন। তারপর চা খেতে খেতে গল্পন করে উঠতেন, “এই বোকা, কি করে প্রার্থনা করতে হয় কতবার তোকে শিখিয়েছি। কিন্তু তুই বা-তা বলিস, বিধম্মী কোথাকার! আমি বুঝতে পাবি না ভগবান তোর কাছে থাকেন কি করে।”

দিদিমা স্থির বিশ্বাসেব সঙ্গে উত্তর দিতেন, “আমরা যা না বলি তিনি তা বুঝতে পারেন। তিনি প্রত্যেকের অন্তর দেখেন।”

—“এই নিরেট পাপী! হঃ!”

দিদিমার ভগবান দিদিমার সঙ্গে সারাদিন থাকতেন। দিদিমা জন্তু-জানোয়ারদের কাছেও তাঁর কথা বলতেন। এই ভগবান স্বেচ্ছায় নিজেকে সকল প্রাণীর বশ করে ছিলেন—মানুষের, কুকুরের, মৌমাছির, এমন কি প্রাস্তরের তৃণদলেরও তিনি বশ ছিলেন। পক্ষপাতহীন হয়ে সকলের প্রতি ছিলেন সদয়; পৃথিবীর প্রত্যেকেই তাঁর কাছে যেতে পারতো।

একবার গুঁড়িখানার মালিকের স্ত্রীর পোষা বিড়ালটি বাগানে একটি ষ্টারলিং পাখী ধরে ছিল। বিড়ালটা ছিল চালাক, সুন্দর আর লোকের গা-ঘেঁষা। তার গায়ের রঙ ছিল ধূসর, চোখ দুটো সোনালি। দিদিমা অবসন্নপ্রায় পাখীটিকে তার কাছ থেকে কেড়ে নিয়ে বিড়ালটাকে শাস্তি দিলেন; আর সেই সঙ্গে বললেন, “এই হিংস্রটে হতভাগা, তোর ভগবানের ভয় নেই?”

গুঁড়িখানাওয়ালার স্ত্রী ও দ্বারোপীনটা তাঁর কথা শুনে হাসতে লাগলো, কিন্তু তিনি রাগের সঙ্গে তাদের বললেন, “তোমরা কি মনে

করো, জঙ্ক-জানোয়ার ভগবানের কথা কিছু বোঝে না? ওরে নিষ্ঠুরের দল, সমস্ত প্রাণী ভগবানের বিষয় ভোদের চেয়ে বোঝে বেশি।”

শারাপাটা মোটা ও স্ফুর্তিহীন হয়ে পড়েছিল। তিনি তার গায়ে সাজ পরাবার সময় বলতেন, “আরে ভগবানের দাস, তোকে এমন বিষয় দেখাচ্ছে কেন? কেন বল তো? ব্যাপারটা হচ্ছে, তুমি বাছা বুড়ো হয়ে যাচ্ছ।”

ঘোড়াটা দীর্ঘ নিশ্বাস ফেলতো আর মাথা দোলাতো।

অথচ দাদামশায় বত ঘন ঘন ভগবানের নাম করতেন তিনি তা করতেন না। তাঁর ভগবানকে আমি বেশ বুঝতে পারতাম। আমি জানতাম, সেই ভগবানের সামনে আমি কখন মিথ্যা কথা বলবো না। তাতে আমার লজ্জিত হওয়া উচিত। তাঁর চিন্তায় আমার মনে এমন এক দুর্জয় লঙ্কার ভাব জাগতো যে, দিদিমার কাছে আমি কখন মিথ্যা কথা বলি নি। এই সদগুণময় ভগবানের কাছ থেকে কিছু গোপন রাখা ছিল একেবারে অসম্ভব; প্রকৃতপক্ষে আমার তা করবার ইচ্ছাও ছিল না।

একদিন গুঁড়িখানাওয়ালার স্ত্রী দাদামশায়ের সঙ্গে ঝগড়া করে, তাঁকে ও দিদিমাকেও গাল দেয়। দিদিমা কিন্তু ঝগড়ার মধ্যে ছিলেন না। তা সত্ত্বেও সে তাঁকে কটু ভাষায় গাল দেয়; এমন কিছু তাঁকে একটা গাঙ্গর ছুড়েও মারে।

দিদিমা খুব শাস্তভাবে বলেন, “দেখ বাপু ভুলি মালুঘটি, তুমি বোকা।” কিন্তু অপমানটা আমি খুব তীক্ষ্ণ ভঙ্গিতে অনুভব করি এবং সেই হিংস্রটে মালুঘটার ওপর প্রতিশোধ নিতে মনস্থ করি।

স্ত্রীলোকটির মাথার চুলগুলো ছিল কাটা, শরীরটা ছিল মোটা, চিবুক ছিল দুটো, চোখ বলতে কিছুই ছিল না। সব চেয়ে ভাল কোন

উপায়ে তাকে শাস্তি দেওয়া যায়, সে বিষয়ে মন স্থির করতে আমার অনেক সময় লাগলো। যে-সব পরিবার এক সঙ্গে বাস করে তাদের পরস্পরের মধ্যে বিবাদের আমার এই অভিজ্ঞতা হয়ে ছিল যে, তারা পরস্পরের বিড়ালের লেজ কেটে দিয়ে, তার কুকুরকে তাড়া করে, তার মোরগ-মুরগীকে মেয়ে ফেলে, রাতের বেলা গোপনে তার চোরা-কুঠুরিতে ঢুকে টবে যে-সব বাঁধাকপি ও শসা থাকে সেগুলো ওপর কেরোসিন ঢেলে, তার পিঁপে ছেঁদা করে সব ঘোল বার করে দিয়ে প্রতিশোধ নিয়ে থাকে। কিন্তু এ ধরনের কিছুই আমার মনোমত হল না। আমি চাইলাম এসবের চেয়ে স্বল্প অমাজ্জিত ও আরও ভয়ঙ্কর কিছু।

অবশেষে আমার মাথায় এক মতলব এল। আমি গুঁড়িখানাওয়ালার স্ত্রীকে অপেক্ষায় ওৎ পেতে রইলাম। সে যেমনি মাটির নিচে চোরা-কুঠুরিতে নেমে গেল, আমি অগ্নি তার ছোট দরজাটা বন্ধ করে তাতে চাবি দিয়ে, দরজাটার ওপর বার কয়েক নেচে, চাবিটা ছাড়ের ওপর ছুড়ে ফেলে রান্না-ঘরে সেখানে দিদিমা রান্নায় ব্যস্ত ছিলেন ছুটে গেলাম সেখানে। আমার এমন খুশি হবার কারণ কি, তিনি প্রথমে বুঝতে পারলেন না; কিন্তু যখন ব্যাপারটা বুঝলেন, তখন আমার পিছনে মারলেন এক চড় এবং আমাকে টেনে নিয়ে গেলেন আড়িনায়। তারপর আমাকে ছাদে পাঠিয়ে দিলেন চাবিটা খুঁজে আনতে। আমি কুঠার সঙ্গে চাবিটা তাঁকে দিলাম। তাঁর সেটা চাবিটা আশ্চর্য হয়ে গেলাম। শেষে ছুটে পালিয়ে গেলাম আড়িনার এক কোণে। সেখান থেকে দেখতে লাগলাম, তিনি কেমন করে বন্দিনীকে মুক্তি দিলেন এবং কেমন করে দুজনে বন্ধুর মতো হাসতে হাসতে আড়িনা পার হয়ে চললেন।

ভাঁড়িখানাওয়ালার স্ত্রী তাব মোটা ঘুঘিটা বাঁকিয়ে আমাকে শালিয়ে বললে, “এর ফল তোমাকে দেব!” কিন্তু সেই সঙ্গে ফুটে উঠলো তার চক্ষুহীন মুখে স্নিগ্ধ হাসি।

দিদিমা আমার কলার ধবে আমাকে টেনে নিয়ে গেলেন রান্নাঘরে; জিজ্ঞেস করলেন, “এমন কাজ কেন করলে?”

—“ও তোমাকে গাজর ছুড়ে মেরে ছিল বলে।”

—“তার মানে তুমি কাজটা করেছিলে আমার জন্তে? বেশ! তোমার জন্তে আমি এই করবো—তোমাকে চাবুক-পেটা করে উত্তনের তলায় ইঁচুরগুলোর সঙ্গে রেখে দেব। দাদামশায়কে বদি বলি, তাহলে তোমার চামড়া তুলে দেবেন। ওপরে গিয়ে পড়া তৈরি কর।”

তার পর থেকে সমস্ত দিন আমার সঙ্গে তিনি আর কথা বললেন না। কিন্তু সেই রাতেই উপাসনা করবার আগে বিছানায় বসে এই স্মরণীয় কথাগুলি এমন সুরে বললেন যে, মনে গেঁথে গেল:

“লোংকা, মানিক আমার, বড়দের কাজকর্ম থেকে তুমি দূরে থাকবে। বড়দের মাধ্যম দায়িত্ব আছে। তার জন্তে তাদের ভগবানের কাছে জবাবদিহি করতে হবে; কিন্তু তোমার এখন তা নেই। তুমি শিশুর মন নিয়ে থাক। যে-অবধি না ভগবান তোমার হৃদয়-মন অধিকার করেন, কি কাজ তোমাকে করতে হবে, কোন্ পথে চলতে হবে এ-সব না জান সে-অবধি অপেক্ষা কর। বুঝলে? কোন্ ব্যাপারে কার দোষ সেটা ঠিক করা তোমার কাজ নয়। ভগবান বিচার করেন, শাস্তি দেন। সেটা তাঁরই কাজ জ্ঞানীদের নয়।”

তিনি যতক্ষণ নশ্ত নিলেন ততক্ষণ মুগ্ধ করে রইলেন। তারপর ডান চোখটা বন্ধ করে আবার বললেন, “স্বয়ং ভগবানই সব সময়ে জানেন না কার দোষ।”



আমি আশ্চর্য হয়ে জিজ্ঞেস করলাম, “তিনি কি সব-কিছু জানেন না?”

—“তিনি যদি সবই জানতেন, তাহলে যা ঘটছে তার অনেক কিছুই হ’ত না। ব্যাপারটা এই রকম। যেন তিনি, সকলের পিতা, পৃথিবীর সব কিছু স্বর্গ থেকে দেখছেন। দেখছেন আগরা কিরকম কাঁদছি, দুঃখে গুমরে মরছি। তা দেখে বলছেন, ‘আহা আমার বাছারা, আমার সোনার বাছারা, তোমাদের জন্যে আমি দুঃখিত!’”

কথাগুলি বলতে বলতে তিনি নিজেও কাঁদছিলেন। এবং গাল দুখানি মুছে ঘরের কোণে গেলেন প্রার্থনা করতে।

সেই সময় থেকে তাঁর ভগবান এলেন আমার কাছে আরও সরে এবং হয়ে উঠলেন আরও সহজবোধ্য।

দাদামশায়ও আমাকে শিক্ষা দেবার সময় বলেছিলেন, ভগবান হচ্ছেন—সর্বব্যাপী, সর্বজ্ঞ, সর্বদশী, লোকের সকল কাজে সহায়। কিন্তু তিনি দিদিমার মতো প্রার্থনা করতেন না। প্রত্যহ সকালে, বিগ্রহের সামনে গিয়ে দাঁড়াবার আগে, তিনি অনেকক্ষণ ধরে গাত্রমার্জনা করতেন। তারপর রীতিমতো পোশাক পরে, তাঁর কটা চুলগুলো আঁচড়াতে, দাড়িগুলো বুরুষ দিয়ে সমান করতেন। এবং আয়নার সামনে দাঁড়িয়ে দেখতেন, গায়ের শর্টা ইত্যাদি ঠিক মতো বসেছে কি না। তারপর সাবধানে, পাটিপে টিপে গিয়ে দাঁড়াতে বিগ্রহটির সামনে। ঘরখানার স্নেচোটা ছিল কাঠের তক্তা দিয়ে নস্রার মতো তৈরী। তিনি প্রত্যহ একখানি তক্তার ওপরেই গিয়ে দাঁড়াতে। তাঁর চোখে তখন এমন ভাব ফুটে উঠতো যে, চোখ দুটোকে ঘোড়ার চোখের মতো দেখাতো। তিনি মাথা নিচু

করে, হাত ছুঁখানি সৈনিকের মতো ছুপাশে সোজা ঝুগিয়ে মিনিট ধানেক নীরবে দাঁড়িয়ে থাকতেন। তারপর খাড়া ও পেরেকের মতো সরু হয়ে গম্ভীর স্বরে আরম্ভ করতেন।

তঁার প্রথম কথাগুলির পরই আমার মনে হ'ত ঘরখানা যেন অসম্ভব নিস্তরূ হয়ে এসেছে। মাছিগুলো অবধি খুব সাবধানে গুন্ গুন্ করছে।...

তিনি প্রার্থনা করতেন, যেন পড়া মুখস্থ করছেন, এমন ভাবে। তখন তঁার গলার স্বর হয়ে উঠতো স্পষ্ট ও উদাত্ত। তিনি কেবল বাধা বুলি আওড়াতেন। তঁার ডান পাখানা ছুলতো যেন প্রার্থনার সঙ্গে তিনি ভাল রাখছেন। তঁার সারা দেহ, বিগ্রহটির দিকে এগিয়ে যেত। মনে হত তিনি যেন আরও লম্বা, আরও রোগা ও আরও শুষ্ক হয়ে গেছেন। তিনি ছিলেন এমন পরিষ্কার, এমন পরিপাটি আর এমন জেদী।

প্রার্থনা করতে করতে তঁার চোখে জল আসতো। গলার স্বর তখন হ'ত সরু ও চেরা। পরে আমি যখন যিহুদিদের একটি ভজনালয়ে একবার ঢুকি, তখন বুঝতে পারি দাদামশায় প্রার্থনা করেন যিহুদিদের মতো।

ততক্ষণে স্ত্রামোভারটা টেবিলের ওপর সোঁ সোঁ করছে। ঘরে ভেসে বেড়াতে কেকের টাটকা গন্ধ। দিদিমা মেঝের দিকে তাকিয়ে ঘরে পায়চারি করতেন। জানলা দিয়ে ঘরে বাতাস থেকে আনন্দে রোদ এসে পড়তো, গাছের পাতায় মুক্তোর মতো শিশির বল্মল করতো; প্রভাত-সমীর কোথাকার কুরান্ট কোঁপের ও গাছের ডালে পাকা আপেলের গন্ধে চমৎকার হুরহুর হয়ে উঠতো কিন্তু দাদামশায় সমানে প্রার্থনা করতেন—কাঁপতেন, চীৎকার করতেন।

“আমার মাঝে কামনার শিখা নিবিয়ে দাও। কারণ আমি ক্লিষ্ট, অভিশপ্ত।”

সমস্ত প্রভাত-বন্দনাটি আমার মুখস্থ ছিল; এমন কি আমি স্বপ্নেও বলতে পারতাম কার পর কি। আমি প্রগাঢ় কৌতুকে তাঁর প্রার্থনা শুনতাম, যদি তিনি কোন ভুল করেন বা কোন কথা ছেড়ে যান। এমনটা অতি কদাচিৎ ঘটতো। ঘটলে আমার মনে বিদ্রোহেরা খুশি জেগে উঠতো। তখন তাঁকে বলতাম, “আজ সকালে তুমি একটা কথা বাদ দিয়েছিলে।”

দাদামশায় বিশ্বাস করতেন না, অস্থিরভাবে বলতেন, “বাস্তবিকই নয়?”

—“হাঁ। তোমার বলা উচিত ছিল ‘আমার এই বিশ্বাসই হচ্ছে আছে প্রধান’। তুমি ‘হয়ে আছে’ বল নি।”

তিনি বিচলিত হয়ে চোখ দুটো মিটমিট করে বলতেন, “দেখ!”

তাকে ভুলটা দেখিয়ে দেবার জন্তে পরে তিনি আমার ওপর নিষ্ঠুর প্রতিশোধ নিতেন। কিন্তু তিনি কতটা বিচলিত হয়েছেন তা দেখে জঘের আনন্দ উপভোগ করতাম।

একদিন দিদিমা তাঁকে পরিহাস করে বললেন, “তোমার প্রার্থনা শুনতে শুনতে ভগবান নিশ্চয়ই ক্লান্ত হয়ে পড়েছেন। তুমি একই কথা বার বার বলা ছাড়া আব কিছুই তো কর না।”

তিনি টেনে টেনে বললেন, “কি? কিসের দোষ পরছে?”

—“তুমি ভগবানকে তোমার অন্তরের একটি কথাও বল না, বতদূর আমি শুনতে পাই।”

দাদামশায়ের মুখখানা নীল হয়ে গেল। তিনি রাগে কাপতে কাপতে চেয়ার থেকে লাফ দিয়ে উঠে করাত দিয়ে কাঠ চেরার মতো

ঘস্ ঘস্ শব্দ করতে করতে তাঁর মাথায় একখানি ডিশ ছুড়ে মারলেন।

—“এই মড়াথেকো বড়ী।”

তিনি বখন ভগবানের সর্বশক্তিমত্তার কথা বলতেন তখন তাঁর নিষ্ঠুরতার ওপরেই জোর দিতেন বেশি। “মানুষ পাপ করলে, প্রাণে সব ভেসে গেল। আবার পাপ করলে, তার নগরগুলো সব আগুনে গেল ধ্বংস হয়ে। তারপর ভগবান মানুষকে শাস্তি দিলেন দুর্ভিক্ষ ও রোগে। এখনও তিনি সারা পৃথিবীর ওপর ঋজা তুলে আছেন—তিনি হচ্ছেন পাপীর দণ্ডদাতা। বারা স্বেচ্ছায় ভগবানের আদেশ লঙ্ঘন করেছে দুঃখ আর সর্বনাশে ভগবান তাদের শাস্তি দেবেন।” টেবিলের ওপর যা দিয়ে কথাগুলোর ওপর তিনি জোর দিতেন।

ভগবানের নিষ্ঠুরতা আমার পক্ষে বিশ্বাস করা ছিল কঠিন। আমার সন্দেহ হত, দাদামশায় উদ্দেশ্য নিয়ে এ-সব করতেন। বলতেন ভগবানের ওপর আমার ভক্তি জাগাবার জন্তে নয়, ভয় জাগাবার জন্তে। তাই আমি তাঁকে সরল ভাবে জিজ্ঞেস করেছিলাম, “যাতে তোমার বাধ্য হই সেজন্ত কি এ-সব বলছো?”

তিনিও সমান সরলতার সঙ্গে উত্তর দিয়েছিলেন, “হয়তো তাই। তুমি কি আবার আমার অবাধ্য হতে চাও?”

—“তাহলে দিদিমা যা বলেন তার কি হবে?”

তিনি আমাকে কঠোর ভঙ্গনা করলেন। “ঐ বোকা বড়ীটার কথা বিশ্বাস করো না। ওর সেই যৌবনকাল থেকেই ও হচ্ছে বোকা, মূর্থ, অবিবেচক। ওকে বলবো ও যেন আমার সঙ্গে এই গুরুতর বিষয়ে কথা বলতে স্পর্ধা না করে। এখন বল দেখি—দেবদূতের কতগুলি দল আছে?”

তাঁর কথার আবশ্যক উত্তরটি দিয়ে জিজ্ঞেস করেছিলাম, “তারা কি সব যৌথ-কারবারী?”

তিনি হেসে চোখ দুটো ঢেকে ঠোট কামড়ে বলেন, “এই বোকা ভগবানের সঙ্গে যৌথ-কারবারীর কি সম্পর্ক?...ও গুলো হচ্ছে এই পৃথিবীর...ওগুলোর প্রতিষ্ঠা হয় আইনকে ফাঁকি দেবার জন্তে।”

—“আইন কি?”

—“আইন?” রুদ্ধ খুশীমনে সাবধানে আমাকে বুঝিয়ে দিতে লাগলেন। তাঁর বুদ্ধিগাথা চোখ দুটি চক্ চক্ করতে লাগলো। “আইন প্রথা থেকে নেওয়া হয়। লোকে একত্র বাস করতে করতে তাদের মধ্যে ঠিক করে নেয়, এইসব হচ্ছে আমাদের কাজের সব চেয়ে ভাল পথ। আমরা এ গুলোকে প্রথা—আইন তৈরি করে নেব। পরিশেষে তা আইন হয়ে দাঁড়ায়। যেমন খেলবার আগে ছেলেরা তাদের মশ্যে ঠিক করে নেয় কেমন করে খেলাটা খেলতে হবে, কোন্ কোন্ নিয়ম মানতে হবে। ঠিক এই রকম করেই আইন গড়ে ওঠে।”

—“যৌথ-কারবারীর সঙ্গে আইনের কি সম্পর্ক?”

—“ওরা সব হচ্ছে বেহায়া ধরনের লোক; আইন ভাঙে।”

—“কেন?”

তিনি জ্ব কঁচকে উত্তর দিলেন, “তুমি তা বুঝবে না।” কিন্তু পরে যেন বুঝিয়ে দিচ্ছেন এগ্নিতাবে বলেন, “মানুষের সকল কাজই ভগবানের উদ্দেশ্য সাধনে সাহায্য করে। মানুষ চায় এক, কিন্তু তিনি ইচ্ছা করেন আর। মানুষের প্রতিষ্ঠান স্থাপী হয় না। ভগবান মানুষের ওপর ফাঁ দেন, আর তারা ধূস্রা আর ছাইয়ের মতো উড়ে যায়।”...

কিন্তু দাদামশায় ভগবানকে সকল কিছুর ওপর স্থান দিলেও

তঁাকে ভয় করা আবশ্যিক হলেও সকল ব্যাপারেই তাঁর সাহায্য প্রার্থনা করতেন।

দিদিমার সাধু-মহাত্মাগণের স্বভাব ছিল মানুষের মতো, করুণা ও সমবেদনায় ভরা। তাঁরা গ্রামে, নগরে ঘুরে বেড়াতেন। লোকের জীবনের ভাগ নিতেন, তাদের কাজ-কর্ম পরিচালিত করতেন। কিন্তু দাদামশায়ের সাধু-মহাত্মাগণ ছিলেন সকলেই পুরুষ। তাঁরা বিগ্রহ বা ষে-সব রোমক-সম্রাটকে দেবতাজ্ঞানে লোকে পূজা করতো তাদের মূর্তি ফেলে দিতেন। মূর্তি পূজা করবার জগ্গে তাঁদের যন্ত্রণা দিয়ে বা জীবন্ত পুড়িয়ে মারা হত অথবা তাঁদের গা থেকে চামড়া তুলে নেওয়া হত।

কখন কখন দাদামশায় নিজের মনেই বলতেন, “ভগবান যদি আমাকে সামান্য লাভেও বাড়িখানা বেচতে সাহায্য করেন। তাহলে আমি ঘটা করে সেন্ট নিকোলাসের পূজো দেব।”

কিন্তু দিদিমা আমাকে সহাস্তে বলতেন, “ঠিক ঐ বোকা বুড়োটার মতোই কথা! ওকি মনে করে, সেন্ট নিকোলাস ওর বাড়িখানা বিক্রির জগ্গে মাথা ঘামাবেন? আমাদের পিতা নিকোলাসের ওর চেয়ে ভাল কিছু কববার নেই কি?”

আমার কাছে বহু বৎসর একখানি গির্জা-ক্যালেন্ডারি রেখে ছিলাম। ক্যালেন্ডারখানা দাদামশায়ের। তিনি স্বহস্তে তাতে কতকগুলি কথা লিখে রেখেছিলেন। সেগুলো মध्ये খুব খাড়া অক্ষরে লাল কালিতে লেখা ছিল—“আমার বন্ধাকর্তা ঠারা বিপদ বারণ করেছেন।”

কথাগুলো তিনি লিখেছিলেন, ষে-তারিখে জোয়াকিম ও আ্যানির উৎসব ঠিক তার তলায়।

দাদামশায়ের ছেলেদের কাছ থেকে কোন সাহায্য পাওয়া যেত না। তাদের প্রতিপালনের জগ্গে তিনি উদ্বিগ্ন ছিলেন। সংসার চালাবার উদ্দেশ্যে তিনি তেজারতি আরম্ভ করেন এবং গোপনে লোকের জিনিষপত্র বাঁধা রাখতেন। একজন তাঁর বিকল্পে পুলিশে খবর দেয়। এক রাত্রে পুলিশ তাঁর বাড়ি তল্লাস করতে আসে। খুব গোলমাল হয়; কিন্তু পরিশেষে ভাল ভাবেই তাঁর পরিসমাপ্তি ঘটে। দাদামশায় পরদিন সূর্যোদয় অবধি প্রার্থনা করেন। এবং জলযোগের আগে আমার সামনে ঐ কথাগুলি লিখে রাখেন।

সন্ধ্যায় খাবার আগে তিনি আমার সঙ্গে স্তোত্র ও প্রাত্যহিক বন্দনার বই পড়তেন। কিন্তু খাবার পরই আবার প্রার্থনা আরম্ভ করতেন।

কিন্তু দিদিমা প্রায়ই বলতেন, “আমি ভীষণ ক্লান্ত! প্রার্থনা না করেই শুতে যাব।”

দাদামশায় আমাকে শব্দে করে গিজ্জার নিয়ে যেতেন। কিন্তু দেখানোও আমি পার্থক্য ধরতে পারতাম, কোন্ ভগবানকে আবাহন করা হচ্ছে। পাড়ি বা ডিকন যা আবৃত্তি করতেন—তা দাদামশায়ের ভগবানের উদ্দেশ্যে, আর প্রার্থনা-সঙ্গীত হ’ত দিদিমার ভগবানকে লক্ষ্য করে।

সে-সময়ে আমার মনের প্রধান খাণ্ড ছিল ভগবৎ চিন্তা ও ভাব। আর সেগুলিই ছিল আমার জীবনের সব চেয়ে সুন্দর। সেগুলি ছাড়া আর সমস্ত কিছুর ছাপই নিষ্ঠুরতায় ও মাপহীন আমায় অস্তরকে বিরক্তিতে ভরে তুলে আমার মধ্যে বিতৃষ্ণার ও হিংস্রতার ভাব জাগিয়ে তুলতো। আমার চারধারে যারা বাস করতো তাদের মধ্যে ভগবানই ছিলেন সব চেয়ে শ্রেষ্ঠ, সব চেয়ে উজ্জ্বল। তিনি ছিলেন দিদিমার

ভগবান, সকল সৃষ্ট জীবের বন্ধু। সেই জন্মে “দাদামশায় কেন মদলময় ভগবানকে দেখতে পান না” এই প্রশ্নে স্বভাবতই আমি বিচলিত হতাম।

আমাকে রাস্তায় ছুটোছুটি করতে দেওয়া হত না। কারণ তাতে উত্তেজিত হয়ে উঠতাম। যা-কিছু দেখতাম তাতে যেন মেতে যেতাম। তারপর প্রায়শই এক ভয়ঙ্কর দৃশ্যের সৃষ্টি হত।

আমার কোন সঙ্গী ছিল না। প্রতিবেশীদের ছেলেরা আমার সঙ্গে শত্রুর মতো ব্যবহার করতো। তারা আমাকে দেখলেই নিজেদের পবস্পরকে ডেকে বলতো, “দেখ, সেই ভোড়াটা, কাশিরিনের নাতিটা আসছে। মার ওটাকে।” তারপরই যুদ্ধ শুরু হত। বয়সের অনুরূপে আমাব গায়ে জোর ছিল যথেষ্ট; ঘুষিও চালাতে পারতাম চটপট। আমার শত্রুবা তা জানতো। তাই আমাকে আক্রমণ করতো সদলে। কিন্তু রাস্তায় আমি পরাস্ত হতামই; তাই ছিন্নভিন্ন ও ধূলিপসরিত পোশাকে কাটা নাক, চেরা ঠোট ও সারা মুখে ঝাঁচড়ানোব দাগ নিয়ে বাড়ি ফিরতাম।

দিদিমা আমাকে দেখেই ভয়ে ও করুণায় বলে উঠতেন, “কি? তুমি আবার মারামারি করছিলে, ক্ষুদে শয়তান কোথাকার? এ-সবের মানে কি?”

তিনি আমার মুখ ধুয়ে দিতেন; কাটা ও ধোঁংলানো জ্বরগাগুলোর ওপর ভাস্কর্য বা সীসে গরম করে তাপ দিতেন আর বলতেন, “এসব মারামারির মানে কি? বাড়িতে তুমি একেবারে শান্ত আর বাড়ির বার হলেই কি রকম যে হয়ে পেরে জানি না। নিজের জন্মে তোমার লজ্জা হওয়া উচিত। তোমাকে রাস্তায় যেতে দিতে বাধা করবো।”



দাদামশায় আমার কাটা খেঁংলানো দাগগুলো দেখতেন, কিন্তু কখনও ভৎসনা করতেন না। তিনি কেবল বলে উঠতেন, “আরও বাহার! দেখ বাপু ক্ষুদ্রে বীর, তুমি ষতদিন আমার বাড়িতে থাকবে, পথে বেরিও না। শুনলে আমার কথা?”

শাস্ত নির্জন পথে আমি কখন আকুষ্ট হতাম না, কিন্তু ছেলেদের কোলাহল শুনতে পেলেই, দাদামশায়ের সকল নিবেদন ভুলে গিয়ে আঙিনা থেকে ছুটে বেরিয়ে পড়তাম। আঘাত ও বিক্রম আমাকে পীড়া দিত না, আঘাত পেতাম পথের খেলার নিষ্ঠুরতায়। সে যে কি রকম নিষ্ঠুর, ক্লান্তিকর ও পীড়াদায়ক তা আমি খুব ভাল করেই জানতাম। তাতে লোককে পাগল করে ফেলে। আমাকে তা ভয়ঙ্কর বিচলিত করতো। ছেলেরা যখন কুকুর আর মুরগীগুলোকে বিরক্ত করতো, বিড়ালগুলোকে ধনুনা দিত, রিহুদিদের ছাগল তাড়া করতো, ছন্নছাড়া মাতালগুলোকে আর স্ফুর্তিবাজ ইগোশাকে ক্ষেপাতো আমি স্থির থাকতে পারতাম না। তারা বলতো “ইগোশার পকেটে ঘম।”

এই লোকটা ছিল লম্বা, রোগা, শুকনো। তার গায়ে ছিল ভারী ভেড়ার চামড়ার পোশাক; শুকনো, ময়লা মুখে ছিল খোঁচা খোঁচা দাড়ি। সে সামনের দিকে ঝুঁকি অদ্ভুত ভাবে কাঁপতে কাঁপতে পথে ঘুরে বেড়াতো। কারো সঙ্গে কথা বলতো না। সব সময়ে তাকিয়ে থাকতো মাটির দিকে। তার মুখখানির রঙ ছিল লোহার মতো। চোখ দুটো ছিল ছোট ও ম্লান। তাতে তার প্রতি আমার একটা সম্বন্ধ জাগিয়ে তুলে ছিল। মনে করতাম এই একটি লোক গুরুতর ব্যাপার নিয়ে ব্যস্ত আছে। সে বেনি কি খুঁজে বেড়াতো; তাকে বাধা দেওয়া অন্তায়। ছেলেরা তার পিছু নিয়ে তার পিঠে টিল

মারতো। তার পিঠখানা ছিল চওড়া। যেন তাদের দেখে নি এম্মি ভাবে কিছুক্ষণ গিয়ে, যেন তাদের আঘাতে সচেতনও নয় এম্মি ভাব দেখিয়ে সে মাথা খাড়া করে কম্পিত হাত দুখানি দিয়ে ছেঁড়া টুপিটা মাথার পিছন দিকে ঠেলে তুলে, চারধারে তাকাতো যেন সব জেগে উঠেছে।

“ইগশার পকেটে যম! ইগশা কোথায় যাচ্ছ? দেখ, তোমার পকেটে যমদূত!” বলে ছেলেরা চীৎকার করতো।

ইগশা পকেটে হাত দুখানি পুরতো। তারপব তাড়াতাড়ি নিচু হয়ে মাটি থেকে একটা টিল কি শুকনো কাদার ডেলা কুড়িয়ে নিয়ে লম্বা হাতখানা হুলিয়ে গাল দিত। তার গাল কয়েকটি অশ্লীল শব্দে সীমাবদ্ধ ছিল। এ বিষয়ে ছেলেদের শব্দ ভাণ্ডার ছিল অপরিমেয় সম্পদশালী। কখন কখন সে খোঁড়াতে খোঁড়াতে তাদের তাড়া করতো; কিন্তু তার গায়ের লম্বা ভেড়ার চামড়ার পোশাকটা বাধা বটাতো, সে ছুটতে পারতো না। মাটিতে হাতের ভর দিয়ে সে হাঁটু গেড়ে বসে পড়তো। তখন তাকে দেখাতো একটা শুকনো গাছের ডালের মতো। আর ছেলেরা তাব পাজরা ও পিঠ লক্ষ্য করে টিল ছুড়তো; এবং তাদের মধ্যে সবচেয়ে বড় যেটি ছিল সে সাহস করে এগিয়ে যেত তার একেবারে কাছে; এবং লাফাতে লাফাতে তার মাথায় মুঠো মুঠো ধুলো দিত।

কিন্তু পথে আমি সবচেয়ে বেদনাদায়ক দৃশ্য দেখেছিলাম, আমাদের প্রাস্তন ফোরম্যান গ্রেগরি আইভানোভিচের সে হয়ে গিয়েছিল একেবারে অন্ধ। সে পথে পথে ভিক্ষা করে বেড়াতো। তাকে দেখাতো অতি দীর্ঘাকার, স্থম্বর। সে একটা কথাও বলতো না। একটা ক্ষুদ্রকায় পলিতকেশা বৃদ্ধ তার হাত ধরে থাকতো। প্রত্যেক জানলার

নিচে তারা ছুটিতে দাঁড়াতো এবং কখনও সেদিকে চোখ তুলে তাকাতো না, তীক্ষ্ণ কণ্ঠে কাভরভাবে বলতো, “খীষ্টের নামে, অঙ্কটিকে দয়া করুন।”

গ্রেগরি আইভানোভিচ কিন্তু একটি কথাও বলতো না তার কালো চষমা জোড়া সোজা তাকিয়ে থাকতো বাড়িগুলোব দেওয়াল, জানলা বা পখিকদের মুখের দিকে। তার চওড়া দাড়ি, তার দাগেভরা হাত দুখানার ওপর আলগোচে লুটোতো; তার ঠোঁট দুখানা এক সঙ্গে চেপে লেগে থাকতো। আমি তাকে প্রায়ই দেখতাম; কিন্তু মুখ থেকে একটি শব্দও বার হতে শুনিনি। সেই মৌন বৃদ্ধের চিন্তা আমার মনের ওপর চেপে বসে আমাকে পীড়া দিত। আমি তার কাছে যেতে পারতাম না—কখন তার কাছে যেতামও না। বরং তাকে পথ দিয়ে হাত ধরে নিয়ে যেতে দেখলেই ছুটে বাড়িতে ঢুকে দিদিমাকে বলতাম, “বাইরে গ্রেগরি এসেছে।”

দিদিমা অশান্ত করুণ কণ্ঠে বলতেন, “এসেছে। ছুটে গিয়ে ওকে এটা দাও।”

আমি রাগের সঙ্গে রুদ্ধভাবে অস্বীকার করতাম। তখন তিনিই ফটকে গিয়ে দাঁড়িয়ে তার সঙ্গে অনেকক্ষণ কথাবার্তা বলতেন। গ্রেগরি হাসতো, দাড়ি টানতো কিন্তু কথা বলতো কমই। আর যেটুকু বলতো তাও একটি মাত্র ক্ষুদ্র শব্দে। দিদিমা তাকে কখন কখন রান্নাঘরে এনে চা ও কিছু খেতে দিতেন। তিনি যখনই তাকে রান্নাঘরে আনতেন সে তখনই জিজ্ঞেস করতো, আমি কোথায়? দিদিমা আমাকে ডাকতেন; কিন্তু আমি ছুটে গিয়ে উঠোনে লুকোতাম। আমি তার কাছে যেতে পারতাম না। তার সামনে

আমার মনে এক অসহনীয় লজ্জার উদয় হ'ত। আমি তা বুঝতে পারতাম। জানতাম দিদিমাও লজ্জিত হচ্ছেন। মাত্র একবার আমাদের দুজনের মধ্যে তার বিষয় আলোচনা হয়েছিল। আর সেই একটি দিন তিনি তার হাত ধরে ফটকে নিয়ে গিয়ে সেখানে রেখে মাথা নিচু করে কাঁদতে কাঁদতে এসেছিলেন। আমি গিয়ে তাঁর হাত ধরে ছিলাম।

তিনি কোমল কণ্ঠে জিজ্ঞেস করেছিলেন, “তুমি ওর কাছ থেকে পালিয়ে যাও কেন? ও ভাল লোক; তোমাকে খুব ভালোবাসে, বুঝলে?”

জিজ্ঞেস করেছিলাম, “দাদামশায় ওকে রাখেন না কেন?”

“দাদামশায়?” বলে তিনি ধেমেরে ছিলেন। তারপর নিম্ন স্বরে এই ভবিষ্যদ্বাণী করেছিলেন, “তোমাকে আমি এখন যা বলছি, মনে রেখ—এর জন্তে ভগবান আমাদের সাংঘাতিক শাস্তি দেবেন। তিনি আমাদের শাস্তি দেবেন—”

তাঁর কথার ভুল হয় নি। কারণ দশ বছর পরে, দিদিমাকে তখন সমাহিত করা হয়েছে, দাদামশায়ও নিজে ভিখারী হন এবং পাগল হয়ে শহরের পথে পথে ঘুরে বেড়াতেন, আর লোকের জানলার নিচে কাতর ভাবে আর্সনাদ করতেন, “ওগো রাঁধুনীরা, আমাকে দয়া করে এক টুকরো খাবার দাও—মোটো এক টুকরো—উফ্!”

ইগোশা আর গ্রেগরি আইভানোভিচ ছাড়াও ভার্ভারোনকাটির জন্তেও আমার মনে অত্যন্ত দুশ্চিন্তা ছিল। সে ছিল দুশ্চরিত্রা স্ত্রীলোক। তাকে ছেলেরা পথে পথে তাজিয়ে নিয়ে বেড়াতে। সে আস্তো ছুটির দিনে। তার শরীরটা ছিল বিশাল, আলুখালু বেশ। সে ছিল মাতাল। সে অদ্ভুত অদ্ভুত করে অশ্লীল গান গাইতে

গাইতে চলতো, যেন তার পা নড়ছে না বা মাটিস্পর্শ করছে না, সে মেথের মতো ভেসে যাচ্ছে। রাস্তার লোকে তাকে দেখলেই ফটকে, কোন বাড়ির আড়ালে বা দোকানে গিয়ে লুকোতো। সে পথ একেবারে জনশূন্য করে ফেলতো। তার মুখখানা ছিল প্রায় নীল, ব্লাডারের মতো ফোলা। তার ধূসর প্রকাণ্ড চোখ দুটো বিকট ও বিচিত্র ভাবে বিস্ফারিত হয়ে থাকতো। সে কখন কখন আর্জনাৎ করে বলে উঠতো, “আমার বাছারা, তোমরা কোথায়?”

দিদিমাকে জিজ্ঞেস করেছিলাম, সে কে?

তিনি উত্তর দিয়ে ছিলেন, “তোমার জানবার দরকার নেই।” তা সত্ত্বেও আমার কাছে সংক্ষেপে বর্ণনা করেছিলেন, “স্ত্রীলোকটির স্বামী ছিল। ভাল সরকারী চাকরি করতো। তার নাম ছিল বোরোনক্। সে চেয়ে ছিল, তার চেয়েও আরও উন্নতি করতে। তাই তাদের কর্তার কাছে তার স্ত্রীকে বেচে ছিল। কর্তা স্ত্রীলোকটিকে কোম্বায় যেন নিয়ে যায়। স্ত্রীলোকটি দু’ বছর বাড়ি আসে না। যখন ফিরে আসে, তখন তার ছেলে আর মেয়ে দুটিতেই মারা গেছে; আর তার স্বামী সরকারী টাকা নিয়ে জুয়া খেলবার অপরাধে ছিল জেলে। স্ত্রীলোকটি ছুঃখে মদ ধরে; এখন পথে পথে গোলমাল করে বেড়ায়। এমন একটা ছুটি বাদ যায় না যেদিন না পুলিশ গুলি ধরে।”

পথের চেয়ে বাড়ি নিশ্চয়ই ভাল। প্রশস্ত সময় ছিল ধাবার পর। দাদামশায় যেতেন জাকফ-মামার ক্লারখানাতে। দিদিমা জানলার ধারে বসে আমাকে মজার রূপকথা, আরও কত গল্প ও আমার বাবার কথা বলতেন।

ষে-ষ্টারলিং পাখীটিকে বিড়ালের মুখ থেকে উদ্ধার করা হয়েছিল, তার ভাঙা ডানাগুলি দেওয়া হয়েছিল হেঁটে। আর তার ষে-পাখানি

বিড়ালে খেয়ে ফেলে ছিল, দিদিমা তার জায়গায় তৈরি করে দিয়ে ছিলেন একখানি কাঠের প। তারপর তিনি তাকে কথা বলতে শিখিয়ে ছিলেন। কখন কখন তিনি পুরো একটি ঘণ্টা খাঁচাটির সামনে দাঁড়িয়ে থাকতেন। খাঁচাটি ঝুলতো জানলার চৌকাঠ থেকে। তখন দিদিমাকে দেখাতো একটি প্রকাণ্ড নিরীহ প্রাণীর মতো। তিনি ভাঙা গলায় বার বার বলতেন, “বাছা কিছু খেতে চাও তো।”

পাখীটার রঙ ছিল কয়লার মতো কালো।

ষ্টারলিংটি তার ছোট, চঞ্চল, কৌতুকেভরা চোখটি তাঁর দিকে নিবন্ধ করে খাঁচাটার পাতলা তলাটিতে কাঠের পাখানি দিয়ে বা দিত, তারপর গলা লম্বা করে গোল্ডফিনচের মতো শিষ দিত বা কোকিলের বিদ্রূপমাধা স্বর নকল করতো। সে বিড়ালের মতো ঘিউ মিউ ও কুকুরের মতো ঘেউ ঘেউ করে ডাকবার চেষ্টা করতো। কিন্তু মানুষের ভাষা তার কণ্ঠে তো দেওয়া হয় নি।

দিদিমা খুব গম্ভীর ভাবে বলতেন, “ও-সব বাজে চলবে না! বল, ‘ষ্টারলিংকে কিছু খেতে দাও।’”

সেই ক্ষুদ্রে কালো-বাদরটা একটা শব্দ করে উঠতো। সেটা হতে পারতো, “দাবুশকা (দিদিমা)।” বুদ্ধা অগ্নি আনন্দে হেসে তাকে স্বহস্তে ধাওয়াতেন আর বলতেন, “এই শয়তান, আমি তোমাকে চিনি। তুমি ভান কর। এমন কিছু নেই যা তুমি করতে পার না—সব কিছু করবার মতো বুদ্ধি তোমার আছে।”

তিনি ষ্টারলিংটিকে কথা বলতে শিখাতে পেরেছিলেনও। অল্পকালের মধ্যেই তার যা দরকার তা সে স্পষ্ট করে চাইতো; আর দিদিমার সঙ্গে সঙ্গে টেনে টেনে বলতো; “গু-উ-উ-উড্, ম-র-রনিং, মাই-গুড্, ওম্যান!”

প্রথমে তার খাঁচাটি ঝুলতো দাদামশায়ের ঘরে। কিন্তু সে দাদামশায়কে ভেঙচাতে শিখেছিল বলে, তাকে কিছুদিনের মধ্যেই ঘর থেকে বার করে দিয়ে চিলে-কোঠায় রাখা হয়েছিল। দাদামশায় যখন স্পষ্ট করে উচ্চ কণ্ঠে প্রার্থনা করতেন, সে খাঁচার কাঠিগুলোর ভেতর দিয়ে তার হৃদে ঠোঁট বার করে বলতো, “তুমি! তুমি! তুমি! তু—মি! তুমি!”

দাদামশায় তাতে অসন্তুষ্ট হতেন এবং একবার প্রার্থনা বন্ধ করে পা ঠুকতে ঠুকতে রাগে বলে উঠেছিলেন, “শয়তানটাকে বার করে নিয়ে যাও, নাহলে ওটাকে মেরে ফেলবো!”

বাড়িতে মজার ও আনন্দের অনেক কিছুই ঘটতো; কিন্তু সময়ে সময়ে আমি এক অব্যক্ত বেদনায় পীড়িত হতাম। তাতে যেন আমার সমস্ত শক্তি হত দগ্ধ। এবং দীর্ঘকাল ধরে আমি যেন একটা অন্ধকার গর্ভে চক্ষু, কণ্ঠ ও অঙ্গভূতিহীন হয়ে অন্ধ ও অর্ধমৃতের মতো বাস করেছিলাম।

## অষ্টম পরিচ্ছেদ

দাদামশায় শুঁড়িখানার ওপরে বাড়িটা হঠাৎ বিক্রি করে কানা-তোরোই স্ট্রীটে আর একখানা বাড়ি কিনলেন। নতুন বাড়িখানা ছিল জীর্ণ, ঘাসে ছাওয়া কিন্তু পরিষ্কার ও নিৰ্জন, যেন মাতুর ভেতর থেকে হঠাৎ উঠেছে। এক সার ছোট ছোট লালরঙের বাড়ির সব শেষের ছিল সেটা।

বাড়িখানা চমৎকার সাজানো-গোছামগু ছিল। তার সামনেটা ছিল গাঢ় রাসপ্বেরি রঙে রঙ করা। তার নিচের জানলা

তিনটির এবং চিলেকোঠার একটি মাত্র জানলার খড়খড়ি ব আশমানি রঙ খুব উজ্জ্বল দেখাতো। ছাদের বাঁ দিকটা ঘন সবুজ এম ও লাইম গাছে ছিল চমৎকার ভাবে ঢাকা। আঙিনায় ও বাগানে ছিল অনেকগুলো ঘোরানো-ফিরানো পথ ঘেন লুকোচুবি খেলার উদ্দেশ্যে ইচ্ছা করেই সেগুলি তেমন সুবিধার করে রাখা হয়েছিল।

বাগানখানি ছিল বিশেষ করে ভাল। বড় না হলেও, গাছ-পালায় ছিল ঢাকা ও সুন্দর জটিল। এক কোণে ছিল একটি ছোট ধোবিখানা, ঠিক একটি খেলা-ঘরের মতো। আর এক কোণে ছিল বেশ বড় একটা খাদ। তার মুখে গজিয়ে ছিল লম্বা ঘাস। তার মাঝ থেকে বেরিয়ে ছিল একটা চিমনির অংশ, আগেকার ধোবিখানার জল গরমের যন্ত্রের অবশিষ্টটুকু। বাগানটির বাঁ দিকে ছিল কর্ণেল ওবসিয়ানিকফের আস্তাবলের দেওয়াল আর ডান দিকে বেংলেংগা হাউস; শেষ দিকটা শেষ হয়েছিল পেংরোবনা গোয়ালিনীর বাড়ি ব গায়ে। পেংরোবনা ছিল মোটা-সোটা। তার মুখখানা ছিল লাল আর সে মানুষটি ছিল বাচাল। তাকে দেখলে আমার মনে হ'ত ঘেন একটা ঘণ্টা। তার ছোট বাড়িখানি ছিল একটা নাবাল জমিতে, কালো রঙের, ভাঙা-চোরা ও শেওলায় বেশ ঢাকা। বাড়ির জানলা দুটি ছিল মাঠ, গভীর খাদ ও বনের দিকে। বনটাকে দেখাতো দুই-নীল মেঘ-ভারের মতো। সারাদিন সৈন্দেরা সেই মাঠে চলাফেরা বা ছুটোছুটি করতো। শরৎ-রবির বাঁকা রশ্মিতে তাদের সড়িনগুলো সাদা বিহ্ব্যতের মতো চমক দিত।

আমাদের বাড়িখানা ছিল লোকে ভরা। তাদের সকলকে আমার কাছে লাগতো আশ্চর্যের। দোতালায় ছিল তাতারির এক সৈনিক



তার নখর, স্ত্রী স্ত্রীটিকে নিয়ে। স্ত্রীটি সকাল থেকে রাত অবধি চীৎকার করতো, হাসতো, খুব কারুকার্য করা একটা গিটার বাজাতো আর বাঁশির চড়া স্বরে গান গাইতো।

সৈনিকটি ছিল বলের মতো গোল। সে জানলায় বসে তার নীল মুখখানা ফোলাতো এবং লাল্চে চোখ দুটো শয়তানের মতো এধার-ওধার ঘেরোতে ঘেরোতে অফুরন্ত পাইপটি টানতো, মাঝে মাঝে কাসতো আর কুকুরের ডাকের মতো শব্দ করে হাসতো: “ভুক্! ভুক্!”

মাটির নিচে কুঠুরি আর আস্তাবলের ওপর যে আবামদায়ক ঘরখানা তৈরি হয়েছিল তাতে বাস করতো দুজন গাড়িওয়াল। তাদের একজন ছিলেন, পিটার খুড়ো। তিনি মানুষটি ছিলেন ছোট খাটো; মাথায় পাকা চুল। আর একজন ছিল ষ্টেপান; তাঁর বোবা ভাইপোটি। সে ছিল সহজ ও অল্পে তুষ্ট মানুষ। তার মুখখানা দেখলে মনে পড়তো একখানা তামার ট্রের কথা। আর থাকতো লম্বা হাত-পা বিবল মূর্তি ভালেই নামে একজন তাতার। সে ছিল এক পদস্থ কর্মচারীর চাকর। এই সব লোক ছিল আমার কাছে সম্পূর্ণ নতনত্বের মতো, মহান্ “অজ্ঞেয় সামগ্রী।” কিন্তু যিনি আমার মনো-যোগ আকর্ষণ করে তা এক বিশেষ পর্যায়ে ধরে রেখেছিলেন। তিনি এক বোর্ডার। লোকে তাঁর নাম দিয়েছিল “ভালো কাজ।”

তিনি বাড়ির পিছন দিকে রান্নাঘরের পাশেই একখানা ঘর ভাড়া নিয়েছিলেন। তাঁর ঘরখানাতে ছিল দুটো জানলা। সে দুটির একটি ছিল বাগানের দিকে, আর একটি ছিল উঠানের দিকে। তিনি ছিলেন রোগা কোলকুঁজো মানুষ। তাঁর মুখখানি ছিল সাদা। মুখে ছিল কালো দাড়ি দুভাগে বিভক্ত; চোখ দুটি ছিল কোমল। তিনি চষমা পরতেন।

চুপ-চাপ থাকতেন; আদৌ গায়-পড়া ছিলেন না। তাঁকে খেতে বা চা খেতে ডাকলে তাঁর এক উত্তর ছিল, “ভাল-কাজ!” তাই দিদিমা সান্ধাতে ও অসান্ধাতে তাঁকে ঐ নামে ডাকতে আরম্ভ করেছিলেন। তিনি বলতেন, “লেন্কা, ভাল-কাজকে চা খেতে ডাক” কিম্বা “ভাল-কাজ, তুমি কিছুই খাচ্ছ না।”

তাঁর ঘরখানি ছিল নানা রকমের বাজ ও নানা রকমের বইয়ে একেবারে ঠাসা। সেগুলো দেখাতো অদ্ভুত। সেখানে ছিল নানা রঙের জলীয় পদার্থে ভরা বোতল, তামা আর লোহার তাল, সিসেব বার। সকাল থেকে রাত অবধি লালচে রঙের কোট ও নানারকমের রঙের দাগে ভরা ধূসর চেক-পাজামা পরে তিনি গলাতেন সিসে, কালাই করতেন এক ধরনের পেতলের পাত্র, ছোট নিক্তিতে ওজন করতেন জিনিষ-পত্র। তাঁর আঙুল পুড়ে গেলে হুকার দিয়ে উঠে আঁপটে আঁপটে তাতে ফুঁ দিতেন। তাঁর চেহারা ও পোশাক ছিল বিশৃঙ্খল ও মলিন। তাঁর গা থেকে বার হ’ত উৎকট গন্ধ। দেওয়ালের গায়ে কোন নক্সা দেখতে তিনি সেটার কাছে হৌচট খেতে খেতে এগিয়ে যেতেন এবং চষমা-জোড়া পরিষ্কার করে খাড়া, বিবর্ণ নাকটা তাতে প্রায় ঠেকিয়ে সেটার গন্ধ শুনতেন; অথবা ঘরের মাঝখানে বা জানলায় হঠাৎ দাঁড়িয়ে চোখ বন্ধ করে মাথা তুলে থাকতেন, যেন অসাড় বিভ্রান্ত হয়ে পড়েছেন।

আমি ছাপ্পড়টার চালে উঠতাম। সেখান থেকে আঙিনাটির ওধারেও দেখতে পেতাম। ঘোলা জানলা-পাশে দেখতে পেতাম, টেবিলের ওপর নীল স্পিরিট ল্যাম্পটার আলোয় একখানা ছিন্নভিন্ন নোট বইয়ে তিনি কি লিখছেন। তাঁর চষমা-জোড়া নীলাভ আলোর বরফের মতো বক্ বক্ করছে। এই লোকটির গুণীনের

মতো কাজ-কর্ম আমাকে ঘণ্টার পর ঘণ্টা চালের ওপর বসিয়ে রাখতো। আমার কৌতূহল এত বেড়ে যেত যে, আমি ফেটে পড়বার মতো হতাম। কখন কখন তিনি পিছনে হাত দিয়ে চালটার দিকে সোজা তাকিয়ে দাঁড়িয়ে থাকতেন যেন ফ্রেমে আঁটা মূর্তি, কিন্তু বোঝা যেত, তিনি আমাকে দেখতে পাচ্ছেন না। তাতে আমি অসন্তুষ্ট হতাম। তারপরই হঠাৎ তিনি টেবিলের কাছে ফিরে গিয়ে নিচু হয়ে কি যেন হাঁতড়াতে শুরু করতেন।

মনে হয় তিনি যদি পয়সাওয়ালা হতেন আর ভাল পোশাক-পরিচ্ছদ পরতেন তাহলে তাঁকে আমার ভয় হত; কিন্তু তিনি ছিলেন দরিদ্র। তাঁর কোটের কলারের ওপর দিয়ে ময়লা শার্টটার কলার দেখা যেত। তাঁর পাজামাটি ছিল নোংরা ও তালি দেওয়া; মোজাহীন পায়ে ছিল চটি। চটিজোড়া গিয়ে ছিল কয়ে। যারা দরিদ্র তারা দুর্ভিক্ষও নয়, বিপজ্জনকও নয়। এটা আমি অজানিতে শিখেছিলাম, তাদের প্রতি দিদিমার করুণা মিশ্রিত সন্মম, আর দাদামশায়ের অবজ্ঞা থেকে।

বাড়িতে কেউ “ভাল কাজকে” পছন্দ করতো না। তারা তাকে নিয়ে হাস্য-পরিহাস করতো। সৈনিকের স্ফুর্তিবাজ জ্বীটি তার নাম দিয়েছিল, “খড়ি-নেকো।” পিটার-খুড়ো তাঁকে ডাকতেন “গুধু-ওলা” বা “গুণীন” বলে; আর দাদামশায় তাকে বলতেন “মাহুকর”।

আমি দিদিমাকে জিজ্ঞেস করেছিলাম, “উনি কি করেন?”

—“তোমার জানবার দরকার নেই। চুপ করে থাকো!”

কিন্তু একদিন আমি সাহস করে তাঁর জানলার কাছে গেলাম এবং কষ্টে ভয় দমন করে তাঁকে জিজ্ঞেস করলাম, “আপনি কি করছেন?”

তিনি চমকে উঠে আমাকে চব্বার ওপর দিয়ে অনেকক্ষণ দেখলেন; তারপর পোড়া দাগে ভরা হাতখানা বাড়িয়ে বললেন, “উঠে এস।”

আমাকে তাঁর দরজার বদলে জান্না দিয়ে ঢুকবার প্রস্তাবে, তাঁকে আমার চোখে আরও বড় করলে। একটি কাঠের বাস্কর\* ওপর বসে তিনি আমাকে তাঁর সামনে দাঁড় করিয়ে রাখলেন। তারপর সরে গিয়ে আবার আমার খুব কাছে ফিরে এসে ষাটো গলায় জিজ্ঞেস করলেন, “তুমি কোথা থেকে আসছো?”

আমি দিনের মধ্যে চারবার রান্নাঘরে তাঁর পাশে টেবিলে বসতাম। একথা মনে করে তাঁর কথাগুলো অদ্ভুত লাগলো।

উত্তর দিলাম, “আমি বাড়িওয়ার নাতি।”

তাঁর আঙুলগুলোর দিকে তাকিয়ে বললেন, “হাঁ।”

তারপর আর কিছু বললেন না। মনে হল তাঁকে বুঝিয়ে দেওয়া দরকার। বললাম, “আমি কাশিরিন নয়—পিয়েশকফ্।”

তিনি সন্দেহ ভরে কথাটির পুনরাবৃত্তি করলেন, “পিয়েশকফ্? ভালকাজ্।”

এবং আমাকে এক পাশে সরিয়ে উঠে টেবিলের কাছে যেতে যেতে বললেন, “এখন স্থির হয়ে বস।”

আমি বহুক্ষণ বসে দেখতে লাগলাম, তিনি উকো দিয়ে ঘষা এক টুকরো তাম্বা চাছিলেন। সেটা একটা প্রেসের ভেতর গলিয়ে দিলেন। একখানা কার্ডবোর্ডের ওপর চাছগুলো পড়তে লাগলো সোনার তুষের মতো। সেগুলো তিনি হাতের তালুতে চেলে নিয়ে একটি পেটমোটা পাত্রে দিয়ে নাড়লেন। তারপর একটি ছোট বোতল থেকে তাতে দিলেন হুনের মতো সাদা গুড়ো, আর একটা কালো বোতল

থেকে খানিকটা তরল পদার্থ। পাত্রের মিশ্রিত পদার্থটি অবিলম্বে সোঁ সোঁ করে উঠলো আর ধোঁয়া ছাড়তে লাগলো, এবং একটা তীব্র কাঁকালো গন্ধ আমার নাকে লাগতেই ভয়ানক কাসতে লাগলাম।

শুগুন গর্কভরে বলে উঠলেন, “আহা! বিল্ট্রী গন্ধ ছাড়ছে। ছাড়ছে না?”

—“হ্যাঁ!”

—“ঠিক! এতে দেখাচ্ছে, জিনিষটি ঠিক হয়েছে বাবা!”

আমি মনে মনে বললাম, “এর মধ্যে অহঙ্কারের কি আছে?” এবং প্রকাশে বলে উঠলাম, “যদি গন্ধটা বিল্ট্রী হয়, তাহলে ভাল হয় নি।”

তিনি চোখের একটু ইঙ্গিত করে বললেন, “বটে! বাবা, ওটা সব সময় হয় না। ষাহোক—তুমি আর এখানে এস না।”

তার কথায় আমার মনে ভীষণ আঘাত লাগলো। বললাম, “আমি আর কখন এখানে আসবো না!” এবং রাগের সঙ্গে তাঁর কাছ থেকে বেরিয়ে গেলাম বাগানে। দাদামশায় সেখানে ব্যস্ত হয়ে ঘুরে বেড়াচ্ছিলেন, আপেল গাছগুলোর গোড়ায় সার বিছিয়ে দিচ্ছিলেন। কেননা তখন শরৎকাল; অনেক কাল আগেই গাছগুলোর পাতা ঝরে পড়ে ছিল।

তিনি আমাকে কাঁচিখানা দিয়ে বললেন, “এই নাও! তুমি রাসপবেরির ঝোপগুলোকে ছাঁট গে।”

জিজ্ঞেস করলাম, “ঐ ভাল কাজটা যে-কাজ করে তা কি?”

—“কাজ—ওর ঘরখানা ও নষ্ট করছে, ব্যস্! মেঝেটা গেছে পুড়ে, পর্দাগুলো নোংরা হয়েছে, ছিড়ে গেছে। ওকে ঘর ছেড়ে দিয়ে অন্তত যেতে বলবো।”

রাসপবেরি ঝোপগুলোর শুকনো ডাল ছেঁটে ফেলতে আরম্ভ করে বললাম, “তাই হবে ওর পক্ষে সব চেয়ে ভাল।”

কিন্তু কথাগুলো বললাম, না ভেবেই।

বাদল সঙ্ঘায় দাদামশায় যখন বেরিয়ে যেতেন, দিদিমা রান্নাঘরে একটি ছোট মজার মজলিস বসাতেন। তিনি বাড়ির সকলকে চায়ের নিমন্ত্রণ করতেন। তাতে গাড়িওলা দুজন, কর্মচারিটির চাকর ও পেংরোভনা প্রায়ই আসতো; কখন কখন সৈনিকের স্ত্রীও যোগ দিত; কিন্তু ‘ভাল কাজকে’ বরাবরই দেখতে পাওয়া যেত ঘরের কোণে ষ্টোভের পাশে স্থির ও নির্ঝাক হয়ে বসে আছেন। বোবা ষ্টেপান ভাতারটার সঙ্গে ভাস খেলতো। ভালেই ভাসজোড়া টেবিলের ওপর ঠুঁকে বোবাটার চওড়া নাকের সামনে চীৎকার করে উঠতো, “তোমার ডিল।”

“ভাল-কাজ” আমাকে তাঁর কাছে যেতে বারণ করবার খুব অল্প কাল পরেই দিদিমা একদিন তাঁর একটি মজলিস বসিয়ে ছিলেন। সেদিন যখন মজলিস বসেছে তখন শরতের ধারা অল্প-অল্প বধিত হচ্ছে। বাতাস গর্জন করছে। গাছগুলো সব্ সব্ শব্দ করে উঠছে আর ডাল দিয়ে দেওয়ালে আঁচড়াচ্ছে; কিন্তু রান্নাঘরের শেতরটা গরম ও আরামের। আমরা সকলে প্রায় গা ঘেঁষাঘেঁষি করে বসে আছি, আর দিদিমা আমাদের গল্পের পর গল্প বলছেন। প্রত্যেকটি গল্প তার আগেরটির চেয়ে ভাল। তিনি ষ্টোভের কিনারায় বসে তার নিচের খুঁজে পা দুখানা রেখে শ্রোতাদের দিকে ঝুঁকে বসে রয়েছেন। তাঁর গায়ে এসে পড়েছে একটি ছোট টিনের ল্যাম্পের আলো। গল্প বলার মেজাজে থাকলে তিনি এই জায়গাটিতে বসতেন। বলতেন, “ওপর থেকে

তোমাদের দেখবো। ওয়ি করে বসলে ভাল ভাবে কথা বলতে পারি।”

আমি সেই চওড়া খাঁজটার ওপর তাঁর পায়ের কাছে “ভাল-কাজের” প্রায় মাথার সমান হয়ে বসতাম।

দিদিমা বরবরে জোরালো ভাষায় স্নিকীর্ষাচিত শব্দে আমাদের যোদ্ধা আইভান ও তাপস মিরনের সুন্দর গল্পটি বলতেন।

তিনি গল্পটির উপসংহারে পৌছবার আগেই দেখতাম “ভাল-কাজ” কি কারণে যেন বিচলিত হয়ে উঠতেন, অস্থির ভাবে হাত নাড়তেন, চশমা-জোড়া খুলতেন আবার পরতেন। অথবা সেটা ছুলিয়ে ছুলিয়ে দিদিমার কথায় ভাল রাখতেন, মাথা নাড়তেন, চোখে আঙুল দিয়ে বা খুব জোরে চোখ রগড়াতেন, যেন ঘামছেন এগ্নি ভাবে কপাল ও গায়ের ওপর দিয়ে হাত বুলিয়ে নিতেন। কেউ নড়লে, কাসলে বা মেঝেয় পা ঘষলে তিনি তাকে চূপ্ করতে বলতেন। সেদিন দিদিমা গল্প শেষ করে ঘামে ভেজা মুখখানি জামার হাতায় মুছলেন। তখন “ভাল-কাজ” লাফিয়ে উঠে হাত দুখানা সামনে বাড়িয়ে দিলেন, যেন তাঁর মাথা ঘুরছে। আর বললেন, “চমৎকার! লিখে রাখা উচিত! বাস্তবিকই উচিত। এটা ভয়ঙ্কর সত্যি...”

তখন প্রত্যেকেই দেখতে পেল, তিনি কাঁদছেন।...

দিদিমা রুদ্ধভাবে বললেন, “যদি ভাল লাগে লিখে রাখ। ক্ষতি নেই। এই ধরনের গল্প আমি অনেক জানি।”

তিনি উত্তেজিত হয়ে বলে উঠলেন, “না, কেউল এঁটেই চাই। এটা কি—ভয়ঙ্কর ভাবে রুখ গল্প।” এবং কথাগুলোর পুনরাবৃত্তি করলেন, যখন আমাদের অন্ত্রায় কোন-কিছু করতে আদেশ দেওয়া হবে তখন আমাদের কর্তব্য হচ্ছে দৃঢ় ও কঠিন হয়ে থাকা। সত্যি! সত্যি!”

তারপর হঠাৎ তাঁর গলা ভেঙে গেল। তিনি কথা বলতে বলতে ধেমে আমাদের সকলের দিকে তাকিয়ে অপরাধীর মতো মাথা নিচু করে ঘর থেকে বার হয়ে গেলেন।

অন্যান্য অতিথিরা হেসে উঠলেন; পরস্পরের দিকে বিহ্বল দৃষ্টিতে তাকালেন। দিদিমা ষ্টোভের গায়ে আরও পিছিয়ে একেবারে অন্ধকারে সরে গেলেন। তাকে দীর্ঘনিশ্বাস ফেলতে শোনা গেল।

পুরু লাল ঠোঁটে হাত বুলিয়ে পেংরোভনা বললে, “মনে হচ্ছে ও মেজাজে আছে।”

পিটার-খুড়ো জবাব দিলেন, “না ওটা হচ্ছে কেবল ওর কাজের ধারা।”

দিদিমা ষ্টোভ থেকে নেমে নীরবে স্রামোভার গরম করতে লাগলেন। পিটার-খুড়ো খাটো গলায় আবার বললেন, “ভগবান কখন কখন লোককে ঐ রকম তৈরি করেন—খেয়াল।”

ভালেই ভাড়া গলায় বলে উঠলো, “যারা আইবুড়ো তারা ভাঁড়ামি করে।” তার কথায় সকলে হেসে উঠলো; কিন্তু পিটার-খুড়ো টেনে টেনে বললেন, “ও সত্যি কাঁদছিল।”

এসবে আমার ক্লান্তি বোধ হতে লাগলো। বুঝলাম, মনে কেমন এক বেদনার উদয় হচ্ছে। “ভাল কাজের” আচরণে খুঁজাশব্দ্য হলাম। তাঁর জন্তে বড় দুঃখ হল। তাঁর অশ্রু-সিক্ত চোখ দুটি কিছুতেই মন থেকে দূর করতে পারলাম না।

সে-রাতে তিনি বাড়িতে ঘুমোলেন না। কিন্তু পরদিন ফিরে এলেন সকলের খাবার পর। তাঁর মুখে কথা নেই, স্নিগ্ধমাণ ও বিহ্বল।

অপরাধী বালকের মতো তিনি দিদিমাকে বললেন, “গত রাতে আমি এক কাণ্ড করে ছিলাম। আপনি রাগ করেন নি?”



—“কেন রাগ করবো?”

—“কারণ আমি বাধা দিয়েছিলাম...কথা বলেছিলাম...”

—“তুমি কারুকেই আঘাত দাও নি।”

মনে হল, দিদিমা তাঁকে ভয় করেন। তাঁর মুখের দিকে না তাকিয়ে চাপা গলায় তাঁর সঙ্গে কথা বললেন। আচরণটা তাঁর প্রকৃতির বিপরীত।

তিনি দিদিমার কাছে সরে এসে বিশ্বয়কর সরলতার সঙ্গে বললেন, “দেখুন, আমি বড় একা। আমার কেউ নেই। আমি সব সমস্ত চূপ করে থাকি—একটি কথাও বলি না। আর তারপরই যেন আমার মন উদ্বেলিত হয়ে ওঠে, যেন সেটা ছিঁড়ে বার করা হয়েছে। সে সময়ে আমি জড়পদার্থগুলোর সঙ্গেও কথা বলতে পারি—”

দিদিমা তাঁর কাছ থেকে সরে দাঁড়ালেন। তিনি বলতে লাগলেন, “খদি তুমি এখন বিয়ে কর—”

“জ্যা?” বলে তিনি জ্র-কুঁচকে হাত দু'খানা তুলে ছুটে বেরিয়ে গেলেন।

দিদিমা তাঁর দিকে জ্র-কুঁচকে তাকিয়ে এক টিপ নস্র নিলেন। তারপর আমাকে বঠোর স্বরে ভৎসনা করলেন, “ওর কাছে তুমি অত ঘোরা-ফেরা কোর না। শুনছো? ভগবান জানেন, ও কি ধরনের লোক!”

কিন্তু তাঁর প্রতি আমি নতুন করে আকৃষ্ট হলাম। তিনি যখন বললেন “ভয়ঙ্কর একা” তখন তাঁর মুখখানি কি রকম স্নান হয়ে গিয়েছিল তা দেখেছিলাম। সেই কথগুলোর ভেতর ছিল এমন কিছু যা আমি উপলব্ধি করেছিলাম। তা আমার মর্ম স্পর্শ করেছিল। আমি তাঁকে খুঁজতে গেলাম।

আঙিনা থেকে তাঁর ঘরের জানলার ভেতর তাকিয়ে দেখলাম। ঘরখানা দেখালো খালি। সেখান থেকে পেলাম বাগানে। তাঁকে খাদের ধারে দেখতে পেলাম। মাথার পিছনে হাত ছুখানা দিয়ে, ঠাঁটুতে কছুইয়ের ভার রেখে, একখানা আধপোড়া তক্তার ওপর কঠে বসে তিনি সামনের দিকে ঝুঁকে ছিলেন। কাঠখানার বেশির ভাগ ছিল মাটিতে পোতা ; বাকিটা ছিল মাটি থেকে বেরিয়ে।

সেই রকম জায়গায় বসে থাকতে দেখে তাঁর ওপর আমার শ্রদ্ধা আরও বেড়ে গেল। তিনি কিছুক্ষণ আমাকে দেখতে পেলেন না ; তাঁর আধ-কাণা, পেঁচার মতো চোখ দুটোর দৃষ্টি ছিল দূরে। হঠাৎ বিরক্তির স্বরে জিজ্ঞেস করলেন :

“আমাকে কোন কাজের জন্তে দরকার ?”

—“না।”

—“তাহলে তুমি এখানে কেন ?”

—“বলতে পারি না।”

তিনি চষমাজোড়া চোখ থেকে খুলে তাঁর লাল-কালো ছিট দেওয়া কমালা সেটা মুছে বললেন, “এখানে উঠে এস।”

আমি তাঁর পাশে বসলে তিনি আমার কাঁধ হাত দিয়ে জড়িয়ে আমাকে তাঁর গায়ের সঙ্গে চেপে ধরে বললেন, “বোস। এস চূপ করে স্থির হয়ে বসা যাক। বসতে পারবে ? তুমি জেদী ?”

—“হ্যাঁ।”

—“ভাল-কাজ।”

আমরা অনেকক্ষণ চূপ করে রইলাম। শান্ত কোমল অপরাহ্ন। বিলম্বিত গ্রীষ্মের বেলাশেষ। প্রচুর সুস্বাস্তার সঙ্গেও সব যে নষ্ট হয়ে যাচ্ছে তার লক্ষণগুলি ছিল পরিষ্কৃত। প্রতি ঘণ্টায় শূন্যতা দেখা

দিচ্ছিল। মাটি থেকে উঠছিল সোঁদা গন্ধ। বাতাস স্বচ্ছ। ছোট ছোট কাকগুলো লাল আকাশের গায়ে চারধারে লক্ষ্যহীন হয়ে উড়ে বেড়াচ্ছিল। সব স্তব্ধ। যে-কোন শব্দকে যেমন পাখির ডানার ঝটপট বা ঝরা পাতার ধস্ ধস্কে তখন মনে হচ্ছিল অস্বাভাবিক উচ্চ। তাতে চমক লাগছিল। শব্দগুলো জমাট স্তব্ধতায় যাচ্ছিল মিলিয়ে। সে স্তব্ধতা যেন সমগ্র পৃথিবীকে বেঁটন করে অস্তরকে মত্তমুগ্ধ করে তুলছিল। এই মুহূর্তগুলিতে অস্তরে জেগে ওঠে বিচিত্র নির্খল ভাব—অপাখিব স্মৃতি, লুতাতন্ত্রর মতো স্বচ্ছ। ভাষায় তা প্রকাশ করা যায় না। অস্তরে দুঃখের ও সেই সঙ্গে সান্ত্বনার, অস্বস্তির অনল জ্বালিয়ে তুলে'সেগুলি ধসা-তারার মতো আসে-যায়। আর, কোমল অস্তর যেন উজ্জ্বল হয়ে তখন যে ছাপটি গ্রহণ করে তা চিরকালের মতো যায় রয়ে।

বোর্ডারটির গায়ে গা বেঁবে আমি তাঁর সঙ্গে আপেল গাছের কালো ডালগুলোর ভেতর দিয়ে রক্তিম আকাশের দিকে তাকিয়ে রইলাম। ডানা ছুলিয়ে এক ঝাঁক কাক উড়ে যাচ্ছিল। দেখছিলাম, ডাঁটাগুলোর মাথায় কেমন করে শুকনো পপিগুলো ছলে ছলে ধস্ধসে বীজগুলো ছড়াচ্ছিল। লক্ষ্য করছিলাম, ছিন্ন-ভিন্ন গাঢ় নীল মেঘ দল, ধূসর তাদের কিনারা, প্রাস্তরের ওপর বিস্তৃত হয়ে আছে। আর তার তলা দিয়ে গোরস্থানে তাদের নীড়ে উড়ে চলেছে কাকের দল।

সবই সুন্দর। সেই সন্ধ্যায় সবই লাগছিল বিশেষ করে সুন্দর এবং আমার মনের ভাবের সঙ্গে সুসমঞ্জ। কখন কখন আমার সঙ্গী গভীর নিশ্বাস ফেলে বলছিলেন, “কি বল, স্বপ্না, সব ঠিক আছে, তাই নয়? তোমার ঠাণ্ডা লাগছে না তো?”

কিন্তু আকাশ অন্ধকার হয়ে, গোধূলি বেলা আর্দ্রতায় ভরে উঠে সব কিছু ওপর বিছিয়ে গেলে তিনি বললেন, “উপায় নেই। আমাদের ভেতরে যেতেই হবে।”

তিনি বাগানের ফটকে দাঁড়িয়ে কোমল কণ্ঠে বললেন, “তোমার দিদিমা মাল্‌ঘটি চমৎকার। অমূল্য!” তারপর চোখ দুটি বন্ধ করে দিদিমার সেদিনের গল্পটির শেষের ছত্র কয়টি খাটো অঞ্চ স্পষ্ট স্বরে আবৃত্তি করলেন :

“আঞ্জা যদি দেয় অন্ডায় করিতে কিছু  
দৃঢ়, শক্ত রব মাধা না করিব নিচু।”

“কথাগুলো ভুলো না বাবা!” এবং তাঁর সামনে আমাকে ঠেলে দিয়ে জিজ্ঞেস করলেন, “তুমি লিখতে পার ?”

—“না।”

—“নিশ্চয়ই লিখতে শিখবে। লিখতে শিখলে, দিদিমার গল্পগুলো লিখে রেখ। দেখবে, তাতে পরিশ্রম সার্থক হবে।”

এইভাবে আমরা বন্ধু হলাম এবং যখনই আমার ইচ্ছা হ’ত “ভাল-কাজকে” দেখতে যেতাম। দেখতাম কোন কাঠের-বাক্স বা ছেঁড়া কাপড়ের ওপর বসে তিনি সিসে গলাচ্ছেন, তামা গরম করে লাল করে তুলছেন অথবা ছোট হাতুড়ি দিয়ে নেহাইয়ের ওপর প্রোহার পাত পিটছেন কিম্বা সূক্ষ্ম নিক্তিতে তার ওজন করছেন।

একদিন জিজ্ঞেস করলাম, “আপনি কি করছেন?”...

—“একটা জিনিষ তৈরি করছি, বাবা।”

—“কি জিনিষ ?”

—“তা তোমাকে বলতে পারি না। তুমি বুঝতে পারবে না।”

—“দাদামশায় বলেন আপনি টাকা জাল করলেও তিনি আশ্চর্য হবেন না।”

—“তোমার দাদামশায় ? হ্যাঁ। একটা কথা বলতে হয় তাই ও কথা বলেছেন। টাকা-পয়সা সব বাজে।”

—“টাকা-পয়সা না হলে আমরা কী কিনিব কি দিয়ে?”

—“হ্যাঁ, তার জগে টাকা-পয়সার দরকার সত্যি।”

—“আর মাংসের জগেও।”

—“হ্যাঁ, মাংসের জগে।”

তিনি সহৃদয়তার সঙ্গে নীরবে হাসলেন। তাঁর সহৃদয়তায় আমাকে  
বিশ্বস্ত করলে। তারপর আমার কান টানতে টানতে বললেন,  
“তোমার সঙ্গে তর্ক করে লাভ নেই। তুমিও সব সময় জেত। চূপ  
করে থাকাই ভাল।”

কখন কখন তিনি কাজ ফেলে, আমার পাশে বসে জানলা দিয়ে  
অনেকক্ষণ বাইরের দিকে তাকিয়ে থাকতেন। দেখতেন, ছাদে  
চটপট শব্দে বৃষ্টি পড়ছে, আঙিনায় কেমন করে ঘাস গজাচ্ছে,  
আপেল গাছগুলো কেমন পাতাশূন্য হয়ে পড়ছে। “ভাল-কাজ” বাক্য  
বাখ করতেন সামান্য কিন্তু যেটুকু বলতেন সেটুকু প্রসঙ্গে এক চুল  
এদিক-ওদিক হত না। আমার মনোবোগ আকর্ষণের ইচ্ছা হলে,  
তিনি বেশির ভাগ সময়ই কথা না বলে আমাকে কনুইয়ের গুতো  
দিতেন আর চোখের ইসারা করতেন। আঙিনাটা আমার বিশেষ  
মনোরম লাগতো না; কিন্তু তাঁর কনুইয়ের গুতো আর সংক্ষিপ্ত  
কথাগুলিতে যেন আর এক রঙে রঙিয়ে দিত এবং দৃষ্টির মধ্যে  
প্রত্যেকটি জিনিসকে মনে হ’ত দেখবার উপযোগী। সেদিন একটা  
বিড়ালছানা ছুটে বেড়াচ্ছিল। একজায়গায় খানিকটা জল জমে চক

চক করছিল। ছানাটা তার ধারে দাঁড়ালো। জলে তার প্রতিবিম্বটির দিকে তাকিয়ে যেন তাকে মারতে যাচ্ছে এম্বি ভাবে একখানি খাবা তুলে রইলো।

“ভাল-কাজ” মস্তব্য করলেন, “বিড়াল হচ্ছে দাস্তিক আর সঙ্কীর্ণ।”...

“ভাল-কাজের” প্রতি আমার আকর্ষণ খুব তাড়াতাড়ি বৃদ্ধি পেতে লাগলো এবং প্রত্যহ হয়ে উঠতে লাগলো প্রবল। শেষে একদিন দেখলাম, তিনি আমার দুঃখের ও সুখের ক্ষণে বিশেষ প্রয়োজনীয়। তিনি নিজে মৌনী হলেও আমার মাথায় যা কিছু আসতো সে-সব বলতে আমাকে নিষেধ করতেন না। কিন্তু দাদামশাই সর্বদাই আমাকে এই বলে খামিয়ে দিতেন, “ঘস্ ঘস্ করো না, শয়তানের খাতাকল।”

দিদিমাও নিজের ভাবনা নিয়ে থাকতেন; তাই পরের কথায় কান দিতেন না। কিন্তু “ভাল-কাজ” সর্বদা আমার কপচানি মন দিয়ে শুনতেন আর প্রায়শই সহাস্তে বলতেন, “না বাবা, ও কথা সত্যি নয়। ওটা তোমার নিজের ধারণা।”

সংক্ষিপ্ত মস্তব্যটি তিনি করতেন ঠিক মুহূর্তে, আর তাও যখন প্রয়োজন হ’ত। তিনি যেন আমার হৃদয় ও মস্তিষ্কের বহিরাবরণ ভেদ করে সেখানে যা-কিছু ঘটছে সব দেখতে পেতেন। এমন কি উচ্চারণের আগে আমার ওষ্ঠে বৃথা, অসত্য বাক্যগুলিকেও দেখতে পেতেন। তিনি সেগুলিকে দেখতে পেয়ে দুটি মুহূর্তে আঘাতে ছেদন করে ফেলতেন, “মিথ্যে, বাবা।”

কখন কখন তাঁর গুণীনের মতো শক্তিকে আমি টেনে বার করবার চেষ্টা করতাম। কিছু বানিয়ে বলতাম, যেন সত্যই তা ঘটেছে। তিনি কিছুক্ষণ শুনে বলতেন, “দেখ—ওটা সত্যি নয়, খোকা।”

—“কি করে জানলেন?”

—“আমি অহুভব করতে পারি, বাবা।”

দিদিমা যখন সিয়েনিউ স্কয়ার থেকে জল আনতে যেতেন আমাকে সঙ্গে নিতেন। একবার আমরা দেখলাম, সেই শহরের পাঁচজন লোক একটি চাষীকে ঘেরে মাটিতে ফেলে দিয়ে একটা কুকুর যেমন আর একটা কুকুরকে করে থাকে তেয়ি ভাবে তাকে টেনে নিয়ে যাচ্ছে। দিদিমা বাঁক থেকে কলসিটা খুলে বাঁকখানা ঘোরাতে ঘোরাতে লোকটাকে বাঁচাতে ছুটলেন আর আমাকে বলতে লাগলেন, “তুমি এখন পালাও।”

কিন্তু আমি ভয় পেয়ে ছিলাম। তার পিছনে ছুটতে ছুটতে লোকগুলোকে লক্ষ্য করে ছুড়ি আর চিল ছুড়তে লাগলাম। দিদিমা বীরের মতো তাদের ষাড়ে ও মাথায় বাঁক দিয়ে পিটতে লাগলেন। আর সকলে সেখানে এসে পড়লে তারা পালিয়ে গেল। দিদিমা আহত লোকটির ক্ষত ধুয়ে দিতে আরম্ভ করলেন। লোকটার মুখখানা তারা পা দিয়ে মাড়িয়ে ছিল। ছিন্ন-ভিন্ন নাকটা সে নোঙরা আঙুল দিয়ে চেপে ধরে চীংকার করতে লাগলো আর সেই সঙ্গে কামতে লাগলো। তার আঙুলের তলা দিয়ে দিদিমার মুখে ও বুকে ফিন্‌কি দিয়ে রক্ত পড়তে লাগলো। তার চেহারা দেখে আমার মন গেল ঘুণায় ভরে। দিদিমাও চীংকার করে উঠে ভয়ানক ঝগতে লাগলেন।

বাড়িতে ফিরে এসেই বোর্ডারটির কাছে ছুটে গিয়ে তাকে বৃত্তান্তটি বলতে আরম্ভ করলাম। তিনি কাজ ফেলে রেখে আমার সামনে দাঁড়িয়ে আমার মুখের দিকে চব্বার হস্তর দিয়ে স্থির ও কঠোর দৃষ্টিতে তাকিয়ে রইলেন। তার পর হঠাৎ আমাকে বাধা দিয়ে

অস্বাভাবিক জোরের সঙ্গে বলে উঠলেন, “চমৎকার করেছ! চমৎকার!”

যে-দৃশ্য আমি দেখেছিলাম তাতে এমন অভিভূত হয়ে পড়েছিলাম যে, তাঁর কথাগুলি আমাকে বিস্মিত করলে না, আমি বৃত্তান্তটি বলেই চললাম। কিন্তু তিনি আমাকে হাত দিয়ে জড়িয়ে ধরলেন। তারপর আমাকে ছেড়ে দিয়ে ঘরের মধ্যে অস্থিরতার সঙ্গে পায়চারি করতে লাগলেন। বললেন, “ও-ই যথেষ্ট। আমি আর শুনতে চাই না। যা দরকার তুমি সবই বলেছ, বাবা—সব, বুঝলে?”

তাতে আমি অসম্বস্ত হলাম; কোন জবাব দিলাম না। কিন্তু পরে বিষয়টি আবার চিন্তা করে, তিনি যে আমাকে ঠিক ক্ষণটিতে নিরস্ত করেছিলেন, এটা আবিষ্কার করে বিস্মিত হয়েছিলাম। প্রকৃত পক্ষে যা বলার ছিল আমি সবই তাঁকে বলেছিলাম।

তিনি বললেন, “এই ঘটনাটির কথা ভেব না, বাবা। বিষয়টি মনে রাখবার মতো ভালো নয়।”

কখন কখন ক্ষণিকের আবেগে তিনি যে-সব কথা বলেছিলেন, আমি কখন সে-সব ভুলি নি। মনে পড়ে, তাঁকে আমার শত্রু ক্লিউশনিকফের কথা বলেছিলাম। সে ছিল নিউ ইয়র্কের এক যোদ্ধা—দেহটি স্থূল, মাথাটি প্রকাণ্ড। যুদ্ধে তাকে আমি পরাস্ত করতে পারতাম না, সেও আমাকে পরাস্ত করতে পারতেন না। “ভাল-কাজ” আমার অনুরোধ খুব মন দিয়ে শুনে বলেছিলেন, “ও-সব বাজে! ও ধরনের গায়ের জোর কোন কাজে লাগবে না। সত্যিকারের জোর হচ্ছে ক্ষিপ্ৰকারিতার মধ্যে। যে শত্রু পেয়ে ক্ষিপ্ৰ সে-ই শক্তি-শালী। বুঝলে?”

পরের রবিবারে আমি খুব ক্ষিপ্ৰতার সঙ্গে ঘুবি চালিয়েছিলাম



এবং ক্লিউশনিকফকে পরাস্ত করেছিলাম সহজেই। তাতে বোর্ডারটি কখন আমি আরও বেশি করে মনোযোগী হই।

“সব রকমের কিছু ধরতে শিখবে, বুঝলে? ধরতে শিখা বড় কঠিন।”

আমি তাঁকে একটুও বুঝতাম না, কিন্তু আপনা হতেই এ কথা এবং এই ধরনের আরও অনেক উক্তি আমার মনে আছে। তবে বিশেষ করে মনে আছে এটি। কারণ কথাটি ছিল এমন সরল যে অত্যন্ত রহস্যভরা। একটা চিল, এক টুকরো রুটি, একটা পেয়লা বা একটা হাতুড়ি ধরতে অসাধারণ কৌশলের দরকার হয় না।

তবে আমাদের বাড়িতে তাঁকে সকলে পছন্দ করতে লাগলো ক্রমেই কম। এমন কি সেই আমুদে মহিলাটির বিড়ালটিও অগ্নের কোলে যেমন লাফিয়ে উঠতো তাঁর কোলে তেমন লাফিয়ে উঠতো না। তিনি তাকে যখন কোমল কণ্ঠে ডাকতেন সে ফিরেও তাকাতো না। সে জ্ঞাত্তে আমি তাকে মেরে ছিলাম, তার কান ধরে টেনে ছিলাম এবং প্রায় কঁাদ কঁাদ হয়ে তাকে বলেছিলাম, “লোকটিকে ভয় করে না।”

তিনি বলেছিলেন, “আমার পোশাকে অ্যাসিডের গন্ধ বলে ও আমার কাছে আসে না।” কিন্তু আমি জানতাম প্রত্যেকে, এমন কি দিদিমাও সম্পূর্ণ অগ্র রকম কৈফিয়ৎ দিতেন। কৈফিয়ৎটা ছিল রুট, মিথ্যা ও ক্ষতিকর।

দিদিমা রাগের সঙ্গে একদিন জানতে চাইলেন, “তুমি সব সময় ওর সঙ্গে লেগে থাক কেন? ও তোমাকে ধারণা কিছু শেখাবে দেখে নিও!”

বোর্ডারটির কাছে আমি গেলেই বদমাশ আমাকে নিষ্ঠুরভাবে ধরতেন। তাঁর দৃঢ় বিশ্বাস জন্মেছিল, লোকটি বদমায়েশ।

তঁার সঙ্গে যে বন্ধুত্ব করতে আমাকে নিবেদন করা হয়েছিল সে কথা আমি “ভাল কাজকে” বলতাম না, কিন্তু বাড়িতে তঁার সখ্কে কি বলা হ’ত সে কথা অকপটে বলে যেতাম। “দিদিমা আপনাকে ভয় করেন। তিনি বলেন, আপনি ষাছুকর। দাদামশায়ও—তিনি বলেন, আপনি ভগবানের শত্রু। আপনাকে এখানে রাখা বিপদের।”

আমার কথা শুনে তিনি মাথার চারধারে এমন ভাবে হাত নেড়েছিলেন যেন মাছি তাড়াচ্ছেন; কিন্তু তঁার খড়ির মতো সাদা মুখে লজ্জার রক্তিমাতার মতো একটু হাসি ছড়িয়ে গিয়েছিল, আর আমার অন্তর হয়ে পড়েছিল সঙ্কুচিত, চোখের সামনে যেন বিছিয়ে যাচ্ছিল কুয়াশা।

তিনি বলেছিলেন, “বটে! ছুঃখের। তাই নয় কি?”

—“হাঁ।”

—“ছুঃখের, বাবা—হাঁ।”

অবশেষে দাদামশায় তাঁকে ঘর ছাড়বার নোটিশ দেন। একদিন সকালে জলযোগের পর তঁার কাছে গিয়ে দেখি তিনি মেঝের বসে কাঠের বাস্কে জিনিষপত্র ‘প্যাক’ করছেন। আর আশ্বে আশ্বে গাইছেন দিদিমার সেই গল্পের শেষ ছত্র দুটি।

তিনি বললেন, “বিদায় বন্ধু; আমি চলে যাচ্ছি।”

—“কেন?”

তিনি আমার দিকে স্থির দৃষ্টিতে তাকিয়ে বললেন, “এ কি সম্ভব যে তুমি জান না? এই ঘরখানা তোমার মায়ের জন্যে দরকার।”

—“কে বললে তা?”

—“তোমার দাদামশায়।”

—“তাহলে তিনি মিছে কথা বলেছেন !”

“ভাল-কাজ” আমাকে তাঁর কাছে টেনে নিলেন। আমি মেঝের তাঁর পাশে বসলে তিনি কোমলভাবে বললেন, “রাগ করো না। মনে করেছিলাম, তুমি এ বিষয় জান, আমাকে বলতে চাও না। মনে করেছিলাম, তুমি আমার সঙ্গে ভাল ব্যবহার করছো না।”

সেই জন্মেই তাঁর ভাব হয়েছিল বিষণ্ণ ও বিরক্ত।

তিনি প্রায় আমার কানে কানে বলে বেতে লাগলেন, “শোন ! মনে পড়ে, তোমাকে যখন আমার কাছে আসতে বারণ করেছিলাম ?”

আমি মাথা নাড়লাম।

—“তুমি অসন্তুষ্ট হয়েছিলে, হও নি ?”

—“হাঁ।”

—“কিন্তু, খোকা, তোমাকে অসন্তুষ্ট করবার কোন ইচ্ছে আমার ছিল না। জানতাম, তুমি যদি আমার সঙ্গে ভাব করো, তাহলে বাড়িতে তোমাকে গোলমালে পড়তে হবে। আমি ঠিক ভাবি নি ? এখন বুঝলে কেন আমি একথা বলেছিলাম ?”

আমার সমবয়সী বালকের মতো তিনি কথাগুলি বলে গেলেন। তাঁর কথায় আমি আনন্দে আত্মহারা হয়ে পড়লাম। মনে হল, আমি যেন বরাবরই তা জানতাম; বললাম, “অনেক আগে আমি তা বুঝেছিলাম।”

—“দেখ, যা বলেছি তা হয়েছে।”

আমার অন্তর-বেদনা হয়ে উঠলো প্রায় অসহনীয়। বললাম, “ওরা কেউ আপনাকে পছন্দ করে না কেন ?”

তিনি আমাকে হাত দিয়ে জড়িয়ে পায়ের সঙ্গে চেপে ধরে বললেন, “আমি অল্প ধাতের মানুষ—বুঝলে ? তাই। আমি ওদের মতো নয়—”

আমি তাঁর হাতে ধরে রইলাম, বুঝতে পারলাম না কি বলি। প্রকৃতপক্ষে, কিছু বলতে একেবারে অক্ষম হয়েছিলাম।

তিনি আবার বললেন, “রাগ করো না! কেঁদও না!” কিন্তু ঝাপসা চষমা জোড়ার তলা দিয়ে তাঁর নিজের চোখের জল পড়ছিল আঝোরে।

তারপর আমরা অন্য দিনের মতো নীরবে বসে রইলাম; কেবল দু’ একটি কথায় কদাচিৎ সে নীরবতা ভঙ্গ হতে লাগলো। এবং সেই দিন শেষবেলায় তিনি প্রত্যেকের কাছে বিদায় নিলেন এবং আমাকে নিবিড় আলিঙ্গন করলেন। আমি তাঁর সঙ্গে ফটক অবধি গেলাম; দেখলাম, তিনি ঘোড়ার গাড়িতে চলে গেলেন। গাড়ির চাকা যখন হিমে জমাট কাদার স্তূপের ওপর দিয়ে যাচ্ছিল, তখন তাঁব ভয়ানক ঝাঁকি লাগছিল।

দিদিমা অবিলম্বে নোংরা ঘরখানা পরিষ্কার করতে ও ঝাঁকি দিতে আরম্ভ করলেন। আর আমি ইচ্ছা করেই তাঁকে বাধা দিতে একোণে ও-কোণে ঘুরে বেড়াতে লাগলাম।

তিনি আমার গায়ে হৌচট লেগে পড়ে গিয়ে বলে উঠলেন, “বাও এখান থেকে!”

—“তোমরা ঠুঁকে সরিয়ে দিলে কেন?”

—“বা বোঝ না সে-বিষয়ে কথা বোল না।”

—“তোমরা বোকা—সকলেই!”

ভিজ্ঞে গাভাটা দিয়ে আমাকে একবার টেঁট করে মেরে তিনি বললেন, “এই ক্ষুদ্রে হতভাগা, তুই কি পারছিস?”

তাঁকে শাস্ত করবার চেষ্টায় বসলাম, “তোমার কথা বলছি না, আর সকলের কথা বলছি।”

কিন্তু তাতে কোন কাজ হল না।

রাত্রে খেতে বসে দাদামশায় বললেন, “ভগবানকে ধন্যবাদ যে সে চলে গেছে! ওর যা দেখেছি, তাতে ওর বুকে একদিন যদি ছোঁরাও বিঁধে থাকতে দেখতাম তাহলে অবাক হতাম না। ঠিক সময়ই গেছে!”

প্রতিশোধস্বরূপ আমি একটি চামচ ভেঙে ফেলে আবার আমার স্বাভাবিক রুক্ষ সহিষ্ণুতায় ফিরে এলাম। এই ভাবে আমার স্বদেশের অসংখ্য বন্ধুবর্গের প্রথম বন্ধুটির সঙ্গে বন্ধুত্বের অবসান ঘটলো। আমার সর্বোৎকৃষ্ট দেশবাসী হচ্ছেন তারা।

## নবম পরিচ্ছেদ

তৈশবে আমি যেন ছিলাম একটি মৌচাক। মৌমাছি যেমন চাকে মধু আনে, তেমনি নানা ধরনের সরল ও অধ্যাত ব্যক্তিগণ তাদের জীবনের অভিজ্ঞতা ও চিন্তাধারা এনে তাদের যা দেবার তাই দিয়ে আমার মনকে মুক্তহস্তে সম্পদশালী করে তুলে ছিল। মধুটুকু প্রায়শই হত ময়লা ও তিক্ত, তবুও তা ছিল জ্ঞান—ও মধু।

“ভাল-কাজ” চলে যাবার পর পিটারথুড়ো হয়েছিলেন আমার বন্ধু। তাঁকে দেখতে ছিল, দাদামশায়ের মতো। তিনিও ছিলেন গুরু-শীর্ণ, পরিষ্কার-পরিচ্ছন্ন। কিন্তু তিনি ছিলেন মাধার খাটো, দাদামশায়ের চেয়ে একেবারেই ছোট। তাঁকে বয়স্ক লোকের মতো দেখাতো না। মনে হত তিনি যেন রীতি করবার জন্য বয়স্ক লোকের পোশাক পরেছেন। ...তিনি কথা বলতেন গুন্‌গুন্‌ স্বরে, কখন কখন

খুব কোমল কণ্ঠে; কিন্তু আমার কেমন ধারণা ছিল, তিনি প্রত্যেককেই পরিহাস করেন।

“আমি যখন প্রথম তাঁর কাছে যাই, লেডী কাউন্টেন্স টাটিয়ান— তাঁর নাম ছিল লেকসিয়েন্সনা—আমাকে বলেন, ‘তোমাকে কামাবের কাজ করতে হবে।’ কিন্তু কিছুকাল পরে তিনি আমাকে সে কাজ ছেড়ে মালীর কাজে সাহায্য করবার আদেশ দিলেন। বললাম, ‘আচ্ছা, আমাকে শ্রমিকের কাজ না করতে হলেই হল! আমি কিছু মনে করবো না। আমাকে যদি শ্রমিকের কাজ করতে হয় তাহলে সেটা ঠিক হবে না।’ আর একবার তিনি বললেন, ‘পেৎরুশকা, তোমাকে মাছ ধরতে যেতে হবে।’ মাছ ধরি বা না ধরি আমার কাছে একই কথা; কিন্তু মাছকে আমি বললাম ‘বিদায়’। এলাম শহরে গাড়িওয়ালা হয়ে। তারপর থেকে এখানেই আছি, আর কিছুই হই নি। পরিবর্তনে আমার নিজের পক্ষে খুব বেশি ভাল কিছু করি নি। আমার একমাত্র সম্পত্তি হচ্ছে ঘোড়াটি। ওটা আমাকে কাউন্টেন্সটির কথা মনে করিয়ে দেয়।”

ঘোড়াটি ছিল বুড়ো ও সাদা রঙের; কিন্তু একদিন এক মাতাল রাজমিস্ত্রি সেটাকে নানা রঙে রঙিয়ে তুলতে আরম্ভ করে। কাজটা অবশ্য সে শেষ করে না। ঘোড়াটার পা চারখানা ধিয়েছিল গ্রহি থেকে খুলে। সেইজগৎ দেখাতো যেন কতকগুলো গ্লাকড়া এক সঙ্গে সেলাই করা। তার নিশ্চয় চোখ দুটি ছোট ছোট হাড়-বার-করা মাথাটা যেন ফোলা ও পুরোনো, জীর্ণ চামড়া দিয়ে মৃতদেহটাতে হালকা ভাবে লাগানো ছিল। পিটার বুড়ো অভ্যস্ত সন্ত্রমের সঙ্গে প্রাণীটির সেবা করতেন; আর তাকে ডাকতেন ‘তানকো’ বলে।

দাদামশায় একদিন তাঁকে জিজ্ঞেস করে ছিলেন, “তুমি ঐ জন্তটাকে খ্রীষ্টান নামে ডাকো কেন?”

—তিনি বলেন, “না, বাসিলি বাসিলেফ, ওরকম কিছুই করি না—সম্মান করে বলে থাকি। তানকা বলে কোন খ্রীষ্টান নামে নেই—‘তাতিয়ানা’ আছে।”

পিটার-খুড়ো ছিলেন শিক্ষিত। তাঁর পড়াশুনো ছিল অনেক। কোন্ সাধু-মহাত্মা সব চেয়ে বেশি পবিত্র এই নিয়ে তিনি আর দাদামশায় তর্ক করতেন। কখন কখন তর্কটা হ’ত সম্পূর্ণ ব্যাকরণ-গত।...তিনি সাধারণত বাচাল, সংপ্রকৃতি ও আমুদে হলেও এমন এক এক সময় আসতো যখন তাঁর চোখ দুটো হ’ত মরা মানুষের মতো লাল ও স্থির। তিনি তখন তাঁর ভাইপোর মতো এক কোণে লুঙ্গু হয়ে বিষন্ন মৌন মূর্তিতে বসে থাকতেন।

জিজ্ঞেস করতাম, “আপনার কি হয়েছে পিটার-খুড়ো?”

তিনি মুখ কালো করে কঠোর ভাবে বলতেন, “আমার কাছ থেকে সরে যাও!”

আমাদের রাস্তার ছোট ছোট বাড়িগুলোর একখানিতে একটি ভদ্রলোক থাকতেন। তাঁর কপালে ছিল একটি আব, এবং কতকগুলি অভ্যাস ছিল অসাধারণ। রবিবারে জান্নায় বধে তিনি ‘শর্ট-গান’ দিয়ে কুকুর, বিড়াল, মুরগী, কাক, বা কিছু তাঁর সামনে পড়তো এবং যাকে তাঁর ভাল লাগতো না, তাকেই গুলি করতেন। একবার তিনি “ভাল-কাজের” পাজরায় গুলি করেছিলেন; ছররাগুলো তাঁর চামড়ার কোর্টটা ক্ষেদ করতে পারে নি, কিন্তু কতকগুলো পড়েছিল তাঁর পকেটে। সেই গাঢ়-নীল ছররাগুলোকে তিনি যে কৌতূহলের সঙ্গে পরীক্ষা করেছিলেন, তাঁর সে মুখের ভাব

আমি কখন ভুলবো না। সে-বিষয়ে নাগিশ করবার জন্য দাদামশায় তাঁকে বোঝাবার চেষ্টা করেন; কিন্তু ছররাগুলো রাত্রাঘরের এক কোণে ছুড়ে ফেলে তিনি উত্তর দেন, “নাগিশের যোগ্য নয়।”

আর একবার আমাদের সেই অব্যর্থ সন্ধানীটি দাদামশায়ের পায়ে কয়েকটি ছররা গঁথে দিয়েছিলেন। দাদামশায় তাতে খুব রেগে কল্পপঙ্কের কাছে একখানি দরখাস্ত লেখেন এবং সেই রাত্তার আর যে-সব দুঃখ-ভোগী ও সাক্ষী ছিল তাদের সহই সংগ্রহ করতে থাকেন, কিন্তু দোষীটি হঠাৎ অদৃশ্য হয়।

পিটার-খুড়ো বাড়ি থাকলে গুলির আওয়াজ শুনতে পেলেই মাথাটা টুপি দিয়ে ঢেকে ফটকে ছুটে যেতেন। টুপিটার দুপাশে দুটো বড়-কান-ঢাকা ছিল। তিনি হাত দুখানা পিছনে কোটের লেজের তলায় লুকিয়ে লেজটা মোরগের মতো তুলে, পেটটা সামনের দিকে ঠেলে বার করে অব্যর্থ-সন্ধানীটির একেবারে কাছে পেভমেন্টের ওপর গভীর ভাবে গট গট করে পায়চারি করতেন। আমাদের বাড়ির সকলে বাইরে গিয়ে দাঁড়াতো। জানলায় সেই যোদ্ধা ভদ্রলোকটির রাঙা মুখখানা আর তাঁর কাঁধের ওপর তাঁর সুন্দরী স্ত্রীর মাথাটি দেখা যেত; বেংলেংগা হাউসের আড়িনা থেকে লোকে বেরিয়ে আসতো—কেবল ওব্‌সিয়ানিকফদের ছাই রঙের, প্রাণহীন বাড়িখানাতে প্রাণের কোন চিহ্ন দেখা যেত না।

পিটার-খুড়োর এই অভিযান কখন কখন হ'ত নিফল। শিকারী তাঁকে তাঁর গুলির যোগ্য শিকার বলেই মনে করতেন না। কিন্তু অন্ত সময়ে দোনলা বন্দুকটা বার বার করতো—হুম্ হুম্।

পিটার-খুড়ো ধীরে হুস্তে আমাদের কাছে ফিরে এসে মহা আনন্দে বলতেন, “ওর প্রত্যেকটা গুলিই ছুড়েছে মাঠের দিকে।”



একবার তাঁর কাঁধে ও ঘাড়ের কয়েকটা ছররা বেঁধে। দিদিমা সেগুলো ছুঁচ দিয়ে বার করে দেবার সময় তাঁকে উপদেশ দিয়েছিলেন, “ঐ জানোয়ারটাকে তোমরা আস্কারা দাও কেন? একদিন তোমার চোখ কানা করে দেবে।”

পিটার-খুড়ো অবজ্ঞাতরে টেনে টেনে উত্তর দিয়েছিলেন, “অসম্ভব আকুলিনা আইভানোভনা। ও অব্যর্থ-সঙ্কানীই নয়।”

—“কিন্তু ওকে আস্কারা দাও কেন?”

—“তুমি কি মনে করো আমি ওকে আস্কারা দিই? না! ভদ্র-লোকটিকে বিরক্ত করি।”

এবং হাতের তালুতে বার-করা গুলিটার দিকে তাকিয়ে তিনি বলেছিলেন, “ও অব্যর্থ-সঙ্কানীই নয়। কিন্তু সেখানে, আমার মনিব কাউনটেন্স টাটিয়ান লেকসিয়েভ্‌নার বাড়িতে মারমন্ট ইলিচ নামে একজন সৈনিক থাকতো। গিন্নী তাকে সর্বদা নিজের কাজেই ব্যস্ত রাখতেন। কিন্তু, দিদিমা, সে গুলি ছুড়তে জানতো বটে! সে বুলেট ছাড়া আর কিছুই ছুড়তো না। সে জড়বুদ্ধি ইগনাশ্‌কাকে তার কাছ থেকে চল্লিশ খাপ কি ঐ রকম তফাতে দাড় করিয়ে রাখতো; আর তার বেন্টে বেঁধে দিত একটা বোতল। বোতলটা তার পায়ের ফাঁকে বুলতো। ইগনাশ্‌কা পা ফাঁক করে দাঁড়িয়ে বোকার মতো হেসতো; আর মারমন্ট ইলিচ তার পিস্তল ছুড়তো—ফট—বোতলটা ধেঁত ভেঙে গুঁড়িয়ে। একবার ইগনাশ্‌কা মাছি না কি যেন গিলে ফেলে চমকে নড়ে ওঠে, আর বুলেটটা সোজা গিয়ে ঢোকে তাঁর হাঁটুতে। তখনই ডাক্তার ডাকা হয়। ডাক্তার তার পাখানা খুলে নেন। এক মিনিটের মধ্যেই সব চুকে যায়। পাখানাকে ধুসর দেওয়া হয়...”

—“কিন্তু হাবাটার হল কি?”

—“ও সে! ঠিক ছিল। জড়-বুদ্ধি যে তার হাত-পায়ের কি দরকার? জড়-বুদ্ধিতার ফলে সে প্রয়োজনের বেশি খাচ্চ-পানীয় পায়। প্রত্যেকেই জড়বুদ্ধিকে ভালোবাসে। তারা নিরীহ প্রকৃতির। জানো তো কথায় বলে, ‘নিম্নপদস্থ লোক বোকাই ভাল, তারা বেশি ক্ষতি করতে পারে না।’

এই ধরনের কথা-বার্তা দিদিমাকে আশ্চর্য্য করতো না। কেননা তিনি সে-সব শুনেছিলেন বহুব্যাপার, কিন্তু তাতে আমি অসোয়াস্তি বোধ করতাম। তাই তাঁকে জিজ্ঞেস করেছিলাম,

“সেই ভদ্রলোকটি কি কাউকে খুন করতে পারবেন?”

—“কেন পারবেন না? নিশ্চ—যই পারবেন!...এমন কি একবার ‘ডুয়েলও’ লড়েছিলেন। টাটিয়ানা লেকসিয়েভনার কাছে একবার একজন আলহান এসেছিল। মারমন্টের সঙ্গে তার ঝগড়া হয়। মুহূর্তের মধ্যে তারা পিস্তল হাতে নিয়ে গেল পার্কে। সেখানে রাস্তার ওপর আলহানটি মারমন্টের লিভারের মধ্য দিয়ে গুলি চালিয়ে দিলে। তারপর মারমন্টকে পাঠানো হল গির্জার গোরস্থানে আর আলহান-টাকে পাঠানো হল, ককেসাসে...খুব অল্প সময়ের মধ্যেই সমস্ত ব্যাপারটা যায় চূকে।...এখন তার কথা কেউ আর বলে না। লোকে তার জন্তে বেশি দুঃখ করে না; তার নিজের লোকে তার ক্রোধন দুঃখও করে নি...তবুও এক সময়ে দুঃখ করতো—তার বিধিরের জন্তে।”

দিদিমা বললেন, “তাহলে তারা বেশি দুঃখ করছে না।”

পিটার-খুড়ো তাঁর সঙ্গে একমত হলেন বললেন, “তা ঠিক!...তার বিষয়-সম্পত্তি...হাঁ, বিশেষ কিছু ছিল না।”

আমি যেন বয়স্ক ব্যক্তি এমনি ভাব দেখিয়ে তিনি আমার সঙ্গে সদয় ব্যবহার করতেন, তেমনি ভাবে কথা-বার্তা বলতেন, আমার চোখের

দিকে সোজা তাকাতেন। কিন্তু তা সত্ত্বেও তাঁর চারধারে এমন কিছু ছিল যা আমি পছন্দ করতাম না। তিনি আমাকে আমার প্রিয় জ্যাম খাওয়াতেন এবং বাকি যেটুকু থাকতো সেটুকু আমার কুটিতে মাখিয়ে দিতেন। আমার জন্মে শহর থেকে আনতেন শুকনো আদা-কুটির গুঁড়ো। তিনি আমার সঙ্গে কথা বলতেন শান্ত ও গভীর স্বরে।

“তুমি বড় হলে কি হবে? সামরিক বিভাগে বা অসামরিক বিভাগে চুকবে?”

—“সামরিক বিভাগে—সেনাদলে।”

—“ভাল! আজকাল সৈনিকের জীবন কঠোর নয়। পাদ্রিব জীবনও খারাপ নয়...তাকে করতে হয় কেবল মন্ত্র উচ্চারণ, ভগবানের কাছে প্রার্থনা! তাতে বেশি সময় লাগে না। বাস্তবিক পক্ষে সৈনিকের চেয়ে পাদ্রির কাজ সহজ...কিন্তু ছেলের কাজ আরও সহজ। ওতে কোন শিক্ষারই দরকার হয় না; ওটা হল কেবল অভ্যাসের ব্যাপার।”

মাছ কি করে টোপের চারধারে ঘুরে বেড়ায় তিনি তা মজার সঙ্গে নকল করে দেখাতেন। আরুপারচ, মুগিল, ব্রীম মাছ ঝড়সিতে ধরা পড়লে কি রকম করে লাফায় তাও দেখিয়ে দিতেন।

তিনি সান্ত্বনামাথা সুরে বলতেন, “দাদামশায় তোমাকে কেঁচু মারলে তুমি রাগ কর। কিন্তু বাবু, তাতে তোমার রাগ করার কিছু নেই। বেতমারা হচ্ছে তোমার শিক্ষার একটি অংশ। তুমি যে-সব বেত খাও ও তো ছেলে-খেলা। আমার মনিব ছোটগান লেকসিয়েভনা কি রকম করে পিটতেন তোমার দেখা উচিত। তিনি ঠিক মতো মারতে পারতেন। বিশেষ করে সেজগ্লেই তিনি একটি লোকও রেখেছিলেন। লোকটির নাম ছিল, ব্রীস্টোফার। সে এমন

ভাল করে তার কাজটি করতে যে আশ-পাশের জমিদার-বাড়ি থেকে কাউন্টেসের কাছে তাঁরা খবর পাঠাতেন, “টাটিয়ানা লেকসিয়েভনা, আমাদের ঘারোয়ানকে বেত মারবার জন্তে অনুগ্রহ করে খ্রীস্টোফারকে পাঠাবেন।’ আর, তিনি খ্রীস্টোফারকে ছেড়ে দিতেন।”

তাঁর নিজস্ব সাদা-সিঁধে বর্ণন-ভঙ্গিতে তিনি বর্ণনা করতেন, কাউন্টেস্ সাদা মসলিনের ফ্রক পরে, মাথায় খুব পাতলা ও আশমানী রঙের রুমাল বেঁধে একটা থামের পাশে সিঁড়ির ওপর লাল রঙের আরাম-চেয়ারে বসে কেমন ভাবে দেখতেন। আর খ্রীস্টোফার তাঁর সামনে চাবীদের মেয়ে-পুরুষকে বেত মারতো।

“এই খ্রীস্টোফারটা এসেছিল রিয়াজান থেকে। তাকে দেখাতো বেদের মতো। তার গোঁফজোড়া কান ছাড়িয়ে বেরিয়ে থাকতো। তার কুংসিং মুখখানার যে-সব জায়গার দাড়ি কামাতো সে-সব জায়গার রঙ ছিল নীল। সে হয় ছিল বোকা অথবা বোকার ভান করতে যাতে তাকে বাজে প্রশ্ন করা না হয়। কখন কখন সে মাছি আর আরগল! ধরবার জন্তে পেয়ালায় জল ঢালতো! তারপর সেগুলোকে আগুনে সিঁদ্ধ করতো।”

এই ধরনের অনেক গল্পের সঙ্গে আমার পরিচয় ছিল। সেগুলো শুনেছিলাম দাদামশায় ও দিদিমার মুখে। গল্পগুলো বিভিন্ন হলেও সেগুলো অদ্ভুত রকমে ছিল এক ধরনের। প্রত্যেকটি গল্পেই ছিল লোককে যন্ত্রণা দেওয়া হচ্ছে, বিদ্রূপ করা হচ্ছে বা তাড়িয়ে দেওয়া হচ্ছে। শুন্তে শুন্তে ক্লান্ত হয়ে পড়েছিলাম; শুন্তে আর ইচ্ছা হত না। তাই গাড়িওয়ালাটিকে একদিন বললাম, “আমাকে অল্প ধরনের গল্প বলুন।”

তিনি মুখ বিকৃত করে বিনীত কণ্ঠে বললেন, “আচ্ছা লোভী! একবার আমাদের একটা রাঁধুনি ছিল—”

—“কাদের ছিল?”

—“কার্ডিনটেন্ টাটিয়ান লেকসিয়েভ্‌নার।”

—“আপনারা তাঁকে টাটিয়ান বলেন কেন? তিনি পুরুষ মানুষ ছিলেন না, ছিলেন কি?”

তিনি তীক্ষ্ণ স্বরে হেসে উঠলেন।

“নিশ্চয়ই ছিলেন না। তিনি ছিলেন মহিলা। তবুও তার গৌফ-নাড়ি ছিল। তাঁর গায়ের রঙ ছিল কালো। এক কালো জার্মান বংশে তাঁর জন্ম হয়... তাঁরা হচ্ছেন নিগ্রো-জাতের লোক। হ্যাঁ যা বলছিলাম, এই রাঁধুনিটা—গল্পটি মজার, বুঝলে বাবু।”

এই “মজার গল্পটি” ছিল এই যে, একবার রাঁধুনিটি মাছের একটা তরকারি নষ্ট করে ফেলে। তরকারিটা তাকেই খাওয়ান হয় : খেয়ে সে অস্থখে পড়ে।

আমি রাগের সঙ্গে বললাম, “গল্পটা একটুও মজার নয়!”

—“মজার গল্প সম্বন্ধে তোমার ধারণা কি? বল! শোনা যাক্।”

—“জানি না।”

—“তাহলে চুপ করে থাকো,” বলে তিনি আর একটা নীচু গল্প বললেন।

মাঝে মাঝে রবিবারে ও ছুটির দিনে, আমার মামাতো ভাইয়েরা, আমাদের বাড়িতে বেড়াতে আসতো। সাসকা আইখেলফ ছিল অলস, বিষন্ন আর সাসকা জাকফ্ ছিল পত্রিকার-পরিচ্ছন্ন সবজাস্তা। একবার আমরা তিনজনে ছাদে প্রমোদ ভ্রমণে গেলাম। সেখান থেকে দেখতে পেলাম, বেংলেংগা হাউসের আড়িনায় একটা কাঠের গাদার

ওপর সবুজ রঙের ফার দেওয়া কোট গায়ে একটি ভদ্রলোক বসে কয়েকটি কুকুর ছানা নিয়ে খেলা করছেন। তাঁর ছোট, হলুদে রঙের কেশবিরল মথাটিতে টুপি ছিল না। তাইয়েদের মধ্যে একজন একটি কুকুরছানা চুরির প্রস্তাব করলে। তারা নিমেষে একটি কৌশলও উদ্ভাবন করে ফেললে। ঠিক করলে তারা নিচে রাস্তায় গিয়ে বেংলেংগার আড়িনায় ঢোকবার পথে দাড়িয়ে থাকবে, আর আমি ভদ্রলোকটিকে ভয় দেখাবার জন্য কিছু করবো। তিনি ভয়ে পালালেই তারা ছুটে আড়িনায় গিয়ে একটা কুকুর ছানা ধরবে।

—“কিন্তু আমি কেমন করে ওকে ভয় দেখাবো?”

আমার মামাতো তাইয়েদের মধ্যে একজন পরামর্শ দিলেন,  
“ওর টাকে খুখ ফেলা।”

কিন্তু লোকের মাথায় খুখ ফেলা কি সাংঘাতিক পাপ নয়? বাহোক আমি বার বার শুনে ছিলাম এবং স্বচক্ষে দেখেও ছিলাম যে, লোকে তার চেয়েও অনেক খারাপ কাজ করেছে। তাই আমি বিশ্বস্ততার সঙ্গে আমার চুক্তির অংশ পালন করলাম; আর সচরাচর যেমন হয় তাতে সফলও হলাম।

ভয়ঙ্কর গোলমাল আরম্ভ হ'ল। স্ত্রী-পুরুষের একটি বাহিনী ছুটে বেরিয়ে এল বেংলেংগা হাউসের আড়িনায়। তাদের আশে-আশে এলেন এক প্রিয়দর্শন, তরুণ সামরিক কর্মচারী। কাজটি যখন অসুষ্ঠিত হয় আমার মামাতো তাইয়েরা তখন শাস্তি ভাবে পথ দিয়ে যাচ্ছিল। তারা আমার উচ্ছ্বলতার বিষয় কিছুই জানতো না বলে, কেবল আমিই দাদামশায়ের হাতে মার খেলাম। তাতে বেংলেংগা হাউসের বাসিন্দারা একেবারে স্তম্ভিত হলেন।

সারা গায়ে মারের দাগ নিয়ে আমি রাস্তাঘরে যখন পড়ে ছিলাম,

পিটার-খুড়ো তাঁর সব চেয়ে ভাল পোশাকটি পরে আমার কাছে এলেন। তাকে দেখাচ্ছিল ভারী খুশি।

তিনি আমার কানে কানে বললেন, “তোমার মতলবটা ছিল খাসা, বাবু। ঐ বেয়াকুব ধাড়ী ছাগলটা ওরই যোগা—পায়ে খুখু দেবার! পরের বার ওর পচা মাথাটায় ঢিল মের!”

আমার চোখের সামনে ভেসে উঠলো, ভদ্রলোকটির গোলাকার, কেশবিরল, শিশুর মতো মুখখানি। মনে পড়লো, হলদে মাথাটা মুছতে মুছতে তিনি কুকুর-ছানার মতো কি রকম ক্ষীণ, কাতরস্বরে চীৎকার করে উঠেছিলেন। লজ্জায় ও আমার গামাতো ভাইয়েদের প্রতি স্নায় অভিভূত হয়ে পড়লাম। কিন্তু গাড়িওয়ালাটির কুঞ্চিত মুখখানার দিকে ডাকিয়ে সে কথা গেলাম ভুলে। তার মুখখানা তখন হয়ে উঠেছিল দাদামশায় যখন আমাকে মারতেন তখনকার মতো।

বলে উঠলাম, “দর হও!” এবং তাঁকে লাথি ও ঘুষি মারলাম।

তিনি মুখ টিপে হাসলেন : এবং ঘাড় ফিরিয়ে আমাকে চোখের ইসারা করে ঘর থেকে গেলেন বেরিয়ে।

তখন থেকে তার সঙ্গে আমার কথবার্তা বলার ও নিশবার ইচ্ছাটা চলে গেল। প্রকৃতপক্ষে, আমি তাঁকে এড়িয়ে চলতে লাগলাম। তবুও তাঁর চলা-ফেরা দেখতে লাগলাম সন্দেহের সঙ্গে। মনে কেমন এক আবছা ধারণা জন্মালো যে, তাঁর সম্বন্ধে কিছু একটা আবিষ্কার করবো। বেংলেংগা হাউসের সেই ভদ্রলোকটি সংক্রান্ত ঘটনাটির পর, আর এক ব্যাপার ঘটলো। ওবসিয়ানিকফ-হাউস সম্বন্ধে অনেক দিন ধরে আমার কৌতূহল ছিল। মনে হ’ত, তার ছাইরঙের বহির্ভাগটার অন্তরালে লুকানো আছে এক রহস্যময় কাহিনী।

বেংলেংগা হাউসটি সব সময় থাকতো হল্লা ও আমোদ-প্রমোদে

গশগল। সেখানে অনেক সুন্দরী মহিলা থাকতেন। তাঁদের কাছে আসতো বড় বড় সরকারী কর্মচারী ও ছাত্রেরা। সেখান থেকে অনবরত হাসির ও গানের শব্দ, সঙ্গীত-যন্ত্রের আওয়াজ আসতো। জানলায় বকবকে সাসি বসানো সেই বাড়িখানার সামনেটাও দেখাতো আনন্দে ভরা।

দাদামশায় তা পছন্দ করতেন না। বাড়িখানার বাসীন্দাদের সম্বন্ধে তিনি বলতেন, “ওরা বিধর্মী...ওদের সকলেই নাস্তিক।” আর বাড়ির স্নায়ুকদের সম্বন্ধে অপ্রীতিকর শব্দ ব্যবহার করতেন।...

কিন্তু কঠোর, নীরস ও বসুনিয়াকফ হাউসটা দাদামশায়ের সম্মুখ জাগাতো।

এই একতলা উঁচু বাড়িখানি ছিল বাসে ঢাকা একখানি মাঠের একধারে। মাঠখানি ছিল শূন্য; কেবল তার মধ্যখানে ছিল একটি কুয়া। কুয়াটির দুপাশে ছিল দুটো খুঁটি। খুঁটি দুটোর মাথায় ছিল একখানি চাল। বাড়িখানা যেন রাস্তার কাছ থেকে লুকোবার ইচ্ছায় সরে গিয়েছিল। তার ছেনি-দিয়ে-কাটা দুটো জানলা মাটি থেকে ছিল কতকটা উঁচুতে। তার ধুলোমাথা সাসি দুখানার গায়ে রৌদ্র পড়ে তাতে রামধনুর রঙ ফুটে উঠতো। কটকটার আর একধারে ছিল একটি ভাণ্ডার-গৃহ। সেটির সামনেটা ছিল ঠিক বাড়িখানার মতো। এমন কি তার জানলা তিনটেও ছিল সেই রকম। তবে জানলা তিনটি আসল ছিল না ছিল নকল। জানলা তিনটিকে দেখলে মনে কেমন একটা অশুভ ভাব জাগতো। মনে হত শূন্য আস্তাবক ও প্রশস্ত দরজা শূন্য গাড়ি রাখবার ঘরখানা সুন্দর সমস্ত বাড়িখানিতেই যেন রয়েছে একটা চাপা রাগ বা গুপ্ত অহঙ্কার।

কখন কখন দেখা যেত এক দীর্ঘাকার বৃদ্ধ খোঁড়াতে খোঁড়াতে মাঠে



ঘুরে বেড়াচ্ছেন। তাঁর গৌফগুলো মুখের দুপাশে শক্ত ছুঁচের মতো বেরিয়ে থাকতো। আর এক সময়ে অপর একটি বুদ্ধ আস্তাবল থেকে একটি ধূসর রঙের লম্বা গলা ঘোটকীকে বার করে আনতেন। বুদ্ধটির মুখে ছিল দাড়ি-গৌফ; নাকটা ছিল বাঁকা। ঘোটকীটার বুকটা ছিল সংকীর্ণ, পা চারখানা সরু। সে মাঠে বেরিয়ে এসেই 'নানের' মতো বেন অস্তোষ্টি সংকার করছে এম্মিভাবে হাঁটু লুইয়ে মাটি আঁচড়াতে। ধুঁটি শিষ দিতে দিতে ঘোটকীটির গলায় খাপ্পড় দিতেন। তারপর তাকে অন্ধকার আস্তাবলটির মধ্যে আবার নিয়ে যাওয়া হত। আমি ভাবতাম, বুদ্ধটি বেন বাড়ি থেকে পালিয়ে যেতে চাইছেন, কিন্তু তাঁকে গুণ করা হয়েছে বলে যেতে পারছেন না।

এক ধরনের পোশাক, ধূসর রঙের কোট ও পা-জামা পরে, তিনটি ছেলে প্রায় প্রত্যহ দুপুর থেকে সন্ধ্যা অবধি মাঠে খেলা করতো। তারা তিনজনে টুপিও পরতো একই রকমের। তাদের তিনজনেরই মুখ ছিল গোল, চোখ ধূসর। তিনজনের চেহারায় ছিল এমন মিল যে, আমি কেবল উচ্চতা দেখে একজনকে আর একজন থেকে চিন্তে পারতাম।

বেড়ার ফাঁক দিয়ে আমি তাদের দেখতাম। তারা আমাকে দেখতে পেত না, কিন্তু আমি চাইতাম যে, আমি যে সেখানে আছি স্থায়ী তা জারুক। তারা যে-ভাবে আনন্দে ও মিলেমিশে খেলা করতো আমি তা পছন্দ করতাম। খেলাগুলো আমি জানতাম না। আমি তাদের বেশভূষা পছন্দ করতাম এবং তারা পরস্পরের প্রতি যে-রকম বিবেচনার সঙ্গে ব্যবহার করতো আমার তা ভালো লাগতো। সেটা বিশেষ করে দেখা যেত, ছোট ভাইটির প্রতি বড় ভাই-দুটির ব্যবহারে। ছোট ভাইটি ছিল ভারী মজার। দেখতে ছোট কিন্তু প্রাণে একেবারে ভরা।

সে পড়ে গেলে তারা হেসে উঠতো। কেউ পড়ে গেলে হাসা ছিল তাদের রীতি। কিন্তু তাদের হাসিতে কোনো বিদ্রোহ ছিল না। তারা তাকে সাহায্য করতে তখনই ছুটে যেত। সে যদি হাতে ও হাঁটুতে ধুলো-কাদা মাখতো তাহলে তারা গাছের পাতা বা কুমাল দিয়ে মুছিয়ে দিত; আর মেজ ছেলেটি বিদ্রোহশূন্য অন্তরে বলে উঠতো, “নোঙরা!”

তারা কখনো নিজেদের মধ্যে ঝগড়া করতো না, পরস্পরকে ঠকাতো না; এবং তিনজনেই ছিল চটপটে, বলিষ্ঠ ও অদম্য।

একদিন আমি একটা গাছে উঠে তাদের উদ্দেশ্যে শিব দিলাম। তারা ক্ষণিকের জন্তু পাখরের মতো নিশ্চল হয়ে দাঁড়ালো। তারপর শান্তভাবে পরস্পরের কাছে সরে গেল এবং ওপরে আমার দিকে তাকিয়ে স্থিরভাবে নিজেদের মধ্যে আলোচনা করতে লাগলো। তারা আমাকে ঢিল মারতে যাচ্ছে মনে করে আমি মাটিতে নেমে পড়লাম। এবং পকেটগুলোতে ঢিল পুরে আবার উঠলাম গাছে। কিন্তু তারা তখন আমার কাছ থেকে অনেকটা দূরে মাঠের এক কোণে খেলা করছিল। স্পষ্টত আমার কথা গিয়েছিল ভুলে। তাতে আমি খুব দুঃখিত হলাম। কারণ প্রথমত, আমার ইচ্ছা ছিল না যে, আগে আমি বৃদ্ধ শুরু করি; দ্বিতীয়ত, ঠিক সেই মুহুর্তে কে একজন জান্না থেকে বলে উঠলো, “ছেলেরা, তোমাদের এখন ভেতরে আসতে হবে।”

তারা তাড়াতাড়ি না করে নম্রভাবে হাঁসের মতো এক ‘ফাইলে’ চলে গেল।

বেড়ার ওপর গাছে আমি প্রায়ই মনে আশ্রয় নিয়ে বসে থাকতাম, যে, তারা আমাকে তাদের সঙ্গে খেলতে বলবে। কিন্তু তারা কখন ডাকতো না। তবে মনে মনে আমি তাদের সঙ্গে খেলতাম; এবং তাদের খেলায় এমন মুগ্ধ হয়ে যেতাম যে, কখন কখন চীৎকার করতাম

ও জোরে হেসে উঠতাম। তাতে তিনজনেই আমার দিকে তাকাতো এবং নিজেদের মধ্যে ধীর ভাবে আলোচনা করতো; আর আমি বিমূঢ়ের মতো মাটিতে নেমে পড়তাম।

একদিন তারা লুকোচুরি খেলছিল। মেজভাইটির লুকোবার পালা এলে সে ভাণ্ডারগৃহটির কোণে দাঁড়িয়ে সততার সঙ্গে চোখ বন্ধ করলে, একবারও উঁকি দিয়ে দেখবার চেষ্টা করলে না। আর অগ্ন্য ভাইয়েরা ছুটলো লুকোতে। ভাণ্ডার-গৃহের ছাঙ্গড়ে যে-চওড়া প্লেজটা ছিল বড় ভাইটি লঘু ও ক্ষত পদে ছুটে তার ওপর উঠলো, কিন্তু ছোট ভাইটি বড় মজা করে কুয়াটার চারধারে ঘুরতে লাগলো; কোথায় যে লুকোবে স্থির করতে পারলো না।

বড়টি চাঁৎকার করে বলে উঠলো, “এক—দুই—”

ছোট ভাইটি লাফ দিয়ে কুয়ার পাড়ে উঠে দড়িটা চেপে ধরে বালতিটির মধ্যে গিয়ে দাঁড়ালো। বালতিটাও তৎক্ষণাৎ পাড়ে ঢক করে একটা আওয়াজ করে অদৃশ্য হয়ে গেল। বেশ-করে তেল-দেওয়া চাকাখানা কি রকম তাড়াতাড়ি ঘুরে গেল তা দেখে আমি বিহ্বল হয়ে পড়লাম; কিন্তু মুহূর্তে ব্যাপারটা অনুধাবন করে মাঠে নেমে চাঁৎকার করে উঠলাম, “ও কুয়োয় পড়ে গেছে!”

মেজভাইটি ও আমি এক সঙ্গে গিয়ে পৌঁছলাম কুয়াটার ধারে। সে দড়িটা চেপে ধরলে; কিন্তু দড়িটা তাকে ওপরে টেনে তুলছে বুকে হাত ছেড়ে দিলে। আমি ঠিক সময়ে দড়িটা চেপে ধরলাম। বড় ভাইটি তখন এসে পড়েছিল। বালতিটা টেনে তুলতে আমাকে সাহায্য করতে করতে বললে, “আমুস্তে টানো!”

আমরা ছোট ছেলেটিকে তাড়াতাড়ি টেনে তুললাম। সে ভয় পেয়ে ছিল খুবই। তার ডান হাতের আঙুলে ছিল ফোটা ফোটা রক্ত,

গালটি গিয়েছিল সাংঘাতিক ছড়ে। তার কোমর অবধি ভিজে গিয়েছিল, মুখখানি হয়ে উঠেছিল নীল। কিন্তু সে হাসলো, তারপরই কেঁপে উঠলো এবং চোখ দুটি চেপে বন্ধ করলো। তারপর আবার হেসে ধীরে বললে, “যা—হোক আমি প—ড়ে গিয়েছিলাম?”

মেজ ভাইটি তাকে হাত দিয়ে জড়িয়ে ধরে রুমালে তার মুখের রক্ত মুছিয়ে দিতে দিতে বললে, “তুমি পাগল হয়ে ছিলে তাই এ রকম কাজ করেছ।”

বড় ভাইটি জ্রকুটি করে বললে, “আমাদের ভেতরে যাওয়া ভাল। কোন রকমেই আমরা এটি লুকোতে পারবো না।”

জিজ্ঞেস করলাম, “তোমাদের কি বেত মারা হবে?”

সে মাথা নেড়ে জানালো, হাঁ। তারপর হাতখানা বাড়িয়ে দিয়ে বললে, “তুমি কত তাড়াতাড়ি এখানে ছুটে এসেছিলে।”

তার প্রশংসায় আমি খুশি হলাম; কিন্তু তার হাত ধরবার অবসর আমার হল না। কেননা সে ভাইদের সঙ্গে কথা বলতে ফিরে দাঁড়ালো।

“চল ভেতরে যাই; না গেলে ওর সদি হবে। আমরা বলবো ও পড়ে গিয়েছিল, কিন্তু কুয়োটার কথা আমাদের বলবার দরকার নেই।”

ছোটটি কাঁপতে কাঁপতে বললে, “না, আমরা বলবো আমি খাদের মধ্যে পড়ে গিয়েছিলাম, বলবো কি?”

ভারা চলে গেল।

ব্যাপারটি এত তাড়াতাড়ি ঘটেছিল যে, মে-ডালটি থেকে আমি লাফ দিয়ে নেমে ছিলাম, ফিরে দেখলাম, সেটি তখনও হুলুছে আর তা থেকে হলদে পাতাগুলো টুপ টাপ করে পড়ছে।

ভাই তিনটি এক সপ্তাহ আর মাঠে এল না। এবং যখন এল তখন তারা আগের চেয়ে আরও হট্টগোল করতে লাগলো। বড় ভাইটি আমাকে গাছে দেখে কোমল কণ্ঠে বললে, “এস, আমাদের সঙ্গে খেলা করো।”

আমরা সকলে ভাগুর-গৃহের চালের নিচে পুরোনো প্লেজটার ভেতর জড় হলাম। প্রত্যেকে গম্ভীর ভাবে পরস্পরকে লক্ষ্য কবে অনেকসংখ্য কথ্য-বার্তা বললাম।

জিজ্ঞেস করলাম, “ওরা কি তোমাদের বেত মেরেছিল?”

—“কতকটা!”

আমার পক্ষে বিগ্ৰাস করা কঠিন হল যে, সেই সব ছেলেকে আমার মতো বেত মারা হয়েছে। তাদের জন্তে মনে দুঃখ হল।

সব চেয়ে ছোটটি জিজ্ঞেস করলে, “তুমি পাখী ধর কেন?”

—“কারণ ওদের গান শুনতে ভালোবাসি।”

—“কিন্তু ওদের তোমার দবা উচিত নয়; ওদের ইচ্ছেমতো উড়ে বেড়াতে দাও না কেন?”

—“দেব না, বুঝলে?”

—“তাহলে একটা ধরে আমাকে দেবে কি?”

—“তোমাকে?... কি রকমের?”

—“বেশ চটপটে, খাঁচায় করে।”

—“মিসকিন-পাখি...তুমি তাই চাও।”

—“বিড়ালে পাখিটাকে খেয়ে ফেলবে। তা ছাড়া, বাবা পাখিটা নিতে দেবেন না।”

বড়টি বললে, “না, নিতে দেবেন না।”

জিজ্ঞেস করলাম, “তোমাদের মা আছে?”

বড়টি বললে, “না।”

কিন্তু মেজটি তার কথা সংশোধন করে বললে, “আমাদের মা আছেন, কিন্তু তিনি আমাদের সত্যিকারের মা ন’ন। আমাদের মা মারা গেছেন।”

—“তাকে সংমা বলা হয়?”

—“হ্যাঁ।”

এবং তিনজনকেই দেখাতে লাগলো গভীর। তাদের মুখ কালো হয়ে উঠলো। দিদিমা আমাকে যে-সব গল্প বলতেন, আমি তা থেকে জানতাম সংমা কি। তাই তাদের হঠাৎ গাভীখোর কারণ বুঝতে পারলাম। তারা গুঁটির মধ্যে মটরের দানার মতো গা ঘেঁষাঘেঁষি করে বসে রইলো। মনে পড়ে গেল, সেই ডাইনী-সংমা যে-কৌশলে আসল মায়ের স্থান দখল করে ছিল তার কথা।

তাদের আশ্বাস দিয়ে বললাম, “তোমাদের আসল মা তোমাদের কাছে আবার ফিরে আসবেন, দেখ যদি না আসেন।”

বড় ছেলেটি কাঁধ সঙ্কচিত করলে।

—“মরে গেলে তিনি আসবেন কি করে? এককমের ব্যাপার ঘটে না।”

—“ঘটে না? ভগবান! কতবার মৃতেরা, তাদের একেবারে টুকরো টুকরো করে কেটে ফেলা হলেও, দেখা গেছে প্রাণসঞ্চারী জলের ছিটে দিতেই আবার বেঁচে উঠেছে। কত দেখা গেছে মৃতেরা আসলও হয় নি বা সেটা ভগবানেরও কাজ নয়, কেবল গুণীন বা ডাইনীর মনের ফল?”

উত্তেজিত হয়ে দিদিমার গল্পগুলো শুনতে আরম্ভ করলাম; কিন্তু বড়টি প্রথমে হেসে উঠে চাপা গলায় বললে, “ঐ সব রূপকথা আমার জানি!”

তার ভাইয়েরা নীরবে শুনতে লাগলো। ছোটটি ঠোট ছুধানা চেপে বন্ধ করে, গাল ফুলিয়ে, আর মেজ ভাইটি হাঁটুতে কনুইয়ের ভার দিয়ে তার ভাইয়ের যে হাতখানা তার গলা জড়িয়ে ছিল সেখানা ধরে।

তখন গোধূলি বেলা; বাড়ির চালের ওপর ভাসছে রক্ত মেঘদল। এমন সময় আমাদের সামনে হঠাৎ এলেন সেই সাদা গৌর বৃদ্ধ; গায়ে পাত্রের মতো দারুচিনির রঙের লম্বা পোশাক, স্নায়ু কঁকশ লোমের টুপি।

তিনি আমাকে দেখিয়ে জিজ্ঞেস করলেন, “এ কে?”

বড় ছেলেটি উঠে দাঁড়িয়ে দাদামশায়ের বাড়ির দিকে মাথা বাঁকিয়ে বললে, “ও ও-বাড়ির ছেলে।”

—“ওকে এখানে কে ডেকেছে?”

ছেলে কয়টি নীরবে শ্রদ্ধ থেকে নেমে বাড়িতে ঢুকে গেল! তাদের দেখে আমার একঝাঁক হাঁসের কথা মনে পড়লো।

বৃদ্ধ আমার কাঁধটা সাঁড়াশির মতো করে চেপে ধরে আগাকে ঠেলে নিয়ে গেলেন ফটকে। ভয়ে আমার কারা পেতে লাগলো; কিন্তু তিনি আমাকে এত লম্বা পায়ে তাড়াতাড়ি নিয়ে চললেন যে, রাস্তায় পৌঁছবার আগে আমি কাঁদবার সময়ই পেলাম না। তিনি ছোট কটকটিতে দাঁড়িয়ে আমাকে আঙুল তুলে শাসিয়ে বললেন, “শাসন কখন এখানে আসবার স্পর্ধা ধেন না হয়!”

আমি ভয়ানক রেগে উঠলাম; বললাম। “আমি কখন তোমার কাছে যে যেতে চাই নি, বৃদ্ধো শয়তান কোথাকার?”

আবার তিনি আমাকে লম্বা হাতে চেপে ধরলেন। এবং পেভ-মেন্টের ওপর দিয়ে টেনে নিয়ে যেতে যেতে বললেন, “তোমার দাদামশায় বাড়ি আছেন?”

তঁার গলার স্বর শুনে মনে হল, যেন তিনি আমায় হাতুড়ি দিয়ে ঘা মারছেন।

আমার পক্ষে দুঃখের বিষয় যে দাদামশায় বাড়িতেই ছিলেন। তিনি সেই ভীষণ রক্তটির সম্মুখে মাথাটি পিছন দিকে হেলিয়ে দাড়ি-গুলো সামনের দিকে এগিয়ে দিয়ে তঁার নিশ্চিন্ত, গোল, মাছের মতো চোখের দিকে তাকিয়ে তাড়াতাড়ি বললেন, “দেখন, ওর মা এখানে থাকে না। আমিও কাজে ব্যস্ত থাকি, কাজেই ওকে দেখবার কেউ নেই। আশা করি, কর্নেল, এবারটা ওকে ছেড়ে দেবেন।”

কর্নেল পাগলের মতো প্রলাপ বক্তৃতে বক্তৃতে পাঠকে কিছুক্ষণ ঘুরে বেড়ালেন; এবং তিনি চলে যেতে না যেতেই আমাকে পিটার-খড়োর গাড়ির ওপর ফেলে দেওয়া হ’ল।

ঘোড়াটাকে ব্যোম থেকে খুলতে খুলতে খড়ো জিজ্ঞেস করলেন, “বাবু, আবার গোলমালে পড়েছো? এখন তোমাকে কিসের জন্তে শাস্তি দেওয়া হচ্ছে?”

আমি তাকে ব্যাপারটি বলতেই তিনি জলে উঠলেন। “ওদের সঙ্গে বন্ধত্ব করতে চাও কেন? সাপের বাচ্চাগুলো! দেখ, ওরা তোমার ক করেছে। এটার তোমার পালা ওদের মার দেওয়া। দেওয়া চাই।”

অনেকক্ষণ ধরে তিনি এই ভাবে ফিস্‌ফিস্‌ করলেন। মারের ফলে আমার সর্কাজে দাগ পড়ে ছিল; তাই প্রথমে তঁার কথা শোনবার ইচ্ছা ছিল। কিন্তু তঁার কুঞ্চিত মুখখানা এমন ভাবে কাঁপছিল যে, প্রতি মুহূর্তে তা হয়ে উঠছিল বিস্মী। তাতে মনে পড়ছিল, সেই ছেলে কয়টিও মার খাবে, আমার মতে অকারণে।

বললাম, “ওদের বেত মারা উচিত নয়। কারণ ওরা সকলেই



ভাল। আর আপনার কথা, আপনি যা বলেন তার প্রত্যেকটি মিথ্যে।”

তিনি আমার দিকে তাকালেন এবং কোন রকম ভণিতা না করেই বলে উঠলেন, “আমার গাড়ি থেকে নেমে যাও!”

মাটিতে লাফ দিয়ে নেমে চাঁৎকার করে উঠলাম, “আহাম্মক!”

তিনি আমার পিছনে ছুটে ছুটে চাঁৎকার করতে লাগলেন, “আমি বোকা, আহাম্মক? আমি মিছে কথা বলি? দাঁড়াও তোমার ধরি আগে!”

কিন্তু তিনি আমাকে ধরতে পরলেন না। সেই মুহূর্তে দিদিমা বেরিয়ে এলেন; আমি ছুটে গেলাম তাঁর কাছে।

পিটার-থুড়ো তাকে বললেন, “এই ক্ষুদে হতভাগাটা আমাকে অস্তির করে তুলেছে! আমি বয়সে ওর চেয়ে পাঁচগুণ বড় তবুও আমাকে অপমান করতে, গাল দিতে সাহস করে...আমার মাকেও... মকলকেই।”

তাঁর এই রকম নিলজ্জ কথা শুনে আমি প্রত্যাশাশূন্য হারিয়ে ফেললাম। তাঁর দিকে নীরবের মতো তাকিয়ে থাকি ছাড়া আর কিছু করতে পারলাম না। কিন্তু দিদিমা কঠোর স্বরে উদ্ভব হলেন, “পিটার, তুমি যে এখন মিছে কথা বলছো এতে আর মনোহ নেই, ও তোমাকে কি কাউকেই অপমান করবে না।”

দাদামশাই গাড়িওয়ালাটাকে বিশ্বাস করতেন!

সেদিন থেকে আমাদের দুজনের মধ্যে শুরু হল এক নীরব কিন্তু তিক্ত দ্বন্দ্ব। তিনি আমাকে তাঁর খোঁড়ার লাগাম দিয়ে মারবার চেষ্টা করতেন কিন্তু ভাব দেখাতেন ভাল মানুষের মতো; খাঁচা খুলে

আমার পাখীগুলো উড়িয়ে দিতেন ; কখন কখন বিড়ালে সেগুলোকে ধরে খেয়ে ফেলতো। এবং যখনই স্নবিধা পেতেন দাদামশায়ের কাছে আমার নামে নালিশ করতেন। আর দাদামশায় তা বিশ্বাসও করতেন। তাঁর সন্মুখে আমার প্রথমে যে ধারণা হয়েছিল সেটা দৃঢ় হল—তিনি বৃদ্ধের ছদ্মবেশে আমারই মতো বালক। আমিও তাঁর গাছের ছালের জুতোর বিননী খুলে দিতাম অথবা ভেতরে একটু কেটে রাখতাম, যাতে জুতো জোড়া পায়ে দিলেই তৎক্ষণাৎ টুকরো টুকরো হয়ে যায়। একদিন আমি তাঁর টুপিতে একটু লঙ্কার গুঁড়ো রেখে দিলাম। তার ফলে তিনি পুরো একটি ঘণ্টা ধরে হাঁচলেন। আর হাঁচির জন্য যাতে তাঁর কাজ বন্ধ না থাকে তারও চেষ্টা করতে লাগলেন।

রবিবারে তিনি আমার ওপর নজর রাখতেন এবং যা আমার করা বারণ ছিল—ওবসিয়ানিকফদের সঙ্গে কথা বলা—তা বহুবার ধরতেন এবং দাদামশায়ের কাছে সে কথা লাগাতেন।

ওবসিয়ানিকফদের সঙ্গে আমার আলাপটা ক্রমেই বেশ এগিয়ে যাচ্ছিল; আমি তাতে আরও খুশি হয়ে উঠছিলাম। দাদামশায়ের বাড়ি ও ওবসিয়ানিকফদের বেড়ার মাঝখানে ছিল একটা আকা-বাঁকা পায়ে চলা পথ। সেখানে ছিল কতকগুলো এম ও লিনডেন গাছ এবং এলভারের কয়েকটা ঘন ঝোপ। তার আড়ালে বেড়ার গায়ে একটি অর্ধ চন্দ্রাকার গর্ত কেটে ছিলাম। তিনটি ভাই পালা করে বা ছুজন এক সঙ্গে সেখানে আসতো এবং গর্তটার ধারে উবু হয়ে বা হাঁটু গেড়ে বসতো। আমরা চাষীসমায় সেখানে অনেকক্ষণ আলাপ করতাম। একজন পাহারাদারিত পাছে কর্নেল এসে পড়েন।

তারা আমাকে বলতো কি দুঃখের তাদের জীবন। তাদের

কথা শুনে আমার মনে কষ্ট হ'ত। তারা আমার খাচার পাখিগুলোর ও নানা শিশু-স্বল্প বর্টনার গল্প করতো; কিন্তু তারা কখনও তাদের বিমাতা বা পিতার কথা বলতো না, অস্তুত যতদূর আমার মনে পড়ে। তারা আমাকে প্রায়ই গল্প বলতে বলতো; আর আমি তাদের কাছে দিদিমার গল্পগুলো হুবহু বলতাম। যদি বলতে বলতে কিছু ভুলে যেতাম, তাদের অপেক্ষা করতে বলে দিদিমার কাছে ছুটে গিয়ে ভোলা কথাগুলো মনে করিয়ে নিতাম। তাতে দিদিমা খুশি হতেন।

আমি তাদের কাছে দিদিমার বিষয় অনেক কথা বলতাম। একবার বড় ছেলোটি দীর্ঘশ্বাস ফেলে মস্তব্য করে ছিল, “তোমার দিদিমাকে সব দিক দিয়েই ভাল বোধ হয়...এক সময়ে আমাদেরও দিদিমা ছিল।”

সে এইভাবে প্রায়ই দুঃখের সঙ্গে কথা বলতো; এবং যে-সব ব্যাপার অতীতে ঘটেছিল সে-সবের কথা বলতো যেন সে এগার বছর নয় এক শ' বছর ধরে বেঁচে আছে। মনে পড়ে তার হাত দুখানি ছিল সরু, আঙুলগুলি শীর্ণ, দুর্বল; চোখ দুটি জিল গিজ্জার প্রদীপের মতো কোমল ও উজ্জল। তার ভাইয়েরাও ছিল কমনীয়; কিন্তু বড়টাই ছিল আমার প্রিয়।

প্রায়ই আমি কথা-বার্তায় এমন ডুবে থাকতাম যে, পিটার-থুড়ে আমাদের একেবারে কাছে না এসে পড়লে তাঁকে দেখতেই পেতাম না। তাঁর গলার স্বরে আমরা চারধারে ছিটকে যেতাম। তিনি বলে উঠতেন, “আ—বা—র!”

আমি লক্ষ্য করেছিলাম, তাঁর মৌনতা ও বিষণ্ণভাবটা ক্রমেই যেন বৃদ্ধি পাচ্ছিল। এবং তিনি যখন কাজ থেকে ফিরতেন আমি একটি বারের দৃষ্টিতেই বুঝে নিতে শিখেছিলাম তিনি কি রকম মেজাজে আছেন।...

কিছুকাল আগে তাঁর বোবা ভাইপোটির বিবাহ হয়েছিল। সে গ্রামে বাস করতে গিয়েছিল। তাই পিটার-খুড়ো একাই আশুতাবলের জানলা-ভাঙা নিচু ঘরখানাতে থাকতেন। সেই ঘরে ছিল চামড়া, আলকাতরা, ঘাম ও তামাকের বাঁঝাল গন্ধ। সেইজন্য তাঁর ঘরে আমি চুকতাম না। তিনি আলো জ্বলে রেখে ঘুমোতে আরম্ভ করেছিলেন। দাদামশায় তাঁর এই অভ্যাসে বিসম আপত্তি করতেন। বলতেন,

—“তুমি আমাকে পুড়িয়ে মারবে পিটার।”

—“না, মারবো না। ভাববেন না। রাত্রে একটা জলের পাত্রের মধ্যে আলোটা রাখি।” খুড়ো কথাগুলি বলতেন অপাঙ্গে দৃষ্টিনিষ্ক্রেপ করে।

মনে হত তিনি যেন প্রত্যেককেই অপাঙ্গে লক্ষ্য করছেন। অনেকদিন আগেই তিনি মজলিশে আসা ছেড়ে দিয়েছিলেন। তাঁর মুখখানি যেন আরও কঁকড়ে গিয়েছিল এবং তার ওপর বার্ডকোর রেখাগুলি যেন হয়েছিল আরও গভীর।...

একদিন সকালে দাদামশায় ও আমি আঙিনার তুষার পরিষ্কার করছি। আগের রাতে প্রবল তুষার পাত হয়েছিল। এমন সময় ফটকের আঙটাটায় খটাং করে শব্দ হল আর একটা কনক্রেট এসে আঙিনায় ঢুকে পিঠ দিয়ে ফটকটা ঠেলে বন্ধ করে একটা মোটা আঙুল নেড়ে দাদামশায়কে ডাকলে। দাদামশায় তাব কাছে গেলে সে এমন ঝুঁকে দাঁড়ালো যে, ঠিক দেখাতে লাগলো যেম তার লম্বা নাকটা দাদামশায়ের কপালখানা ছেনি দিয়ে কাটছে। সে দাদামশায়কে কি বললে, কিন্তু এমন খাটো গলায় যে আমি তার কথাগুলো শুনতে পেলাম না। দাদামশায় তাড়াতাড়ি উত্তর দিলেন, “এখানে ?

কখন ? ভগবান !” এবং তিনি এমনভাবে লাফিয়ে উঠলেন যে দেখে হাসি পেল। সেই সঙ্গে আবার বললেন, “ভগবান আমাদের মঙ্গল করুন ! এ কি সম্ভব ?”

কনষ্টেবলটা কঠোর ভাবে বললে, “অত টেঁচিও না।”

দাদামশায় ফিরে তাকিয়ে আমাকে দেখতে পেলেন ; বললেন, “কোদাল রেখে ভেতরে যাও।”

আমি এক কোণে লুকিয়ে রইলাম ; এবং সেখানে থেকে তাঁকে আর কনষ্টেবলটাকে গাড়িওয়ালাটার আস্তাবলে যেতে দেখলাম। কনষ্টেবলটা তার ডান হাতের দস্তানাটা খুলে বাঁ হাতের চেটোয় ধা-  
মেরে বললে, “সে জানে আমরা তার পেছনে লেগেছি। সে ঘোড়াটাকে ছেড়ে দিয়ে এইখানেই কোথাও লুকিয়ে আছে।”

দিদিমাকে সব কথা বলবার জগ্ন আমি ছুটে রান্নাঘরে গেলাম। তিনি রুটির জগ্ন ময়দা ছানছিলেন। তিনি আমার কথা শুনতে লাগলেন, আর তাঁর ময়দামাথা হাত ছুখানা উঠতে পড়তে লাগলো। তারপর শাস্ত ভাবে বললেন, “মনে হয় ও কিছু চুরি করছিল। তুমি এখন পালাও, তোমার তাতে কি ?”

আমি আবার যখন আড়িনায় বেরিয়ে গেলাম, দেখলাম দাদামশায় টুপি খুলে আকাশের দিকে চোখ তুলে ফটকে দাঁড়িয়ে আছেন। তাঁর মুখের রাগের চিহ্ন ; রাগে তাঁর শরীরের লোমগুলো ষাড়া হয়ে উঠছিল ; একখানা পা কাঁপছিল।

তিনি পা ঠুকে চীৎকার করে উঠলেন। “আমি তোমাকে ভেতরে যেতে বলেছি !” কিন্তু তিনি আমার সঙ্গে সঙ্গে রান্নাঘরে এসে ডাকলেন, “মা, এখানে এস !”

দুজনে পাশের ঘরে গিয়ে বহুক্ষণ ফিস্‌ফিস্‌ করে আলোচনা

করলেন; কিন্তু দিদিমা যখন রান্নাঘরে ফিরে এলেন, তাঁর মুখ দেখে বুঝলাম, ভয়ঙ্কর একটা কিছু ঘটেছে।

জিজ্ঞেস করলাম, “তোমাকে এমন ভয়বিহ্বল দেখাচ্ছে কেন?”

তিনি শান্ত ভাবে বললেন, “চপ্ করে থাক।”

সারাদিন বাড়িতে একটা খমখমে ভাব লেগে রইলো। দাদামশায় ও দিদিমা ঘন ঘন অশান্ত দৃষ্টি বিনিময় করতে লাগলেন; একসঙ্গে আশ্বে আশ্বে দুর্বোধ্য ভাষায় সংক্ষেপে কথাবার্তা বললেন। তাতে অস্থির ভাবটা আরও গভীর হয়ে উঠলো।

দাদামশায় কাসতে কাসতে হুকুম দিলেন, “সারা বাড়িতে আলে জেলে রাখো, মা।”

আমরা তাভাতাভি আহাবাদি কবলাম। কিন্তু কারোই ক্ষুধা ছিল না। দাদামশায় বললেন, “মানুষের ওপর শয়তানের প্রভাব...তুমি তা সব জায়গায় দেখতে পাবে...এমন কি আগাদের ধার্মিক আর পাদ্রিদের ওপরেও...এর কারণ কি, জ্যা?”

দিদিমা দীর্ঘনিশ্বাস ফেললেন।

শীতের সেই রূপালি-ধূসর বেলা এগিয়ে চললো, আর বাড়ির আবহাওয়া বোধহলে লাগলো আবও অশান্ত ও খমখমে। সন্ধ্যার আগে আব একটা লাল, মোটা, কনঠেবল এসে রান্নাঘরে ঠোঙের পাশে বসে ঢুলতে লাগলো। দিদিমা জিজ্ঞেস করলেন, “এটা ওরা বার করলে কি করে?” লোকটা মোটা গলায় উত্তর দিলে, “আমরা সব কিছু বার করি, কাজেই তুমি মাথা ঘামিও না।”

“মনে পড়ছে, আমি জানলায় বসে মুখে একটা ডবল কোপেক পূবে সেটাকে গরম করছিলাম, সেন্ট জর্জ ও ড্রাগনের জানলার সানির গায়ে জমাট তুষারের ওপর তার ছাপ দেব বলে। হঠাৎ দরজা থেকে

ভয়ঙ্কর একটা আওয়াজ এল; দরজাটা খুলে গেল এবং পেংরোভ্‌না পাগলের মতো চীৎকার করতে লাগলো, “দেখ, তোমাদের ওখানে কি!”

কনষ্টেবলটাকে দেখেই সে আবার ছুট দিল দরজার দিকে; কিন্তু লোকটা তার স্কারট ধরে ফেলে ভয়ঙ্কর চীৎকার করে উঠলো, “দাঁড়াও। তুমি কে? আমরা কি দেখবো?”

হঠাৎ ধরবার ফলে সে হাঁটু গেড়ে বসে পড়লো আর তীক্ষ্ণ কণ্ঠে কাঁদতে আরম্ভ করলো। বোধ হল কথায় ও চোখের জলে তার দম বন্ধ হয়ে যাবে। সে বলতে লাগলো, “আমি যখন গরুটা দুইতে গিয়েছিলাম তখন ওটা দেখেছি...আমি নিজের মনে বললাম— কাশিরিনদের বাগানে বুট-জুতোর মতো দেখা যাচ্ছে ওটা কি?”

এই কথায় দাদামশায় পাঠকে চীৎকার করে বললেন, “এই বোকা, তুই মিছে কথা বলছিস! আমাদের বাগানে তুই কিছুই দেখতে পাস নি। কেননা বেড়াটি খুব উঁচু, আর ওর গায়ে কোন ফাঁক নেই। তুই মিছে কথা বলছিস। আমাদের বাগানে কিছুই নেই।”

একখানা হাত তাঁর দিকে বাড়িয়ে, আর একখানা হাত দিয়ে নিজের মাথা চেপে ধরে পেংরোভ্‌না হাউ হাউ করে বলতে লাগলো, “বাবা, কথাটা সত্যি। সত্যি, বাবা...এমন একটা জিনিষের কথা মিথ্যে বলবো? তোমার বেড়া অবধি পায়ের ছাপ ছিল, একজন গায় তুম্বার ছিল পা দিয়ে চেপে মাড়ানো। আমি এগিয়ে গিয়ে বেড়ার ফাঁক দিয়ে দেখলাম...ওকে...সেখানে পড়ে আছে সে...”

—“কে? কে?”

প্রশ্নটা বার বার করা হলেও তার কাছ থেকে কিন্তু একটি কথাও বার করা গেল না। হঠাৎ সকলে ঠেলাঠেলি করতে করতে বাগানের

দিকে ছুটলো যেন পাগল হয়ে গেছে। দেখলাম, সেখানে ষাদটার ধারে পোড়া কড়িটার গায়ে ঠেসান দিয়ে পড়ে আছেন পিটার-খুড়ো। তাঁর ওপর আলগা ভাবে ছড়ানো রয়েছে তুবার; তাঁর ডান কানের নিচে রয়েছে গভীর ক্ষত, লাল, দেখতে মুখের মতো। তার মাঝ থেকে দাঁতের মতো বেরিয়ে আছে মাংসের টুকরো।

ভয়ে আমি চোখ বন্ধ করলাম, কিন্তু চোখের পাতার ফাঁক দিয়ে দেখতে পাচ্ছিলাম, পিটার-খুড়োর হাঁটু ওপর রয়েছে আমার বহু পরিচিত ষোড়ার-সাজের মিস্ট্রীর ছরিখানা। তাঁর বাঁ হাতখানা কেটে ফেলা হয়েছিল। সেখানা তুবারে ডুবে বাচ্ছিল।...তুবারের উপর রক্ত পড়ে জমে গিয়েছিল। আর বৃকের ওপর জমাট রক্তধারার মাঝে ছিল একটি প্রকাণ্ড পিতলের ক্রশ। সকলে ষে-রকম গোলমাল করছিল তাতে আমার মাথা ঘুরতে লাগলো। পেংরোভনা একবারও কান্না ধামালো না। কনষ্টেবলটা চীৎকার করে তালাইকে এক জায়গায় খবর দিতে বললে। দাদামশায় চীৎকার করে উঠলেন, “সাবধান! ওর পায়ের ছাপগুলো মাড়িও না।”

কিন্তু তিনি হঠাৎ জরুজিত করে মাটির দিকে তাকিয়ে ভারি কী চালে জ্বোরে বলে উঠলেন, “তোমার গোলমাল করবার কিছু নেই, কনষ্টেবল! এটা হল ভগবানের ব্যাপার... তাঁর বিচারের রায়...”

দিদিমা ভীষণ ফোঁপাতে ফোঁপাতে হাত ধরে আমাকে বাড়িতে আনলেন।

জিজ্ঞাসা করলাম, “উনি ওরকম করলেন কেন?”

—“দেখতে পাও নি?”

সন্ধ্যায় এবং তারপরও বহুরাত্রি পঞ্চাশ রাত্বে অপরিচিত লোকজন আসা-যাওয়া করলো। পুলিশই প্রভুত্ব করতে লাগলো।...



দিদিমা তাদের সকলকে চা দিলেন। টেবিলে একটি মোটা-সোটা দাড়িওয়াল লোক বসে ছিল। তার মুখে বসন্তের দাগ। সে সরু গলায় বলছিল, “ওর আসল নাম আমরা জানি না...আমরা যা-কিছু বার করতে পেরেছি ওর জন্মস্থান হচ্ছে এলাংমা...আর সেই বোবাটা...ওটা হল কেবল ছদ্মবেশ...সে আদৌ বোবা-কালা নয়...সে ব্যাপারটার বিষয় সব জানতো...এর মধ্যে আর একটি তৃতীয় ব্যক্তিও আছে...তাকে এখন আমাদের খুঁজে বার করতে হবে। ওরা অনেকদিন দিন ধরে গির্জার জিনিষ-পত্র চুরি করছিল। ওদের কাজই ছিল তাই।”

পেংরোভনা বলে উঠলো, “ভগবান!”

আমি ষ্টোভের ধারে শুয়ে নিচে তাদের দিকে তাকিয়ে দেখতে লাগলাম। সকলকে মনে হতে লাগলো কি রকম ছোট, মোটা ও ভয়কর।

## দশম পরিচ্ছেদ

এক শনিবারে খুব সকালে আমি পেংরোভনার ফল-মূলের বাগানে রবিন ধরতে গেলাম। সেখানে রইলাম অনেকক্ষণ। কয়েক ধূট রক্ত-বন্ধ পাখিগুলো কিছুতেই ফাঁদে ধরা পড়তে চাইছিল না। আমার সব বেশি চেয়ে আনন্দ হত পাখিদের চাল-চলন দেখতে। সেই তুষার ছাওয়া দিনটির স্বচ্ছ স্তব্ধতার মাঝে আমি তুষার ঢাকা প্রান্তর-খানির ধারে একা বসে পাখির কলস্বর শুনতে লাগলাম। এমন সময় দূর থেকে অল্পট ভাবে ভেসে এল ক্রাইকার ঘণ্টার আওয়াজ—রুব-দেশের শীতকালে স্কাইলারকের বিষাদ সঙ্গীতের মতো।

তুবাবের ওপর বসে থাকতে থাকতে অসাড় হয়ে পড়েছিলাম। বোধ হতে লাগলো আমার কান দুটো হিমে জমে যাচ্ছে। উঠে বাড়ির দিকে চললাম।

ফটকটা ছিল খোলা। একটি ভৌমকায় লোক তিনটি ঘোড়াকে চালিয়ে নিয়ে যাচ্ছিল আর আনন্দে শিষ দিচ্ছিল। ঘোড়া তিনটি জোতা ছিল একটি প্রকাণ্ড বন্ধ প্লেজে। তাদের গা থেকে উঠছিল বাষ্প। আমার অস্তর নেচে উঠলো। জিজ্ঞেস করলাম, “এখানে কাকে এনেছো?”

লোকটা ফিরে আমাকে ভাব কুন্দির তলা দিয়ে দেখে, জবাব দেবার আগে কোচম্যানের জায়গায় লাফ দিয়ে উঠে বসে বললে, “পাজ্রিকে?”

কিন্তু আমার বিশ্বাস হল না। সে শিষ দিতে দিতে গাড়ি চালিয়ে চলে গেল। ঘোড়াগুলো মাঠ দিয়ে ছুটে চললো। আমি তাদের দিকে তাকিয়ে বইলাম। তারপর ফটকটা বন্ধ করে দিলাম। খালি রান্নাঘরখানাতে ঢুকতে ঢুকতে প্রথমেই যা শুনলাম, তাহছে আমার মায়ের সতেজ কণ্ঠস্বর। তিনি বলছিলেন, “কি ব্যাপার? তোমরা কি আমাকে মেরে ফেলতে চাও?”

বাইরের পোশাকটা না ছেড়েই খাঁচাগুলো ফেলে দিয়ে আমি দরজায় ছুটে গেলাম। সেখানে দাদামশায়ের সঙ্গে আমার ঠাকালাগলো। তিনি আমার কাঁধ চেপে ধরে আমার মুখের দিকে তাকিয়ে রইলেন। তারপর কণ্ঠে ঢোক গিলে ভাঙ্গা গলায় বললেন, “তোমার মা এসেছে...তার কাছে যাও... দাঁড়াও!” তিনি আমাকে এমন জোরে নাড়া দিলেন যে, আমি ঘুরতে ঘুরতে ঘরের দরজায় গিয়ে ঠাকালগেলাম।

দরজায় ঘা দিলাম। দরজার গায়ে ছিল ফেলট ও অয়েলরুধের ঢাকা। আমার হাত ঠাণ্ডায় এমন অসাড় হয়ে গিয়েছিল যে, ল্যাচ-কী খুঁজে পেতে কিছু সময় লাগলো। তারপর নিঃশব্দে ঢুকে দরজায় বিমূঢ়ের মতো দাঁড়িয়ে রইলাম। আমার চোখ ধেঁধে গেল।

মা বললেন, “এই যে সে! ভগবান! কত বড়টি হয়েছে। কি, তুমি আমাকে চেননা?...কি রকম করে তোমরা ওকে পোশাক পরিয়েছ! ...ঈ, ওর কান দুটো সাদা হয়ে যাচ্ছে। মা, শিগগির একটু ঠাসেব চকি নিয়ে এস!”

তিনি ঘরের মাঝখানে দাঁড়িয়ে আমার ওপর ঝুঁকে আমার বাইবের পোশাকটা ছাড়িয়ে নিতে নিতে আমাকে ধোঁরাচ্ছিলেন যেন আমি বল ছাড়া আর কিছুই নয়। তাঁর বিশাল দেহটি ঢাকা ছিল গরম, নরম, স্নন্দর পোশাকে। পোশাকটি ছিল পুরুষের ক্রোকেব মতো লম্বা কালো বোতামের সারি দিয়ে ঘাড় থেকে স্কার্টের ধার অবধি আঁটা।

আগেব চেয়ে তাঁর মুখখানিকে ছোট, চোখ দুটিকে আরও বড় ও ভেতরে বসা বোধ হচ্ছিল। চুলগুলোকে মনে হচ্ছিল গাঢ় সোনালাই বটেব। আমার পোশাকগুলো ছাড়িয়ে তিনি দবজা দিয়ে ছুড়ে ফেলছিলেন আর বলছিলেন, “তুমি কথা বলছো না কেন? আমাকে দেখে খুশি হওনি কি? ফুঃ! কি নোঙরা শাট...”

তারপর তিনি আমার কানে হাঁসের চকি মালিশ করে দিলেন। তাতে আমার লাগছিল। কিন্তু তিনি যখন মালিশ করছিলেন, তাঁর গা থেকে এমন মিষ্ট সুগন্ধ বার হচ্ছিল যে, ব্যথাদি যেমন লাগবার কথা তার চেয়ে লাগছিল কম। তাঁর চোখের দিকে তাকিয়ে তাঁর গায়ের একেবারে কাছে সরে গেলাম। এমন অতিভূত হয়ে পড়েছিলাম যে, কথা বলতে পারছিলাম না। তাঁর কথার মাঝখানে গুনছিলাম দিদিমার

নিয়, বিবল কণ্ঠস্বর, “ও এমন স্বেচ্ছাচারী...একেবারে হাতের বাইরে চলে গেছে। এমন কি দাদামশায়কেও ভয় করে না...ও ভারি... ভারি!”

—“মা ধ্যান ধ্যান করো না, দোহাই তোমার। ওতে মন্দটা ভাল হয় না।”

মায়ের কাছে প্রত্যেক-কিছুকে দেখাচ্ছিল ক্ষুদ্র, মান ও প্রাচীন। আমার নিজেকেও দিদিমার মতো প্রাচীন বোধ হতে লাগলো।

আমাকে তাঁর হাঁটুতে চেপে ধরে তপ্ত সবল হাত দুখানি দিয়ে আমার মাথার চুলগুলো সমান করতে করতে তিনি বললেন, “ওকে শাসন করবার একজন চাই। ওর ইস্কুলে যাবার সময় হয়েছে...তুমি পড়া শিখতে চাও, চাও না?”

—“আমি যা জানতে চাই, শিখেছি।”

—“তোমাকে আর একটু বেশি শিখতে হবে...তুমি কি রকম বলিষ্ঠ হয়ে উঠেছো!” বলে তিনি মন খুলে হাসলেন।

দাদামশায় ঘরে এলেন। তাঁর মুখখানা হয়ে গিয়েছিল ছাইয়ের মত মলিন, চোখ দুটো লাল। তিনি রাগে ফুলাছিলেন। তিনি আসতেই মা আমাকে সরিয়ে দিয়ে গলার স্বল্প চড়িয়ে জিজ্ঞেস করলেন, “তুমি কি ঠিক করেছো বাবা? আমাকে যেতে হবে?”

দাদামশায় জানলায় দাঁড়িয়ে সাসির গা থেকে নুখাদিয়ে ভুবার জাঁচড়ে ফেলতে ফেলতে অনেকক্ষণ চুপ করে রইলেন। অবস্থাটি আমার পক্ষে হয়ে উঠলো বড় বেদনাদায়ক।

তিনি রুচ ভাবে বলে উঠলেন, “লোকসি, ঘর থেকে চলে যাও!”

আমাকে আবার কাছে টেনে নিয়ে মা জিজ্ঞেস করলেন, “কেন? তুমি যেও না। আমি বারণ করছি!” তিনি উঠে দাঁড়ালেন এবং

রক্তিম মেঘভারের মতো নিঃশব্দে সরে গিয়ে দাদামশায়ের পিছনে দাঁড়ালেন। বললেন, “আমার কথা শোন, পাগাশা—”

দাদামশায় তাঁর দিকে ফিরে তীক্ষ্ণস্বরে বলে উঠলেন, “চূপ,—”

মা শাস্তভাবে বললেন, “আমাকে ধমকিও না।”

দিদিমা কাউচ থেকে উঠে আঙুল তুলে মাকে ভৎসনা করলেন, —“ভারভারা!”

দাদামশায় গজ্-গজ্ করতে করতে বসে বললেন, “ধামো একটু! আমি জানতে চাই কে—? অ্যা? কে সে?...কি করে হল?”

এবং হঠাৎ এমন ভয়ঙ্কর কণ্ঠে চাঁৎকার করে উঠলেন যেন সে গলার স্বর তাঁর নয়। “তুমি আমার নামে কলঙ্ক এনেছো, ভারকা?”

দিদিমা আমাকে বললেন, “ঘর থেকে বেরিয়ে যাও!”

আমি রান্নাঘরে গেলাম। বোধ হতে লাগলো যেন আমার দম বন্ধ হয়ে আসছে। আমি ষ্টোভের ওপর উঠে বহুক্লম্ব সেখান থেকে তাঁদের কথাবার্তা শুনতে লাগলাম। পার্টিশনের ভেতর দিয়ে তা শোনা যাচ্ছিল। তাঁরা সকলে একসঙ্গে পরস্পরকে বাধা দিয়ে কথা বলছিলেন অথবা সকলেই চূপ করছিলেন। তাঁদের আলোচনার বিষয় ছিল একটি শিশু। আমার মায়ের সম্প্রতি একটি শিশু হয়েছে। মা তাকে একজনের কাছে লালন-পালনের জন্ত দিয়েছেন। সুস্থ হতে পারলাম না দাদামশায় রুগ্ন হয়েছেন কিসের জন্ত। তাঁর অল্পমতি না নিয়ে মা সন্তানটিকে প্রসব করবার জন্ত অথবা শিশুটিকে তাঁর কাছে না আনবার জন্ত?

তিনি পরে রান্নাঘরে এলেন। তাঁর চুল উস্কা-খুস্কা। তাঁর সঙ্গে এলেন দিদিমা ব্লাউসের নিচের অংশ দিয়ে চোখ মুছতে মুছতে। দাদামশায় একখানি বেঞ্চিতে বসে ঠোঁট কামড়াতে লাগলেন আর

দিদিমা তাঁর সামনে হাঁটু গেড়ে বসে শাস্ত কর্তে বলতে লাগলেন। “বাবা, ওকে ক্ষমা কর। এ ভাবে তুমি ওকে এড়াতে পারবে না। তুমি কি মনে কর ভদ্রলোকদের আর বড় বড় ব্যবসায়ীদের মধ্যে এমন ব্যাপার ঘটে না? নারী চরিত্র তুমি তো জানো। ওকে ক্ষমা কর। কেউই নিখুঁত ভাবে তৈরী নয়, তা তো জানো।”

দাদামশায় দেওয়ালে হেলান দিয়ে বসে তাঁর মুখের দিকে তাকালেন। তারপর তিক্ত হাসির সঙ্গে বললেন, হাসিটা সোনালো কালার মতো, “কাকে না তুমি ক্ষমা করতে চাও? আশ্চর্য! তোমার ইচ্ছামতো যদি চলতে পারতে তাহলে সকলকেই ক্ষমা করা হ’ত...”

তারপর নিচু হয়ে দিদিমার কাধ চেপে ধরে তাকে বাঁকি দিয়ে আবার বললেন, “কিন্তু তোমার দুশ্চিন্তা করবার দরকার নেই। আমার মধ্যে তুমি ক্ষমা খুঁজে পাবে না। আমরা মৃত্যুর প্রায় ঘরে এসে পৌঁছেছি—আমাদের জীবনের শেষ দিনগুলিতে এল শান্তি... আমাদের শান্তিও নেই, স্বপ্নও নেই... আরও যা হবে, আমার কথা-গুলো মনে রেখ... মরবার আগে আমরা হব ভিখারী--ভিখারী!”

দিদিমা তার হাত ধরলেন, এবং তাঁর পাশে বসে মুহূ হাসির সঙ্গে বললেন, “আহা, বেচারী! তাহলে তুমি ভিখারী হতে ভয় পাও! মনে কর আমরা ভিখারী হয়ে গেলাম? তোমাকে যা করতে হবে তা এই—তুমি বাড়ি থাকবে, আর আমি ভিক্ষার বার হব... লোকে আমাকে দেবে, ভয় নেই!... আমাদের অনেক থাকবে; কাজেই ও দুঃখটা তুমি মন থেকে সরিয়ে দিতে পারো।”

ছাগলের মতো মাথা নেড়ে দাদামশায় হঠাৎ হেসে উঠলেন; এবং দিদিমার গলা জড়িয়ে তাঁকে দেহের সঙ্গে চেপে ধরলেন। দিদিমার পাশে তাঁকে দেখাতে লাগলো ক্ষুদ্র ও শুষ্ক।

তিনি বলে উঠলেন, “হায় রে নির্বোধ...এখন আমার যা কিছু আছে তা কেবল তুমিই!...তুমি কিছুই বোক না বলেই কোন কিছুর জগ্গে দুশ্চিন্তা কর না। কিন্তু পিছনের দিকে তাকাও...মনে করে দেখ, ওদের জগ্গে আমরা কি রকম ধেটেছি...ওদের জগ্গে কি রকম পাপ করেছি...সে-সব সঙ্গেও এখন—”

এইখানে আমি আর নিজেকে সংযত করতে পারলাম না। আমার চোখের জল বাধা মানলো না। ষ্টোভ থেকে লাফ দিয়ে নেমে, আনন্দে ফুঁপিয়ে কাঁদতে কাঁদতে তাঁদের কাছে ছুটে গেলাম। কারণ, দুজনে এমন চমৎকার সখ্যতার সঙ্গে কথাবার্তা বলছিলেন, কারণ, তাঁদের জগ্গে আমার দুঃখ হচ্ছিল, কাবণ, মা এসেছেন, কারণ, তারা দুজনে আমাকে ধরে, আমাকে আলিঙ্গন দিয়ে, নিবিড় ভাবে বুকে চেপে কাঁদতে লাগলেন। কিন্তু দাদামশায় আমার কানে কানে বললেন, “এই ক্ষুদ্রে ভূত, তাহলে তুমি এখানে! তোমার মা ফিরে এসেছে। বোধ হয় এখন থেকে সব সময় তুমি তার সঙ্গে থাকবে। এখন আর বুড়ো শয়তান দাদামশায় বেচারীর দরকার নেই, অ্যা? আর দিদিমা, যে তোমাকে এমন নষ্ট করেছে...তাকেও দরকার নেই...অ্যা? উফ!”

তিনি আমাদের সরিয়ে দিয়ে উঠে দাঁড়িয়ে রুটস্বরে বলে উঠলেন, “ওরা সকলেই আমাদের ছেড়ে যাচ্ছে—সকলেই আমাদের দিক থেকে মুখ ফিরিয়ে নিচ্ছে...ওকে ডাকো। দাঁড়িয়ে আছ কেন? শিগগির যাও।”

দিদিমা রান্নাঘর থেকে বেরিয়ে গেলেন। আর দাদামশায় ঘরের কোণে গিয়ে দাঁড়িয়ে মাথা নিচু করে প্রার্থনা করতে লাগলেন, “করুণাময় জগদীশ্বর। তা...তুমি দেখতে পাচ্ছ আমাদের অবস্থা এখন কি!” বলে বুকে ঘুষি মারলেন।...

মা যখন এলেন তাঁর লাল পোশাকটি রান্নাঘরখানি আলোকিত করে তুললো। তিনি টেবিলের ধারে বসলেন। দাদামশায় ও দিদিমা বসলেন, তাঁর দু'পাশে। তিনি তাঁদের কাছে কি যেন শান্ত, গভীর ভাবে বর্ণনা করে যেতে লাগলেন, আর, তাঁরা নীরবে শুনতে লাগলেন, যেন তাঁরা তাঁর ছেলে-মেয়ে আর তিনি তাঁদের মা। উত্তেজনায় অবসন্ন হয়ে আমি কাউচের ওপর ঘুমিয়ে পড়লাম।...

মায়ের সঙ্গে আমি যখন তাঁর ঘরে একা রইলাম তিনি কাউচে পা মুড়ে বসে তাঁর পাশের জায়গাটি দেখিয়ে বললেন, “এখানে এসে বস। এখন—বল দেখি তোমার এখানে থাকতে কেমন লাগে? বেশি ভাল নয়, অ্যা?”

—“জানি না।”

—“দাদামশায় তোমায় মারেন, অ্যা?”

—“এখন বেশি নয়।”

—“অ্যা?...এখন, সব কথা আমাকে বল...যা তোমার ইচ্ছা হয় বল...হাঁ?”

তাঁর কাছে দাদামশায়ের কথা বলতে ইচ্ছা না থাকায়, সেই ঘরে যে সহৃদয় ব্যক্তিটি ছিলেন তাঁর বিষয় বলতে লাগলাম। বললাম, তাঁকে কেউ পছন্দ করতো না; দাদামশায় তাঁকে তাড়িয়ে দিয়েছেন। দেখলাম, কাহিনীটি তিনি পছন্দ করলেন না, বললেন, “আর কি?”

আমি তাঁকে সেই ছেলোটর কথা আর কেমন করে কর্নেল আমাকে তাঁর মাঠ থেকে তাড়িয়ে দিয়েছিলেন সে কথা বললাম। আমাকে শক্ত করে চেপে ধরে তিনি গুনে গেলেন।

তাঁর চোখ দুটো জলে উঠলো; বললেন, “মানে!” এবং মাটির দিকে তাকিয়ে মিনিটখানেক চুপ করে রইলেন।



জিজ্ঞেস করলাম, “দাদামশায় তোমার ওপর রাগ করছিলেন কেন?”

—“কারণ তাঁর মতে আমি অত্যাচার করেছি।”

—“সেই লোকটাকে এখানে না এনে—?”

তিনি ভয়ানক চমকে উঠলেন; ক্রকুটি করে ঠোট কামড়াতে লাগলেন। তারপর হেসে উঠে আমাকে নিবিড় করে চেপে ধরে বললেন, “এই ক্ষুদ্রে রান্ধস! এখন ও বিষয়ে তোমাকে চুপ করে থাকতে হবে, শুনলে? কখন ও বিষয়ে আলোচনা করেনা—শুনেছো যে তাও ভুলে যাও।”

তারপর উঠে ঘরে পায়চারি করতে লাগলেন।...

টেবিলের ওপর একটা মোমবাতি জলছিল এবং আয়নাখানার শূন্য কাচে প্রতিফলিত হচ্ছিল। মেঝের নিঃশব্দে এগিয়ে আসছিল কালো ছায়া। ঘরের কোণে ইকনের সামনে জলছিল একটা আলো; আর তুষারাস্তৃত জানলাগুলি জ্যোৎস্নায় ঝক ঝক করছিল। মা তাঁর চারধারে তাকাতে লাগলেন যেন শূন্য দেওয়ালে ও ছাদে কি খুঁজছেন। বললেন, “তুমি কখন শুতে যাও?”

—“আমাকে আর একটু থাকতে দাও।”

—“তা ছাড়া, তুমি আজ একটু ঘুমিয়ে ছিলে।” কথাগুলি তিনি নিজের মনেই বললেন।

জিজ্ঞেস করলাম, “তুমি কি চলে যেতে চাও?”

বিস্মিত কণ্ঠে তিনি বলে উঠলেন, “কোথায়?” এবং আমার মাথাটি তুলে এতক্ষণ ধরে আমার মুখের দিকে তাকিয়ে রইলেন যে, আমার চোখে জল এল। জিজ্ঞেস করলেন, “তোমার কি হয়েছে?”

—“আমার ষাড় ব্যথা করছে।”

আমার অন্তরও ব্যথিত হচ্ছিল। কেননা আমি হঠাৎ বুঝতে পেরে ছিলাম, তিনি আমাদের বাড়িতে থাকবেন না, শীঘ্রই আবার চলে যাবেন।

একটা মাদুর পা দিয়ে সরাতে সরাতে মা মস্তব্য করলেন, “তোমার বাবার মতো হচ্ছে। দিদিমা কি তাঁর বিষয় তোমাকে কিছু বলেছেন?”

—“হ্যাঁ।”

—“উনি ম্যাকসিমকে খুব ভালোবাসতেন—খুবই; আর সেও ঠেকে ভালবাসতো।”

—“জানি।”

মা মোমবাতিটার দিকে তাকিয়ে জ্রকুটি করলেন; তারপর সেটা নিবিয়ে দিতে দিতে বললেন, “এই ভালো।”

হ্যাঁ, তাতে আবহাওয়াটা আরও সজীব ও নির্মল হয়ে উঠলো; ছায়াগুলো অদৃশ্য হয়ে গেল; মেঝেতে উজ্জ্বল নীল আলোর ছাপ লেগে রইলো আর জানলার সাদির গায়ে সোনালি স্ফটিক ঝলমল করতে লাগলো।

—“কিন্তু তুমি এতকাল কোথায় ছিলে?”

তিনি কতকগুলো শহরের নাম করলেন।

—“তুমি ঐ পোশাকটা কোথায় পেয়েছ?”

—“নিজে তৈরি করেছি। আমার নিজের পোশাক-পরিচ্ছদ আমি নিজে তৈরি করি।”

আমি ভাবতে ভালোবাসতাম যে তিনি অন্তর চেয়ে পৃথক; কিন্তু দুঃখ ছিল যে তিনি এত কম কথা বললেন। বাস্তবিক পক্ষে তাঁকে কোন প্রশ্ন করা না হলে তিনি মুখই খুলতেন না।

একটু পরেই তিনি এসে আমার পাশে কাউচে বসলেন। সেখানে দুজনে ঘেঁষা-ঘেঁষি করে ষ্ণে-পর্য্যন্ত না বৃদ্ধ-বৃদ্ধা গির্জা থেকে ফিরে এলেন চপ-চাপ বসে রইলাম। তাঁরা এলেন গায়ে মোম ও ধূপাদির গন্ধ, মুখ গম্ভীর, চলা-ফেরা ধীর...

মা আসবার প্রায় সঙ্গে সঙ্গেই আমাকে রুশ-ভাষা শিখাতে লাগলেন। তিনি কতকগুলো বই কিনলেন। আমি কয়েকদিনের মধ্যেই রুশ-ভাষা পড়তে শিখলাম। কিন্তু মা তারপরই আমাকে কবিতা মুখস্থ করাতে লাগলেন। তাতে আমাদের উভয়েরই বিরক্তির কারণ ঘটলো।

আমি ভুল পড়তাম। তিনি আমার ভুল সংশোধন করে দিতেন। ভুলটা কতক পরিমাণে আমার ইচ্ছাকৃত।

একদিন কবিতাটি মুখস্থ বলবার সময় শব্দগুলি এমন ভাবে উল্টে-পাল্টে আবৃত্তি করতে লাগলাম যে তার কোন অর্থই হল না। তাতে খুব খুশি হলাম।

কিন্তু বেশিদিন এ রকম আনন্দ উপভোগ করা গেল না। একদিন তার জন্ম শাস্তি পেতে হ'ল। সেদিন পড়ার পর মা জিজ্ঞেস করলেন, কবিতাটি মুখস্থ করেছি কি না। আমি তৎক্ষণাৎ কবিতাটি উল্টে-পাল্টে আবৃত্তি করতে লাগলাম। কিন্তু যখন আমার চমক ভাঙলো, তখন উঠে দাঁড়িয়েছেন এবং টেবিলের ওপর হাত দুখানির ভার দিয়ে খুব স্পষ্ট কণ্ঠে জিজ্ঞেস করলেন, "কি বলছো?"

—“জানি না।”

—“তুমি ভাল করেই জান।”

—“ওটা হচ্ছে—”

—“ওটা হচ্ছে কি?”

—“মজার কিছু।”

—“কোণে গিয়ে দাঁড়াও।”

—“কেন?”

—“কোণে গিয়ে দাঁড়াও।” তাঁর ভাব দেখে আমার ভয় হতে লাগলো।

—“কোন্ কোণে?”

কোন জবাব না দিয়ে তিনি স্থির দৃষ্টিতে আমার মুখের দিকে তাকিয়ে রইলেন। আমি অস্থির হয়ে উঠতে লাগলাম। কারণ বুঝতে পারলাম না, তিনি কি চান। এক কোণে ইকনের নিচে ছিল একখানি ছোট টেবিল। তার ওপর একটি ভাসে ছিল কতকগুলি সুগন্ধী ঘাস ও ফুল; আর এক কোণে ছিল একটি ঢাকা দেওয়াল ট্রাংক। বিছানাটি ছিল তৃতীয় কোণটিতে; ঘরের চতুর্থ কোণ ছিল না। কারণ দরজাটা ছিল দেওয়াল অবধি।

তাঁর কথা বুঝতে না পেরে হতাশ ভাবে বললাম, “তুমি কি বলছো বুঝতে পারছি না।”

তিনি একটু নরম হলেন; নীরবে কপাল 'ও গাল দুখানি মুছলেন। তাবপর জিজ্ঞেস করলেন, “দাদামশায়তোমাকে কোণে দাঁড় করাননি?”

—“কখন?”

হাত দিয়ে ছবার টেবিল ঠুকে তিনি বলে উঠলেন, “কখনই হোক! তিনি কখন তা করেছেন কি?”

—“না—অসম্ভব আমার তা মনে পড়ে না।”

তিনি দীর্ঘ নিশ্বাস ফেললেন। “হুঃ! এখানে এস।”

“তুমি আমার ওপর এত রাগ করছো কেন?” বলতে বলতে আমি তাঁর কাছে গেলাম।

--“কারণ তুমি ইচ্ছে করেই কবিতাটা গুলিয়ে ফেলেছো।”

বত ভাল কবে পারলাম তাঁকে বুঝিয়ে দিলাম; চোখ বন্ধ করে আমি কবিতাটির প্রত্যেকটি শব্দ মনে করতে পারি, কিন্তু আবৃত্তি করতে গেলেই কাথাগুলো বদলে যায়।

—“ঠিক কথা বলছো?”

বললাম, ঠিকই বলছি, কিন্তু দ্বিতীয়বার চিন্তা করেই দেখলাম, আমি খুব ঠিক বলছি না। হঠাৎ পত্রটি আমি নির্ভুল ভাবে আবৃত্তি করলাম। তাতে আমার নিজেরই বিশ্বয় জাগলো। হতবুদ্ধির মতো হয়ে পড়লাম। মায়ের সামনে লজ্জায় লাল হয়ে দাঁড়িয়ে রইলাম। চোখের জলের মধ্য দিয়ে দেখতে পেলাম মার কালো মুখখানি। তিনি ঠোট কামড়াচ্ছেন, ক্রকুটি করছেন।

“এর মানে কি? তাহলে তুমি ভান করছিলে?” তাঁর গলার স্ববকে মনে হল যেন তাঁর নয়।

বললাম, “জানি না। আমার সে ইচ্ছে ছিল না।”

—“তুমি সহজ নও। যাও।”

আমার আরও কবিতা মুখস্থ করবার জন্ম জেদ ধরলেন। কিন্তু প্রত্যেক দিনই আমার স্মৃতিশক্তি ক্রমে ক্রমে আসতে লাগলো।... একটি কবিতা আমাকে খুবই কষ্ট দিয়েছিল। কবিতাটি ছিল বড় করুণ।

ম: আমার কিছু করতে না পেরে দাদামশায়র কাছে সব বললেন। দাদামশায় উত্তর দিলেন, “ও সব ভান! ওর চমৎকার স্মৃতিশক্তি। আমার সঙ্গে স্তব মুখস্থ করেছো ও ভান করছে। ওর স্মৃতিশক্তি ভাল। ওকে শিখানো পাথরে খোদাই করার মতো... তাতেই বুঝবে কত ভাল...ওকে তোমার মারা উচিত।”

দিদিমাও আমাকে তিরস্কার করলেন। “তুমি গল্প, গান মনে রাখতে পার...গানগুলো কি কবিতা নয়?”

এ সবই সত্য; কিন্তু তবুও আমি কবিতা মুখস্থ করতে বসলেই যেন কোথা থেকে নানা শব্দ আরগুলার মতো হুড় হুড় করে এসে সার বেঁধে দাঁড়াতে।... রাত্রে বিছানায় যখন দিদিমার পাশে শুভাম, বইয়ে ষা পড়তাম এবং আমি নিজে ভিথারীদের সন্থকে রচনা করতাম বলতে বলতে ক্লান্ত হয়ে পড়তাম। দিদিমা আমাকে বক্তৃতা দিতেন। “দেখ! তুমি কি করতে পারো! কিন্তু ভিথারীদের নিয়ে ঠাট্টা করা উচিত নয়। ভগবান তাদের মঙ্গল করুন। যীশুখ্রীষ্ট দারিদ্র্যের মধ্যে বাস করেছিলেন, অল্প সাধু মহাত্মারাও করেছিলেন তাই।”

—“এত দুঃ হওয়া তোমার খুব অগায়। তাতে কেবল তোমার মার রাগ হয়; তুমি ছাড়াও তাঁর অনেক দুশ্চিন্তা রয়েছে।”

—“তাঁর কি হয়েছে?”

—“ধাই হোক। তুমি বুঝবে না!”

—“জানি! কাবণ দাদামশায়—”

—“চপ্!”

আমার অবস্থা হল কঠোর!...মায়ের কাছে লেখা-পড়া শিক্ষা করা আমার পক্ষে ক্রমেই হয়ে উঠতে লাগলো আরও বিদ্যার্থীদের ও আরও কঠোর। আমি সহজেই অঙ্কটা আয়ত্ত করলাম, কিন্তু লেখবার ধৈর্য আমার ছিল না; আর ব্যাকরণ? ওটা ছিল আমার কাছে সম্পূর্ণ দুর্বোধ্য।

কিন্তু তখন আমার মনে একটা অল্প চেষ্টে বসেছিল। আমি দেখতে পাচ্ছিলাম এবং অনুভবও করছিলাম যে, দাদামশায়ের বাড়িতে মায়ের বাস করা কঠিন। তাঁর মুখের ভাব প্রত্যহ

রুদ্ধ হয়ে উঠছিল। বাগানের ওপর যে জানলাটি ছিল তিনি সেখানে বহুক্ষণ চুপ্-চাপ বসে থাকতেন।

তিনি আমাকে পড়াতে বসে প্রসন্ন করতেন এবং আমার উত্তরের খা যেতেন ভুলে। আগের চেয়ে প্রায়ই রেগে উঠতেন। তাতে আমি মনে আঘাত পেতাম। কেননা গল্পে যেমন হয়, আর সকলেব মতো মায়েদেরই ভাল ব্যবহার করা উচিত।

কখন কখন আমি তাঁকে বলতাম, “আমাদের সঙ্গে তুমি থাকতে আলোবাস না, বাস কি?”

তিনি রাগের সঙ্গে বলে উঠতেন, “তোমার নিজের কাজ কর।”

আমার মনে ধারণা হতে লাগলো, দাদামশায় এমন কিছু করেছেন। দিদিমা ও মাকে দুশ্চিন্তাগ্রস্ত করে ফেলেছে। তিনি মাঝের সঙ্গে গর ঘরে ঘন ঘন দরজা বন্ধ করে থাকতে লাগলেন। সেখানে শুনতে পতাম তিনি রাখালের কাঠের বাঁশীটির মতো আর্ন্তনাদ ও তীক্ষ্ণ শব্দ ফরছেন। তা আমার বিশ্রী লাগতো। একবার যখন তাঁদের এই কথা চলছে মা এমন ভাবে তীক্ষ্ণ স্বরে কথা বলে উঠলেন, যাতে গাড়ির প্রত্যেকেই শুনতে পায়।

তিনি বললেন, “আমি ওটা চাই না! চাই না!”

একটা দরজা ধপ করে উঠলো—দাদামশায় চাঁৎকাব করতে লাগলেন। ব্যাপারটা ঘটলো সঙ্কায়। দিদিমা তখন বাঁশীটির টেবিলের ধারে বসে দাদামশায়ের জন্তু একটা শার্ট জৈরি করছিলেন আর নিজের মনে কথা বলছিলেন। দরজাটির শব্দ হতে তিনি মনোযোগ দিয়ে শুনে বলে উঠলেন, “শুভগবান! ও (মা) ওপরে ভাড়াটেদের কাছে গেল।”

সেই মুহূর্তে দাদামশায় রান্নাঘরে ছুটে এসে দিদিমাকে তেড়ে গিয়ে

তার মাথায় মারলেন এক ঘুষি। এবং ঘুষি ঝাঁকিয়ে তাঁকে বলে উঠলেন, “এই মড়া বুড়ী, যে কথা বলবার দরকার নেই সে কথা বলে বেড়াস নি!”

আঘাতে খুলে-পড়া চুলগুলো গোছাতে গোছাতে দিদিমা শাস্তভাবে বললেন, “তুমি একটা বোকা বুড়ো। তুমি কি মনে কর আমি চূপ করে থাকবো? তোমার সমস্ত মতলবের কথা আমি যা জানি ওকে (মাকে) সব বলবো।”

তিনি দিদিমার ঘাড়ে ঝাঁপিয়ে পড়ে তার প্রকাণ্ড মাথাটিতে ঘুষি মারতে লাগলেন।

আত্মরক্ষার কোন চেষ্টা না করে বা মারগুলি দাদামশায়কে না ফিরিয়ে দিয়ে তিনি বললেন, “চালাও! মারো আমায়, বেবাকুফ নিকোঁধ!...ঠিক হচ্ছে! আমায় মারো!”

আমি কাউচ থেকে কুশন ও কসল এবং ষ্টোভের চারধারে যে বটগুলো ছিল সেগুলো তুলে নিয়ে দাদামশায়কে ছুঁড়ে মারতে লাগলাম। কিন্তু তিনি রাগে এমন পাগল হয়ে গিয়েছিলেন যে, সেদিকে খেয়ালই করলেন না। দিদিমা পড়ে গেলেন; দাদামশায় তাঁর মাথায় লাথি মারতে লাগলেন। পরিশেষে তিনি হোঁচট খেয়ে নিজেই গেলেন পড়ে। তাঁর গা লেগে এক কলসি জল উল্টে পড়ে গেল। তিনি রাগে ফৌস ফৌস করতে করতে লাফ দিয়ে উঠে, উম্মাদের মতো চারধারে ভাকিয়ে চিলে-কোঠায় তাঁর নিজের ঘরের দিকে ছুটলেন।

দিদিমা দীর্ঘ নিঃশ্বাস ফেলে উঠলেন এবং বেক্ষির ওপর বসে তাঁর চুলগুলো সমান করতে লাগলেন। আমি কাউচ থেকে লাফ দিয়ে উঠলাম। তিনি রাগের স্বরে আমাকে বললেন, “এ বালিশ আর জিনিষগুলো সব ওদের জায়গায় রাখো...লোককে বালিশ ছুঁড়ে মারা!



...এটা কি তোমার ব্যাপার? আর ঐ শয়তানটা, ওর মাথা ধারাপ হয়ে গেছে—আহাশ্বক!”

তিনি তাড়াতাড়ি নিখাস টেনে আমাকে তাঁর কাছে ডাকতে ডাকতে জুকুটি করলেন এবং মাথাটি মুইয়ে বললেন, “দেখ! আমার এমন লাগছে কিসে?”

আমি তাঁর ভারী চুলের রাশি একপাশে সরিয়ে দেখলাম, একটা মাথার কাঁটা তাঁর মাথার চামড়ার মধ্যে গভীর ভাবে ঢুক গেছে। সেটা টেনে বার করলাম; কিন্তু আর একটা দেখেই আমার আঙুলের সব ছোর যেন চলে গেল; বললাম, “বরং মাকে ডাকি। আমার ভয় করছে।”

তিনি আমাকে একপাশে ঠেলে সরিয়ে দিলেন। “কি হয়েছে?... মাকে ডাকবে বৈকি!... ভগবানকে ধন্যবাদ যে সে কিছুই দেখেও নি, শোনেও নি! আর তুমি—আমার সামনে থেকে সরে যাও।”

তিনি ঘনচুলের মধ্যে আঙুল বুলোতে লাগলেন। আমি যথেষ্ট সাহস সঞ্চয় করে আরও ছোটো মোটা বাঁকা কাঁটা টেনে বার করতে তাঁকে সাহায্য করলাম।

জিজ্ঞেস করলাম, “তোমার লাগছে?”

—“বেশি নয়। কাল জল গরম করে মাথা ধুয়ে ফেলবো। ~~ছোট~~ মাথা থাকবে না।”

তারপর তিনি মিনতিভরা কণ্ঠে বলতে লাগলেন, “দেখ আমার, তোমার মাকে বলবে না যে দাদামশায় আমাকে ধরেছে, বলবে? এলিতেই ওদের মধ্যে যথেষ্ট মন-কষাকষি চলছে। বলবে না, বলবে?”

—“না।”

—“ভুলো না! এস, সব ঠিক করে রাখা থাক... আমার মুখে কোন

ছড়ার দাগ নেই, আছে ? ঠিক হয়েছে। আমরা কথাটা চেপে রাখতে পারবো।”

ভারপর তিনি মেঝে পরিষ্কার করতে লাগলেন। আমি মশ্শমল থেকে বলে উঠলাম, “তুমি সাধুর মতো...লোকে তোমাকে যন্ত্রণা দেয়। তোমার ওপর অত্যাচার করে, আর তুমি সে কথা মনেও রাখো না।”

—“কি সব বাজে কথা বলছো ? সাধু-মহাত্মা—? কখন কোথাও একটি দেখেছো ?”

তিনি হামাগুড়ি দিতে লাগলেন আর আমি ষ্টোভের পাশে বসে দাদামশায়ের ওপর প্রতিশোধ নেবার উপায় স্থির করতে লাগলাম। তিনি এই প্রথম আমার চোখের সামনে দিদিমাকে এমন বিস্ত্রী ভাবে মারলেন। অস্তুর টগ্‌বগ্‌ করে ফুটতে লাগলো।

কিন্তু এই ঘটনার দু-একদিন পরে আমাকে কোন একটি জিনিষের জন্ত ওপরে চিলে-কোঠায় পাঠানো হলে দেখলাম, তিনি মেঝের একটা খোলা ট্রাংকের সামনে বসে কতকগুলো কাগজ দেখছেন। চেয়ারে পড়ে ছিল তাঁর প্রিয় ক্যালেন্ডারখানি—বারোখানি মোটা পৃষ্ঠা একসঙ্গে বাঁধানো। তাতে ছিল সাধু মহাত্মাগণের ছবি।

আমি ক্যালেন্ডারখানা ছিঁড়ে ফেলবার সঙ্কল্প করলাম। দাদামশায় একখানি গাঢ় নীল কাগজ পড়বার জন্ত জানলার কাছে যেতেই আমি চট করে খান কয়েক পৃষ্ঠা ছিঁড়ে নিয়ে তরতর করে মিচে নেমে গেলাম এবং দিদিমার কাঁচিখানি টেবিল থেকে চুরি করে কাউচে বসে ক্যালেন্ডারে সাধু-মহাত্মাদের মাথাগুলি কাটতে লাগলাম।

একটি সারির শিরশ্ছেদন করবার পর ক্যালেন্ডারখানি নষ্ট করতে দুঃখ বোধ হতে লাগলো। তাই ছবিগুলি চোকো করে কাটতে মনস্থ করলাম। কিন্তু দ্বিতীয় সারিটিকে টুকরো টুকরো করবার আগেই

দাদামশায় দরজায় এসে দাঁড়িয়ে জিজ্ঞেস করলেন, “তোমাকে ক্যালেন্ডারখানা নিয়ে আসবার অলুমতি দিয়েছে কে?”

তাঁর চোয়াল ছুখানা হয়ে গেল শক্ত, দাড়িটা লাফাতে লাগলো; তিনি এত জ্বোরে নিখাস ফেলতে লাগলেন যে, কাপজগুলো গেল উড়ে।

অবশেষে আমার পা ধরে টানতে টানতে ভীষ্মকণ্ঠে বলে উঠলেন, “কেন এ কাজ করলে!”

আমি পা ওপর দিকে ও মাথা নিচের দিকে কবে পড়ে গেলাম। দিদিমা আমাকে ধরে ফেললেন। তিনি দিদিমাকে ঘুষি মাবতে মারতে বলতে লাগলেন, “আমি ওকে খুন করবো।”

সেই মুহূর্তে মা এসে দেখা দিলেন। আমি ষ্টোভের পাশে লুপ্তালাম। তিনি দাদামশায়ের পথ আগলে দাঁড়িয়ে তাঁর হাত চেপে ধরলেন। দাদামশায় মায়ের মুখের সামনে হাত নাড়ছিলেন। তিনি দাদামশায়কে ঠেলে সরিয়ে দিয়ে বললেন, “তোমার এরকম কববার মানে কি? স্থির হও।”

দাদামশায় জানলার নিচে বেঞ্চিখানিতে বসে গর্জন করে উঠলেন, “তোমরা আমাকে মেরে ফেলতে চাও। তোমরা সকলেই আমার বিকন্দে—প্রত্যেকে।”

মা নরম স্বরে বললেন, “নিজের জন্তু তোমার লজ্জা হয় (কি)? এ সব ঠাট করা কেন?”

দাদামশায় চীংকার করে উঠলেন, বেঞ্চিতে লাঞ্ছিত মারলেন। বোধ হল, তিনি মায়ের কথায় সত্যিই লজ্জা পেয়েছেন।

মা ক্যালেন্ডারখানার পাতার টুকরোগুলোর দিকে তাকিয়ে বললেন, “আমি ওগুলো একখানা ক্যালিকো কাপড়ের ওপর আঠা দিয়ে এঁটে দেব। তাতে আরও ভাল দেখাবে।...”

“ভাজই করে দাও। অন্য পাতাগুলো এখনই আনছি।”

তিনি দরজার কাছে এগিয়ে গেলেন; কিন্তু সেখানে ধমকে দাঁড়িয়ে আমাকে আঙুল ঝাঁকিয়ে দেখিয়ে বললেন, “ওকে বেত মারতে হবে।”

মা আমার দিকে হুয়ে বললেন, “সে আর বলতে হবে না। কেন তুমি এ কাজ করেছো?”

—“আমি ইচ্ছে করেই করেছি। উনি যেন দিদিমাকে আর না মারেন। মারলে আমি গুর দাড়ি কেটে ফেলবো।”

দিদিমা তাঁর ছেঁড়া বড়িগটা খুলে ফেলে মাথাটি ছুলিয়ে বললেন, “তুমি যা প্রতিজ্ঞা করেছিলে তা মনে করে চূপ-চাপ থাকো। যদি চূপ করে না থাকো তোমার জিভ যেন ফুলে ওঠে।”

মা তাঁর দিকে তাকালেন এবং আমার কাছে সরে এলেন।

“উনি কখন দিদিমাকে মেরেছিলেন?”

দিদিমা রাগের সঙ্গে বললেন, “ওকে এ-সম্বন্ধে জিজ্ঞাসা করতে তোমার লজ্জিত হওয়া উচিত! এটা কি তোমার ব্যাপার?”

মা দিদিমার কাছে গিয়ে তাঁকে জড়িয়ে ধরে বললেন “মা! আমার ছোট্ট মা-টি।”

—“বাপু রাখো তোমার ‘ছোট্ট মা-টি’। ‘এখান থেকে যাও।’

তাঁরা দুজনে পরস্পরের দিকে নীরবে তাকিয়ে রইলেন।

\* \* \*

মা প্রথমবার বাড়ি এসে সৈনিকের স্ত্রী সেই আমুদে মহিলাটির সঙ্গে ভাব করেন। এবং প্রায় প্রতি সন্ধ্যায়ই তিনি ওপরে সাহনের দিককার ঘরে যেতেন। সেখানে কখন কখন বেংলংগা হাউসের সুন্দরী মহিলাগণকে ও পদস্থ কর্মচারীদের দেখতেও পেতেন। দাদামশায় এসব আদৌ পছন্দ করতেন না। একদিন তিনি যখন রান্নাঘরে বসে

আছেন, মাকে একটা চামচ নেড়ে শাসিয়ে বললেন, “তাহলে তুমি আবার তোমার পুরোনো পথ ধরেছো, গোলায় যাও! ভোরের আগে আমরা ঘুমোতেই পাই না।”

তিনি কয়েক দিনের মধ্যেই ভাড়াটেদের তুলে দিলেন এবং তারা চলে গেলে কোথা থেকে যেন দু বোঝা আসবাব-পত্র এনে সামনের ঘরখানাতে পূরে বন্ধ করে মস্ত একটা তাল দ্বারা দিয়ে রাখলেন।

প্রতি রবিবারে ও ছুটির দিনে লোকে দেখা-সাক্ষাৎ করতে আসতে লাগলো। জাকফ-মাঝাও আসতেন তার গিটারটি নিয়ে। আর আসতেন দিদিমার বোন ও তার ছেলে। সঙ্গে আসতো একটি কোল কুঁজো, টাক মাথায় লোক। লোকটার কাজ ছিল ঘড়িতে দম দেওয়া। সে একপাশে মাথা হেলিয়ে ঘরের কোণে বসতো। তার খাঁজকাটা কামানো খুঁনিটা আঙুল দিয়ে টোকা দিতে দিতে অদ্ভুত ভাবে হাসতো। তার একটি গাত্র চোখ দিয়ে সে আমাদের দিকে এমনভাবে তাকাতো যে, তার মধ্যে অদ্ভুত এক ভাব প্রকাশ পেত। সে কথা বলতো কম। তার প্রিয় কথা ছিল, “ব্যস্ত হবেন না।”

যখন আমি তাকে প্রথম দেখি তখন আমার বহুকাল আগের একটি দিনের কথা মনে পড়ে। আমরা তখন নিউ স্ট্রীটে থাকতাম। সেদিন ফর্টকের বাইরে ঢাকের ধপ ধপ আওয়াজ শুনতে পেলাম। ছুটে গিয়ে দেখলাম, একখানা গাড়িকে কতকগুলো সৈন্য ঘিরে আছে। তাদের সঙ্গে রয়েছে কালো পোশাক-পরা কতকগুলো লোক। তারা যাচ্ছিল কয়েদখানা থেকে স্বয়ারে। গাড়িতে বসেছিল মধ্যমাকার একটি লোক। তার পায়ে শিকল-বাঁধা মাথায় পশমের টুপি; তার বুকে ঝুলছিল একখানা কালো ট্যাবলেট। ট্যাবলেটখানার গায়ে সাদা বড় বড় হরফে কি যেন লেখা ছিল। লোকটা এমন ভাবে মাথা নিচু করে

ছিল যেন ট্যাবলেটে বা লেখা ছিল সে তা পড়ছিল। সে ছুলাছিল আর শিকলগুলো করছিল খড় খড়। তাই মা যখন ঘড়িতে-দম-দেওয়া লোকটিকে বললেন, “এই আমার ছেলে” আমি তখন ভয়ে তার কাছ থেকে সরে গিয়ে পিছনে হাত দিয়ে দাড়ালাম।

সে বললে, “ব্যস্ত হবেন না।” এবং আমাকে ধরেই লঘুভাবে চট করে ঘুরিয়ে ছেড়ে দিলো। বললে, “ঠিক আছে। বেশ বলিষ্ঠ ছোকরা।”

আমি কোণের দিকে সবে গিয়ে দাদামশায়ের চামড়া-মোড়া আরাম চেয়ারখানাতে বসে পড়লাম এবং সেখান থেকে সব দেখতে লাগলাম আর ভাবতে লাগলাম, বড়দের আনন্দ উপভোগের ধারণা অতি বিরক্তিকর।...

সকলে ‘রাম’ দিয়ে চা খেতে লাগলেন। তারপর দিদিমার তৈরী পানীয় পান করলেন, দই খেলেন আর খেলেন মাখন, ডিম ও মধু দিয়ে তৈরী ‘নন’। সকলে ঘামতে আরম্ভ করলেন, হাঁফাতে লাগলেন। এবং খাওয়া হয়ে গেলে চেয়ারে চেপে বসে জাকফ-মামাকে বাজাতে বললেন।

মামা স্তূয়ে পড়ে যন্ত্রে ধা দিলেন, এবং একটি বিরক্তিকর, বেহরো সুর বেজে উঠলো।

আমার ভালো লাগলো না। দিদিমা বললেন, “অত্ৰুকোন গান কেন বাজাচ্ছে না, জাশা?—একটা সত্যিকারের গান! মাণ্টেনা মনে পড়ে, আমরা যে-সব গান বাজাতাম?”

ধসধসে ক্রকটা ছড়িয়ে দিয়ে দিদিমার বোম্ব উত্তর দিলেন, “আজ-কাল গানের নতুন ‘ফ্যাসান’ হয়েছে ষাটুশকা।”

দাদামশায় ঘড়িতে দম-দেওয়া মিস্ত্রির সঙ্গে হেঁয়ালির সঙ্গে কথা-

বার্তা বলছিলেন আর মাকে আঙুল দিয়ে দেখাচ্ছিলেন। আর সে  
জু তুলেবরের যে দিকে মা ছিলেন সেদিকে তাকাচ্ছিল, মাথা  
নাড়ছিল।

যে ব্যক্তি পরিভূষ্টির সঙ্গে খেয়েছে সে যেমন করে হাসে ভিকটর  
সারাজিয়েভ, দিদিমার বোনের ছেলে, তেমনি হাসি হেসে মেঝেতে পা  
ঘষে হঠাৎ সরু গলায় গান ধরলে, ‘আঁদ্রে পাপা! আঁদ্রে পাপা!’

সকলে চমকে উঠে কথা খামিয়ে তার দিকে তাকালো; আর  
ধোপানী অর্থাৎ দিদিমার বোন গর্কভরে বললেন, “গানটা ও  
খিয়েটারে শিখেছে। খিয়েটারে ওই গানটা গায়।”

এই ভাবে দু-তিনটে সন্ধ্যা কাটলো। তারপর মিস্ট্রিটা এল একদিন  
দিনের বেলায়। আমি মায়ের কাছে বসে তাকে একটা ছেঁড়া  
কাঁককাঁকরা কাপড় সেলাইয়ে সাহায্য করছিলাম। এমন সময়  
হঠাৎ দরজাটা খুলে গেল আর দিদিমা ছুটে ঘরে ঢুকলেন। তার  
মুখে ভয়ের চিহ্ন। তিনি ফিস্ ফিস্ করে বললেন, “ভারিয়া, ও  
এসেছে!” বলেই অদৃশ্য হয়ে গেলেন।

মা নড়লেন না, তার একটি চোখের পাতাও কাঁপলো না, কিন্তু  
একটু পরেই আবার দরজাটা খুলে গেল। দাদামশায় এসে দাড়াইলেন  
দরজায়। বললেন, “ভারভারা, পোশাক পরে এস।”

মা স্থির হয়ে বলে রইলেন এবং তার দিকে মা তাকিয়ে  
বললেন, “কোথায় আসবো?”

—“ভগবানের দোহাই। ওর্ক করো না। লোকটা ভাল, শাস্ত  
প্রকৃতি, ভাল কাজ করে। লোকটির বাক্য হবে...”

মা তাকে শান্তভাবে বাধা দিয়ে বললেন, “এ হতে পারে না।”

দাদামশায় বেন অন্ধ এমনিভাবে হাত দুখানা বাড়িয়ে মায়ের দিকে

এগিয়ে তাঁর ওপর ঝুঁকে পড়ে রাগে ফুলে খড়খড়ে গলায় বললেন, “এস। নাহলে টেনে নিয়ে যাবো—চুলের মুঠি ধরে।”

মা উঠে দাঁড়িয়ে জিজ্ঞেস করলেন, “আমাকে তার কাছে টেনে নিয়ে যাবে!” এবং তাড়াতাড়ি তাঁর বডিস ও স্কারট খুলে ফেলতে লাগলেন। তাঁর মুখখানি শ্রান ও চোখদুটি সঙ্কুচিত হয়ে গেল। পরিশেষে সেমিজটি মাত্র গায়ে রইলো। তিনি দাদামশায়ের কাছে এগিয়ে গিয়ে বললেন “এবার তার কাছে আমাকে টেনে নিয়ে যাও।”

দাদামশায় দাত কড়মড় করতে করতে, তাঁর মুখের সামনে ঘুৰি বাঁকিয়ে বললেন, “ভারভারা! এখনই পোশাক পর!”

মা তাঁকে হাত দিয়ে ঠেলে সরিয়ে দরজার হাতলটা ধরে বললেন, “কৈ? এস!”

দাদামশায় বললেন, “জাহান্নামে যাও।”

—“আমি ভয় পাই না—এস।”

মা দরজাটা খুলে ফেললেন, কিন্তু দাদামশায় তাঁর সেমিজটা চেপে ধরলেন এবং হাঁটু গেড়ে বসে ফিস্ ফিস্ করে বললেন, “ভারভারা! শয়তান! আমাদের সর্বনাশ করবে। তোমার লজ্জা-সরম নেই?”

দিদিমা মায়ের পথ আগলে ছিলেন। তাঁর মুখের কাছে এমন হাত নাড়াছিলেন যেন তিনি একটি মুরগী। তিনি মাকে দরজাটিকে তাড়িয়ে দিয়ে বললেন, “ভারকা! এই বোকা! কি করছো? যাও, বেহায়্যা মাগী।”

তিনি মাকে ঘরের মধ্যে ঠেলে দিয়ে দরজাটিকে আটকে দিলেন। তারপর দাদামশায়কে টেনে তুলে বললেন, “এই বুড়ো শয়তান!”

তারপর তাঁকে কাউচে বসিয়ে দিলেন। এবং মাকে বললেন, “এখনই পোশাক পর।”



মেক থেকে পোশাকটা কুড়িয়ে নিয়ে মা বললেন, “কিন্তু আমি ওব কাছে যাচ্ছি না—শুনছো?”

দিদিমা আমাকে কাউচ থেকে ঠেলে দিয়ে বললেন, “একপাত্র জল নিয়ে এস। শিগগির।”

আমি গলির দিকে ছুটে গেলাম।...শুনতে পেলাম মা বলছেন, “কাল আমি বাড়ি থেকে চলে যাবো।”

রান্নাঘরে গিয়ে জানলার পাশে বসে রইলাম যেন স্বপ্ন দেখছি।

শেষে মনে পড়লো আমাকে কি জন্ম পাঠানো হয়েছে। একটা পিতলের পাত্রে খানিকটা জল নিয়ে গেলাম গলিতে। সামনের ঘর থেকে মাথা নিচু করে বেরিয়ে এল সেই ষড়িতে-দম-দেওয়া মিস্ত্রি। দিদিমা পেটের ওপর হাত দুখানি জোড়া করে রেখে তার পিছনে মাথা ঝুইয়ে কোমল স্বরে বললেন, “ব্যাপারটা যে কি তা তুমি নিজেই জান। তোমাকে জোর কবে কারো প্রতি ভাল বাবহার করানো যায় না।”

সে দরজায় থামলো। তারপর বেরিয়ে গেল আড়িনায়। দিদিমা খুঁখু করে কাঁপছিলেন। তিনি নিজেই যেন বুঝতে পারছিলেন না, হাসবেন কি কাঁদবেন।

তাঁর কাছে ছুটে গিয়ে জিজ্ঞেস করলাম, “কি হয়েছে?”

তিনি জলের পাত্রটা আমার হাত থেকে ছিনিয়ে নিয়ে আমার পায়ে খানিকটা ছিটিয়ে দিয়ে বলে উঠলেন, “তাহলে এই জায়গাটাতে তুমি জলের জন্ম এসেছিলে? দরজাটার খিল লাগাও!” তিনি মায়ের ঘরে ফিরে গেলেন। আর আমি আবার গেলাম রান্নাঘরে। শুনতে পেলাম তাঁরা দীর্ঘশ্বাস ফেলছেন, আর্জুনদি করছেন, কি বলছেন যেন একটি বোকা, তাঁদের পক্ষে খুবই ভারী, বোকা এক জায়গা থেকে আর এক জায়গায় সরেছেন।

\* \* \* \*

দিনটি ছিল আলোভরা। তুষার-ছাওয়া জানলার সাসির মাঝ দিয়ে শীতের সূর্যের বাঁকা রশ্মিগুলি এসে পড়ছিল। টেবিলে সাজানো ছিল খাবার সরঞ্জাম। একটি গব্লেটে ছিল লাল রংয়ের ঘোল, আর একটিতে গাঢ় সবুজ রঙের ভদকা। দাদামশায় সেটি তৈরি করে ছিলেন। জানলায় যে-সবজায়গায় বরফ গলে গিয়েছিল সে-সব জায়গার মধ্য দিয়ে ছাদের ওপর এবং বেড়ার খুঁটিগুলোব গায়ের তুষার দেখতে পাওয়া যাচ্ছিল। চোখ ধেঁধেঁ যায় এমন উজ্জ্বল ও রূপোর মতো রকমকে তুষার। জানলার চৌকাঠের গায়ে খাঁচায় আমার পাখীগুলো রৌদ্রে খেলা করছিল। মিরসাঁহ সিস্কিনগুলো আনন্দে কলরব করছিল, রবিনগুলো শিষ দিচ্ছিল আর গোলড্‌ফিঞ্চগুলো গান করছিল।

কিন্তু এই উজ্জ্বল, শুভ্র দিনটি কোন আনন্দকেই আনল না। দিনটিকে, প্রত্যেক কিছুকেই মনে হচ্ছিল খাপছাড়া। পাখি-গুলোকে উড়িয়ে দেবার ইচ্ছা আমার মনকে পেয়ে বসলো।

কিন্তু মাকে দেখাতে লাগলো স্থখী ও শান্ত। তিনি দিদিমাকে চম্বন করলেন। তাঁকে রাগ করতে বারণ করলেন। আর দাদামশায় একেবারে ক্লান্ত হয়ে টেবিলে বসে পড়লেন। তাঁর চোখে রোদ লাগলো। দিদিমার তৈরী পাইটা পুড়ে গিয়েছিল। তবু কিছু চোখ মিট মিট করতে করতে বললেন, “ওতেই হবে। ওতে কিছু এসে যায় না। ভাল পাই আমরা যথেষ্ট খেয়েছি। রুগ্ন স্মারিয়া...”

তিনি এমন ব্যবহার করতে লাগলেন যেন তাঁর মাথা বিগড়ে গেছে।...দিদিমা তাঁকে বাধা দিয়ে রুগ্নের সঙ্গে বললেন, “তুমি ধাও...তুমি সব চেয়ে ভাল যে কাজটি করতে পারো তা হচ্ছে ওই।”

মা সারাক্ষণ হাস্ত-পরিহাস করতে লাগলেন। তাঁর পরিষ্কার চোখ

ছুটি ঝক্ ঝক্ করতে লাগলো। তিনি আমাকে একটা ঠেলা দিখে বললেন, “তাহলে তুমি তখন ভয় পেয়েছিলে?”

না, তখন ভয় পাই নি, কিন্তু এখন অস্থির ও বিহ্বল হয়ে উঠলাম। অনেকক্ষণ ধরে খাওয়া চললো। রবিবারে ও ছুটির দিনে তাই ছিল নিয়ম। আমার বোধ হতে মাগলো মাত্র আধ ঘণ্টা আগে যারা পরস্পরকে গালাগাল দিচ্ছিল, পরস্পরের সঙ্গে মারামারি করতে উত্তেজিত হয়েছিল, কাঁদছিল এবা তারা নয়।...কিন্তু সেই চোখের জল ও কান্না, পরস্পরের প্রতি সেই আক্রমণ পরিশেষে আমাকে আর উত্তেজিত ও ব্যথিত করতে পারতো না।

বহুপরে আমি উপলব্ধি করলাম কষদের অভাবগ্রস্ত ও দারিদ্র্যভরা জীবনের অফুরন্ত কাজের দিনগুলিতে দুঃখ হয়ে ওঠে ছুটি, অগ্নি লীলা হয় আমোদ, কাটা দাগ হয় মুখের অলঙ্কার। এই তাদের বিলাস।

## একাদশ পরিচ্ছেদ

এই ঘটনার পর মা হঠাৎ সকল কাজে স্বমত প্রতিষ্ঠা করতে লাগলেন; দঢ় হলেন এবং শীঘ্রই হয়ে উঠলেন সেই গৃহের কত্রী। দাদামশায় হয়ে গেলেন গম্ভীর ও শাস্ত; বাড়িতে তাঁর কোমল খাতির রইলো না। তিনি কদাচিৎ বাড়ির বাইরে যেতেন, চিলে-কোঠায় ঝলে বই পড়তেন।

তাকে অনেকবার জিজ্ঞেস করেছিলাম, বইখানা কি। কিন্তু তিনি গম্ভীর কণ্ঠে উত্তর দিয়েছিলেন, “বাই হোক...একটু সবুর কর, আমি মরলে তুমি এখানা পাবে।”

তিনি মায়ের সঙ্গে খুব নরম ভাবে কথা-বার্তা বলতে লাগলেন, কিন্তু ক্রমেই কম।...

তাঁর ট্রাংকে ছিল নানা রকমের আশ্চর্য্য পোশাক-পরিচ্ছদ—সিক্কেস স্কারট, প্যাড-দেওয়া সাটিনের জ্যাকেট, হাতা-কাটা গাউন, রূপালি জরি বসানো কাপড়, মুক্তোবসানো টায়রা, নানা রঙের রুমাল ও পাখর বসানো নেকলেস। তিনি সেগুলো সব মায়ের ঘরে নিয়ে চেয়ার ও টেবিলের ওপর রেখে বললেন, “আমাদের ঘোঁর্নৈ পোশাক-পরিচ্ছদ ছিল এখনকার চেয়ে আরও সুন্দর; আরও দামী। কিন্তু সে-সব অতীত। আর ফিরিয়ে আনা যায় না...এই নাও...পর...”

মা অল্পক্ষণের জন্তু তাঁর ঘরে গেলেন। এবং যখন ফিরে এলেন তাঁর পরিধানে গাঢ় নীল হাতকাটা সোনালি জরি কাজকরা পোশাক, মাথায় মুক্তো বসানো টায়রা। দাদামশায়কে মাথা হুইয়ে অভিবাদন করে তিনি জিজ্ঞেস করলেন, “তোমার চোখে কি রকম ঠেকছে বাবা?”

দাদামশায় বিড় বিড় করে কি বলে উল্লসিত হয়ে উঠলেন; এবং মায়ের চারধারে ঘুরে হাত ছুঁখানি তুলে যেন ঘূমের ঘোরে কথা বলছেন, এগ্নি জড়িয়ে বললেন, “এঃ! ভারভারা...যদি তোমার প্রচুর টাকা থাকতো তাহলে তোমার চারদিকে সব চেয়ে ভাল লোক ঘোরা-ফেরা করতো...!”

মা তখন সামনের দিকের ছুঁখানা ঘরে থাকতেন। তাঁর সঙ্গে বহু লোক দেখা করতে আসতো। তাদের মধ্যে সব চেয়ে বেশি আসতেন ম্যাকসিমোফরা। তাঁরা ছিলেন দু'জনে একজনের নাম ছিল পিটার। পিটার ছিলেন প্রিয়দর্শন, মুখে পাতলা দাড়ি, চোখ দুটি নীল। তিনি ছিলেন পদস্থ সামরিক কর্মচারী। তাঁরই সামনে সেই

বুদ্ধ ভদ্রলোকটির মাথায় খুঁ ফেলবার জন্য দাদামশায় আমাকে শাস্তি দিয়েছিলেন।

বড় দিনের ছুটির দিনগুলি সকলে কাটাতেন আনন্দে হৈ-হল্লা করে। প্রতি সন্ধ্যায় লোকে মায়ের সঙ্গে দেখা করতে আসতো। মাও বেশ-ভূষা পরে থাকতেন এবং তাঁদের সঙ্গে বেড়াতে যেতেন।

তিনি যখনই তাঁর অতিথিদের সঙ্গে বেড়াতে যেতেন তখনই বোধ হত যেন বাড়িখানি মাটিতে বসে গেছে এক ভয়ঙ্কর স্তব্ধতা প্রতি কোণে সঞ্চিত হচ্ছে! দিদিমা বৃদ্ধা হংসীর মতো ডানা ঝাপটে সারা ঘরে ঘুরে-ফিরে সব জিনিষ গুছিয়ে রাখতেন। আর দাদামশায় ষ্টোভের গরম টালিতে পিঠ দিয়ে দাঁড়িয়ে নিজেব মনে বলতেন, “আগাদের দেখতে হবে বংশ কি রকমের...”

বড়দিনের ছুটির পর মা মাইকেল-মামার ছেলে শাস্কা ও আমাকে স্কুলে দিলেন। শাস্কার বাবা আমার বিবাহ করেছিলেন এবং প্রথম থেকেই বিমাতা তাঁর সপত্নী পুত্রটিকে বিষ-দৃষ্টিতে দেখেছিলেন ও তাকে মারতে আরম্ভ করেছিলেন। তাই দিদিমার কাকুতি-মিনতিতে দাদামশায় শাস্কাকে বাড়িতে রেখেছিলেন। আমরা দুজনে একমাস স্কুলে গেলাম এবং যতদূর মনে পড়ে, আমি যা শিখেছিলাম, তা হচ্ছে আমাকে যদি কেউ জিজ্ঞেস করে, “তোমার নাম কি” তাহলে মাত্র “পিয়েশকফ” বলে উত্তর দিতে হবে না, বলতে হবে “আমার নাম হচ্ছে পিয়েশকফ”। আর শিক্ষক-মশায়কে একথাও বলতেও হবে না, “আমাকে ধমকাবেন না, মশায়, আমি স্তম্ভপনাকে ভয় করি না।”

প্রথমে স্কুল আমার ভাল লাগতো না, কিন্তু আমার মামাতো ভাইটি প্রথমে খুব খুশি হয়েছিল। সহজেই অনেক বন্ধু করে নিয়েছিল।

একবার সে পড়া দেবার সময় ঘুমিয়ে পড়ে এবং হঠাৎ ঘুমের ঘোরে বলে ওঠে, “আমি কোরবো না!”

তারপরই চমকে জেগে উঠে বিনা আড়ম্বরে ক্লাশ থেকে ছুটে বেরিয়ে যায়। এর জন্ত সকলে তাকে নির্দয়ভাবে বিদ্রোপ করে; এবং পরদিন স্কুলে আসবার পথে আমরা যখন সিয়েনভি স্কয়ারের ধারে এসে পড়ি সে ধমকে দাঁড়িয়ে বললে, “তুমি যাও...আমি বাব না...আমি বেড়াতে যাবো।”

সে ঊবু হয়ে বসে তুমারে গর্ভ করে তার মধ্যে বইগুলো রেখে তার ওপর নবক চাপা দিয়ে চলে গেল। জানুয়ারি মাস। চারপায়ে রুপালি বৌদ্র ঝবে পড়ছিল। মাঝাতো শাইটির ওপর আমার বড় হিংসে হতে লাগলো, কিন্তু মনকে কঠিন করে আমি স্কুলে গেলাম। মাকে আমি দুঃখ দিতে চাইলাম না। যে-বইগুলো সাস্কা পুতে বেখে ছিল সেগুলো অদৃশ্য হয়ে গিয়েছিল। কাজেই পবদিন তার স্কুলে না-যাবার ষ্টিবৃত্ত কারণ ছিল। কিন্তু তৃতীয় দিনে দাদামশায়কে তার ব্যবহারটা জানানো হল। বিচারের জন্ত আমাদের দুজনের ডাক পড়লো। রান্নাঘবে দাদামশায়, দিদিমা ও মা টেবিলের ধারে বসে আমাদের জেরা করতে লাগলেন। সাস্কা দাদামশায়ের প্রশ্নের কি বকম মজার উত্তর দিয়েছিল, তা কখন ভুলকো না।

—“তুমি স্কুলে যাও নি কেন?”

—“স্কুলটা কোথায় ভুয়ে গিয়েছিলাম।”

—“ভুলে গিয়েছিলে?”

—“হাঁ। কেবলই খুঁজে বেড়াচ্ছিলাম।”

—“কিন্তু তুমি আলেকসির সঙ্গে গিয়েছিলে। ওর মনে ছিল স্কুলটা কোথায়।”

—“আমি ওকে হারিয়ে ফেলেছিলাম।”

—“লেকসিকে হারিয়ে ফেলেছিলে?”

—“হাঁ।”

—“কি করে?”

সাস্কা ক্রমিক চিন্তা করে নিখাস টেনে নিয়ে বললে, “তুব্বারপাত হচ্ছিল, কিছুই দেখা যাচ্ছিল না।”

সকলে হাসলেন—এমন কি সাস্কাও সাবধানে হাসলে। কিন্তু দাদামশায় দাঁত বার কার বিদ্বেষের সঙ্গে হাসলেন, “কিন্তু তুমি ওর হাত কি বেলট চেপে ধরতে পারতে; পারতে না?”

সাস্কা বললে, “চেপে ধরেও ছিলাম কিন্তু বাতাসে ছিনিয়ে নিয়ে গেল।”

সে অলস, হতাশ স্বরে কথাগুলো বলে যেতে লাগলো আর আমি তার ধুটতায় বিম্বিত হয়ে এই অনাবশ্যক, বিস্ত্রী মিথ্যা কথাগুলো অস্বস্তির সঙ্গে শুনে যেতে লাগলাম।

আমাদের গ্রহাণু দেওয়া হল এবং এক হাত-ভাঙা প্রাক্তন বুদ্ধ ইন্ডিন-শ্রমিককে নিবৃত্ত করা হল আমাদের স্কুলে নিয়ে যেতে এবং শিক্ষার পথ থেকে সাস্কা যাতে বিপথে গিয়ে না পড়ে সেদিকে লক্ষ্য রাখতে। কিন্তু ভাতে কোন কাজ হল না। পরদিন, আমার মামাতো ভাইটি বড় রাস্তাটিতে গিয়ে পড়তেই হঠাৎ ধমকে দাঁড়ালো এবং পা থেকে একপাটি উঁচু বুট খুলে তার কাছ থেকে অনেকটা দূরে ছুঁড়ে দিলে। তারপর আর একপাটি খুলে বিপরীত দিকে ছুঁড়ে ফেলেই মোজা পায়ে ছুটলো স্কোয়ার দিয়ে। বুদ্ধ হাঁপাতে হাঁপাতে গিয়ে বুট দুপাটি কুড়িয়ে নিয়ে ভীষণ বিচলিত হয়ে স্কোয়ারে বাড়ি নিয়ে গেল।

সেদিন, সারা দিনমান দাদামশায়, দিদিমা ও মা পালানো

ছেলেটিকে শহরে খুঁজে বেড়ালেন এবং তাঁরা যখন তাকে খুঁজে পেলেন তখন সন্ধ্যা হয়ে গেছে। সে চিরকোফের গুঁড়িধানার জন-সাধারণকে তার নাচ দেখিয়ে আমোদ দিচ্ছিল। তাঁরা তাকে বাড়ি নিয়ে এলেন। কিন্তু তাঁরা তাকে কিছু বললেন না। সে আমার পাশে শুয়ে তাকের ওপর পা তুলে ছাদের গায়ে ঘষতে ঘষতে আস্তে আস্তে বললে, “আমার সংমা আমাকে ভালোবাসে না, আমার বাবাও না। আর দাদামশায়ও নয়। কেন আমি ওদের সঙ্গে থাকবো? তাই দিদিমাকে বলতে বলবো দস্যুরা কোথায় থাকে। আমি তাদের কাছে যাবো পালিয়ে...তখন তোমরা বুঝবে, সকলেই...আচ্ছা, আমরা দুজনে একসঙ্গে পালাই না কেন?”

কিন্তু আমি তখন তার সঙ্গে পালাতে পারতাম না; কারণ সে-সময়ে আমার সম্মুখে ছিল এক কঠিন কাজ। আমি একজন প্রকাণ্ড পাতলা দাড়িওয়ালা সামরিক কর্মচারী হব বলে প্রতিজ্ঞা করেছিলাম। সেজন্ত লেখা-পড়া শিক্ষা করা ছিল একান্ত দরকার। আমার মামাতো ভাইকে আমার মতলবটি জানালে সে চিন্তার পর আমার সঙ্গে একমত হল।

“ভাল কথা। তুমি যে-সময়ে সামরিক কর্মচারী হয়ে উঠবে আমি সে-সময়ে হয়ে উঠবো একজন দস্যু-সর্দার। তোমাকে আমায় বন্দী করতে হবে। আর আমাদের একজনকে আর একজনকে মেরে ফেলতে বা বন্দী করতেই হবে। আমি তোমাকে মেরে ফেলবো না।”

—“আমিও তোমাকে মেরে ফেলবো না।”

সেই বিষয়টিতে আমরা হলাম এক মত।

তারপর দিদিমা ঘরে এলেন। তিনি আমাদের ওপর উঠে আমাদের দিকে একবার তাকিয়েই বললেন, “এই নেংটি ইঁদুরগুলো? এঃ! অনাথ ছেলে দুটি!...বেচারী রে!”



তিনি সাস্কার বিমাতা—সরাইওয়ালার মুটুকী মেয়ে আমার নাদেজদা-মামীকে গালাগাল দিতে আরম্ভ করলেন, ধামলেন না; এবং সব বিমাতাকেই গালাগাল দিতে লাগলেন! পরদিন যখন আমার ঘুম ভাঙলো তখন গা লাল দাগে ভরে গেছে। সেই হল আসল বসন্তের আরম্ভ।

তঁারা আমাকে পিছন দিককার চিলে-কোঠাটিতে রেখে দিলেন। সেখানে আমি দীর্ঘকাল অন্ধ হয়ে শব্দ করে হাত-পায়ে পটি বাঁধা অবস্থায় পড়ে রইলাম। একদিন এমন বুকচাপায় ধরে ছিল যে তাতে প্রায় মারা যেতে বসেছিলাম। দিদিমা ছাড়া আমার কাছে আর কেউই আসতেন না। তিনি আমাকে চামচ করে খাওয়াতেন যেন আমি একটি শিশু, এবং তাঁর অফুরন্ত গল্প-ভাঙার থেকে আমাকে প্রত্যেকবার নতুন নতুন বলতেন।

একদিন সন্ধ্যায়, তখন আমি প্রায় সেরে উঠেছি, শুয়ে আছি। আমার পায়ে পটি বাঁধা ছিল না। হাত দুখানিতে পটি বাঁধা ছিল যাতে মুখ না চুলকোতে পারি। দিদিমা যে-সময়ে আসতেন কি কারণে যেন সে-সময়ে এলেন না। তাতে আমার ভয় হল। তারপরই হঠাৎ তাঁকে দেখলাম। তিনি চিলে-কোঠাটার ধুলোভরা দরজাটার বাইরে হাত দুখানা ছড়িয়ে উপুড় হয়ে পড়ে আছেন; পিটার খুড়োর মতো তাঁর ঘাড়ের অর্ধেক কাটা। আর, সেই মলিন গোখুলি আলোয় কোণ থেকে তাঁর দিকে একটা প্রকাণ্ড বিড়াল সবুজ মেলনুপ চোখ দুটি মেলে ধীরে এগিয়ে যাচ্ছে। আমি বিছানা থেকে লাফিয়ে গিয়ে পড়লাম আড়িনায় তুষার-বাটিকায় মধ্যে। জিহলার চৌকাঠে আমার পা আর বাড় ছড়ে গেল। তখন ময়ূর সঙ্গে লোকেরা দেখা করতে এসেছিল। কাজেই সার্সির বা জানলার ফ্রেম ভাঙার শব্দ কেউ শুনতে

পেল না। আমাকে কিছুক্ষণ তুবারের ওপর পড়ে থাকতে হ'ল। আমার কোন হাড় ভাঙে নি বটে কিন্তু কাঁধের হাড় খুলে গিয়েছিল, ভাঙা কাঁচে শরীরের অনেক জায়গা কেটেও গিয়েছিল খুব, আর পা দুখানা নাড়বার শক্তি একেবারেই হারিয়ে ফেলেছিলাম। আমি তিন মাস বিছানায় পড়ে ছিলাম; নাড়বার শক্তি একটুও ছিল না। স্থির হয়ে শুয়ে সব স্তন্যতাম; ভাবতাম, বাড়িটা কি রকম দুমদাম্ শব্দ করছে; কত লোক আসছে-যাচ্ছে।

ছাদের ওপর দিয়ে বয়ে চলেছে প্রবল তুবার-ঝটিকা; দরজায় প্রতিধ্বনি তুলে বাতাস যাওয়া-আসা করছে, চিমনির মাঝে গাইছে অস্ত্যেষ্টি-সঙ্গীত, করছে খট্ খট্ শব্দ; দিবসে ডাকছে কাক এবং রাতের স্তব্ধতার মাঝে কানে এসে পৌঁছচ্ছে নেকড়ের করুণ ডাক। এম্মি সঙ্গীতের প্রভাবে আমার অন্তর বদ্ধিত হয়ে উঠতে লাগলো। পরে জানালাপথে মার্চ মাসের উজ্জ্বল রবি-নয়নে দেখা দিল লাজুক বসন্ত, প্রথমে শঙ্কায়, কোমলতায়; কিন্তু প্রতিদিনই সে হয়ে উঠতে লাগলো নির্ভীক ও ধরতর। বসন্তের মর্ষরতা এমন কি দেওয়ালগুলো অবধি ভেদ করলে—ফটিক তুবার কণিকাগুলি ভেঙে গুঁড়িয়ে যেতে লাগলো। আধ-গলা তুবার ঝরে পড়ছিল আস্তাবলের চাল থেকে। দিদিমা যখন আশ্রয় কাছে আসতে লাগলেন, তাঁর কাঁধায় প্রায়ই ভদ্রস্বয়ং গন্ধ পাওয়া যেতে লাগলো এবং প্রতিদিনই তা হয়ে উঠতে লাগলো উগ্রতর। অবশেষে তিনি একটি বড় সাদা পট এনে আমার বিছানার তলায় লুকিয়ে রাখতে লাগলেন আর জোখের ইসারা করে আমাকে বললেন, “আমাদের ঐ দাদামশায়টিকে কিছু বলো না, মানিক। বলবে?”

—“তুমি মদ খাও কেন?”

—“তাতে কি! বড় হলে তুমি বুঝবে।”

টী-পটটার নলে মুখ দিয়ে টেনে জামার হাতায় মুখ মুছে মিষ্টি করে হেসে জিজ্ঞেস করলেন, “বল দেখি বাবুশায়, এই সন্ধ্যায় তুমি কোন্ বিষয় আমার কাছ থেকে শুনতে চাও?”

—“আমার বাবার বিষয়।”

—“কোথা থেকে শুরু করবো?”

আমি তাঁকে মনে করিয়ে দিলাম। তাঁর কথাগুলি তানমুখর শ্রোতস্বতীর মতো বহুক্ষণ বয়ে গেল।

একদিন তিনি স্বেচ্ছায় আমাকে বাবার বিষয় বলতে আরম্ভ করেছিলেন। সেদিন তিনি ছিলেন বিষণ্ণ, ক্লান্ত! তিনি বলেছিলেন, “তোমার বাবার স্বপ্ন দেখেছিলাম। মনে হ’ল, তাকে শিশু দিতে দিতে আসতে দেখলাম। তার পিছন পিছন আসছিল একটা কুকুর। তার জিভটা এক ধারে বেরিয়ে পড়েছে। কোন কারণে আমি ম্যাকসিম সাবাতিয়েভিচের খুব ঘন ঘন স্বপ্ন দেখতে আরম্ভ করেছিলাম...তার মানে তার আত্মা শান্তি পাচ্ছে না...”

পর পর কয়েকটি সন্ধ্যা তিনি আমার বাবার ইতিহাস বললেন। তাঁর সকল গল্পের মতোই সেটাও ছিল কোঁতুহল-জাগানো।

আমার বাবা ছিলেন এক সৈনিকের ছেলে। ঠাকুরদা নিজের চেষ্ঠায় পদস্থ সামরিক কৰ্মচারীর পদে উন্নীত হয়েছিলেন। কিন্তু তাঁর অধীন কৰ্মচারীদের প্রতি নিষ্ঠুর আচরণের জন্ত সাইবিরিয়ায় নির্বাসিত হ’ন। এবং সেখানে—সাইবিরিয়ার কোন জায়গায়—কমিয়ার বাবার জন্ম হয়। বাবার জীবনটা ছিল চুঃখের; এবং খুব শৈশবেই তিনি বাড়ি থেকে পালাতেন। একবার ঠাকুরদা তাঁকে বনের মধ্যে খুঁজে বার করতে কুকুর ছেড়ে দেন, যেন তিনি একটা ধরগোশ। আর একবার

তাকে ধরতে পেয়ে এমন নির্দয়ভাবে মারেন যে, প্রতিবেশীরা ছেলোটিকে নিয়ে গিয়ে লুকিয়ে রাখে।

জিজ্ঞেস করছিলাম, “লোকেরা কি ছেলেদের সর্বদাই মারে?”

দিদিমা শাস্ত ভাবে বলেছিলেন, “সর্বদা।”

আমার বাবার মা মারা যান আগে এবং তিনি যখন নয় বছরের তখন ঠাকুরদারও মৃত্যু হয়। তাঁর লালন-পালনের ভার নেয় একজন ক্রম-মিস্ত্রি। সে তাকে পাবনা শহরের ব্যবসায়-ক্ষেত্রে প্রবেশ করিয়ে তার পেশা শিক্ষা দিতে শুরু করে। কিন্তু আমার বাবা তার কাছ থেকে পালিয়ে যান এবং অন্ধদের মেলায় পৌঁছিয়ে দিয়ে তাঁর জীবিকা অর্জন করতে থাকেন। তাঁর বয়স যখন ষোলো বছর তখন তিনি নিজনিতে আসেন এবং একজন ষ্টীমার কনট্রোলারের কাছে কাজ নেন। কুড়ি বছর বয়সে তিনি হয়ে ওঠেন একজন দক্ষ ছুতোর মিস্ত্রি, চাগড়া মোড়ার ও সাজাবার কাজেও হ'ন পাকা। যে-কারখানায় তিনি কাজ করতেন সেটি ছিল কোবলিথ স্ট্রীটে দাদামশায়ের বাড়ির পাশে।

দিদিমা হাসতে হাসতে বলেছিলেন, “বেড়াটাও উঁচু ছিল না, আর কয়েকটি লোকও লাজুক ছিল না। তাই ভারিয়া আর আমি একদিন যখন বাগানে রাসপুত্রের তুলছি সেই বেড়াটার ওপর উঠলাম কে বলতো? তোমার বাবা ছাড়া আর কে হবে...আমি! লোকের মতো ভয় পেলাম। কিন্তু সে আপেল গাছগুলোর ধাক্কা দিয়ে চললো। চমৎকার দেখতে, গায়ে সাদা শার্ট, পরনে স্ট্রীচস্...খালি পা, মাথায় টুপি নেই, মাথার লম্বা চুলগুলো চামড়ার কিতে দিয়ে বাধা। ঐ ভাবেই সে কোর্টশিপ করতে এসেছিল। যখন আমি প্রথমে তাকে জানলা দিয়ে দেখি, তখন নিজের মনে বলেছিলাম, ‘চমৎকার

ছোকরা!’ তাই সে যখন আমার একেবারে কাছে এল, আমি তাকে জিজ্ঞেস করলাম, ‘তুমি এ রকম করে আস কেন, ছোকরা?’”

“সে হাঁটু গেড়ে বসে বললে, ‘আকুলিনা আইভানোভনা...আসি তার কারণ আমার সারা অন্তর আছে এখানে...ভারিয়ার কাছে। ঈশ্বরের দিব্যি, আমাদের সাহায্য কর! আমরা দুজনে বিয়ে করতে চাই।’ সে কথা শুনে আমি হতবস্ত্র হয়ে গেলাম, মুখ দিয়ে কথা বার হ’ল না। তাকিয়ে দেখলাম, তোমার মা, ঐ দুইটা রাসপবেরির মতো রাঙা হয়ে একটা আপেল গাছের আড়ালে লুকিয়ে তোমার বাবাকে ইসারা করছে; কিন্তু তার চোখে ছিল জল।

“বলে উঠলাম, ‘ও শয়তানগুলো! কি করে এত সব করলে? তোমার কি চৈতন্য আছে ভারভারা? আর ছোকরা তুমি? ভেবে দেখ, তুমি কি করছো! তুমি কি জোর করে তোমার পথ করে নিতে চাও?’”

“সে সময় দাদামশায় ছিলেন ধনী; কারণ ছেলেদের অংশ তখনও তিনি দেননি। তাঁর নিজেরই চারখানা বাড়ি আর টাকা ছিল। তাঁর উচ্চ আকাজক্ষাও ছিল। তার অনেক দিন আগেই তাঁকে সকলে দিয়েছিল লেশ দেওয়া টুপি, আর একটা উদ্দি। কারণ তিনি একটানা নয় বছর ব্যবসায়ী-সজ্জের প্রধান ছিলেন—আর সে সময়ে তাঁর দেমাকও ছিল। আমার বা বলা উচিত আমি তাদের তাই বললাম; কিন্তু সারাটা ক্ষণ ভয়ে কাঁপতে লাগলাম। তাদের ছোট্ট বড় দুঃখও হল। দুজনেই এমন বিষণ্ণ হয়ে উঠছিল। তারপর তোমার বাবা বললে, ‘আমি খুব ভাল করেই জানি বাসিলি বাসিলিচ ভারিয়াকে আমার হাতে দিতে রাজী হবেন না; তাই আমি ওকে চুরি করে নিয়ে যাবো। কেবল তোমাকে আমাদের সাহায্য করতে হবে।’

“আমাকে তোমাদের সাহায্য করতে হবে? আমি তাকে ঠাট্টা না করে থাকতে পারলাম না, কিন্তু তার মনকে কিছুতেই ফেরানো গেল না। সে বললে, ‘তুমি আমাকে টিলই মার বা সাহায্যই কর, আমার কাছে সব একই কথা—আমি কিছুতেই ছাড়বো না।’

“তারপর ভারভারা তার কাছে গিয়ে তার কাঁধে হাত রেখে বললে, ‘বিয়ে করবার কথা আমরা অনেক দিন থেকেই বলছি—মে মাসে আমাদের বিয়ে হওয়া উচিত।’

“তার কথায় আমি কি রকম চমকে উঠেছিলাম!

দিদিমা হাসছিলেন; তাঁর সারা দেহ কাঁপছিল। তারপর একটিপ নশ্ব নিয়ে চোখ মুছে বলেছিলেন, “তুমি এখনও বুঝতে পারবে না...বিয়ে করা মানে কি তা তুমি জানো না, কিন্তু তুমি এ কথা বুঝতে পারো যে বিয়ের আগে একটি মেয়ের সন্তান প্রসব করা হচ্ছে তার পক্ষে ভয়ঙ্কর বিপদের। এ কথা মনে রেখো, যখন বড় হবে কোন মেয়েকে ওপথে ভুলিয়ে নিয়ে যেও না। তোমার পক্ষে হবে ভীষণ পাপ—মেয়েটার হবে কলঙ্ক, ছেলেটা হবে জারজ। দেখে যেন এটা ভুল না! তুমি মেয়েদের ওপর সদয় হবে, তাদের জন্মেই তাদের ভালোবেস, লালসার জন্মে নয়। তোমাকে সং পরামর্শ দিচ্ছি।”

তিনি চেয়ারে ছলতে ছলতে চিন্তার মাঝে তলিয়ে গেলেন। তারপর দেহটাকে নাড়া দিয়ে আবার বলতে লাগলেন, “কি করা যাবে? আমি ম্যাকসিমের কপালে মারলাম চড়, তারিয়ার বেগী ধরে দিলাম নাড়া; কিন্তু ম্যাকসিম ঠিক কথাই বললে, ‘বগড়ায় সব মিটে যাবে না।’ আর তোমার মা বললে, ‘তবে দেখা যাক প্রথমে কি করলে সব চেয়ে ভাল হবে। বগড়া করা যাবে পরে।’

তোমার বাবাকে জিজ্ঞেস করলাম, ‘তোমার টাকা-কড়ি কিছু আছে?’

সে উত্তর দিলে, ‘ছিল কিছু; কিন্তু তা দিয়ে ভারিয়াকে একটা আংটি কিনে দিয়েছি।’

—‘তখন তোমার কাছে কত ছিল?’

—‘প্রায় এক শ রুপল।’

‘এখন, সে-সময়ে টাকা-কড়ি এমন সস্তা ছিল না, জিনিষ-পত্রের নামও ছিল আক্রা। আমি দুটিকে দেখতে লাগলাম—তোমার মা আব বাবাকে—আর মনে মনে বললাম, ‘কি ছেলেমানুষ! কি বোকা!’

‘তোমার মা বললে, ‘আংটিটা আমি মেঝের নিচে লুকিয়ে রেখেছি, যাতে তুমি দেখতে না পাও। আমরা সেটা বেচতে পারি।’

‘তারা এমন ছেলেমানুষ—ভুজনেই! যা হোক, এক সপ্তাহের মধ্যে কি করে বিয়ে হতে পারে সে-সমস্ত আলোচনা করলাম; এবং প্রতিজ্ঞা করলাম, পাত্রির সঙ্গে সব বন্দোবস্ত আমিই করে ফেলবো। কিন্তু নিজেরই বড় অসোয়াস্তি বোধ হতে লাগলো। কারণ বড় ভয় হতে লাগলো দাদামশায়কে। আর ভারিয়াকে বড় হয়েছিল। তা, আমরা সব বন্দোবস্ত করে ফেললাম।

‘কিন্তু তোমার বাবার একজন শত্রু ছিল—একজন কারিগর। লোকটার মন ছিল বিক্রী। সে অনেকদিন আগেই কুমতে পেরেছিল, কি চলেছে। সে আমাদের গতিবিধির ওপর নিজের রাখতে লাগলো। আমার একমাত্র মেয়েকে যা-কিছু ভাল পেরিলাম তাই দিয়ে সাজালাম। তারপর তাকে বার করে নিয়ে গেলুম ফটকে। সেখানে একখানা ট্রাইকা দাঁড়িয়ে ছিল। সে তাতে উঠলো; ম্যাকসিম শিষ দিলে।

তারপর দুজনেই গাড়ি হাঁকিয়ে চলে গেল! চোখে জল নিয়ে আমি ঘরে ফিরে যাচ্ছি, এমন সময়ে সেই লোকটির সঙ্গে দেখা। সে ধ্যান ধ্যানে গলায় বলে উঠলো, ‘আমার মনে কোন গোল নেই; নিয়তির খেলায় আমি বাধা দেব না। আকুলিনা আইভানোভনা, চূপ করে থাকবার জগ্রে আমাকে কেবল পঞ্চাশটি রুবল দিতে হবে।’

“কিন্তু আমার কাছে টাকা-কড়ি কিছুই ছিল না। আমি টাকা-কড়ি রাখা পছন্দ করতাম না বা সঞ্চয়ের ইচ্ছাও আমার ছিল না। তাই বোকার মতো বললাম, ‘আমার টাকা-কড়ি নেই, কাজেই আমি তোমাকে কিছুই দিতে পারবো না।’

“সে বললে, ‘তুমি দেবে বলে প্রতিজ্ঞা করতে পারো।’

“কেমন করে তা পারি? প্রতিজ্ঞার পর কোথা থেকে টাকা পাবো?”

“সে বললে, ‘পরসাওয়ালা স্বামীর কাছ থেকে চুরি করা কি এতই কঠিন?’

“অমি যদি বোকা না হতাম তাহলে তার কথায় সায় দিতাম। কিন্তু আমি তার নোংরা মুখখানাতে পথ দিয়ে বাড়িতে গেলাম ঢুকে। আর সে আঙিনায় ছুটে এসে চীৎকার করতে লাগলো।”

চোখ দুটি বন্ধ করে দিদিমা সহাস্ত্রে বললেন, “আমি সেই দুঃসাহসিক কাজটির স্মৃতি এখনও মনে পড়ে। দাদামশায় বয় পনের মতো গর্জন করতে লাগলেন; জানতে চাইলেন আমরা তাঁকে নিয়ে মজা করছি কি না! আবার স্ত্রীপারটি তখন এমন হয়েছিল যে, তিনি কিছুদিন থেকেই সারিয়ার হিসাব-নিকেশ করছিলেন আর তার সম্বন্ধে অহঙ্করি করছিলেন, ‘বড় ঘরে, ভদ্র-লোকের সঙ্গে ওর বিয়ে দেব!’ শেষে তার জগ্রে এল এক চমৎকার



ভদ্রলোক! কিন্তু জননী মেরীই আমাদের চেয়ে ভাল জানেন, কি রকমের দুটি মানুষকে একসঙ্গে গঁথে দিতে হবে।”

“দাদামশায় সারা আঙিনায় ছুটে বেড়াতে লাগলেন যেন তাঁর গায়ে আগুন লেগেছে; আর মাইকেল ও জাকফকে ডাকতে লাগলেন। সেই শয়তান কারিগরটির পরামর্শ শুনে, এমন কি, কোচোয়ান ক্রিমাকে ডাকলেন। তাকে একটা চামড়ার ফিতে নিতে দেখলাম। ফিতেটার মাথায় ছিল একটা সোঁসে বাঁধা; আর মাইকেল নিল তার বন্দুক। সে-সময়ে আমাদের বোড়াগুলো ছিল ভাল, তেজী; আর গাড়িও ছিল হালকা। মনে হল ওরা নিশ্চয়ই তাদের পথে ধরবে। কিন্তু ঠিক তখনই ভারিয়ার ভাগ্যদেবী আমাকে এক মন্ত্রণা দিলেন। আমি একখানা ছুরি দিয়ে ব্যোমের দড়িগুলো সব কেটে ফেললাম। ঠিক হয়েছে! এবার পথে চলতে বাধা পাবে! হলও তাই। পথে ব্যোমটা গেল খুলে, দাদামশায়, মাইকেল ও ক্রিমা মারা পড়তে পড়তে বেঁচে গেল; তাছাড়া পথে হ'ল দেরি। তারপর যখন তারা ব্যোমটা ঠিক করে গাড়ি ঠাকিয়ে গিঁজায় গিয়ে পৌঁছলো তখন ভারিয়া আর ম্যাকসিম বিয়ে করে বারান্দায় এসে দাঁড়িয়ে আছে—ঈশ্বরকে ধন্যবাদ।

“তারপর আমাদের লোকেরা ম্যাকসিমের সঙ্গে মারামারি শুরু করলে। কিন্তু তার স্বাস্থ্য ছিল বড় খারাপ, তার গায়ে বিশেষ অসাধারণ জোর। সে মাইকেলকে ধরে বারান্দা থেকে ছুঁড় ফেলে দিয়ে তার হাত ভেঙে ফেললে। ক্রিমাও আহত হলো আর দাদামশায়, জাকফ আর সেই কারিগরটা তো ভয়ে মারা গেল।

“এমন কি রাগের মধ্যেও সে বুকি হারালো না, দাদামশায়কে বললে, ‘ঐ চামড়ার ফিতেটা আপনি ছুঁড়ে ফেলে দিতে পারেন।

আমার ছেলেবেলা

২৩৬

আমার চারধারে বোরাবেন না। কারণ আমি শাস্তিপ্রিয় লোক। ভগবান আমাকে যা দিয়েছেন আমি কেবল তাই নিয়েছি। কেউই তা আমার কাছ থেকে নিতে পারবে না...’

“তারপর তারা আর কিছু করলে না। দাদামশায় এই বলতে বলতে গাড়িতে ফিরে এসে উঠলেন, ‘এবার বিদায়, ভারভারা! তুমি আর আমার মেয়ে নও; আমি তোমাকে আর দেখতে চাই না।’

“তিনি বাড়ি এসে আমাকে মারলেন, গালি দিলেন; কিন্তু আমি কেবল কাঁদলাম, একটি কথাও বললাম না।

“সবই চলে যায় যা হবার তা হবেই। তারপর তিনি আমাকে বললেন, ‘দেখ, আকুলিনা, তোমার কোন মেয়ে নেই। এ কথা মনে রেখো।’

“কিন্তু আমি কেবল মনে মনে বললাম, ‘আরও মিছে কথা বল কটা-চুলো, হিংস্রটে বড়ো—বল্ যে বরফ গরম।’”

আমি তাঁর কথাগুলো মনোযোগ দিয়ে শুনেছিলাম, কথাগুলো গিলেছিলাম। তাঁর কাহিনীটির কোন কোন অংশ আমাকে বিন্মিত করেছিল। কারণ দাদামশায় মায়ের বিয়ের বর্ণনা দিয়েছিলেন অন্তরকম। তিনি বলেছিলেন, তিনি বিয়েটার বিরুদ্ধে ছিলেন এবং বিয়ের পর মাকে তাঁর বাড়িতে আসতে বারণ করে দিয়েছিলেন। কিন্তু বিয়েটা গোপনে হয় নি; বিয়ের সময় তিনি গিঞ্জায় উপস্থিত ছিলেন। আমি দিদিমাকে জিজ্ঞেস করিনি, তাঁদের মধ্যে সত্য কথা বলছেন কে। কারণ দুটো গল্পের মধ্যে তাঁদেরই ছিল সন্দর। আর সেটাই আমার সব চেয়ে ভাল লাগতো।

“প্রথমে দু’ সপ্তাহ আমি জানতেই পারি নি, ম্যাকসিম আব ভারভারা কোথায়। তারপর একটি ছোট ছেলেকে দিয়ে তারা

আমাকে বলে পাঠালে। ছেলেটি এশেছিল খালি পায়ে। এক শনিবারে তাদের দেখতে গেলাম। বাড়িতে সকলে জানলে আমি গেছি গির্জায় সাক্ষ্যোপাসনায়; কিন্তু তার বদলে গেলাম তাদের কাছে। তারা অনেক দূরে, স্নেহেভিনসক স্নোপে, একখানা বাড়ির একধারে ওপর তলায় থাকতো। সেখান থেকে পাশের কারখানাটা দেখা যেত—ধুলো উড়ছে, নোংরা, সব সময়ে গোলমাল। কিন্তু তাদের সেরিকে খেয়ালই ছিল না—তারা ছিল যেন দুটি বিড়াল, পরম স্তম্ভী। এক সঙ্গে খেলা করছে। যা পারতাম তাদের জন্তে সঙ্গে নিয়ে যেতাম—চা, চিনি, নানা রকমের ডাল, গম, ময়দা, শুকনো ব্যাঙের ছাতা আর সামান্য কিছু টাকা। টাকা কটা দাদামশায়ের তবিল থেকে চবি করতাম। তুমি চুরি করতে পার বুলে? যদি সেটা তোমার জন্তে না হয়। কিন্তু তোমার বাবা কিছুই নিতে চাইতো না; বলতো ‘আমরা কি ভিখারী?’ ভারভারাও ঐ সুরে বলে উঠতো, ‘আঃ! এ সব কেন মা?’

“আমি তাদের উপদেশ দিতাম। বলতাম, ‘এই বোকা দুটো, জানতে চাই, আমি কে?—ভগবান তোমাদের যে মা দিয়েছেন আমি সে। আর তুমি বোকা মেয়েটা হচ্ছ আমারই রক্ত-মাংস। আমার মনে তুমি কষ্ট দিতে চাও? জানো না কি এই পৃথিবীতে তোমার নিজের মাকে যখন কষ্ট দাও, তখন স্বর্গে ভগবানের মা গভীর দুঃখে চোখের জল ফেলেন?’

“তখন ম্যাকসিম আমাকে কোলে নিয়ে হাঙ্গেরি ঘুরতে লাগলো। তার গায়ে ছিল খুব জোর, ভালুকটা! আর ভারভারা, শয়তানটা, তার স্বামীর জন্ত হয়ে উঠেছিল ময়রীর স্ত্রীতে দেখাকি। সে তার দিকে এমন ভাবে তাকাচ্ছিল যেন সে একটা নতুন পুতুল। আর এমন

আমার ছেলেবেলা

২৩৮

ভাবে ঘর-সংসারের কথা বলতে লাগলো যেন সে পাকা গিন্নী! তার কথা শুনে হাসি পেতে লাগলো।।।

“এই ভাবে অনেক কাল চললো। তোমার ভূমিষ্ঠ হবার সময় আসছিল ঘনিয়ে, কিন্তু তবুও দাদামশায় একটি কথাও বললেন না— আমাদের বুড়োটা ভারী জেদী! সে জানতো আমি গোপনে তাদের দেখতে যাই। কিন্তু যেন জানে না এম্মি ভাব দেখাতো। বাড়িতে প্রত্যেককে ভারিয়ার কথা বলতে বারণ করে দেওয়া হয়েছিল। তাই তার কথা কেউ বলতো না। আমিও তার কথা বলতাম না; কিন্তু জানতাম পিত্ত-হৃদয় দীর্ঘদিন নীরব থাকতে পারে না। অবশেষে সঙ্কট সময়টি এল। তখন রাত্রি। এগুন করে তুষার-ঝড় বইছিল যে মনে হচ্ছিল জানলার গায়ে ভালুক লাফিয়ে পড়ছে। চিমনির ভিতরে বাতাস হুঙ্কার দিচ্ছে যেন দানবেরা মাতামাতি করছে। দাদামশায় আর আমি শুয়ে ছিলাম, কিন্তু ঘুমোতে পারছিলাম না।

“বললাম ‘এই রকম রাত গরীবের পক্ষে খারাপ; কিন্তু যাদের মনে শাস্তি নেই তাদের পক্ষে সব চেয়ে খারাপ।’

“তারপর দাদামশায় হঠাৎ জিজ্ঞেস করলেন, ‘ওরা কেমন আছে? ভাল?’

“জিজ্ঞেস করলাম, ‘কাদের কথা বলছো? আমাদের মেরে ভারভারা আর আমাদের জামাই ম্যাকসিমের কথা?’

—“‘কার কথা বলছি তুমি কি করে বুঝলে?’”

—“বললাম, ‘চের হয়েছে বাবা; আকামী ছাড়ে। ওতে কি সুখ পাও?’

“তিনি নিখাস টানলেন; বললেন, ‘শয়তানী! বুড়ী শয়তানী!’

“একটু পরে বললেন, ‘লোকে বলে সে বড় বোকা, ( উনি তোমার বাবার কথা বলছিলেন। ) সত্যিই ও বোকা?’”

“বললাম, ‘বোকা তাকেই বলে যে কাজ করে না, লোকের গলগ্রহ হয়ে থাকে। এই দেশ জাকফ আর মাইকেলকে। ওরা কি বোকার মতো জীবন কাটায় না? এ-বাড়িতে কাজ করে কে? কে টাকা রোজগার করে? তুমি! ওরা দুজনে যে তোমায় সাহায্য করবে তাও পারে কি?’

তারপর তিনি আমাকে নানা রকম গালাগাল দিতে লাগলেন। আমি চুপ করে রইলাম। “বললেন, ‘ঐ রকম একটা লোকের বশ হও কি করে? যখন জান না, ও কোথা থেকে এসেছে, ও কি?’”

“তবুও একটি কথাও বললাম না; শেষে বললাম, ‘তোমার গিয়ে দেখা উচিত তারা কেমন করে দিন কাটাচ্ছে। তারা বেশ আছে।’”

“তিনি বললেন, ‘তাতে ওদের খুব বেশি সম্মান দেওয়া হবে। ওরা এখানেই আশুক।’

“সে কথায় আমি আনন্দে কেঁদে ফেললাম; আর তিনি আমার খোঁপা খুলে দিলেন। ( তিনি আমার চুলগুলো নিয়ে খেলা করতে ভালোবাসতেন। ) আর বললেন, ‘অমন আত্মহারা হয়ো না, নিরীকোষ। তুমি কি মনে কর আমার হৃদয় নেই?’”

“সকলের চেয়ে বেশি চালাক এই ধারণাটা আমাদের দাদামশায়ের মাথায় ঢোকবার আগে উনি খুবই ভাল ছিলেন। তারপর থেকেই উনি হয়েছেন হিংস্রটে, বোকা।”

“তা, একদিন তোমার বাবা-মা এলেন। দুজনেরই লম্বা-চওড়া তেল-চকচকে শরীর, দুজনেই পরিষ্কার-পরিচ্ছন্ন। ম্যাক্সিম দাদা-মশায়ের সামনে দাঁড়ালো। তিনি তার কাঁধে হাত রাখলেন।

“সে বললে, ‘বাসিলি বাসিলিচ, ভাববেন না যেন আমি আপনার কাছে যৌতুকের জন্তে এসেছি; আমি এসেছি আমার জীবন বাবাকে সম্মান দেখাতে।’

“দাদামশায় তাতে খুব খুশি হলেন, হা হা করে হেসে উঠে বললেন, ‘আরে লড়ুয়ে! ওরে ডাকাত! আচ্ছা, এবারটা সব ছেড়ে দেওয়া গেল। আমাদের সঙ্গেই থাকো।’

ম্যাকসিম ভ্রু কঁচকে বললে, ‘ভারিয়ার যেমন ইচ্ছে তাই হবে। আমার কাছে সবই সমান।’

“আর তারপরই আরম্ভ হ’ল। দু’জনে এক সময়ও বনতো না; কিছুতেই দু’জনের মিল হ’ত না। আমি তোমার বাবাকে চোখের ইসারা করতাম; টেবিলের নিচে দিয়ে লাখি মারতাম। কিন্তু তাতে কোন কাজই হত না। সে নিজের মত আঁকড়ে থাকতো; তার চোখ দুটি ছিল সুন্দর। খুব উজ্জল, পরিষ্কার; ভ্রু জোড়া ছিল কালো। ভ্রু কোঁচকালে চোখ একেবারে ঢাকা পড়তো, মুখখানা হত পাথরের মতো কঠোর। আমার কথা ছাড়া আর কারো কথা সে শুনতো না। আমি তাকে আমার নিজের ছেলে-মেয়েদের চেয়েও—যদি সম্ভব হব—ভালোবাসতাম বেশি। সে তা জানতো। সেও আমাকে ভালোবাসতো। কখন কখন সে আমাকে ‘জড়িয়ে ধরতো; আমাকে কোলে নিয়ে সাঝা ঘরে ঘুরতে ঘুরতে বলতো, ‘এই পৃথিবীর মতো তুমি হচ্ছে আমার সত্যিকারের মা। তোমাকে ভারতীয়রা চেয়ে বেশি ভালোবাসি।’ আর তোমার মা ছুটে এসে বলে উঠতো, ‘এই বদমায়েশ, এমন কথা বলতে তোমার সাহস হয়?’ তোমার মা যখন খুব খুশি থাকতো তখন দুই হস্তে উঠতো। আমরা ছিলাম সুখী। তোমার বাবা চমৎকার গানও পাইতে পারতো। আর, সব এমন

সুন্দর গান জানতো! গানগুলো সে সংগ্রহ করেছিল অঙ্কদের কাছ থেকে। অঙ্কদের চেয়ে ভাল গাইয়ে আর কেউ নেই।

“তারা বাগানে বাইরের বাড়িটাতে ঘব-করনা পেতে বসলো। আর সেইখানেই যখন চং চং করে বেলা দুপুর বাজছে, তোমার জন্ম হ’ল। তোমার বাবা দুপুরে খাবার জঞ্জো বাড়ি এল। তখন তুমি ছিলে তাকে অভিনন্দন জানাতে। সে এত খুশি হয়ে ছিল যে, আঙ্গ-হারা হয়ে পড়েছিল। তোমার মাকে প্রায় ক্লাস্ত করে ফেলেছিল। ঘেন সে বুঝতেই পাবছিল না, এই পৃথিবীতে একটি সন্তানের জন্ম দেওয়া কি কঠোর পরীক্ষা। সে আমাকে কাঁধে নিয়ে আঙিনা পেরিয়ে চললো দাদামশায়ের কাছে খবরটি দিতে—যে রক্তমঞ্চে আর একটি দৌহিত্র এল। এমন কি দাদামশায়ও হেসে উঠে বলেছিলেন, ‘ম্যাকসিম, তুমি কি রকম দৈত্য বলতো?’

কিন্তু তোমার মামারা তাকে পছন্দ করতো না। সে মদ খেত না, নির্ভয়ে কথা-বার্তা বলতো, সকল রকমের নষ্টামিতে ছিল পরম পাকা। তার জঞ্জো তাকে তিক্ত ফলও ভোগ করতে হয়েছিল। যেমন, একদিন ঈষ্টারের সময় বাতাস উঠলো। হঠাৎ সারা বাড়িতে ভয়ঙ্কর গর্জন প্রতিধ্বনিত হতে লাগলো। বুঝতে পারলাম না, তার মানে কি? দাদামশায়ও ভয়ঙ্কর ভয় পেলেন। সারা বাড়িতে আলোগুলো জালিয়ে রাখতে বলে ছোটোছুটি করতে করতে প্রাণপণে চীৎকার করে বসলেন, ‘আমরা সকলে একসঙ্গে উপসনা করবো!’

“তারপরই শব্দটা হঠাৎ থেমে গেল। তাতে আমাদের ভয় আরও বাড়লো। তখন জাকফ-মামা বুঝতে পারিলে। সে বললে, “এ ম্যাকসিমের কাজ।” পরে ম্যাকসিম স্বীকার করে ছিল, সে অনেক-গুলো বোতল আর নানা রকমের গেম্বলস জানলায় লাগিয়ে দিয়েছিল।

সেগুলোর ভেতর দিয়ে বাতাস যাবার সময় ঐ রকম শব্দ হচ্ছিল।

একবার খুব ভুবার পাত হল। নেকড়ের পাল মাঠ থেকে শহরেও আসতে লাগলো। তারা কুকুর মারতে লাগলো, বোড়াগুলোকে ভড়কে দিতে লাগলো। আর, মাতাল চৌকিদারদের ধেয়ে ফেলতে লাগলো। তাতে লোকের মন গেল আতঙ্কে ভরে, কিন্তু তোমার বাবা তার বন্দুকটি নিয়ে বরফে চলবার জুতো পায়ে দিয়ে দুটো নেকড়েকে শিকার করে আনলে। সে তাদের চামড়া ছাড়িয়ে, মাথা দুটো পরিষ্কার করে তাতে কাঁচের চোখ বসিয়ে দিলে। জিনিষটা দেখতে হল সত্যিই খাসা। মাইকেল-মামা কিসের জন্তে যেন গলিতে গিয়েই ছুটতে ছুটতে ফিরে এল। তার মাথার চুলগুলো তখন খাড়া হয়ে উঠেছে, চোখদুটো ঘুরছে, দম বন্ধ হয়ে আসছে, কথা বলতে পারছে না। অবশেষে ফিস্ ফিস্ করে বললে, 'নেকড়ে!' প্রত্যেকে হাতের কাছে অস্ত্রধরূপ যা পেল তাই নিয়ে আঝো শুদ্ধ ছুটলো দরজায়। সকলে ঠাহর করে দেখলো একটা উঁচু মঞ্চের আড়াল থেকে একটা নেকড়ের মাথা বেরিয়ে আছে। তারা সেটাকে মারতে লাগলো; তাকে গুলি করলে। কিন্তু সেটা কি বলতো? তারা আরও কাছে গিয়ে দেখলো, সেটা একখানা খালি চামড়া আর একটি নেকড়ের মাথা ছাড়া আর কিছুই নয়। তার সামনের পা দুখানা মঞ্চের গায়ে পেরেক দিয়ে রয়েছে গাঁধা!

“তারপর জাকফও এই নষ্টামিতে যোগ দিল। ম্যাকসিম একখানা কার্ডবোর্ড কেটে একটা মাথা তৈরি করে তার নাক, চোখ ও মুখ বসিয়ে তাতে শণের ফেসো আঠা দিয়ে চুলের মতো করে আটকে দিলে। তারপর জাকফের সঙ্গে রাস্তায় বেরিয়ে গিয়ে লোকের



জানল্য সেই বিকট মুখখানা ঢুকিয়ে দিতে লাগলো। লোকে সেটা দেখেই ভয়ে চীৎকার করে ছুটে পালিয়েছিল। এম্মি ধরনের আরও অনেক আত্মজিত রসিকতা তারা করে বেড়াতে; কিছুই তাদের বাধা দিতে পারতো না। আমি অল্পনল্প করে, এসব ছেড়ে দিতে বলতাম; ভারিগাও বলতো। কিন্তু তারা ছাড়তে চাইতো না। ম্যাকসিম কেবল হাসতো।

“এ সব শেষে ফিরে লাগলো তারই মাগায়; আর তাকে প্রায় শেষ করেও ফেলেছিল। তোমার মাইকেল-মামা, সে সর্বদা দাদামশায়ের সঙ্গে থাকতো, একটুতেই অসন্তুষ্ট হ’ত। সে প্রতিশোধ না নিয়ে ছাড়ে না। তোমার বাবাকে সরাবার জন্তে সে একটা উপায় ঠিক করেছিল। তখন শীতের আরম্ভ। তারা এক বন্ধুর বাড়ি থেকে ফিরে আসছিল। তারা ছিল চারজন—ম্যাকসিম, তোমার দুই মামা আর একজন ডিকন। একজন গাড়োয়ানকে মেরে ফেলবার জন্তে পরে তাঁকে নিচের পদে নামিয়ে দেওয়া হয়। তারা ইয়ামসকি স্ট্রীট থেকে বেরিয়ে এসে ম্যাকসিমকে ভুলিয়ে নিয়ে যায় ডিউকফ পুকুরটার ধারে। এবং এমন ভাব দেখায় যেন ‘স্কেট’ করতে যাচ্ছে। তারা বরফের ওপর দিয়ে ছোট ছেলেদের মতো করে পা-হড়কে যেতে আরম্ভ করে; আর ম্যাকসিমকে একটা বরফের গর্তের কাছাকাছি টেনে নিয়ে যায়। তারপর তাকে তার মধ্যে ঠেলে ফেলে দেয়—কিন্তু সে কথা আমি তোমাকে বলেছি।”

—“আমার মামারা এমন ধারাপ কেন?”

এক টিপ নশ্র নিয়ে দিদিমা শাস্ত জবাবে বললেন, “ওরা ধারাপ নয়। ওরা হচ্ছে বোকা! ওরা ম্যাকসিমকে ঠেলা দিয়ে জলে ফেলে দেয় কিন্তু ডোববার সময় সে গর্তটার কিনারা চেপে

ধরে। তারা গোড়ালি দিয়ে তার আঙুলগুলো খেঁৎলে দিতে থাকে। সৌভাগ্যবশত সে শাস্ত ছিল আর ওরা হয়ে পড়েছিল মাতাল। সে বরফের নিচে সরে গিয়ে মুখখানা জলের ওপর দিকে ভাসিয়ে রেখে ছিল যাতে নিশ্বাস নিতে পারে। কিন্তু তারা ওকে ধরতে পারে না। একটু পরেই সকলে সেখান থেকে চলে যায়। কিন্তু ম্যাকসিম বরফ আঁকড়ে ধরে ওপরে উঠে ছুটে যায় থানায়। তুমি তো জান, থানাটা জায়গাটার কাছে বাজারের ধারে। তখন যে-ইনস্পেক্টারটির ডিউটি ছিল তিনি তাকে আর আমাদের পরিবারটিকে চিনতেন। জিজ্ঞেস করেন, ‘কেমন করে এটা হল?’

দিদিমা কৃতজ্ঞতাভরা কণ্ঠে বললেন, “ভগবান ম্যাকসিম্ সাবাতিয়ে-ভিচের আত্মাকে শাস্তিতে রাখুন! সে তার ধোয়া; কারণ, সে পুলিশের কাছ থেকে সত্যটা গোপন রেখেছিল। সে বলে, এটা আমারই দোষ। আমি মদ খেয়ে মাতাল হয়ে ঘুরতে ঘুরতে পুকুরটার ধারে গিয়ে পড়ি। তারপর হৌচট খেয়ে গর্তটার মধ্যে পড়ে যাই।’

ইনস্পেক্টার বলেন, ‘কথাটা সত্যি নয়। তুমি মদ খাও নি।’

“যাহোক্ ব্যাপারটার সার কথা এই যে, তারা ম্যাকসিমের গায়ে ব্র্যাণ্ডি মালিশ করে তাকে শুকনো পোশাক পরিয়ে তাঁর গায়ে ভেড়ার চামড়া জড়িয়ে বাড়িতে নিয়ে আসে। তাকে সঙ্গে করে এনেছিলেন স্বয়ং ইনস্পেক্টর এবং আরও দুজন। জাস্কা আর মিশ্কা তখনও ফেরে নি; তারা গিয়েছিল একটা স্ত্রী ডিখানায় ঘটনাকে স্বরণীয় করে রাখবার জন্যে উৎসব করতে। তোমার মত ছাত্র আমি ম্যাকসিমের শুক্রবা করতে লাগলাম। সে তখন একেবারে বদলে গিয়েছিল। তার মুখখানা হয়ে গিয়েছিল নীল, আঙুলগুলো গিয়েছিল ছেঁড়ে; আর শেগুলোর ওপর রক্ত শুকিয়ে জমে ছিল; মাথার লম্বা কৌকড়া চুল-

শুলোয় যে তুব্বারের ফুল ফুটেছিল, কেবল সেগুলো গলছিল না। তার চেহারাটা হয়ে গিয়েছিল ফ্যাকাসে।

“ভারভারা চীংকার করে উঠলো, ‘ওরা তোমার এক দশা করেছে?’

“ইনসপেক্টার আসল ব্যাপারটার গন্ধ পেয়ে জেরা করতে লাগলেন। ইনসপেক্টারকে ভারিয়ার ঘাড়ে চাপিয়ে শান্ত ভাবে ম্যাকসিমের কাছ থেকে সত্যি ব্যাপারটা বার করবার চেষ্টা করলাম। ‘কি হয়েছে বল দেখি?’

“সে ফিস্ ফিস্ করে বললে, ‘প্রথমে তোমাকে এই কাজটি করতেই হবে, জাকফ আর মাইকেলের জন্তে ওৎ পেতে বসে থাকো গে। ওদের সঙ্গে দেখা হলেই বলবে, ওরা যেন বলে আমার কাছ থেকে ওদের ছাড়াছাড়ি হয় ইয়ামসকি স্ট্রীটে। সেখান থেকে ওরা যায় পোকোস্কি স্ট্রীটে; আর আমি যাই প্রিয়াদিল্‌নি লেনে। মনে রেখ, গুলিয়ে কেল না। তাহলে পুলিশে টানাটানি করবে।

“আমি দাদামশায়ের কাছে গিয়ে বললাম, ‘তুমি গিয়ে ইনসপেক্টারের সঙ্গে কথাবার্তা বল; আর, আমি ছেলেদের জন্তে ঝাঁড়িয়ে থাকি গে। তাদের সঙ্গে দেখা হলেই বলবো, আমাদের কি বিপদ।’

“দাদামশায় কাঁপতে কাঁপতে পোশাক পরতে লাগলেন আর বলতে লাগলেন, ‘কি যে হবে আমি জানতাম! এইটেই আশা করছিলাম।’

“সব মিছে কথা। তিনি সে-সবের কিছুই জানতেন না। তা, মুখে হাত চাপা দিয়ে ছেলেদের সঙ্গে দেখা করলাম। মিশ্কা ভয়ে তৎক্ষণাৎ প্রকৃতিস্থ হল; আর জাস্কা, বাছা আমার, কথাটা ফাঁস

করে দিলে; বললে, ‘ব্যাপারটার কথা আমি কিছুই জানি না। এ-সব মাইকেলের কাজ।’

“যাহোক, ইনস্পেকটোরের সঙ্গে ব্যাপারটা ঠিক করে ফেললাম। তিনি ছিলেন খাসা ভদ্রলোক; বললেন, ‘কিন্তু সাবধান হওয়া ভাল। তোমাদের বাড়িতে খারাপ যদি কিছু ঘটে তাহলে দোষ যে কার সে আমি জানতে পারবোই।’ এই বলে তিনি চলে গেলেন।

“আর দাদামশায় ম্যাকসিমের কাছে গিয়ে বললেন, ‘তোমায় ধন্যবাদ! তোমার জায়গায় আর কেউ হলে তুমি যে-ভাবে কাজ করেছো, সে-ভাবে কাজ করতো না—সে আমি জানি! আর পরিবারের মধ্যে এমন একটি ভাল লোককে আনবার জন্তে তোমায়ও ধন্যবাদ ভারভারা।’ ইচ্ছে করলে, দাদামশায় খুব চমৎকার কথা বলতে পারতেন। এই ঘটনার পরই তিনি নির্কোষ হতে আরম্ভ করলেন।”

“তখন কেবল আমরা তিনজনে রইলাম। ম্যাকসিম সাবাভিয়েভিচ্ কঁাদতে আরম্ভ করলে; এবং প্রায় প্রলাপ বকুতে লাগলো। ‘ওরা আমাকে এ রকম করলে কেন? আমি ওদের কি ক্ষতি করেছি? মা...ওরা কেন এ রকম করলে?’ সে কখনও বলতো না ‘মামাশা’ ছোট ছেলের মতো বলতো ‘মা’। আর রাস্তবিক তার স্বভাবও ছিল শিশুর মতো।

“আমি কঁাদতে লাগলাম। কঁাদা ছাড়া আমার আর কিই বা করবার ছিল? আমার ছেলে-মেয়েদের জন্তে এমন দুঃখ! তোমার মা বডিসের সমস্ত বোতাম ছিঁড়ে ফেলে আলখলি বেশে বসে রইলো, যেন সে মারামারি করছিল। আর বসতে লাগলো, ‘চল, এখান থেকে আমরা যাই, ম্যাকসিম। আমরা ভাইয়েরা হচ্ছে আমার শত্রু। আমি ওদের ভয় করি। চল, এখান থেকে চলে যাই।’”

“তাকে শাস্ত করবার চেষ্টা করতে লাগলাম। বললাম, ‘আগুনে আর জ্বাল দিও না। ওটা ছাড়াই বাড়িটা ধোঁয়ায় ভরে গেছে।’

“আর ঠিক সেই মুহূর্তেই কি ঐ দাদামশায়টা সেই দুজনকে ক্ষমা চাইতে পাঠালো। ভারভারা এক লাফে উঠে মিশকার গালে মারলে চড়; সেই সঙ্গে বললে, ‘এই তোমাদের ক্ষমা!’ আর তোমার বাবা বলে উঠলো, ‘তোমরা এ রকম কাজ কি করে পারলে, ভাই? তোমরা আমাকে ঠুটোও করে ফেলতে পারতে। হাত না থাকলে আমি কাজ করবো কি করে?’

“বাহোক, তাদের মধ্যে মিটমাট হয়ে গেল। তোমার বাবা কিছু দিন ভুগলো। সাত সপ্তাহ সে বিছানায় পড়ে ছটফট করেছিল। তখন কেবলই বলতো, ‘মা, চল অন্ত শহনে যাই। জায়গাটা একবেয়ে হয়ে গেছে।’

“তারপর তাব আষ্ট্রাখানে যাবার স্বেচছা ঘটলো। ওদের ছাড়তে আমার বড় কষ্ট হতে লাগলো, তোমার বাবারও কষ্ট হয়েছিল। সে বার বার বলছিল, তাদের সঙ্গে আমারও আষ্ট্রাখানে যাওয়া উচিত। কিন্তু ভারভারা খুশি হয়েছিল; মনের আনন্দ চেপে রাখবারও চেষ্টা করে নি—শয়তানী! এম্মি করে তারা চলে গিয়েছিল— এই।”

তিনি এক ঢোক ভদ্রকা খেলেন, এক টিপ নশ্ব নিলেন এবং জান্না দিয়ে গাঢ় নীল আকাশের দিকে তাকিয়ে আবার বললেন, ‘হাঁ, তোমার বাবা আর আমি—আমাদের শরীরে একই রক্ত বইতো না—কিন্তু অন্তরে আমরা ছিলাম একই গোষ্ঠীর।’

তিনি আমাকে এইসব কথা বলতেন তার মাঝখানে দাদামশায় কখন কখন এসে পড়তেন। তিনি মুখ তুলে বাতাসের গন্ধ

আমার ছেলেবেলা •

২৪৮

শুঁকে, দিদিমার দিকে সন্দেহের সঙ্গে তাকিয়ে তাঁর কথাগুলো মন দিয়ে শুনতে শুনতে বলতেন, ‘ও কথা সত্যি নয়! ‘ও কথা সত্যি নয়!’

ভারপর কোন ভূমিকা না করেই জিজ্ঞেস করতেন, ‘লেক্সি, ও এখানে ব্র্যাণ্ডি খাচ্ছিল?’

—“না।”

—“মিছে কথা। আমি স্বচক্ষে ওকে মদ খেতে দেখেছি।” বলে সংশয়াকুল মনে তিনি বেরিয়ে যেতেন।

দিদিমা চোখের ইসারা করতেন।...

একদিন দাদামশায় ঘরের মাঝখানে দাঁড়িয়ে মেঝের দিকে তাকিয়ে কোমল স্বরে বললেন, “মা?”

—“জ্যা?”

—“দেখছো কি ব্যাপার চলছে?”

—“হাঁ, দেখছি!”

—“এতে কি মনে হয় তোমার?”

—“বিয়ে হবে। মনে পড়ে তুমি একটি বড়লোকের কথা কি রকম করে বলতে?”

—“হ্যাঁ।”

—“সে এসেছে!”

—“ওর কিছুই নেই।”

—“সে আমাদের দেখবার দরকার নেই। শুঁক বুরুক।”

দাদামশায় ঘর থেকে বেরিয়ে গেলেন। জিজ্ঞেস করলাম, “তোমরা কোন্ বিষয়ের আলোচনা করছিলে?”

দিদিমা আমার পায়ে হাত বুলোতে বুলোতে ক্ষুণ্ণভাবে বললেন,

“তুমি সব কিছু জানতে চাও। অল্প বয়সেই সব-কিছু যদি জেনে ফেল, যখন বুড়ো হবে তখন আর কিছু জানবার থাকবে না যে!”

কথা কয়টি বলেই তিনি হেসে উঠে মাথা নাড়লেন।

\* \* \* \* \*

“ওগো দাদামশায়! দাদামশায় গো! ভগবানের চোখে একটি ধূলোকণা ছাড়া তুমি আর কিছু নও। লেনকা—এ কথা কাউকে বলো না, দাদামশায়ের একেবারে সর্কনাশ হয়েছে! উনি একটি ভদ্রলোককে অনেক টাকা ধার দিয়েছিলেন, ভদ্রলোকটি দেউলে হয়ে গেছেন।” বলে দিদিমা সহাস্তে, নীরবে বহুক্ষণ চিন্তাচ্ছন্ন হয়ে বসে রইলেন। তাঁর মুখখানি হয়ে উঠলো বিষণ্ণ।

মা কদাচিৎ চিলে-কোঠায় আমাকে দেখতে আসতেন এবং বেশিক্ষণ থাকতেন না। এমনভাবে কথা বলতেন যেন তাঁর খুব তাড়া। তিনি আরও সুন্দরী হয়ে উঠেছিলেন; এবং দিন দিনই ভাল পোশাক পরছিলেন। কিন্তু তাঁর মধ্যে যেমন দিদিমার মধ্যে যে একটা পরিবর্তন আসছিল এ বিষয়ে আমি সচেতন হয়ে উঠেছিলাম। বুঝছিলাম, একটা কিছু চলছে যেটা আমার কাছ থেকে লুকিয়ে রাখা হচ্ছে।

দিদিমার গল্পগুলো শুনতে আর আমার ভাল লাগছিল না; এমন কি আমার বাবার যে-সব গল্প তিনি বলতেন সে-সবও লাগছিল বিস্মাদ।

দিদিমাকে জিজ্ঞেস করেছিলাম, “আমার বাবার আত্মা শাস্তি পাচ্ছে না কেন?”

চোখ দুটি চেকে তিনি উত্তর দিয়েছিলেন, “আমি কি করে বলবো? ও হল ভগবানের ব্যাপার... আলৌকিক... আমাদের দৃষ্টির বাইরের।”

রাত্তে বিনিন্দ্র চোখে আমি জানলার মাঝ দিয়ে গাঢ় নীল

আমার ছেলেবেলা

২৫০

আকাশের গায়ে অতি ধীরে ভাসমান নক্ষত্রগুলির দিকে তাকিয়ে থাকতাম—মনে মনে করুণ গল্প রচনা করতাম। তার প্রধান অংশ গ্রহণ করতেন আমার বাবা। তিনি একখানি ছড়ি হাতে চারধারে অবিরাম একাকী ঘুরে বেড়াচ্ছেন। আর তাঁর পিছন পিছন চলেছে একটা লোমশ কুকুর।

### দ্বাদশ পরিচ্ছেদ

একদিন সন্ধ্যার আগেই ঘুমিয়ে পড়লাম। ঘুম ভাঙলে মনে হতে লাগলো, আমার পা ছুঁধানায় সাড় এসেছে। পা ছুঁধানা বিছানার বাইরে রাখলাম, কিন্তু আবার অসাড় হয়ে গেল। তবে বোঝা গেল আমার পা ছুঁধানা সেরে গেছে, আমি আবার হাঁটতে পারবো। খবরটা এমন চমৎকার যে, আনন্দে চীৎকার করে উঠলাম।

মনে পড়ে না কি করে হামাগুড়ি দিয়ে মায়ের ঘরে গিয়েছিলাম; কিন্তু মনে পড়ে তখন তাঁর সঙ্গে সেখানে ছিলেন জন কতক অপরিচিত ব্যক্তি। তাঁদের মধ্যে সবুজ পোশাক পরে এক গুঁফ বৃদ্ধা ছিলেন। তিনি কঠোর কণ্ঠে সকলের কণ্ঠস্বরকে ডুবিয়ে দিয়ে বলে উঠলেন, “ওকে একটু রাসপেবেরি সিরাপ খেতে দাও; আর ওর মূষাটা ঢেকে রাখো।”

তিনি ছিলেন আগাগোড়া সবুজ; তাঁর পোশাক, তাঁর টুপি এবং তাঁর মুখও। চোখের নিচে ছিল কতকগুলো আঁচিল। এমন কি সেই আঁচিলগুলোর ওপর যে ক্ষেপণগুলো ছিল সে গুলোকেও দেখাচ্ছিল ঘাসের মতো। নিচের ঠোঁটটা নামিয়ে ওপরের ঠোঁটটা



তুলে কালো দস্তানা পরা হাতে চোখ দুটো ঢেকে যেন সবুজ দাঁতগুলো দিয়ে তিনি আমার দিকে ভাকালেন।

হঠাৎ নরম হয়ে জিজ্ঞেস করলাম, “ও কে?”

দিদিমা অপ্রীতিকর কণ্ঠে উত্তর দিলেন, “তোমার আর একটি দিদিমা।”

মা হাসতে হাসতে ইউজেন ম্যাকসিমফকে আমার কাছে নিয়ে এলেন।

তিনি ভাড়াভাড়ি তাকে কি বললেন আমি বুঝতে পারলাম না; ম্যাকসিমফ চোখ মিট মিট করতে করতে আমার দিকে নিচু হয়ে বললেন, “আমি তোমাকে একটা পেটিং বাস্ম উপহার দেব।”

সেই সবুজ বুদ্ধাটি ঠাণ্ডা আঙুল কয়টি দিয়ে আমার কান দুটো নাড়তে নাড়তে বললেন, “নিশ্চয়ই!”

দিদিমা আমাকে প্রায় কোলে করে দরজার কাছে নিয়ে যেতে যেতে বলে উঠলেন, “মূর্ছা যাচ্ছে!”

কিন্তু আমি মূর্ছা যাচ্ছিলাম না। কেবল চোখ দুটি বন্ধ করে ছিলাম; তিনি আমাকে কতকটা কোলে কোরে, কতকটা টানতে টানতে ওপরে নিয়ে যেতেই জিজ্ঞেস করলাম, “আমাকে এ সম্বন্ধে বলা হয় নি কেন?”

—“হয়েছে...খামো!”

—“তোমরা প্রভারক...সকলেই!”

আমাকে বিছানায় শুইয়ে তিনি নিজের বালিশে উপুড় হয়ে পড়ে কেঁদে ফেললেন। তাঁর মাথা থেকে পা অধিক কাপতে লাগলো। ছুটি কাঁধ ফুলে ফুলে উঠতে লাগলো; অশ্রুর কণ্ঠে বললেন, “তুমি কাঁদছো না কেন?”

আমার কাঁদবার একটুও ইচ্ছা ছিল না। চিলে-কোঠায় তখন গোখুলি আলোক নেমেছে; ঠাণ্ডা লাগছিল। আমি শিউরে উঠলাম। ঘুমের ভান করে রইলাম, দিদিমা চলে গেলেন।

তারপর কতকগুলি বৈচিত্র্যহীন দিন শীর্ণা শ্রোতস্বতীর মতো বয়ে গেল। দিনগুলি সবই লাগলো এক রকমের। বাগদানের পর মা কোথায় চলে গিয়েছিলেন; বাড়িখানি এমন নীরব হয়ে গিয়েছিল যেন তা বুকের ওপর চেপে বসছিল।

একদিন সকালে দাদামশায় একটি ছেনি হাতে নিয়ে ঘরে ঢুকলেন এবং চিলে-কোঠার জানলার ফ্রেমের চারধারের সিমেন্ট ভাঙতে আরম্ভ করলেন। শীতের জন্ম জানলার চারধারে সিমেন্ট লাগিয়ে দেওয়া হয়েছিল। তারপর দিদিমা এলেন একপাত্র জল ও একখানি কাপড় নিয়ে। দাদামশায় কোমলকণ্ঠে জিজ্ঞাসা করলেন, “ব্যাপারটা সবক্কে তুমি কি মনে কর গো?”

—“তার মানে?”

—“খুশি হয়েছে কি না?”

আমাকে সিঁড়ির ওপর ষে-রকম করে উত্তর দিয়েছিলেন সেই রকম করে উত্তর দিলেন, “হয়েছে...খামো!”

এই অতি সরল কথা কয়টি এখন আমার কাছে হয়ে উঠলো বিচিত্র অর্থভরা। আমি অনুমান করলাম, সেগুলির অর্থরূপে এমন কিছু লুকানো আছে যা অতি তাৎপর্যপূর্ণ ও দুঃখময়।

জানলার ফ্রেমটি সাবধানে খুলে দাদামশায় সেটি নিয়ে গেলেন; দিদিমা জানলাটির কাছে গিয়ে বাইরের নিম্নল বাতাস বুক ভরে টেনে নিতে লাগলেন। বাগানে ঠারলিং পাখি ডাকছিল; চড়ুইয়ের ঝাঁক কিচির মিচির করছিল; ঘরে বরফ-গলা ভিজে মাটির সোঁদা গন্ধ

ভেসে আসছিল। ষ্টোভের গাঢ় নীল টালিগুলি বেন ম্লান হয়ে উঠছিল। সেগুলোর দিকে তাকিয়ে বুকের ভেতরটা হয়ে যাচ্ছিল হিম। আমি বিছানা থেকে মেঝের নেমে পড়লাম।

দিদিমা বললেন, “খালি পায়ে ছুটোছুটি করো না।”

—“আমি বাগানে যাচ্ছি।”

—“বাগানটা এখনও তেমন শুকোই নি। একটু ধামো।”

কিন্তু তাঁর কথা শুনে আমার মন চাইলো না। প্রকৃতপক্ষে বয়স্কদের দেখলেই আমার মনে অসন্তোষ দেখা দিতে লাগলো। বাগানে কচি ঘাসের সবুজ শিষগুলি মাটি ভেদ করে উঠছিল; আপেল ফুলের কুঁড়িগুলো ফোটবার জন্য ফুলে, উন্মুখ হয়ে ছিল; পেং-রোভনার ঘরের চালের ওপর শেওলাগুলো নতুন করে সবুজ রঙে রঙিয়ে উঠে চোখে লাগছিল বেশ। চারধারে পাখী ও আনন্দের ধ্বনি। নির্মল, সুরভিত বাতাস কেমন একটা আবেশের সৃষ্টি করছিল। খাদের ধারের, যেখানে পিটার খুঁড়ো গলা কেটে ছিলেন, ঘাসগুলো ছিল লম্বা, লাল—তুবার-চূর্ণের সঙ্গে গিয়েছিল মিশে। সেগুলো দেখতে ভাল লাগছিল না—তার মধ্যে বসন্তের ভাব ছিল না কিছুই। কালো চিমনিটা কেমন অবসন্নভাবে উঠে দাঁড়িয়ে ছিল—সমস্ত খাদটাকেই লাগছিল বিক্রী। সেই লম্বা ঘাসগুলোকে ছিঁড়ে-খুঁড়ে, চিমনিটাকে টুকরো টুকরো করে ভেঙে অনাবশ্যক আবর্জনাটাকে দূর করে দিয়ে খাদের মধ্যে আমার নিজের জন্য একটি বাসা তৈরি করবার ক্রুদ্ধ বাসনা আমাকে পেয়ে বসলো। সেখানে আমি সারা গ্রীষ্মকাল বয়স্কদের কাছ থেকে দূরে একা বাস করবো।

কথাটা মনে হতেই কাজ অস্বীকার করে দিলাম। বাড়িতে যা হচ্ছিল, তা থেকে তৎক্ষণাৎ আমার মন অন্য দিকে গেল এবং বহুকাল

আমার সারা মনকে অধিকার করে রইলো। সে-সময়ে বাড়িতে অনেক-কিছু ঘটছিল, কিন্তু সেগুলি আমার কাছে প্রত্যহ হয়ে উঠছিল, কম গুরুত্বপূর্ণ।

মা ও দিদিমা আমাকে জিজ্ঞেস করতেন, “তুমি ও রকম মুখ ভার করে বেড়াচ্ছে কেন?” বাড়ির প্রত্যেকেই আমার কাছে হয়ে উঠেছিলেন অপরিচিত। সকালে খাবার সময়, সন্ধ্যায় চায়ের সময়, রাতে খাবার সময়ও সেই সবুজ বৃদ্ধাটি প্রায়ই আসতো—তাকে দেখাতো বেড়ার গায়ে একটা পচা খুঁটির মতো।...

তার ছেলের মতোই সেও ছিল বড় পরিষ্কার-পরিচ্ছন্ন। তার কাছে যেতে ভাল লাগতো না। তার ছেলেকে সে প্রায়ই বলতো, “এ ছেলেটার শাসনের খুব দরকার; বুঝলে, জেনিয়া?”

বাধ্য ছেলেটির মতো মাথা হেলিয়ে জুকুটি করে সে চূপ করে থাকতো। সবুজ স্ত্রীলোকটি সমানে জুকুটি করতো।

আমি সেই বৃদ্ধা ও তাঁর ছেলেটিকে সমস্ত অন্তর দিয়ে ঘৃণা করতাম। তার জন্ম অনেক শাস্তিও ভোগ করে ছিলাম। একদিন ছুপুরে খেতে বসে চোখ দুটো ভয়ঙ্কর ধোঁরাতে ধেরোতে সে বললে, “ও আলেশেনকা, এত তাড়াতাড়ি আর অমন বড় গ্রাস তুলে খাচ্ছ কেন? ওটা বার করে ফেল বাবা!”

আমি গ্রাসটা মুখ থেকে বার করে কাঁটাতে আবার গেঁথে সেটা বৃদ্ধার হাতে দিয়ে বললাম, “নিন গরম আছে।”

মা আমাকে টেবিল থেকে তুলে দিয়ে ছিল-কোঠায় নির্বাসন দিলেন। সেখানে দিদিমা এসে আমার সঙ্গে যোগ দিলেন। তাঁর হাসি বাতে শোনা না যায়, সে জন্ম মুখে হাত চাপা দিয়ে রইলেন। বললেন, “ওরে শয়তান, বাঁদর।”

তাঁকে মুখে হাত চাপা দিয়ে থাকতে দেখে, আমার মেজাজ রুক্ষ হয়ে উঠলো; আমি সেখান থেকে পালিয়ে গিয়ে বাড়ির ছাদে উঠে চিমনির পাশে বহুক্ষণ বসে রইলাম।

একদিন আমার ভাবী বি-পিতার চেয়ারে মাথিয়ে রেখে দিলাম চক্কি, আমার নতুন দিদিমার চেয়ারে চেরীর আঠা। এবং দুজনেই তাঁদের আসনে আটকে গেলেন। বড় মজা লাগলো, কিন্তু দাদামশায় যখন আমাকে মারলেন আর মা চিলে-কোঠায় এসে আমাকে টেনে নিয়ে তাঁর হাঁটুতে চেপে ধরে বললেন, “শোন! তুমি এ রকম দুষ্ট কেন? যদি জানতে এতে আমার মনে কত কষ্ট হয়!” তাঁর চোখ দুটি ছাপিয়ে স্বচ্ছ অশ্রুধারা ঝরতে লাগলো, তখন আমার পক্ষে হল বড় বেদনাদায়ক। মনে হতে লাগলো, এর চেয়ে যদি তিনি আমাকে মারতেন তাহলে ভাল হত। বললাম, ম্যাকসিমোফদের প্রতি আর কখন কঢ় ব্যবহার করবো না—কখন না, তিনি যেন না কাঁদেন।

তিনি কোমল কণ্ঠে বললেন, “হয়েছে, হয়েছে! তুমি কেবল উদ্ধত হয়ো না। শিগগিরিই আমাদের বিয়ে হবে; আমরা মস্কো চলে যাবো। তারপর ফিরে এলে তুমি আমাদের সঙ্গে থাকবে। ইউজেন বাসিলিচের মন বড় কোমল আর ও বুদ্ধিমান। তার সঙ্গে তোমার বেশ বন্বে। তুমি গ্রামার স্কুলে পড়তে যাবে; পরে ওর মতো ছাত্র হয়ে উঠবে। তারপর হবে ডাক্তার—বা তোমার ইচ্ছে। এখন গিয়ে খেলা কর।”

এই ‘পরে’ ও ‘তারপর’গুলো আমার কাছে সিঁড়ির মতো বোধ হতে লাগলো, যেন সেগুলো তাঁর কাছ থেকে অনেক নিচে, দূরে অন্ধকার ও স্তব্ধতার দিকে চলে গেছে। এই সিঁড়িগুলো যে দিকে গেছে সেদিকে আমার জন্ম স্থখ ও আনন্দ নেই। বলবার বড় ইচ্ছা

আমার ছেলেবেলা

২৫৬

হচ্ছিল, “মা বিয়ে করো না। তোমার খাওয়া-পরার জন্তে আমি রোজগার করবো।”

আমার বাগানের কাজটা এগিয়ে যাচ্ছিল। একদিন দাদামশায় আমার কাজটি দেখে বললেন, “বেশ চমৎকার করেছে! কিন্তু ঘাসগুলো তুমি কেবল ছিঁড়েছো, শিকড়গুলো এখনও আছে। তোমার কোদালখানা আমাকে দাও, আমি ওগুলো তুলে দিচ্ছি।

শেষে কোদালখানা ফেলে দিয়ে তিনি ধোবিখানাটার পিছনে গেলেন। আমি খুঁড়তে লাগলাম। কিন্তু তার সঙ্গে সঙ্গেই পায়ের আঙ্গুলগুলো কোদাল দিয়ে ফেললাম প্রায় খেঁৎলে।

তাতে মায়ের বিয়েতে তাঁর সঙ্গে গির্জায় যেতে পারলাম না। সেখান থেকে দেখলাম তিনি ম্যাকসিমফের হাতে ভর দিয়ে মাথা নিচু করে, পেভমেন্ট ও সবুজ ঘাসের ওপর সাবধানে পা ফেলছেন, ফাটলগুলো পার হয়ে যাচ্ছেন যেন সূচালো পেরেকের ওপর দিয়ে হেঁটে চলেছেন।

শান্তভাবে বিয়ে হয়ে গেল। গির্জা থেকে ফিরে এসে তাঁরা চা খেলেন। তাঁদের স্ফুর্ষি দেখা গেল না। মা তখনই পোশাক ছেড়ে তাঁর ঘরে গেলেন জিনিষ-পত্র বাঁধা-ছাঁদা করতে। আমার বি-পিতা এসে আমার পাশে বসে বললেন, “আমি তোমাকে কিছু দেব বলেছিলাম; কিন্তু এই শহরে ভাল রঙ পাওয়া যায় না। আমার আমার নিজের যা আছে তাও তোমাকে দিতে পারি না। কিন্তু তোমাকে মস্কো থেকে কিছু এনে দেব।”

—“সেগুলো দিয়ে করবো কি?”

—“তুমি আঁকতে ভালোবাস না?”

—“কেমন করে আঁকতে হয় জানি না।”

—“তাহলে অন্য কিছু এনে দেব।”

তখন মা সেখানে এলেন। “বললেন, আমরা শিগগিরই ফিরে আসবো, বুঝলে। সেখানে তোমার বাবাকে পরীক্ষা দিতে হবে। ওর পড়াশুনা শেষ হয়ে গেলে আমরা ফিরে আসবো।”

আমি যেন বয়স্ক ব্যক্তি তাঁরা এমনিভাবে আমার সঙ্গে কথাবার্তা বলায় খুশি হলাম। কিন্তু একটা দাড়িওয়াল লোকও যে তখনও লেখাপড়া করছিল, এ কথা শুনেতে বড় অস্বস্তি লাগলো।

—“আপনি কি পড়ছেন?”

—“জরিপ।”

জরিপ জিনিষটা কি সে কথা জিজ্ঞেস করবার কষ্টটুকু আর স্বীকার করলাম না।

পরদিন খুব সকালে মা চলে গেলেন। আমার কাছ থেকে বিদায় নেবার সময় তিনি আমাকে দুহাতে জড়িয়ে ধরলেন। এবং মাটি থেকে শূন্যে তুলে তিনি এমন ভাবে আমার চোখের দিকে তাকালেন যে, সে দৃষ্টি আমার অপরিচিত। তিনি আমাকে চূষন করতে করতে বললেন, “বিদায়।”

আকাশখানি তখনও ছিল রক্তিম। দাদামশায় সেদিকে তাকিয়ে গম্ভীর কণ্ঠে বললেন, “ওকে আমার বাধ্য হয়ে থাকতে বলা।”

মা আমাকে আশীর্বাদ করে বললেন, “তোমার দাদামশায়ের কথা শুনে চলো।”

আমি প্রত্যাশা করছিলাম, তিনি আমাকে অন্য কিছু বলবেন। কিন্তু দাদামশায় তাঁকে বলতে না দেওয়ার অর্থে তাঁর ওপর ভরসার রেগে উঠলাম।

তাঁরা স্রোজকিতে উঠে বললেন, কিলে যেন মায়ের স্বারট

আমার ছেলেবেলা

২৫৮

আটকে গেল। মা সেটা খুলবার জন্য অনেকক্ষণ রাগের সঙ্গে চেষ্টা করলেন।

দাদামশায় আমাকে বললেন, “ওকে সাহায্য কর, পার না? তুমি কি কাণা?”

কিন্তু আমি সাহায্য করতে পারলাম না—দুঃখে আমি একেবারে ডুবে গিয়েছিলাম।

ম্যকসিমোফ তার গাঢ় নীল ট্রাউজারে ঘেরা পা দুখানা আশ্বে আশ্বে দ্রোজ্জ্বকিতে ঢুকিয়ে দিলেন আর দিদিমা তাঁর হাতে দিলেন কতকগুলি পোটলা। তিনি সেগুলি তাঁর হাঁটুর ওপর পর পর সাজিয়ে সকলের ওপরেরটা খুঁনি দিয়ে চেপে ধরলেন।

আর একখানি দ্রোজ্জ্বকিতে বসেছিল সে সবুজ বুদ্ধাটি তার বড় ছেলেটিকে নিয়ে।

তাঁরা চলে গেলেন। মা কয়েকবার ফিরে ক্রমাল নাড়লেন। দিদিমাও কান্নায় গলে গিয়ে দেওয়ালে হেলান দিয়ে হাত নাড়লেন। দাদামশায় চোখ দুটো মুছে ভাঙা ভাঙা ভাবে বললেন, “এর ফল—ভাল—কিছুই হবে না।”

আমি ফটকের খুঁটির ওপর বসে দেখতে লাগলাম, দ্রোজ্জ্বকি দুখানা উঠে নেমে চলেছে; তারপর মোড় ঘুরলো। তখন আমার খোঁজ হল, আমার হৃদয় যেন সহসা রুদ্ধ ও অর্গলবদ্ধ হয়ে গেল। তখনও খুব সকাল। বাড়িগুলির জানলার খড়খড়ি খোলেনি, রাস্তা জনশূন্য। এমন প্রাণশূন্যতা আমি কখনও দেখি নি। দূরে রাস্তালের বাঁশী শোনা যাচ্ছিল; মনে কেমন একটা অস্বস্তি এনে দিচ্ছিল।

আমার কাঁধ ধরে দাদামশায় বললেন, “খেতে চল। এটা পরিষ্কার যে, তোমার ভাগ্য আমার সঙ্গেই থাক।”



সকাল থেকে সন্ধ্যা অবধি আমরা বাগানে ব্যস্ত থাকতাম। দাদামশায় মাটি কুপিয়ে জমি পাট করতেন, রাসপবেরির কোপগুলো বেঁধে দিতেন, আপেল গাছগুলোর গা থেকে শেওলা তুলে ফেলতেন। স্ত্রী যো পোকা মারতেন আর আমি আমার সেই বাড়িটা তৈরি করতাম, সাজাতাম। তিনি পোড়া কড়িগুলোর শেষ দিক কেটে ছড়ি তৈরি করে মাটিতে পুঁতে রাখতেন; আর আমি তার মাথায় আমার পাখীর খাচাগুলি টাঙিয়ে রাখতাম। তারপর শুকনো ঘাস দিয়ে আমি একখানি জাল বুনে আসনটার ওপর চাঁদোয়ার মতো করে টাঙিয়ে দিলাম, যাতে রোদ ও শিশির আটকায়।

দাদামশায় বললেন, “তোমার মায়ের কাছ থেকে তুমি বিচ্ছিন্ন হয়ে পড়েছো। তাঁর অগ্র সন্তান হবে। তোমার চেয়ে তাঁর কাছে সে হবে বেশি! আর ঐ দিদিমাটি—উনি মদ খেতে শুরু করেছেন।”

তিনি কিছুক্ষণ চূপ করে রইলেন যেন কিছু শুনছেন। তারপর অনিচ্ছার সঙ্গে দুঃখে ভরা কথাগুলি বললেন, “এই দ্বিতীয়বার উনি মদ ধরলেন। মাইকেল যখন সৈনিক হয়ে যায় উনি তখনও মদ ধরেছিলেন।...উঃ!...আমি শিগগিরই মরে যাবো—তার মানে, তোমার আর কেউ থাকবে না...তুমি থাকবে একা...তোমার খাওয়া-পরার সংস্থান নিজেকেই করতে হবে। বুঝলে?...ভাল!...নিজের জীবিকার জন্তে নিজেই কাজ করতে শিখবে...কারো কাছে মাথা ঝুঁকিয়ে না! শাস্তভাবে, শান্তিতে, সংপথে জীবন যাপন করবে। লোকে যা বলে শুনবে, কিন্তু তোমার নিজের পক্ষে যা সব চেয়ে ভাল তাই করবে।”

সারা গ্রীষ্মকালটি, অবশ্য আবহাওয়া এখন ধারাপ হত সেই সময়টি ছাড়া আমি কাটালাম বাগানে। দিদিমা মাঝে মাঝে বাগানে গুতেন। তিনি সঙ্গে আনতেন এক পাঁজা বিচালি। সেগুলো আমার

কৌচের কাছে বিছিয়ে তার ওপর শুয়ে আমাকে অনেকক্ষণ গল্প বলতেন। আমি মাঝে মাঝে অবাস্তুর মস্তব্যে তাঁর কথায় বাধা দিতাম, “দেখ!...একটা তারা ধসে পড়লো! ওটা হচ্ছে কোন নির্মল আত্মা, কষ্ট পাচ্ছে...কোন মা পৃথিবীর কথা ভাবছে! ওর মানে কোন সংপুরুষ বা নারী এই মুহূর্তে জন্মগ্রহণ করলো!”

অথবা তিনি আমাকে দেখাতেন, “একটা নতুন তারা উঠেছে; দেখ! ওটাকে দেখাচ্ছে একটা বড় চোখের মতো...ওগো আকাশের উজ্জ্বল জীব...ভগবানের পবিত্র অলঙ্কার!...”

দাদামশায় তাঁকে ধমকাতেন। “তোমার ঠাণ্ডা লাগবে, সন্দি হবে। সন্ম্যাস রোগ ধরবে। চোর এসে তোমাকে খুন করবে।”

কখন কখন সূর্য্য যখন অস্ত যেত, আকাশে বয়ে যেত আলোর নদী। মনে হত যেন সবুজ মধমলের মতো বাগানের ওপর ঝরে পড়ছে লাল-সোনালি রাশি রাশি ভস্ম। তখন সব কিছু হয়ে উঠতো আর একটু কালো ও বড় এবং গোখুলি আলোক-বেষ্টনির সঙ্গে সঙ্গে যেন উঠতো ফুলে। রোদ্রে অবলম্বন হয়ে গাছের পাতাগুলো পড়তো এলিয়ে, ঘাসের আগাগুলি পড়তো নুয়ে। সব কিছুকে মনে হত আরও ঐশ্বর্যময়। এবং সন্ধ্যাতের মতো স্নিগ্ধকর নানা রকমের স্বরভী বিস্তরণ করতো। সেখানে সন্ধ্যাত ছিল, সৈন্তদের তাঁবু থেকে গমকে গমকে তা ভেসে আসতো।

রাত্রি আসতো। তার সঙ্গে অন্তরে আসতো ত্রায়ের সোহাগের মতো সতেজ নির্মল এক ভাব। স্তব্ধতা তার স্তম্ভ অমসৃণ হাতখানি দিত অন্তরে বুলিয়ে এবং যা ভোলবার—মিথিলের স্তম্ভ ধূলিকণা, তিক্ততা—তা যেত ধুয়ে মুছে। চিং হয়ে শুয়ে অতল গভীর আকাশে উজ্জ্বল তারাগুলির দিকে তাকিয়ে থাকতে লাগতো চমৎকার।...অলঙ্কার হয়ে

আসতো আরও গাঢ়, স্তব্ধতা হতো আরও গভীর, কিন্তু শব্দের পর উঠতো শূন্য, অনুভব করা যায় কি না যায় এমনি দীর্ঘ শব্দতরঙ্গ। এবং প্রত্যেকটি শব্দ—তা সে ঘুমের ঘোরে পাখীর গানই হোক বা সজ্জার ছোট্টার শব্দই হোক অথবা কোন মুহূ মনুষ্য কণ্ঠস্বরই হোক—দিবসের শব্দগুলি থেকে ছিল পৃথক। তার মধ্যে থাকতো তার বিচিত্র নিজস্ব কিছু।...

দিদিমা বেশি স্বপ্ন ঘুমোতেন না; যুক্ত হাত দুখানির ওপর মাথা রেখে তিনি শুয়ে থাকতেন এবং আমার কাছ থেকে সামান্য ইঙ্গিত পেলেই গল্প বলতেন আমি শুনছি কিনা সেদিকে একটুও খেয়াল করতেন না।

তার শব্দ-স্রোতের প্রভাবে আমি অজ্ঞানিতে তন্দ্রা ঘোরে ডুবে যেতাম এবং পাখির ডাকের সঙ্গে উঠতাম জেগে। আমার চোখে সোজা এসে লাগতো অরুণ কিরণ; এবং রৌদ্রে তপ্ত প্রভাত-বাতাস আমাদের চারধারে মুহূ ভাবে বয়ে যেত। আপেল গাছের পাতাগুলো ছলে ছলে শিশির বরাতো, মতোলক স্ফটিক-স্বচ্ছতায় ঘাসগুলোকে দেখাতো আরও উজ্জ্বল ও সতেজ; তার ওপর ভাসতো কুয়াশার আমেজ। উর্ধ্বগগনে, এত উর্ধ্বে যে চোখেই পড়তো না, লারক্ গান গাইতো; এবং শিশিরে যে-সব রঙ ও শব্দ ফুটে উঠতো সেগুলো জাগিয়ে তুলতো শাস্তিময় আনন্দ, জাগিয়ে তুলতো অবিশ্রান্ত কিছু কাজ করার এবং সমস্ত জীব-জগতের সঙ্গে সখানুষ্ঠে আবদ্ধ হয়ে দিন যাপনের বাসনা।

এই সময়টি ছিল আমার সারা জীবনের সব চেয়ে শান্ত চিন্তা-শীলতার মুহূর্ত। আর গ্রীষ্মকালেই আমার আত্ম-শক্তির চেতনা জেগে উঠে অন্তরে বদ্ধমূল ও স্পষ্ট হয়। আমি হয়ে পড়তাম লাজুক ও অসামাজিক।

দাদামশায়ের কথাবার্তা প্রত্যহ হয়ে উঠছিল আরও নীরস বিষণ্ণ ও অসন্তোষে ভরা। আমার আর ভাল লাগতো না। তিনি প্রায়ই দিদিমার সঙ্গে ঝগড়া করতেন এবং তিনি যখনই জাকফ-মামা বা মাইকেল-মামার বাড়ি যেতেন তখন তাঁকে বাড়ি থেকে তাড়িয়ে দিতেন। একবার দিদিমা দিন কতক বাইরেই রয়ে গেলেন; দাদামশায় সে সময় নিজেই রান্না-বাটনা করতেন, হাত পুড়িয়ে ফেলতেন, যন্ত্রণায় চীৎকার করে উঠতেন, গালাগাল দিতেন, কাঁচের বাসন-পত্র ভেঙে ফেলতেন। তখন তিনি হয়ে উঠেছিলেন লোভী। কখন কখন তিনি আমার কঁড়েতে এসে, ঘাসে-ঢাকা আসনে আরাম করে বসতেন এবং আমাকে কিছুক্ষণ নীরবে লক্ষ্য করে হঠাৎ জিজ্ঞাস করতেন, “তুমি এমন চূপচাপ কেন?”

—“চূপ-চাপ থাকতে ভাল লাগছে। কেন?”

তারপর তিনি উপদেশ আরম্ভ করতেন, “দেখ, আমরা ভদ্রলোক নয়। আমাদের শিক্ষা দেবার মাথাব্যথা কারো নেই। আমাদের যা-কিছু নিজেদেরই করে নিতে হবে। আর সব লোকের জন্তে বই লেখা হয়, স্কুল গড়ে তোলা হয়। কিন্তু আমাদের জন্তে কেউ সময় নষ্ট করে না। আমাদের পথ নিজেদেরই করে নিতে হবে।” বলতে বলতে চূপ করতেন। আত্মতোলা, ওস্তির হয়ে বসে থাকতেন। পরিশেষে তাঁর উপস্থিতি আমার কাছে হয়ে উঠতো শীতলদায়ক।

শরৎকালে তিনি বাড়িখানি বিক্রয় করে ফেলতেন। বিক্রয়ের অল্পকাল আগে চা খেতে খেতে হঠাৎ বলে উঠেছিলেন, “দেখ, মা, আমি তোমাকে ধাইয়েছি-পরিয়েছি—কিন্তু তোমার এবার নিজের অন্নের সংস্থান নিজেই করে নেবার সময় এসেছে।”

দিদিমা খবরটি শাস্তভাবে নিয়ে ছিলেন, যেন তিনি অনেক দিন

থেকে এটি আশা করছিলেন। তিনি ধীরে স্বপ্নে নশুর কোঁটাটি নিয়ে খানিকটা নস্র নাকে পূরে বলেছিলেন, “ঠিক আছে। যদি এই রকমই হয়, তাহলে তাই-ই হোক!”

দাদামশায় একটি ছোট পাহাড়ের তলায় একখানি পুরোনো বাড়ির দুখানি অঙ্ককার ভিত-ঘব ভাড়া করলেন।

আমরা এই বাসাটিতে উঠে গেলে দিদিমা একপাটি পুরোনো গাছের ছালেব জুতো নিয়ে ধোতের আগুনে দিয়ে উবু হয়ে বসে, গৃহ-উপদেবতাকে জাগিয়ে বললেন, “ঘরের দানো, বংশের দানো, এই যে তোমার প্লেজ-গাড়ি; আমাদের নতুন বাড়িতে এসো আমাদের কাছে, আমাদের ভাগ্য প্রসন্ন করে তোলে।”

দাদামশায় উঠোন থেকে জানালা দিয়ে এই ব্যাপার দেখে বলে উঠলেন, “এই বিষম্বী! দাড়া তোকে দেখাচ্ছি। তুই আমার মুখে কালি দেবার চেষ্টা কবছিস।”

তিন দিন দর কষাকষি ও পরস্পরকে গালাগাল দেবার পর দাদামশায় ঘরের আসবাব-পত্র সব বিক্রয় করলেন এক পুরোনো মাল-পত্র ব্যবসায়ীর কাছে। সে লোকটি ছিল তাতার। দিদিমা জানলা দিয়ে বাইরের দিকে তাকিয়ে কখন কাঁদলেন, কখন হাসলেন, আর বলতে লাগলেন, “ঠিক হয়েছে! ওগুলো টেনে বার কর। ভেঙে গুঁড়িয়ে ফেল।”

আমার নিজেরও কান্না পাচ্ছিল। আমার বাসান ও ছোট ঘরখানির ভিত্তে দুঃখ হচ্ছিল।

দুখানা গাড়িতে চড়ে আমরা নতুন বাড়িতে গেলাম। যে-গাড়ি খানিতে নানা রকমের বাসন-পত্রের মধ্যে আমাকে তুলে দেওয়া হয়েছিল সেখানি ভীষণ ছলতে লাগলো, যেন আমাকে কতকগুলো

মাল-পত্র সমেৎ তখনই বাইরে ফেলে দেওয়া হচ্ছে। এবং দু' বছর ধরে, আমার মায়ের মৃত্যুর সামান্য কাল আগে অবধি আমার মনে এই ধারণা সকলের চেয়ে বেশি করে জেপে ছিল যে, আমাকে বাইরে কোথাও ফেলে দেওয়া হয়েছে। বাসা বদলের অল্পকাল পরেই, দাদামশায় সবে ভিত্ত-ঘর দুখানিতে ঘর-সংসার পেতে বসেছেন, এমন সময় মা এলেন। তিনি তখন হয়ে গেছেন পাংশু, শীর্ণ; তাঁর প্রকাণ্ড চোখ দুটি হয়ে উঠেছে অদ্ভুত রকমে উজ্জ্বল। তিনি এমন ভাবে তাকিয়ে রইলেন যেন, তাঁর বাবা, মা ও আমাকে সেই প্রথম দেখছেন। আমার বি-পিতাটি পিছনে হাত দুখানি দিয়ে মুছ শিষ দিতে দিতে সারা ঘরে বেড়াতে বেড়াতে গলা খাঁকাড়ি দিতে লাগলেন।

আমার গালে তাঁর তপ্ত হাত দুখানি চেপে মা আমাকে বললেন, “ও ভগবান! তুমি কি ভয়ঙ্কর বড় হয়ে উঠেছো।” তাঁর পেটের কাছটা দেখাচ্ছিল খুব ফোলা।

আমার বি-পিতা আমার দিকে হাত বাড়িয়ে বললেন, “কেমন আছ, ছোকরা? কেমন হচ্ছে?” তারপর বাতাস শুকে আবার বললেন, “জায়গাটা বড় সঁয়াং সঁয়েতে!”

হৃৎনকেই দেখাচ্ছিল ক্লান্ত, যেন তাঁরা বহুক্ষণ ধরে ছুটছিলেন। তাঁদের পোশাক হয়ে পড়েছিল বিশৃঙ্খল, ময়লা। তাঁরা যখন চা খাচ্ছিলেন, দাদামশায় বৃষ্টির জলে ধোওয়া জানলাগুলোর দিকে তাকিয়ে বললেন, “তাহলে আগুনে তোমাদের স্নান নষ্ট হয়ে গেছে?”

আমার বি-পিতা দৃঢ়কণ্ঠে উত্তর দিলেন, “সব! নিতাস্ত কপাল ভাল বলে আমরা বেঁচে গেছি।”

—“বটে!...আগুন যা-তা নয়!”

দিদিমার কাঁধে হেলান দিয়ে মা তাঁর কানে কানে কি যেন বললেন। যেন চোখে আলো লাগছে দিদিমা এমনি ভাবে চোখ মিট মিট করলেন।

হঠাৎ দাদামশায় খুব স্পষ্ট, শাস্ত ও বিদ্রোহভরা কণ্ঠে বললেন, “আমার কানে যে-শুভব এসেছে মশায়, ইউজেন বাসিলেফ, আশুন-টাশুন বাজে কথা, তুমি তাস-খেলায় সব হারিয়েছ।”

ঘরখানা শুরু হয়ে গেল। সে শুরুতা ভঙ্গ হতে লাগলো কেবল শ্রামোভারের সোঁ সোঁ ও জানলার সাসিতে রুটির চটপট শব্দে। অবশেষে মা মিনতিমাথা কণ্ঠে বললেন, “পাপাশা—”

দাদামশায় কথাগুলো এমন জ্বোরে বলে উঠলেন যে কানে তালা ধরে গেল, “কি বলতে চাও—‘পাপাশা?’ তারপর? আমি তোমাকে বলি নি কি ত্রিশ বছরের লোকের সঙ্গে কুড়ি বছরের যে তাকে মানায় না?...বড় ঘরের ছেলে!...কি?...বল?”

তাঁরা চারজনে গলা ছেড়ে চীৎকার করতে লাগলেন; আমার বি-পিতা চীৎকার করতে লাগলেন সকলের চেয়ে জ্বোরে। আমি ঘর থেকে বেরিয়ে একটা কাঠের গাদার ওপর গিয়ে বসলাম। ঘরগুলোর দেওয়াল ছিল ষালি, কড়িগুলোর খাঁজে খাঁজে শোণ গজিয়ে ছিল; শোণগুলোর মাঝে ছিল আরগুলোর বাঁক। মা আর বি-পিতা রাস্তার দিকে জানলা-দেওয়া ঘর দুখানাতে থাকতেন; আমি দিদিমার সঙ্গে থাকতাম রান্নাঘরে। তার একটি জানলা ছিল ছাদের দিকে। ছাদের আর এক দিকে একটা কারখানার চিমনি উঠে গিয়ে ছিল আকাশের দিকে। আমাদের ঠাঁই ঘরগুলো সর্বদা ভরা থাকতো কিছু পোড়ার গন্ধে। ভোরের বেলা নেকড়েগুলো ডাকতো, “খেউ—উ—উ—”

দিদিমা সাধারণ পরিচারিকার কাজ করতেন; রাঁধতেন, ঘর ধুতেন, কাঠ কাটতেন এবং সকাল থেকে সন্ধ্যা পর্যন্ত জল আনতেন। তিনি শুতে আসতেন শ্রান্ত-শ্রান্ত হয়ে। কখন কখন রান্না সেয়ে বাড়িস পরে, স্কারটটা ওপরে তুলে তিনি শহরে যেতেন। বলতেন, “দেখে আসি বড়ো কেমন আছে।”

বলতাম, “আমাকেও সঙ্গে নাও।”

—“তুমি জন্মে যাবে। দেখ কি রকম বরফ পড়ছে।” এবং তিনি রান্না দিয়ে বা ভুসারাচ্ছন্ন মাঠ ভেঙে প্রায় চার ক্রোশ পথ হেঁটে যেতেন!

মায়ের রঙ হয়ে গিয়েছিল হলুদ। তখন তিনি অন্তঃসত্তা। গায়ে ছাই রঙের ছেঁড়া একখানা শাল জড়িয়ে শীতে কাঁপতে কাঁপতে ঘুরে বেড়াতেন।

তাকে জিজ্ঞেস করে ছিলাম, “তুমি এখানে থাকো কেন?”

তিনি জবাব দিয়েছিলেন, “চূপ্!”

তিনি কদাচিত্ আমার সঙ্গে কথা বলতেন; যখন বলতেন তাও কোন কিছু করতে বলবার জ্ঞান. “ওখানে যাও!...এখানে এস।...এটা আনো!”

আমাকে ঘন ঘন রান্নায় বার হতে দেওয়া হত না এবং প্রত্যেক বারই বাড়ি ফিরতাম অগ্র ছেলেদের মারের দাগ গায়ে নিয়ে। কারণ মারামারি করাটা ছিল আমার প্রিয়, বাস্তবিক পক্ষে একমাত্র আনন্দ। মা আমাকে চামড়ার ফিতে দিয়ে মারতেন, কিন্তু পাস্তা আমাকে আরও উত্তেজিত করে তুলতো। পরের বার আমি শিশু-মূলভ ভেজের সঙ্গে লড়তাম। তার জ্ঞান মা আমাকে আরও ধারণা শাস্তি দিতেন। এম্মি ভাবে চলতে লাগলো। শেষে একদিন আমি তাঁকে বললাম, তিনি যদি আমাকে মারা না ছাড়েন তাহলে তাঁর হাত কামড়ে দিয়ে



মাঠে ছুটে পালিয়ে বাব এবং সেখানে শীতে জমে মরবো। বিশ্বয়ে তাঁর কাছ থেকে আমাকে ঠেলে সরিয়ে দিয়ে হাঁফাতে হাঁফাতে ঘুরে বেড়াতে লাগলেন এবং বললেন, “তুমি একটা বুনো জানোয়ারের মতো হয়ে উঠছো!”

যে-রক্তিকে বলা হয় প্রেম তা এখন আমার হৃদয়ে পরিপূর্ণ তাবে এবং রামধনুর মতো শিহরণে পুষ্পিত হয়ে উঠতে লাগলো। প্রত্যেকের বিরুদ্ধে আমার রোষ গাঢ় নীল, ধূমায়িত অগ্নিশিখার মতো প্রায়ই ক্ষুরিত হত; এবং আমার অন্তরে জলতো এক পীড়াদায়ক রোষভাব— সেই অন্ধকার অর্ধহীন অস্তিত্বের চেতনা।

আমার বি-পিতা আমার সঙ্গে কঠোর ব্যবহার করতেন, মায়ের সঙ্গে কদাচিৎ কথা বলতেন এবং শিষ দিয়ে বেড়াতেন, কাসতেন এবং খাবার পর আয়নার সামনে দাঁড়িয়ে কাঠি দিয়ে সযত্নে তাঁর অসমান দাঁতগুলি খুঁটতেন। মায়ের সঙ্গে তাঁর ঘন ঘন ঝগড়া হতে লাগলো। একদিন তিনি পা ঠুঁকে চাঁৎকার করে উঠলেন: “তুমি বোকা তাই গল্প:সস্তা হয়েছ, সেজগ্রে আমি কাউকে আমার সঙ্গে দেখা করতে আসতে বলতে পারি না—গরু কোথাকার!”

তাতে আমি বিস্মিত, এত ক্রুদ্ধ হয়ে এতখানি উঁচুতে লাফিয়ে উঠে ছিলাম যে, ছাদে আমার ঠুঁকে যায় এবং জিভ কেটে রক্ত পরিবেশে পড়ে।

শনিবারে মজুরেরা দলে দলে আমার বি-পিতার সঙ্গে দেখা করতে ও তাঁর কাছে তাদের খাত-টিকিট বেচতে আসতো। সেগুলো তাদের কারখানার দোকানে দিয়ে টাকার বদলে খাত নেতয়া উচিত ছিল। কিন্তু তাদের টাকার দরকার। আমার বি-পিতা অর্ধেক দামে টিকিটগুলো কিনতেন।

মায়ের প্রসবের আগে অবধি আমাকে এই নিরানন্দ জীবন-ব্যাপন করতে হ'ল। তারপর আমাকে আবার পাঠানো হল দাদামশায়ের কাছে। দাদামশায় তখন থাকতেন কুনাভিনে একখানি সফর ঘরে।

তিনি আমাকে দেখেই তীক্ষ্ণস্বরে হেসে উঠে বললেন, “এ কি? লোকে বলে নিজের মায়ের চেয়ে ভাল বন্ধু আর নেই; কিন্তু এখন বোধ হচ্ছে, মা নয়, বুড়ো হতভাগা দাদামশাইই বন্ধু। ঠিক!”

নতুন বাড়িখানির চারধার আমি ভাল করে দেখবার আগেই মা ও শিশুটিকে সঙ্গে করে দিদিমা এসে পৌঁছলেন। মজুরদের কাছ থেকে ছেচড়ামি করে টাকা আদায় করবার জন্য আমার বি-পিতাকে কারখানা থেকে ছাড়িয়ে দেওয়া হয়েছিল; কিন্তু তিনি আর একটি কাজের সন্ধান করেন এবং প্রায় সঙ্গে সঙ্গেই তাঁকে রেল-স্টেশনে বুকিং অফিসের কাছে নেওয়া হয়।

দীর্ঘ, বৈচিত্র্যহীন জীবন-যাত্রার পর আর একবার আমি মায়ের সঙ্গে একটি গোদামের ভিত-ঘরে বাস করতে লাগলাম। তিনি স্থায়ী হতেই আমাকে স্থলে পাঠালেন—প্রথম থেকেই তা আমার ভাল লাগলো না।

মায়ের জুতো পরে, দিদিমার একটা বডিস্-কেটে-তৈরী-কোট ও হলদে রঙের শার্ট গায়ে দিয়ে আমি স্থলে যেতাম। আমার পাজামাটাকে আরও লম্বা করে দেওয়া হয়েছিল। আমার পোশাকটা অবিলম্বে হয়ে উঠলো উপহাসের সামগ্রী। সেই হলদে শার্টের জন্য আমার নাম দেওয়া হ'ল “রুইতনের টেকা।”

ছেলেদের সঙ্গে আমি অচিরেই বন্ধুত্ব স্থাপন করলাম, কিন্তু শিক্ষক ও পাত্রি আমাকে পছন্দ করতেন না।

শিক্ষকটি ছিলেন যক্ষ্ম-রোগগ্রস্তের মতো হলদে রঙের, মাথায়

টাক। তার নাক দিয়ে অনবরত রক্ত পড়তো। নাকে তুলো গুঁজে তিনি ক্লাসে আসতেন এবং টেবিলের ধারে বসে আমাদের অন্তর্নাসিক হয়ে প্রশ্ন করতেন। একটা কথার মাঝখানে হঠাৎ ধেমে ছুলোটা নাক থেকে বার করে সেটাকে বার করে মাথা ঝাঁকাতেন। তাঁর মুখখানা ছিল খ্যাবড়া, ভামাটে রঙের। তাতে একটা রুক্ষ ভাব ফুটে থাকতো। মুখের খাঁজগুলোতে ছিল সবুজ আভা। কিন্তু তাঁর চেহারার মধ্যে সব চেয়ে বিকট ছিল কাঁসা-রঙের চোখ দুটো। সে দুটো এমন বিশ্রী ভাবে আমার মুখে আটকে থাকতো যে, মনে হ'ত চোখ দুটোকে আমার গাল থেকে হাত দিয়ে মুছে ফেলে দিতেই হবে।

দিন কয়েক আমি ছিলাম প্রথম বিভাগে, ক্লাসের সকলের ওপরে। আমার বসবার জায়গা ছিল শিক্ষকের একেবারে কাছে; তখন আমার অবস্থা হয়ে ছিল দুর্ভিষত। বোধ হত তিনি আমাকে ছাড়া আর কাউকেই দেখতে পাচ্ছেন না, এবং সর্বদা ধোনা স্বরে বলতেন, “পিয়েশ—কফ, তুমি পরিষ্কার শাট পরবে। পিয়েশ—কফ পায়ের শব্দ করো না। পিয়েশ—কফ, তোমার জুতোর ফিতে আবার খুলে গেছে।”

কিন্তু তাঁর ধুঁটতার ফল আমি তাঁকে দিয়েছিলাম। একদিন একটা জমাট তরমুজের অর্ধেক কেটে নিয়ে তার সব শাস টেঁচে ফেলে দিয়ে খোলাটা বাইরের দরজার মাথায় সবুজ সাদি দিয়ে কপিকলের সঙ্গে আটকে রেখে দিলাম। দরজাটা খুলতেই তরমুজটা গেল ওপর দিকে উঠে; কিন্তু শিক্ষক মশায়ের সঙ্গে বন্ধ করতেই খোলাটা নেমে এসে তাঁর টেকো-মাথায় ঝসে গেল টুপির মতো। অবশ্য এই নষ্টামীর ফলও আমাকে পেতে হয়েছিল।

আর একবার তাঁর টেবিলের ওপর নশ্ব ছড়িয়ে রেখেছিলাম; তাতে তিনি এত হেঁচে ছিলেন যে, তাঁকে বাধ্য হয়ে ক্লাস ছেড়ে গিয়ে তাঁর ভগ্নীপতিকে তাঁর জায়গায় পাঠিয়ে দিতে হয়। ভগ্নীপতিটি ছিলেন একজন সামরিক কর্মচারী। তিনি সারা ক্লাসকে দিয়ে গান গাইয়েছিলেন, “ঈশ্বর জারকে রক্ষা করুন” এবং “ও, স্বাধীনতা! আমার স্বাধীনতা!” যারা স্বরে স্বর মিলিয়ে গাইতে পারে নি, তাদের তিনি মাথায় মেরেছিলেন রুলার দিয়ে।

ধর্ম-শিক্ষকটি ছিলেন সুপুরুষ, তরুণ এক পাদ্রি। তাঁর মাথাভরা চুল ছিল। আমার বাইবল ছিল না বলে তিনি আমাকে পছন্দ করতেন না, আর আমায় তাঁর কথা বলার ধরনকে বিজ্ঞপ করতাম সেজন্যও। ক্লাসে ঢুকে তাঁর প্রথম কাজ ছিল আমাকে জিজ্ঞেস করা, “পিয়েরকফ, তুমি সে বইখানা এনেছো কি না? হ্যাঁ। বইখানা!”

—“না; আমি সেখানা আনি নি। হ্যাঁ।”

—“তার মানে কি—হ্যাঁ?”

—“না।”

—“তুমি বাড়ি যেতে পারো। হ্যাঁ—বাড়ি, কারণ আমি তোমাকে পড়াতে চাই না। হ্যাঁ! আমি পড়াতে চাই না!”

তাতে আমার মনে বিশেষ কষ্ট হয় নি। আমি ক্লাস থেকে সরিয়ে গিয়ে গ্রামের নোঙরা পথে পথে সারা ঘণ্টা ঘুরে বেড়াইলাম, আর আমার চারধারে কোলাহলময় জীবন-যাত্রাকে লক্ষ্য করতে লাগলাম।

পাদ্রিটির মুখখানি ছিল সুন্দর, ঐন্টের মতো; চোখ দুটি নারীর চোখের মতো সোহাগ-মাখা, হাত দুখানি ছোট—কোমল। কিন্তু ছেলেদের সঙ্গে ব্যবহারে তিনি এমন কোমল ছিলেন না। তবুও তারা তাঁকে ভালোবাসতো।

আমার শিক্ষার উন্নতি হতে লাগলো ভালই। তা সত্ত্বেও আমাকে শীঘ্রই জ্বানিয়ে দেওয়া হ'ল অশোভন আচরণের জন্য আমাকে স্কুল থেকে তাড়িয়ে দেওয়া হবে। আমি নিরুৎসাহ হয়ে পড়লাম। কারণ দেখলাম, আমার পক্ষে খুব বিক্রী সময় আসছে। মায়ের মেজাজ প্রত্যহই হয়ে উঠছিল রুক্ষ। তিনি আমাকে প্রায়ই মারতেন।

কিন্তু সাহায্যও পাওয়া গেল শীঘ্র। বিশপ খ্রীসানফ্ একদিন ঠাণ্ডা স্কুল দেখতে এলেন। তিনি মাসুখটি ছিলেন ছোট-খাটো; দেখতে গুণীনের মতো। যদি আমার ঠিক মনে পড়ে, তাঁর পিঠে ছিল কঁজ।

তিনি টেবিলের ধারে বসে হাত নেড়ে জামার হাতা থেকে হাত দুখানি মুক্ত করে নিয়ে বললেন, “ছেলেরা, এস এক সঙ্গে কিছু কথা-বার্তা বলি।”

তাঁর কালো পোশাকে তাঁকে দেখাচ্ছিল বড় মজার, মাথায় ছিল ছোট কলসীর মতো একটি টুপি।

তাঁর কথায় সারা ক্লাসটি সরগরম ও চঞ্চল হয়ে উঠলো এবং সর্বত্র একটা অপরিচিত আনন্দ দেখা দিল।

আরও অনেকের পর তিনি আমাকে তাঁর টেবিলের কাছে ডেকে গভীর ভাবে জিজ্ঞেস করলেন, “তোমার বয়স কত? স্নোটে? তুমি কত লম্বা! মনে হয় তুমি প্রায়ই বাইরে বৃষ্টিতে দাঁড়িয়ে থাকতে, থাকতে কি? অ্যা?”

লম্বা, ধারালো নখগুচ্ছ একখানি শুকনো হাত টেবিলের ওপর রেখে, আর একখানির আঙুল দিয়ে পাতলা দাঁড়িগুলো চেপে ধরে মুখখানি আমার মুখের খুব কাছে এসে বললেন, “বল দেখি, বাইবেলের গল্পগুলোর মধ্যে কোন্ গল্পটি তোমার সব চেয়ে ভাল লাগে?”

তাঁর চোখ দুটি ছিল করুণায় ভরা। কিন্তু আমি যখন তাঁকে বললাম, আমার বাইবেল নেই, শাস্ত্রের ইতিহাস আমি পড়ি নি তখন তিনি বললেন, “কি রকম? তুমি জান, তোমার এটা পড়া অবশ্যই দরকার। কিন্তু তুমি হয়তো কারো মুখে শুনে কিছু শিখেছো? তুমি স্তবগুলো জানো? ভাল! আর প্রার্থনাগুলো!...হাঁ!...আর সাধু-মহাত্মাদের চবিত কথাসু?...পড়ে?...তাহলে মনে হয় বিষয়টা তুমি ভালই জান।”

সেই মুহূর্তে আমাদেব পাদ্রিটি উপস্থিত হলেন। তাঁর মুখ-চোখ লাল হয়ে গিয়েছিল। তিনি ঠাপাচ্ছিলেন। বিশপ তাঁকে আশীর্বাদ করলেন; কিন্তু তিনি আমার বিষয় বলতে আরম্ভ করতেই বিশপ হাত তুলে বললেন, “...এক মিনিট...ঈশ্বরভক্ত আলেকসির গল্পটি আমাকে বল তো!”

পরের পগুটি ভুলে গিয়েছিলাম বলে প্রথম পগুটির বেখানে পূর্ণচ্ছেদ ছিল সেখানে খামতেই তিনি বললেন, “চমৎকার পগুগুলো—কি বল বাবা? আচ্ছা এবার অন্য কিছু বল—রাজা ডেভিডেব লম্বন্ধে বল।...বলে যাও, আমি মন দিয়ে শুনছি।”

দেখলাম, তিনি বাস্তবিকই মন দিয়ে শুনছেন এবং পগুগুলো তাঁর ভাল লাগছে। তিনি আমাকে অনেককণ পরীক্ষা করলেন এবং হঠাৎ উঠে দাঁড়িয়ে জিজ্ঞেস করলেন, “তুমি স্তবগুলো শিখেছো? কে শিখিয়েছে? দাদামশায়টি ভাল, কি বল? জ্ঞান? ধারণা? অমন কথা বলো না!...কিন্তু তুমি খুব দুই নও?”

আমি ইতস্তত করতে লাগলাম; কিন্তু পরিশেষে বললাম, “হাঁ”।

শিক্ষকমশায় ও পাদ্রিও আমার স্বীকারোক্তি বাচালতার সঙ্গে সমর্থন করলেন; বিশপমশায় চোখ দুটি নিচু করে তাঁদের কথা

শুনলেন। তারপর দীর্ঘনিশ্বাস ফেলে বললেন, “ওঁরা তোমার বিষয় বা বলছেন শুনছো? এখানে এস!”

তাঁর হাতখানি, তা থেকে সাইপ্রেস কাঠের মতো গন্ধ বার হচ্ছিল, আমার মাথায় রেখে বললেন, “তুমি এত দুষ্ট কেন?”

—“পড়াশুনো নীরস লাগে।”

—“নীরস? বাবা, এ কথা ঠিক নয়। পড়াশুনো যদি নীরস লাগে তাহলে তুমি পণ্ডিত হতে পারবে না; কিন্তু তোমার শিক্ষকেরা বলেন তুমি খুব চালাক ছাত্র। তার মানে তোমার দুষ্ট হবার অল্প কারণ আছে।”

তাঁর বৃকের ভেতর থেকে একখানি ছোট বই বার করে তার ওপর লিখতে লিখতে তিনি বললেন, “পিয়েশকফ, আলেক্‌সি। এই নাও!...তাহলেও বাবা, তোমার নিজেকে সামলে চলতে হবে, যাতে দুষ্ট না হও তার চেষ্টা করতে হবে।...আমরা তোমাকে একটু দুষ্টমি করতে দেব; কিন্তু ওটা ছাড়াও লোককে জ্বালাতন করবার আর কত জিনিষ আছে। তাই নয়, ছেলেরা?”

বছ কণ্ঠ আনন্দে উত্তর দিলে, “হাঁ।”

—“কিন্তু দেখছি, তোমরা নিজেরা খুব বেশি দুষ্ট নও। আমার কথা ঠিক তো?”

ছেলেরা সকলে হাসতে হাসতে এক সঙ্গে উত্তর দিলে, “না। আমরাও খুব দুষ্ট—খুব।”

বিশপমশায় চেয়ারের পিঠে হেলান দিয়ে আমাদের কাছে টেনে নিয়ে, হঠাৎ আমাদের সকলকে—এমন কি শিক্ষকমশায় ও পাত্রিকেও হাসিয়ে বললেন, “একখানা কিন্তু সত্যি ভাই, তোমাদের বয়সে আমিও ছিলাম দুষ্ট। তোমাদের কি মনে হয়?”

ছেলেরা হেসে উঠলো। অবশেষে তিনি উঠে দাঁড়াতে দাঁড়াতে বললেন, “দেখ, তোমাদের সঙ্গে থাকতে বড় ভাল লাগে; কিন্তু আমার এখন যাবার সময় হয়েছে।”

হাত তুলে আমার হাতা গুটিয়ে তিনি আমাদের সকলকে আশীর্বাদ করলেন।

কাউল ছলিয়ে তিনি বললেন, “আমি আবার আসবো। আবার আসবো। তোমাদের জন্মে কতকগুলো ছোট ছোট বই আনবো।”

ক্লাস থেকে বেরিয়ে যেতে যেতে তিনি শিক্ষকমশায়কে বললেন, “ওদের ছুটি দিন; বাড়ি যাক।”

তিনি আমার হাত ধরে বারান্দায় নিয়ে গিয়ে আমার দিকে ঝুঁকে শাস্ত ভাবে বললেন, “তাহলে তুমি শাস্ত হয়ে চলবে, চলবে না?...এই কথা রইলো?...বুঝতে পারি তুমি কেন ছুটু...বিদায় বাবা।”

আমি খুব উত্তেজিত হয়ে উঠলাম। আমার অন্তরে বিচিত্র ভাব উদ্বেলিত হতে লাগলো এবং শিক্ষকমশায় ক্লাসের সকলকে ছুটি দিয়ে কেবল আমাকে রেখে যখন বললেন, আমাকে জলের চেয়েও শাস্ত এবং ভূণের চেয়েও নম্র হতে হবে, তখন তাঁর কথাগুলি মন দিয়ে শেছায় স্তনলাম।

পাত্রিমশায় তাঁর ফার-কোর্টটি গায়ে দিয়ে মুহূর্তে বললেন, “আর আজ থেকে তোমাকে আমার পড়াবার কাজে সাহায্য করতে হবে। শাস্ত হয়ে বসে থাকতে হবে। হাঁ,—শাস্ত হয়ে বসতে হবে।”

কিন্তু স্কুলে যখন অবস্থাটা ভাল হয়ে উঠছিল, বাড়িতে তখন ঘটলো এক অপ্রীতিকর ঘটনা। একদিন মায়ের একটি রুবল্ চুরি করলাম। অপরাধটা করলাম কিছু সা ভেবেই। এক সন্ধ্যায় মা আমার ওপর বাড়ির ও খোকার দেখাশোনার ভার নিয়ে বেরিয়ে



গেলেন। একা থাকতে ভাল লাগছিল না, তাই আমার বি-পিতার “জর্নৈক চিকিৎসকের স্মৃতিকথা” নামে একখানি বইয়ের পাতা উন্টাতে উন্টাতে বইয়ের পৃষ্ঠাগুলোর মধ্যে ছুখানা নোট দেখতে পেলাম— একখানা দশ রুবলের, একখানা এক রুবলের। বইখানা আমি বুঝতে পারলাম না, তাই বন্ধ করে রাখলাম। কিন্তু হঠাৎ আমার মাথায় এল, এক রুবল পেলে আমি কেবল একখানা বাইবলই কিনতে পারবো না, সেই সঙ্গে একখানা রবিনসনক্রুশোও কিনতে পারবো। এই ধরনের একখানা বই আছে এ কথা আমি স্থলে অল্পকাল আগেই শুনেছিলাম। একদিন স্থলে টিফিনের সময় তুবারপাত হচ্ছিল; আমি ছেলেদের রূপকথা বলছিলাম। তখন তাদের মধ্যে একজন অবজ্ঞার স্বরে বলে উঠলো, “রূপ-কথাগুলো বাজে! আমি ভালোবাসি ‘রবিনসনের’ গল্প। ওটা সত্যি গল্প।”

দেখলাম, আরও জন কতক ছেলে ‘রবিনসন ক্রুশোর’ গল্প পড়েছে এবং তারা বইখানার স্তুখ্যাতি করতে লাগলো। দিদিমার রূপকথাগুলো তারা পছন্দ করলে না দেখে, ঠিক করলাম আমি নিজে রবিনসন ক্রুশো পড়বো, যাতে তাদের বলতে পারি গল্পটা “বাজে”।

পরদিন আমি স্থলে আনলাম, একখানা বাইবল আর অ্যান্ডারসনের ছেঁড়া দু’খণ্ড রূপকথা। সেই সঙ্গে আনলাম তিন পাউন্ড সাদা পাউকটি ও এক পাউন্ড সসেজ।—তুদিনারসক্ গির্জার দেওয়ালের গায়ে একখানি ছোট অঙ্কুর দোকানের শো-কেসে একখানি “রবিনসনও” ছিল। পাতলা হলদে মলাট-দেওয়া বই। তার ওপরে ছিল একটি দাড়িওয়ালা লোকের ছবি। বইখানার চেহারা আমার ভাল লাগলো না। এমন কি ছেঁড়া হলোও রূপ-কথার বই ছুখানার বাইরের চেহারাটি ছিল ভাল।

## আমার ছেলেবেলা

২৭৬

দীর্ঘ খেলার সময়টাতে আমি ছেলেদের মধ্যে ক্রীড়া ও সশস্ত্র বিতরণ করলাম এবং আমরা পড়তে আরম্ভ করলাম “নাইটিংগেল” নামে সেই চমৎকার গল্পটি।

“চীনদেশে সব লোকই চীনে, এমন কি, সম্রাটও চীনেম্যান।” মনে পড়ে এই বাক্যটির অনাড়ম্বর আনন্দময় ধ্বনিটি কেমন ভাবে আমার অন্তর স্পর্শ করেছিল। গল্পটিতে ছিল আরও অনেক চমৎকার চমৎকার অংশ।

কিন্তু স্কুলে গল্পটি পড়বার অনুমতি পাওয়া গেল না। বাড়িতেও সময় হল না। বাড়িতে এসে দেখি মা আঙুরের সামনে দাঁড়িয়ে একটা ফ্রাইংপ্যান তার ওপর ধরে ডিম ভাঙছেন। তিনি আমাকে অন্তত, চাপা সুরে জিজ্ঞেস করলেন, “তুমি সেই কবলটা নিয়েছো?”

—“হ্যাঁ, নিয়েছি—ঐ বইখানার ভেতর থেকে।”

ফ্রাইংপ্যানটা দিয়ে তিনি আমাকে খুব মেরে অ্যানডারলনের বইখানা কেড়ে নিয়ে কোথায় যেন লুকিয়ে রাখলেন। সেখানা আমি আর খুঁজে পেলাম না। মারের চেয়ে এই শাস্তিটা আমার পক্ষে হল আরও ধারাপ।

কয়েক দিন স্কুলে গেলাম না। সেই সময়ে আমার বি-পিভা নিশ্চয়ই আমার কাহিনীটি তাঁর কোন বন্ধুর কাছে বলে থাকবেন। তিনি বলেছিলেন তাঁর ছেলেদের কাছে। তারা আবার গল্পটি বলেছিল স্কুলে। তাই আমি আবার যখন স্কুলে গেলাম, তখন নতুন আখ্যায়িকাটি গুনতে পেলাম—“চোর।”

বর্ণনাটি সংক্ষিপ্ত ও স্পষ্ট, কিন্তু সত্য নয়। কারণ কবলটি বে আমিই নিয়েছি এ কথা আমি গোপন করি নি। আমি তাদের ব্যাপারটি বোঝাতে চেষ্টা করলাম, কিন্তু তারা বিশ্বাস করলে

না। তাই ছুটির পর বাড়ি গিয়ে মাকে বললাম, “আমি আর স্থলে যাচ্ছি না।”

তিনি আবার অন্তঃসত্তা হয়েছিলেন। তখন জানলার কাছে বসে আমার ভাই সামকাকে স্তম্ভ পান করাচ্ছিলেন। তাঁর মুখখানি হয়ে গিয়েছিল পাংশু। তিনি মাছের মতো ঠাঁ করে আমার দিকে তাকিয়ে রইলেন। এবং শাস্ত ভাবে বললেন, “তুমি ভুল করছো। তুমিই যে রুবল্টি নিয়েছিলে একথা কারোই জানা সম্ভব নয়।”

—“তুমি নিজে গিয়ে তাদের সকলকে জিজ্ঞেস করো।”

—“তুমি নিজেই কথাটা বলে বেড়িয়ে থাকবে। স্বীকার কর— তুমি নিজে বলেছিলে? সাবধান, কাল আমি বার করবো কথাটা কে স্থলে রটিয়েছে।”

আমি তাঁকে ছাত্রটির নাম বললাম। তাঁর মুখখানি করুণভাবে কুঞ্চিত হয়ে গেল এবং চোখ দিয়ে জল পড়তে লাগলো।

আমি রান্নাঘরে গিয়ে আমার বিছানাটিতে শুয়ে পড়লাম। বিছানা বল্তে ষ্টোভের পিছনে দুটি কাঠের বাস। সেখানে শুয়ে মায়ের কান্না শুনতে পেলাম, “হা ঈশ্বর!”

ঘরে তেলচিটে কাপড়-চোপড় শুকোচ্ছিল। সেগুলোর বিশী গন্ধ আর সইতে না পেরে উঠে আড়িনায় গেলাম, কিন্তু মা আমাকে ডাকলেন, “কেধায় যাচ্ছো? যাচ্ছো কোথায়? আমার কাছে এস।”

দু’জনে মেঝেয় বসলাম। সামকা মায়ের জামার উপর শুয়ে তাঁর জামার বোতাম ধরে মাথা তুলে বললে “বুড়ো”। “পুগোভকাকে” (বোভামকে) সে বলতো তাই।

আমি মায়ের পা ঘেঁষে বসলাম। তিনি আমাকে চুম্বন করে বললেন, “আমরা...গরীব; প্রত্যেকটি কোপেক...প্রত্যেকটি কোপেক...”

কিন্তু যে-কথাটি তিনি বলতে আরম্ভ করেছিলেন, তা শেষ করলেন না, আমায় তপ্ত হাতখানি দিয়ে চেপে ধরলেন।

তারপর হঠাৎ বলে উঠলেন, “কি জঞ্জাল—জঞ্জাল !”

সাস্কা কথাটি বিরূত করে উচ্চারণ করলে।

সে ছেলেটি ছিল অদ্ভুত। তার শরীরটি ছিল কিঙ্কতকিমাকার, মাথাটি ছিল প্রকাণ্ড, চোখ দুটি সুন্দর গাঢ় নীল। নীরবে হাসতে হাসতে এমন ভাবে সে চারধারে তাকাতো ঠিক যেন কাউকে আশা করছে। কি করে যেন তার আঙুল থেকে বা’র হত ভায়লেট ফুলের গন্ধ। বিনা অস্থেই সে হঠাৎ মারা যায়। অল্প দিনের মতোই সেদিনও সকালে সে ছিল খুশী, কিন্তু সন্ধ্যায় যখন গির্জায় উপাসনার ঘণ্টা বাজছে তখন তার মৃত্যু হয়। মা যা করবেন বলেছিলেন সেই মতো কাজও করেছিলেন। স্কুলের অবস্থাটা হল ভালই। কিন্তু শীঘ্রই আবার একটি গোলমালে জড়িয়ে পড়লাম।

একদিন সন্ধ্যায় চা খাবার সময় আঙিনা থেকে রান্নাঘরে ঢুকছি এমন সময় মায়ের কাতর কান্না শুনতে পেলাম, “ইউজেন, তোমার মিনতি করি, মিনতি করি—”

আমার বি-পিতা বললেন, “ধ্যেৎ !”

—“কিন্তু তুমি সেই মেয়েটার কাছে যাচ্ছ—আমি জানি।”

—“তাতে কি ?”

কয়েক মূহূর্ত তাঁরা দুজনেই চুপ করে রইলেন। তারপর কাস্তে কাস্তে মা বললেন, “কি জঘন্য জঞ্জাল তুমি !”

আমার বি-পিতাকে মাকে মারতে দেখলাম। ছুটে ঘরের ভেতর গিয়ে দেখলাম, মা হাঁটু গেড়ে বসে পড়েছেন। তাঁর পিঠ ও কনুই দুটো রয়েছে একখানা চেয়ারে লেগে, বুকখানি আছে সামনের দিকে

এগিয়ে, মাথাটি পড়েছে পিছনের দিকে হলে; গলায় ষড়্ ষড়্ শব্দ হচ্ছে আর চোখ দুটি ভীষণ জলছে। আর সেই লোকটা তার সব চেয়ে ভাল পোশাকটি পরে, গায়ে নতুন ওভারকোট চড়িয়ে, লম্বা পা বাড়িয়ে তাঁর বৃকে লাগি মারছে। টেবিলের ওপর থেকে আমি একখানি ছুরি তুলে নিলাম। ছুরিখানার হাতলটা ছিল হাড়ের; তার ওপর ছিল রূপোর কাজ করা। ছুরিখানা দিয়ে পাউরুটি কাটা হ'ত। বাবার ঐ একটি মাত্র জিনিষ মায়ের কাছে ছিল। ছুরিখানা শক্ত ক'রে ধরে আমার গায়ের সব শক্তি দিয়ে আমার বি-পিতার পাজরায় মারলাম।

সৌভাগ্য যে মা ম্যাকসিমফকে ঠিক সময়ে ঠেলে সরিয়ে দিলেন। ছুরিখানা পাশ ঘেঁসে চুকে গিয়ে তাঁব ওভারকোটে খুব বড় একটা গর্ত করে গায়ের চামড়া ছড়ে ফেললে মাত্র। আমার বি-পিতা পাজরাটা চেপে ধরে হাঁফাতে হাঁফাতে ঘর থেকে ছুটে বেরিয়ে গেলেন। মা আমাকে চেপে ধরে শব্দে তুলে ফেললেন। তারপর আর্ন্তনাদ করে মেঝেয় ছুড়ে ফেলে দিলেন। আমার বি-পিতা আঙিনা থেকে ফিরে এসে আমাকে তাঁর কাছ থেকে নিয়ে গেলেন।

তারপর অনেক রাত্রে, এ-সব সবেও তিনি যখন বেরিয়ে গিয়েছিলেন, মা ষ্টোভের পিছনে আমার কাছে এসে আমাকে স্কোলে নিয়ে চুমো ধেয়ে কাঁদতে কাঁদতে বললেন, “আমাকে ক্ষমা কর; দোষটা ছিল আমারই! বাবা, তুমি কি করে এমন কাজ করতে পারলে?... ছুরি দিয়ে...?”

স্পষ্ট মনে আছে, আমি তাঁর কাছে কি ভাবে বলেছিলাম, আমার বি-পিতাকে খুন করবো, আর নিজেও আত্মহত্যা করবো। মনে হয়, আমি তা করতামও, অসম্ভব তার চেপ্টাও করতাম। এখনও চোখের

আমার ছেলোবেলা

২৮০

সামনে ভাসছে সেই বিগনী বসানো পাজামা-পরা জঘন্ঠ পাখানা একটি নারীর বক্ষে আঘাত করছে। তার বহু বৎসর পরে সেই হতভাগ্য ম্যাকসিমক আমার চোখের সামনে একটি হাসপাতালে মারা যান। সে-সময়ে তাঁর সঙ্গে আমি আশ্চর্য্যভাবে সখ্যতার বাঁধনে বাঁধা হয়ে পড়ে ছিলাম। চোখের জলের ভেতর দিয়ে দেখলাম তাঁর সুন্দর চঞ্চল চোখ দুটির আলোটুকু ক্রমেই ম্লান হয়ে আসতে আসতে শেষে একেবারে মিলিয়ে গেল। কিন্তু সেই করুণাক্ষণে আমার হৃদয় দুঃখে পরিপূর্ণ হয়ে উঠলেও আমি ভুলতে পারি নি যে, তিনি আমার মাকে লাধি মেরেছিলেন।

আমাদের উচ্ছৃঙ্খল রুধ-জীবনের পীড়াদায়ক বিভীষিকার কথা যখনই মনে পড়ে, তখন প্রায়ই নিজের মনে প্রশ্ন করে থাকি, সেগুলো বলে লাভ আছে কিনা। আর তারপরই দৃঢ় প্রত্যয়ের সঙ্গে নিজের প্রশ্নের উত্তর দিই—“লাভের। কারণ এটা হচ্ছে সত্য ও জঘন্ঠ বাস্তব, যা আজও দূর হয় নি। এই সত্যের মূল অবধি স্মৃতি থেকে, লোকের মন থেকে, আমাদের সঙ্কীর্ণ, হীন জীবন থেকে উৎপাটিত করতে হবে।”

তা ছাড়া আরও একটি গুরুতর কারণ আমাকে এই বিভীষিকাগুলি বর্ণনা করতে ব্যাকুল করছে। যদিও সেগুলো এমন ঘৃণ্য, যদিও সেগুলো আমাদের পীড়া দেয় এবং বহু সুন্দর অন্তর নিষ্কীব করে ফেলে তবুও রুধদেশবাসীর অন্তর এখনও এমন সুস্থ, সবল ও তরুণ যে তারা সেগুলোর ওপরে উঠতে পারে। কারণ আমাদের এই চমকপ্রদ জীবনধারায় কেবল আমাদের পাশবিক দিকটাই বৃদ্ধি পায় না ও পুষ্ট হয় না, এই পাশবিকতার সঙ্গে সঙ্গে বুদ্ধি লাভ করছে, এ-সব সত্ত্বেও বিজয়ী হয়ে উঠছে এক ধরনের প্রাণবান, সবল ও সৃষ্টিকর্ম মনুষ্য।

তা আমাদের নব-জীবনের পথে অত্মপ্রেরণা দান করছে। তখন আমরা সকলেই শান্তিতে ও পারস্পরিক প্রেমে জীবন ধারণ করতে পারবো।

## ত্রয়োদশ পরিচ্ছেদ

আবার আমি এলাম দাদামশায়ের কাছে।

তাঁর সাদর সম্ভাষণ হলে, “কিরে ডাকাত, কি চাস?” কথাগুলি বলবার সঙ্গে সঙ্গে তিনি টেবিলে টোকা দিতে লাগলেন। এবং আবার বললেন, “আমি তোমাকে আর খাওয়াতে যাচ্ছি না; তোমার দিদিমা তোমাকে খাওয়ান গে।”

দিদিমা বললেন, “আমি তাই করবো।”

দাদামশায় বলে উঠলেন, “বেশ, যদি খাওয়াতে চাও খাওয়াও।” তারপর শাস্ত হয়ে আমাকে বুঝিয়ে দিলেন, “ও আর আমি এখন আলাদা থাকি। আমাদের কারো সঙ্গে কোন সম্পর্ক নেই।”

দিদিমা জানলার নিচে বসে তাড়াতাড়ি আঙুল চালিয়ে লেন্স তৈরি করছিলেন। সম্পত্তির ভাগ-বাটোয়ারার কথা দিদিমা হাসতে হাসতে বললেন। তিনি দিদিমাকে দিয়েছিলেন সমস্ত দাসন-পত্র। দেবার সময় বলেছিলেন, “এই তোমার ভাগ; আমার কাছে আর কিছু চেও না।”

আর তিনি নিয়েছিলেন, দিদিমার একটা গিয়ালের ফারের ক্লোকসমেৎ সব পুরোনো কাপড়-চোপড়। এবং সেগুলো সাত শ' রুবলে বেচে, টাকাগুলো তাঁর যিহুদি বন্ধুদের কাছে হুদে খাটাতে দিয়েছিলেন। সে লোকটার ছিল ফলের কারবার; পরিশেষে দাদামশায়কে পেয়ে বসলো লোভ-ব্যামি। তিনি লজ্জাসরম হারিয়ে

ফেললেন। তাঁর সাবেক সহ-কর্মী, ধনী ব্যবসায়ীদের কাছে গিয়ে বলতে আরম্ভ করলেন যে, ছেলেরা তাঁর সর্বনাশ করেছে। এবং সাহায্য করবার জ্ঞাতাদের কাছে টাকা চাইতে লাগলেন। তারা তাঁকে শ্রদ্ধা করতো। তিনি তার স্বয়োগ নিলেন। তারা তাঁকে মুক্ত হস্তে দান করতে লাগলো বেশ মোটা টাকার নোট। নোটগুলো তিনি দিদিমার মুখের সামনে গর্ক ভরে নেড়ে, তাঁকে শিশুর মতো বিদ্রূপ করে বলতে লাগলেন, “দেখ, বোকা, তোকে এর শতাংশও লোকে দেবে না।”

এই ভাবে যে-টাকাগুলো তিনি পেতেন, এক বন্ধুর কাছে হুদে ষাটাতে দিলেন।

আমাদের সংসারের সমস্ত খরচ খুব সতর্কতার সঙ্গে ভাগ করা হত। একদিন দিদিমার টাকা থেকে কেনা জিনিষ-পত্র দিয়ে আহাৰ্য্য প্রস্তুত করা হ’ত; আর পরের দিনের খাবার খরচ দিতেন দাদামশায়। কিন্তু তাঁর খাওয়া দিদিমার মতো ভাল হ’ত না। কারণ দিদিমা কিনতেন ভাল মাংস; আর দাদামশায় কিনতেন যেটালি ও ছাঁট। তাঁদের প্রত্যেকেরই নিজস্ব চা-চিনির ভাণ্ডার ছিল; কিন্তু একই পাত্রে চা তৈরী হত। দাদামশায় উদ্ভিষ্ট কণ্ঠে বলতেন, “খামো! একটু খামো!...কতখানি চা দিয়েছ?”

চায়ের পাতাগুলো হাতে ঢেলে নিয়ে তিনি খুব সতর্কতার সঙ্গে মেপে বলতেন, “তোমার চাগুলো আমার চায়ের চেয়ে সুরু। কাজেই আমি কম চা দেব। কারণ আমার চা-গুলো বড়।”

তিনি এ বিষয়ে বিশেষ নজর রাখতেন যাতে দিদিমা তাঁর ও দিদিমার নিজের জ্ঞাত সমান চা চালেন আর তিনি বতবার পেরালায় চা চালবেন দিদিমাও চালবেন বতবার।



সবটুকু চা ঢালবার ঠিক আগেই দিদিমা জিজ্ঞেস করতেন, “শেষ পেয়ালাটা কি হবে?”

দাদামশায় টি-পটটার ভেতর দেখে নিয়ে বলতেন, “শেষ পেয়ালাটার মতো যথেষ্ট আছে।”

এমন কি বিগ্রহের সামনের প্রদীপটার জন্তেও তিনি পৃথক ভাবে তেল কিনতেন—আর এই কাণ্ডটি ঘটতো তাঁদের দুজনের পঞ্চাশ বৎসরের মিলিত শ্রমের পর!

দাদামশায়ের এই সব চালাকিতে আমি আনন্দ ও বিরক্তি দুই-ই বোধ করতাম, কিন্তু দিদিমার কাছে সেগুলো ছিল কেবল মজার।

তিনি আমাকে সাস্থনার স্বরে বলতেন, “তুমি চূপ কর! তাতে কি? উনি হচ্ছেন বুড়ো, একেবারে বুড়ো মানুষ। গুঁর ভিমরতি হয়েছে এঁই যা। গুঁর বয়স হবে আশী বছর কি তার চেয়েও বেশি। উনি ছেলেমানুষী করুন। তাতে কার কি ক্ষতি হয়? আর আমি নিজের আর তোমার জন্তে একটু খাটবো—তাতে কিছু নয়।”

আমি যৎসামান্য উপার্জন শুরু করলাম। ছুটির দিনে খুব সকালে একটা ধলি নিয়ে আঙিনায় আঙিনায় হাড়, গ্নাকড়া, কাগজ ও পেরেক কুড়িয়ে বেড়াতে লাগলাম। গ্নাকড়া-কারবারীরা রিশ সের গ্নাকড়া ও ছেঁড়া কাগজ বা পেরেকের জন্ত দিত বিশ কোপেক; আর বিশ সের হাড়ের জন্ত দিত দশ বা আট কোপেক। ছুটির দিন ছাড়াও স্কুলের পর এই সব কুড়োতাম এবং শনিবারে জিনিষগুলো ত্রিশ কোপেক বা আধ রুবলে বেচতাম। রুপায়ী-শাল হলে কখন কখন তার চেয়ে পেতাম বেশি। দিদিমা ছাঁকগুলো আমার কাছ থেকে নিয়ে তাঁর স্কারটের পকেটে তাড়াতাড়ি পুরে আমার দিকে থাকিয়ে

প্রশংসা করতেন, “বা! মানিক আমার। এ দিয়ে আমাদের পোরাকি চলবে...খাসা কাজ করেছে।”

একদিন তাঁকে দেখলাম, আমার পাঁচটি কোপেক হাতে নিয়ে, সেগুলোর দিকে তাকিয়ে নীরবে কাঁদছেন। ঝাকড়া কুড়োনের চেয়ে আরও লাভের কাজ ছিল ওকানদীর ধারে কাঠের আড়ৎ বা চর থেকে কাঠ ও তক্তা চুরি করা।

আমি কয়েকটি দোসর জোগাড় করে ছিলাম! একজন ছিল সাংকা ভিয়াখির, এক ভিখারীর ছেলে। তার বয়স হবে বছর দশেক। ছেলেটি ছিল কোমলমনা, ধীর প্রকৃতি। আর একজন ছিল কোসট্রাম, তার আত্মীয়-স্বজন কেউ ছিল না। সে ছিল লম্বা, রোগা। তার চোখ দুটো ছিল খুব কালো। তার তখন তেরো বছর বয়স। এক জোড়া পায়রা চুরি করবার জন্তু তাকে পাঠানো হয়েছিল চোর-বদমায়েসদের একটা বসতিতে। দলে ছিল এক ক্ষুদে তাতার; নাম খাবি। বারো বছর বয়সের “পালোয়ান”। সে ছেলেটি ছিল সরল। তার অন্তর কোমল। আর ছিল ইয়াজ, একজন কনর-চৌকিদার ও কবর-কাটার ছেলে। তার বয়স ছিল আট বছর। সে ছিল মাছের মতো মৃক। তার মূর্ছা রোগ ছিল। সকলের চেয়ে বয়সে বড় ছিল গ্রিনকো চারকা, এক দর্জির ছেলে। সে ছিল বুদ্ধিমান ও সরল। ঘুঘি চালাতে সে ছিল ভীষণ ওস্তাদ। আমরা সকলে ছিলাম একই রাস্তার বাসিন্দা।

আমাদের গ্রামে চুরিকে অপরাধ গণ্য করা হত না। ওটা একটা প্রথা হয়ে দাঁড়িয়েছিল। আর কার্যকর অর্দাশন-ক্লিষ্ট বাসিন্দাদের জীবনধারণের একমাত্র উপায় ছিল তাই-ই। মেলা দেড়মাস থাকতো। কিন্তু তা তাদের সারা বছর বাঁচিয়ে রাখতে পারতো না।

অনেক ভদ্র-পরিবারও “নদীতে ষংসামাত্র কাজ-কর্ম করতেন”— জোয়ারে যে-সব কাঠ ও তক্তা ভেসে যেত সে-সব ধরে এক এক বারে পৃথকভাবে বা এক সঙ্গে নিয়ে যেতেন। কিন্তু এই পেশাটির মধ্যে প্রধান ছিল বজরা থেকে চুরি করা। অথবা ভলগা বা ওকার তীরে ঘোরা-ঘুরি করে যা-কিছু ঠিকমতো ও সাবধানে না রাখা হ’ত তাই-ই হাতানো। বয়স্কেরা রবিবারে তাদের সাফল্যের বড়াই করতে আর ছোটরা শুনে শিখতো।

বসন্তকালে, মেলায় আগে গরমের সময় যখন গ্রামের পথ-ঘাট মাতাল, মজুর, গাড়োয়ান ও নানা রকমের কারিগরে ভরে যেত তখন গ্রামের ছেলেদের কাজ ছিল তাদের পকেট হাতড়ানো। তারা চুরি করতে ছুতোরের ষন্ত্রপাতি, অসাবধান গাড়োয়ানদের চাবি, বোড়ার সাজ, আর গাড়ির চাকার লোহা। কিন্তু আমাদের ছোট দলটি এ ধরনের কাজ-কর্মে যোগ দিত না। চারকা একদিন স্তির কঠে জানিয়ে দিলে, “আমি চুরি করবো না। যা আমাকে চুরি করতে দেয় না।”

ধাবি বললে, “আর আমার ভয় করে।”

সুদে চোরদের প্রতি কোসট্রামের ছিল গভীর ঘৃণা। সে “চোর” কথাটি উচ্চারণ করতে অস্বস্তি জোর দিয়ে। সে যখন দেখতো অপরিচিত ছেলেরা মাতালদের পকেট মারছে, তখন সে তাদের তাড়িয়ে দিত আর তাদের কাউকে ধরতে পারলে তাকে দ্রুত বেদম প্রহার। সে বালক হলেও নিজকে মনে করতো বৃক্ক ব্যক্তি।...

ভিয়াখির চুরি করাটাকে মনে করতো পাপ। কিন্তু চর থেকে খুঁটি ও তক্তা নেওয়াকে পাপ বলে ধরা হ’ত না। সে ভয় আমাদের কারোই ছিল না।

আমাদের লুঠের মাল বেচে লাভটা ছিট ভাগে ভাগ করতাম।

সেটা সময় সময় আমাদের ভাগে পড়তো পাঁচ বা সাত কোপেক করে। সেই টাকায় একটা দিন বেশ আরামে থাকা সম্ভব ছিল; কিন্তু ভিয়াধিরের মা তাকে মারতো যদি সে এক গেলাস ব্র্যাণ্ডি বা ভদকার জন্ত কিছু না আনতো। কোসট্রাম টাকা জমাতো, পায়রার বাসা তৈরি করবে বলে। চারকার মায়ের অসুখ ছিল। তাই সে যতখানি সম্ভব কাজ করতো। খাবিও টাকা জমাতো দেশে ফিরে যাবার আশায়। সেখান থেকে তার কাকা তাকে নিয়ে এসেছিল; কিন্তু আসবার অল্পকাল পরেই লোকটি নিজনিতে ডুবে মরে! খাবি ভুলে গিয়েছিল সেই শহরটার কি নাম। তার কেবল এইটুকু মনে ছিল, জায়গাটা ভলগার কাছে কামা নদীর ধারে। কি একটা কারণে আমরা এই শহরটাকে নিয়ে মজা করতাম; তাতারটিকে ক্ষেপাতাম।

প্রথমে খাবি আমাদের ওপর রাগ করতো। একদিন ভিয়াধির তাকে তার পাখীর মতো গলায় বললে, “তোমার কি হয়েছে? তোমার সাথীদের ওপর তুমি নিশ্চয়ই রাগ কর নি?”

তাতে তাতারটি লজ্জিত হয়। পরে আমরা যখন কামার ধারে সেই অজানা শহরটির গান গাইতাম, তখন সে তাতে আনন্দে যোগ দিত।

তবুও তস্তা চুরির চেয়ে আমরা শ্রাক্‌ড়া ও হাড় কুড়োনোই পছন্দ করতাম বেশি। বসন্তকালে যখন তুষার গলে যেত এবং বৃষ্টিতে পথ ও পেভমেন্ট সব ধুয়ে পরিষ্কার করে দিত তখনই এই কাজটি ছিল মজার। যেখানে মেলা বসতো তার কাছে নর্দমায় আমরা প্রচুর পেরেক ও লোহার টুকরো কুড়িয়ে পেতাম; মাঝে মাঝে পয়সা ও টাকাও পেতাম। কিন্তু চৌকিদারকে শাস্ত করলে, যাতে সে আমাদের তাড়া না করে বা আমাদের ধলে কেড়ে না নেয়, সেজন্য তাকে কয়েকটি কোপেক দিতে বা প্রগাঢ় সম্মান দেখাতে হত। কিন্তু টাকা পাওয়া

সহজ ছিল না। তা সত্ত্বেও আমরা সকলে বেশ সন্তোষে ছিলাম। তবে কখন কখন আমাদের মধ্যে একটু-আধটু বাদ-বিতণ্ডা হত বটে। কিন্তু কখন যে গুরুতর কলহ হত এ কথা মনে পড়ে না।

আমাদের দলে যারা লিখতে-পড়তে পারতো সে কেবল চারকা আর আমি। ভিয়াথির আমাদের খুব ঈর্ষা করতো; বলতো, “আমার মা মরলেই আমিও স্কুলে যাব। মাষ্টারের কাছে বুক হেঁটে গিয়ে আমাকে স্কুলে ভর্তি করে নেবার প্রার্থনা জানাবো। লেখা-পড়া শেষ হয়ে গেলে আরক বিশপের কিছা হয়তো স্বয়ং সত্ৰাটের বাগানের মালি হব।”

তার মা বসন্তকালে এক বুদ্ধের সঙ্গে এক বোতল ভদকা শুদ্ধ একটা কাঠের গাদ্য চাপা পড়ে মারা গেল। বুদ্ধটি গির্জা-বাড়ির জন্তে চাঁদা আদায় করে বেড়াতো। সকলে স্ত্রীলোকটিকে হাসপাতালে নিয়ে গেলে চারকা ভিয়াথিরকে বললে, “চল, আমাদের সঙ্গে থাকবে। আমার মা তোমাকে লিখতে-পড়তে শেখাবে।”

এবং খুব অল্পকালের মধ্যেই ভিয়াথির গর্বভরে মাথা তুলে সাইন-বোর্ডের গায়ে লেখা “মুদিধানা” কথাটি পড়তে পারতো। তবে সে পড়তো “বালাকেইনিয়া”। চারকা তাকে সংশোধন করে দিত, “আরে ওটা ‘বাকালেইনিয়া’।

—“জানি—কিন্তু অক্ষরগুলো চারধারে এমন লাফায় ওরা লাফায় তার কারণ ওদের পড়া হচ্ছে বলে খুশি হয়।”

তুষারপাতের ও ঝড়-বৃষ্টির দিনে কবরস্থানে ইয়াজের বাড়িতে আমরা জড় হতাম। সেখানে তার বাবাও থাকতো। আমরা চা, চিনি, পাউরুটি কিনতাম, আর কিনতাম ইয়াজের বাবার জন্য কিছু ভদকা। চারকা তাকে কঠোর স্বরে হুকুম করতো, “এই অকস্মা চাবী, শ্রামোভারে আগুন দাও।”

সে হেসে তাই করতে। চায়ের দ্রুত অপেক্ষা করতে করতে আয়রা কাজের কথা আলোচনা করতাম; আর সে আমাদের সুপরামর্শ দিত। একদিন বললে, “দেখ, পরশু দিন টুমভের ওখানে তোজ হবে... সেখানে হাড় কুড়োতে পারবে।”

চারকা মস্তব্য করলে, “সেখানকার সব হাড় রাধুনিটা কুড়িয়ে নেয়।”...

ইয়াজের বাবা বলতো, “তোমরা চোর...।”

ভিয়াখির বলতো, “আমরা মোটেই চোর নয়।”

—“তাহলে ক্ষুদে চোর!”

চারকা কখন কখন তাকে ধমক দিত, “চূপ করো।”

যে-সব বাড়িতে রোগী থাকতো সে সে-সব বাড়ি গুণতো বা আন্দাজ মতো বলতো গ্রামের কত লোক শীঘ্রই মরবে। তার এ-সব কথা শুনে ভালো লাগতো না। সেজগু ইচ্ছা করেই সে ঐসব কথা আরও নীরস করে আমাদের বলতো। বলতো, “তাহলে ভয় পাচ্ছে? শিগগিরই কোন মোটা-সোটা লোক মরবে। আর কবরে সে অনেক দিন ধরে পচবে।”

আমরা তাকে ধামাতে চেষ্টা করতাম, কিন্তু সে ধামতো না। বলতো, “তোমরা জানো তোমাদেরও মরতে হবে। এই নির্দমায় অনেক কাল বেঁচে থাকতে পারবে না।”

ভিয়াখির বলতো, “বেশ। আমরা মরলে স্বর্গে আমাদের দেবদূত করবে।”

ইয়াজের বাবা বিশ্বাসে নিশ্বাস বন্ধ করে বলে উঠতো, “তো—মা—দের? তোমরা? দেবদূত?”

কিন্তু কখন কখন লোকটি গলার স্বর অদ্ভুত ভাবে নামিয়ে বলতো,

“শোন, খোকারা...! পরশু দিন ওরা একটি স্ত্রীলোককে কবর দিয়ে গেছে...বুলে ছোকরা. আমি তার ইতিহাস জনি...স্ত্রীলোকটা কি ছিল বল তো?”

সে প্রায়ই নারীদের বিষয় আলোচনা করতো, আর সে-সব আলোচনা হত অশ্লীল। তবুও তার কথার মধ্যে ছিল কতকটা মর্মস্পর্শী ও করুণ ভাব। তার কথা আমরা মন দিয়ে শুনতাম।...

সেখানকার যে-সব নারীদের সে কবর দিয়েছিল তাদের সকলেই জীবনের কাহিনী সে জানতো।

আমি যখন সেই অতীতের দিকে ফিরে তাকাই তখন দেখি আমাদের দিন ধারাপ কাটেনি। অসঙ্গতিপূর্ণ সেই স্বাধীন জীবন ছিল আমার কাছে মোহন।

স্কুলে আবার আমার দিনগুলি হয়ে উঠলো কঠোর ও দুঃখের। ছেলেরা আমার নাম রেখেছিল “শ্যাকড়া কুড়ুয়ে” ও “ভবঘুরে।” একদিন তাদের সঙ্গে ঝগড়ার পর তারা শিক্ষককে বললে আমার গা থেকে নর্দামার গন্ধ বার হচ্ছে, তারা আমার পাশে বসতে পারছে না। মনে পড়ে, এই অভিযোগটি আমাকে কতখানি মনকষ্ট দিয়েছিল। তারপর আমার পক্ষে স্কুলে যাওয়া হল কত কঠিন। অভিযোগটা হয়েছিল বিদেহ বশে। প্রত্যহ সকালে আমি ভাল করে স্নান করতাম; এবং যে-পোশাক পরে শ্যাকড়া কুড়োতাম সে পোশাকে স্কুল যেতাম না।

যাহোক পরিশেষে আমি পরীক্ষায় পাস করে ইখানো “গস্‌পেল” ও “ক্রিলভের গল্প” এবং “ফাতা-মারগানা” নামে আর একখানি বই পুরস্কার পেলাম। শেষের বইখানা বাধ্যনো ছিল না; নামটাও ছিল আমার কাছে দুর্কোষ্য। সেই সন্দেশ আমাকে প্রশংসা করে একখানি

প্রশংসা-পত্রও কর্তারা দিয়েছিলেন। পুরস্কারগুলি বাড়ি নিয়ে গেলে দাদামশায় খুশি হয়েছিলেন এবং আমাকে তাঁর মনের কথাটিও জানিয়ে দিয়েছিলেন। বলেছিলেন, বইগুলো আমার কাছ থেকে নিয়ে বাস্কে বন্ধ করে রাখবেন। দিদিমা দিন কতক অস্থস্থ হয়ে বিছানায় পড়ে ছিলেন। তাঁর হাতে একটি কপর্দকও ছিল না। দাদামশায় অনবরত দীর্ঘশ্বাস ফেলতেন আর বলতেন, “তুমি আমার সব খেয়ে ফেলবে। উঃ!” তাই আমি বইগুলি একটি ছোট দোকানে নিয়ে গিয়ে পঞ্চান্ন কোপেকে বেচে টাকা কয়টি দিদিমাকে দিলাম। আর প্রশংসা-পত্রখানার ওপর যা-তা লিখে নষ্ট করে সেখানা দিলাম দাদামশায়ের হাতে। দাদামশায় সেখানা উল্টে না দেখেই আমার হাত থেকে নিয়ে এক জায়গায় সরিয়ে রাখলেন; আমার নষ্টামীটা তখন ধরতে পারলেন না, কিন্তু পরে তার মূল্য আমি পেয়েছিলাম।

স্কুল-জীবন তো শেষ হয়ে গেল। আবার আমি পথে পথে দিন কাটাতে আরম্ভ করলাম। জীবনটা হল আগের চেয়ে ভালই।

তখন বসন্তের মাকামাঝি; সহজেই টাকা রোজগার হচ্ছিল। রবিবারে আমাদের সমগ্র দলটি খুব ভোরে উঠে যেত মাঠে বা বনে। বনের গাছ-পালা তখন কচি কোমল, সতেজ পাতায় ভরে উঠেছে। সন্ধ্যা গাঢ় হয়ে এলে তবে সকলে বাড়ি ফিরতাম। তখন সকলেই হতাম ক্লাস্ত। কিন্তু সে ক্লাস্তিতে ছিল আনন্দ। আমাদের পরস্পরের সঙ্গ হত আরও নিবিড়।

কিন্তু এই ধরনের জীবন বেশি দিন থাকে নি। দেনা করবার কালে আমার বি-পিতাকে কর্মচ্যুত করা হয়েছিল। তাই তিনি আবার অদৃশ হয়েছিলেন। যা আমার ছোট ভাই নিকোলাইকে



নিয়ে দাদামশায়ের কাছে ফিরে এসেছিলেন। কাজেই আমাকে নার্স হতে হল। কারণ দিদিমা গিয়েছিলেন বাইরে এক ধনী ব্যবসায়ীর বাড়িতে থেকে তার কাপড় সেলাই করবার কাজ করতে।

মা এমন দুর্বল ও রক্তশূণ্য হয়ে পড়েছিলেন যে, তিনি প্রায় ইন্টারভিউ পারতেন না। তিনি যখন চারধারে তাকাতে, তাঁর চোখে একটা ভীষণ ভাব ফুটে উঠতো। আমার ভাইটির হয়েছিল গলগণ্ড এবং তার সারা গায়ে হয়েছিল ঝর্ণাদায়ক ক্ষত। সে এমন দুর্বল হয়ে গিয়েছিল যে, জোরে কাঁদতে পারতো না। যখন ক্ষিপ্ত পেত তখন কেবল একটু গৌঁ গৌঁ শব্দ করতো। তাকে ধাওয়ালে সে ঘুমিয়ে পড়তো এবং ঘুমিয়ে ঘুমিয়ে বিড়াল ছানার মতো খুব আশ্চর্যজনক ভাবে মিউ মিউ শব্দ করতো।

তাকে মনোযোগ দিয়ে লক্ষ্য করে দাদামশায় বলেছিলেন, “ওর প্রচুর ভাল খাবার ধাওয়া দরকার; কিন্তু তোমাদের সকলকে ধাওয়ানোর মতো যথেষ্ট আমাদের নেই।”

মা ঘরের কোণটিতে বিছানায় বসে দীর্ঘনিশ্বাস ফেলে ভাঙা গলায় বলেছিলেন, “ও বেশি কিছু চায় না।”

—“একজনের জন্তে একটু, আর একজনের জন্তে আর একটু এগ্নি কোরেই গাদা হয়।” তারপর আমার দিকে ফিরে হাত নেড়ে বলেছিলেন, “নিকোলাইকে রোদে রাখতেই হবে—ধানিকটা বালির মধ্যে।”

আমি এক বস্তা পরিষ্কার বালি টেনে বার করে যেখানে খুব রোদ পড়তো সেখানে ঢেলে গাদা করে, দাদামশায়ের কথামতো আমার ভাইটিকে তার মধ্যে গলা অবধি ডুবিয়ে বসিয়ে রাখতাম। ছেলেটা বালির মধ্যে বসে থাকতে ভালবাসতো; বড় মিষ্টি করে কপচাতো,

তার উজ্জল চোখ দুটি মেলে আমার দিকে তাকাতো। তার চোখ দুটি ছিল অসাধারণ। তাতে সাদা মণি ছিল না, ছিল কেবল নীল তারা ; তার চারধারে উজ্জল বেগুনি।

আমার এই ভাইটির প্রতি আমি আকৃষ্ট হয়ে পড়েছিলাম। জানলার নিচে, তার পাশে বালির ওপর যখন স্তয়ে থাকতাম মনে হত সে যেন আমার মনের সব কথা বুঝতে পারছে। জানলাটা দিয়ে দাদামশায়ের তীক্ষ্ণ গলার আওয়াজ শোনা যেত. “ও যদি মরে— মরতে ওর বেশি কষ্ট হবে না—তুমি বাঁচবার স্বেচ্ছা পাবে।”

মা কাসির দমকে তাঁর কথার উত্তর দিতেন।

হাত দুখানি বালি থেকে মুক্ত করে ছোট সাদা মাথাটি দোলাতে দোলাতে সে আমার দিকে বাড়িয়ে দিত। তার মাথায় চুল ছিল সামান্য ; যে-কয়টি ছিল তাও প্রায় সাদা। তার ছোট মুখখানিতে ছিল বুদ্ধ ও বিজ্ঞের মতো ভাব। আমাদের কাছে যদি কোন মুরগী বা বিড়াল আসতো কোলাই তার দিকে তাকিয়ে থাকতো। তারপর আমার দিকে তাকিয়ে প্রায় অর্থভরা হাসি হাসতো। তার সেই হাসি আমাকে বিচলিত করতো। একি সম্ভব যে সে বুঝতে পারতো, তার সঙ্গ আমার ভাল লাগছে না, আমি তাকে সেখানে রেখে বাইরে রাস্তায় ছুটে যেতে চাই ?

আমাদের বাড়ির আঙিনাটা ছিল ছোট, চাপা ও নোংরা। ফটকের কাছ থেকে ধোবিখানা অবধি ছিল ছান্নডের পর ছান্নড ও ছোট ছোট কুঠরি। সেগুলোর চাল ছিল পুরোনো নোকো ভাঙা দিয়ে তৈরি। যে-সব খোঁটা, তক্তা, জিহাজ কাঠের টুকরো আশ-পাশের বাসীন্দারা ওকার বরফ গলানোর বা বস্তার সময় সংগ্রহ করতো সে-সবই ছিল তার উপকরণ। আঙিনাটি জুড়ে ছিল নানা রকমের

ভিজে কাঠের গাদা। রোদে সেগুলো রসে উঠতো ও পচা গাঢ় দুর্গন্ধ ছাড়তো।

আমাদের পাশের বাড়িটা ছিল একটা কসাইখানা। সেখানে ছাগল-ভেড়া-বাহুর কাটা হত। প্রায় প্রত্যহ সকালে সেখান থেকে শোনা যেত বাহুরের ডাক ও ভেড়ার কাতর চীৎকার। এবং সময়ে সময়ে রক্তের গন্ধ এমন উগ্র হয়ে উঠতো যে আমার মনে হত যে সেটা বাতাসে স্বচ্ছ, লাল জালের মত হয়ে ভেসে বেড়াচ্ছে।

বাহুর-ভেড়াগুলোর শিংয়ের মাঝখানে কসাইরা যখন কুড়ুলের হাতল দিয়ে মারতো আর তারা চীৎকার করতো কোলাই তখন চোখ মিট মিট করে তাকাতো, ঠোঁট দিয়ে শব্দ করতো, যেন সে স্বরটা নকল করতে চায়; কিন্তু পারতো না, কেবল করে উঠতো, “হু—”

হুপুরে জানলা দিয়ে গলা বার করে দাদামশায় ডাকতেন, “খাবার।”

বাচ্চাটিকে তিনি নিজে খাওয়াতেন। তাকে হাঁটুর ওপর বসিয়ে তার মুখে আলু ও পাঁউরুট গুঁজে দিতেন। সেগুলো তার পাতলা ঠোঁট দুখানির চারধারে ও খুঁনিতে লেগে যেত। তাকে একটু খাইয়েই দাদামশায় তার ফোলা পেটটায় আঙুলের খোঁচা দিয়ে নিজের মনে আলোচনা করতেন, “এতেই হবে, না, আরও একটু দেব?”

তখন অস্বস্তিকার কোণ থেকে মায়ের গলার স্বর শোনা যেত, “দেখ! ও আরও পাঁউরুট চায়।”

দাদামশায় বলতেন, “বোকা মেয়ে! কি করে বুঝবে ওর কতখানি খাওয়া দরকার?” কিন্তু খাবার তাকে খানিকটা ধেতে দিতেন।

এই ঋণাত্মক ব্যাপারটা দেখে আমার বড় লজ্জা বোধ হত; আমার গলার ভেতর ঘেন একটা পুঁচলি ঠেলে উঠতো।

অবশেষে দাদামশায় বলতেন, “এতেই হবে। ওকে মায়ের কাছে নিয়ে যাও।”

কোলাইকে কোলে নিতাম। সে কাঁদতে কাঁদতে টেবিলের দিকে হাত বাড়িয়ে দিত। মা অতি কষ্টে উঠে শুষ্ক, মাংসহীন, লম্বা, সরু হাত দুখানা বাড়িয়ে আমার দিকে এগিয়ে আসতেন।

তিনি প্রায় মুক হয়ে পড়েছিলেন। তাঁর গাঢ় কণ্ঠস্বর শোনাই যেত না। তিনি কোণটিতে সারাদিন নীরবে পড়ে থেকে তিলে তিলে মৃত্যুর দিকে এগিয়ে যাচ্ছিলেন আমি তা অনুভব করতাম। জানতামও। বিশেষ করে আঙিনায় যখন অন্ধকার ঘনিষে আসতো দাদামশায় প্রায়ই মৃত্যুর কথা বলতেন। তাঁর বলার রীতি ছিল বৈচিত্র্যহীন। তখন জানলার ধারে একটা পচা, তপ্ত দুর্গন্ধ ঘুরে বেড়াতো।

দাদামশায়ের জানলাটি ছিল সামনের কোণটিতে, প্রায় বিগ্রহটির তলায়। তিনি সেদিকে মাথা করে শুতেন। অন্ধকারে বহুক্ষণ তাঁর বকর বকর শোনা যেত। “আমাদের মরবার সময় হয়ে এসেছে। ভগবানের সামনে কেমন ভাবে দাঁড়াবো? তাঁকে কি বলবো? সারা জীবন ধরে আমরা সংগ্রাম করে আসছি। আমরা কি করেছি? আর কি উদ্দেশ্যে সে-সব করলাম?”

আমি ঠোঁট আর জানলাটির মাঝে মেঝের ছতাম। শোবার বর্ধেট জায়গা পেতাম না বলে উইনের মধ্যে পা দুখানা ঢুকিয়ে দিতাম। আরগুলো আমায় পায়ের শুড়শুড়ি দিত। এই কোণটিতে আমি একটুও আনন্দ বা আরাম পেতাম না। কারণ দাদামশায় রাতের সময় উইন খোঁচানো ডাঙাটার গোড়া দিয়ে জানলাটা অনবরত

ভাঙতেন। দাদামশায়ের মতো চালাক লোককে ডাঙাটার আগা কেটে ছোট করে না নিতে দেখে আমার বড় মজা লাগতো; খুব আশ্চর্য্য বোধ হত।

একদিন উলুনে বধন পটে একটা কি সিদ্ধ হচ্ছিল তিনি ডাঙাটা তখন এমন অসন্তর্ক ভাবে চালিয়েছিলেন যে জানলার ফ্রেমটা ও দুখানা সাসি গিয়েছিল ভেঙে আর পটটা উটে পড়ে উলুনটাকেও আশ্রয় রাখেনি। বুদ্ধ তাতে এমন রেগে উঠেছিলেন যে, মেঝেয় বসে চাঁৎকার করেছিলেন।

সেদিন তিনি বেরিয়ে গেলে আমি একখানা কুটি-কাটা ছুরি দিয়ে ডাঙাটার প্রায় সিকি বা এক তৃতীয়াংশ কেটে ফেলে দিলাম। কিন্তু বধন সেটা তাঁর চোখে পড়লো তিনি আমাকে ভৎসনা করলেন, “শয়তান। ওটা করাত দিয়ে কাটা উচিত ছিল। টুকরোটা দিয়ে আমরা একটা বেলন তৈরি করে বেচতে পারতাম!” এবং হাত দুখানা উন্মাদের মতো ছুড়ে তিনি ছুটে ঘর থেকে বেরিয়ে গেলেন। মা বললেন, “তোমার শুতে মাথা গলানো উচিত হয় নি...”

মা আগষ্ট মাসে এক রবিবারে প্রায় দুপুরের দিকে মারা যান। আমার বি-পিতা তার অল্পকাল আগে ফিরে এসেছিলেন এবং স্কোথায় বেন একটা চাকরি পেয়েছিলেন। স্টেশনের ধারে একটা নতুন স্ল্যাটে দ্বিদিমা কোলাইকে তাঁর কাছে নিয়ে যান।

মৃত্যুর দিন সকালে মা আমাকে বললেন, “হিউজেন বাসিলিয়েকের কাছে যাও। তাকে আমার কাছে আসতে বলো।”

তাঁর এমন ষাটো, হালকা, পরিষ্কার কণ্ঠস্বর আমি স্মৃতি তুলি নি।

আমার ছেলেবেলা

২৯৬

বিছানা থেকে উঠে দেওয়াল ধরে দাঁড়িয়ে তিনি আবার বললেন, “ছুট দাও—শিগগির।”

আমার মনে হচ্ছিল, তিনি হাসছেন, তাঁর চোখে ফুটে উঠেছে এক নতুন আলো।

আমার বি-পিতা গিয়েছিলেন গির্জায়। দিদিমা আমাকে পাঠালেন তাঁর জন্য কিছু নশ্ব আনতে। তৈরী নশ্ব হাতের কাছে ছিল না বলে আমাকে দাঁড়াতে হল। তারপর নশ্ব নিয়ে দিদিমার কাছে ফিরে এলাম।

সেখান থেকে দাদামশায়ের বাড়ি গিয়ে দেখি মা একটি পরিষ্কার ও গিলাক-রঙের ক্রক পরে, স্নানর করে চুল বেঁধে টেবিলের ধারে বসে আছেন। তাঁকে আগের মতোই দেখাচ্ছে চমৎকার। এক অব্যক্ত আশঙ্কায় আমি তাঁকে জিজ্ঞেস করলাম, “তুমি ভাল বোধ করছো, মা!”

তিনি আমার দিকে স্থির দৃষ্টিতে তাকিয়ে বললেন, “এদিকে এস! কোথায় ছিলে? জ্যা?”

আমি উত্তর দেবার আগেই তিনি এক হাতে আমার চুলের মুঠি ধরে আর এক হাতে করাত থেকে তৈরী একখানা ছুরি নিয়ে ছুরি-খানা বার করলেন ঘুরিয়ে আমাকে তার ফলার চওড়া দিকটা দিয়ে মারলেন। ছুরিখানা তাঁর হাত থেকে পিছলে যেখেন পড়ে গেল। বললেন, “তুলে দাও।”

ছুরিখানা কুড়িয়ে নিয়ে আমি টেবিলের ওপর ছুড়ে ফেললাম। তিনি আমাকে তাঁর কাছ থেকে ঠেলা দিয়ে সরিয়ে দিলেন। আমি স্টোভের ধারে বসে লভয়ে তাঁর কাজ-কর্ম লক্ষ্য করতে লাগলাম।

চেয়ার থেকে উঠে তিনি ধীরে নিজের জায়গাটিতে গিয়ে বিছানায়

শুয়ে পড়ে রুমাল দিয়ে মুখের ঘাম মুছতে লাগলেন। তাঁর হাত ছুঁখানি নড়তে লাগলো; ছুবার মুখে হাত না ঠেকে লাগলো বালিশে। আমাকে বললেন, “একটু জল দাও...”

একটি কলসী থেকে একটি পেয়ালায় খুনিকটা জল ঢেলে তাঁকে দিলাম। তিনি কষ্টে মাথা তুলে একটু জল খেলেন। তারপর তাঁর ঠাণ্ডা হাতখানি দিয়ে আমার হাতখানা ঠেলে সরিয়ে দিয়ে গভীর শ্বাস টানলেন। তারপর কোণে বেঞ্চে বিগ্রহটি ছিল সেদিকে একবার তাকিয়ে আমার দিকে চোখ ফেরালেন ও ঠোট ছুঁখানি নাড়লেন যেন হাসলেন। এবং ধীরে তাঁর চোখের দীর্ঘ পাতা ছুঁখানি বন্ধ করলেন। তাঁর কন্ঠই দুটি দেহের দুপাশে লেগে রইলো; আঙুলগুলি হালকাভাবে একটু একটু নড়ছিল। হাত ছুঁখানি ধীরে বৃকের ওপর উঠে গলার দিকে এগিয়ে যেতে লাগলো। তাঁর মুখখানির ওপর পড়লো ছায়া; তাতে সারা মুখখানি গেল ছেয়ে। চামড়ার রঙ হয়ে গেল হলদে, নাকটিকে করে ফেললো তীক্ষ্ণ। তাঁর মুখটুকু গেল ঠা হয়ে যেন তিনি কিসের জন্তু বিন্মিত হয়েছেন; কিন্তু তাঁর নিশ্বাস শোনা যাচ্ছিল না। জানিনা, কতক্ষণ মায়ের বিছানার পাশে পেয়লাটি হাতে করে দাঁড়িয়ে তাঁর মুখখানিকে অসাড় ও পাংশু হয়ে যেতে দেখেছিলাম।

দাদামশায় যখন ঘরে এলেন তাঁকে বললাম, “মা মারা গেছেন।”

তিনি বিছানার দিকে একবার তাকিয়ে বললেন, “তুমি মিছে কথা বলছো কেন?” তিনি ঠোণ্ডের কাছে গিয়ে জল-ছিটুনিটা নিয়ে জীবন জোরে নাড়তে লাগলেন।

মা মারা গেছেন জানতাম। আমি দাদামশায়ের দিকে তাকিয়ে অপেক্ষা করতে লাগলাম, তিনিই ব্যাপারটা জেনে নিন।

আমার ছেলেবেলা

২৯৮

আমার বি-পিতা এলেন খালাসির পোশাক পরে মাথায় সাদা টুপি দিয়ে। তিনি নিঃশব্দে একখানি চেয়ার তুলে মায়ের বিছানার কাছে সেটা নিয়ে গেলেন এবং হঠাৎ সেটা দড়াম করে মেঝের ফেলে শিশুর মতো গলায় জোরে বলে উঠলেন, “হ্যাঁ—ও মরে গেছে। দেখুন!”

দাদামশায় চোখ দুটি বিস্ফারিত করে সেই বস্তুটি হাতে নিয়ে ষ্টোভের কাছ থেকে অন্ধের মতো হাঁচট খেয়ে নিঃশব্দে সরে গেলেন।

\* \* \* \* \*

মায়ের অন্ত্যেষ্টিকর কয়েক দিন পর দাদামশায় আমাকে বললেন, “লেক্সি, আর তুমি আমার গলগ্রহ হয়ে না। এখানে তোমার আর স্থান নেই। তোমাকে সংসার-পথে বেরিয়ে পড়তে হবে।”

তাই আমি বেরিয়ে পড়লাম ছুনিয়ার পথে।

*Bangla*  
*Book.org*

শেষ